

2  
RENATI DES CARTES  
SPECIMINA  
PHILOSOPHIÆ:

S E U  
DISSERTATIO  
D E

M E T H O D O

Rectè regendæ rationis, & veritatis in scientiis  
investigandæ:

D I O P T R I C E,

E T

M E T E O R A.

Ex Gallico translata, & ab Auctore perfecta, variis-  
que in locis emendata.

*Ultima Editio cum optima collata, diligenter recognita,  
& mendis expurgata.*



AMSTELODAMI,

Apud DANIELEM ELZEVIRIUM,  
Anno c<sup>o</sup> 1<sup>o</sup> c<sup>o</sup> LXXII.

*Cum Privilegio.*

# P R I V I L E G E.

**L**OUÏS par la grace de Dieu Roy de France & de Navarre, à nos amez & feaux Conseillers les gens tenans nos Cours de Parlement, Baillifs, Seneschaux, Prévôts, Juges, ou leurs Lieutenans, & autres nos Juges & Officiers quelconques, A thascun d'eux, ainsi qu'il appartiendra, salut. L'invention des Sciences & des Arts accompagnés de leurs démonstrations, & des moyens de les mettre à execution, estant une production des Esprits qui sont plus excellens que le commun, a fais que les Princes & les Estats en ont toujours receu les inventeurs avec toutes sortes de gratifications, afin que ces choses introduites e: lieux de leur obeissance, ils en deviennent plus florissans. Ainsi nostre bien amé

Des Cartes nous a fait remonstrer qu'il a par une longue estude rencontré & démontré plusieurs choses utiles & belles, auparavant incognues dans les Sciences humaines, & concernant divers arts avec les moyens de les mettre en execution. Toutes lesquelles choses il offre de bailler au public, en luy accordant qu'il puisse faire imprimer des Traitez qu'il en a composés & composera cy après, soit de theorie, soit de pratique, séparément & conjointement en telle part que bon luy semblera dedans ou dehors nostre Royaume, & par telles personnes qu'il voudra de nos sujets & autres, avec les defences accoustumées en cas pareil. Nous requerrans humblement nos Lettres à ce necessaires. A ces causes desfrant gratifier ledit Des Cartes, & faire cognoître que c'est à luy que le public a l'obligation de ces inventions, nous avons par ces presentes accordé, permis, voulons, & nous plaist, que le dit Des Cartes puisse faire & face imprimer toutes les œuvres qu'il a composées & qu'il composera touchant les sciences humaines, en tel nombre de traités & de volumes que ce soit, séparément & conjointement, en telle part que bon luy semblera, dedans & dehors nostre obeissance, par telles personnes qu'il voudra choisir de nos sujets ou autres. Et que pendant le terme de dix années consecutives à compter pour chascun volume ou traité du jour qu'il sera parachevé d'imprimer, mesmes auparavant ce terme commencé, aucun ne puisse imprimer ou faire imprimer, en tout ny en partie, sous quelque pretexte ou deguisement que ce puisse estre, aucune des œuvres du dit Des Cartes, que ceux de nos sujets ou autres auxquels il en aura donné la permission, ny personne en vendre & debiter d'autre impression que de celle qui aura esté faite par sa permission, à peine de mille livres d'amande, confiscation de tous les exemplaires, despens, dommages & interêts, applicables moitié aux pauvres & moitié au profit du dit Des Cartes. Si vous mandons & à chascun de vous enjoignons par ces presentes, que du contenu en icelles vous faires, laissez, & souffrez jouir & user pleinement & paisiblement le dit Des Cartes, faisant cesser tous troubles & empeschemens contraires. Et d'autant que de ces presentes on pourroit avoir affaire en plusieurs lieux; Nous voulons qu'an Vidimus & extrait d'icelles deusments collationné par un de nos amez & feaux Conseillers & Secretaires soy soit adjouctée comme au presens original. Car tel est nostre plaisir. Donné à Paris le 1111 Jour de May mil six centz trente sept, & de nostre regne le vingtiesme.

Par le Roy en son Conseil,

Cebéret.

Et scellé du grand sceau de cire jaune sur simple queue.

# MATERIARUM CONTENTARUM

in Differtatione de Methodo recte utendi ratione,  
& veritatem in scientiis investigandi.

1. **V**aria circa scientias considerationes. 1
2. Principia illius Methodi, quam investigavit Auctor, regula. 7
3. Quadam Morali scientiarum regula, ex hac Methodo deprompta. 14
4. Rationes quibus existensia Dei & anima humana probatur. qua sunt Metaphysica fundamenta. 20
5. Quaestionum Physicarum ab Auctore investigatarum erdo; ac in specie motus cordis, & quarundam aliarum ad Medicinam spectantium perplexarum opinionum enodatio: tum, qua sit inter nostram & brutorum animarum differentia. 26
6. Quid requiripuset Auctor, ad ulterius progrediendum in Natura perscrutatione, quam hactenus factum sit; & qua rationes ipsius ad scribendum impulerint. 37

## I N D E X

### Materiarum contentarum in Dioptrica.

#### CAPUT I. De Lumine.

1. **V**isus praestantia; & quantum nuper inventis perspicillis adjuvetur. 49
2. Sufficere, naturam luminis concipere, ad omnes ejus proprietates intelligendum. 50
3. Quomodo radii ejus in instanti à Sole ad nos perveniant. ibid.
4. Quomodo ejus ope colores videntur; & quanam sit natura colorum in genere. 51
5. Non opus esse speciebus intentionalibus ad eos videndum, neque ut in objectis aliquid sit nostris sensibus simile. ibid.
6. Nos interdum videre ope radiorum qui ab

objectis in oculos nostros veniunt: Contra fides noctis videre ope radiorum, qui ab ipsorum oculis in objecta tendunt. ibid.

7. Quanam sit materia qua radios transmittit: & quomodo diversorum objectorum radii simul in oculum ingredi possint: aut ad diversos oculos tendentes per eandem aëris locum sine permutatione transire; aut ita, ut alii non sint aliis impedimento: nec ab aëris fluiditate impediuntur; nec à ventorum agitatione; nec à vitri aut aliterum ejusmodi pellucidorum corporum duritie: & qui fieri possit, ut nihilominus sint recti. 52
8. Quid proprie sint isti radii: & quomodo infiniti à singulis illuminati corporum punctis exeant. 53
9. Quid sit corpus nigrum, quid album. Item, quid sit speculum; & quomodo specula, tam plana, quam convexa, radios reflectant. In quo consistat natura mediorum colorum. 55
10. Quomodo colorata corpora radios reflectant; & quid sit refractione. ibid.

#### CAPUT II. De Refractione.

1. **Q**uomodo fiat reflexio. 56
2. Non esse necesse ut corpora mota aliquo momento hæreant in illis à quibus reflectantur. 57
3. Cur angulus reflexionis sit aequalis angulo incidentia. ibid.
4. Quantum motus pila inflectatur, cum lineum trajicit. 58
5. Et quantum, cum in aquam ingreditur. 59
6. Cur refractione tanto sit major, quanto in-

- cidentia est obliquior: & nulla, cum incidentia est perpendicularis. Es cur aliquando bombardarum pila versus aquam dispoſa in eam non poſſint ingredi, ſed verſus aërem refleſctantur.* *ibid.*
7. *Quantum radii refringantur à pellucidis corporibus, in qua penetrant.* 61
8. *Quomodo refractionum magnitudinem metiri oporteat.* 62
9. *Radius facilius trajicere vitrum, quam aquam, & aquam quam aërem, & cur id fiat.* *ibid.*
10. *Cur radiorum aquam ſubvenientium refractionis aequalis ſit radiorum inde exenſum refractioni. Es cur id non ſit univerſale in omnibus pellucidis corporibus.* 63
11. *Radius aliquando incurvari poſſe, nec tamen ex eodem pellucido corpore exire.* *ibid.*
12. *Quomodo fiat refractionis in ſingulis curvaturarum ſuperficierum punctis.* *ibid.*

## CAPUT III.

## De Oculo.

1. **M**embranam, vulgo retinam dictam, nihil aliud eſſe quam nervum opticum. 64
2. *Quales ſint refractiones ab oculi humoribus producta.* 65
3. *In quem uſum pupilla contractur & dilatetur.* *ibid.*
4. *Motum iſtum pupilla voluntarium eſſe.* 66
5. *Humorem crystallinum eſſe muſculi inſtar, qui totius oculi figuram mutare poſſe: & filamenta proceſſus ciliares dicta, illius eſſe tendinas.* *ibid.*

## CAPUT IV.

## De Senſibus in genere.

1. **A**nimam ſenſire, non corpus; idque quatenus eſt in cerebro, non quia alia membra animas. 67

2. *Iſſam nervorum ope ſenſire.* *ibid.*
3. *Interiorem iſtorum nervorum ſubſtantiam ex multis tenuiſſimis capillamentis conſtare.* *ibid.*
4. *Eoſdem eſſe nervos qui ſenſibus & qui motibus inſerviunt.* *ibid.*
5. *Spiritus animales in iſtorum nervorum membranis contentos membra movere: ſubſtantiam illorum internam ſenſibus inſervire: & quomodo ope nervorum fiat ſenſus.* 68
6. *Ideas, quas ſenſus externi in phantaſiam mittunt, non eſſe imagines objectorum; autſaltem opus non eſſe ut eis ſimiles ſint.* *ibid.*
7. *Diverſos motus ſenſuum uniuiſcujuſque nervi capillamentorum ſufficere ad diverſos ſenſus producendum.* 69

## CAPUT V.

## De Imaginibus quæ formantur in fundo oculi.

1. **C**omparatio iſtarum imaginum cum iis qua in obſcuro cubiculo conſpiciuntur. 71
2. *Explicatio iſtarum imaginum in oculo animalis motui.* *ibid.*
3. *Huius oculi figuram paulo longiorem eſſe reddendam, cum objecta propinqua ſunt, quam cum ſunt remota.* 73
4. *Multos in hunc oculum radios ab unoquoque objecti puncto ingredi: omnes illos qui ab eodem puncto procedunt, in fundo oculi congregari debere circa idem punctum; figuramque ſuam in hunc finem eſſe collocandam: diverſorum radiorum puncta ibidem in diverſis punctis congregari debere.* *ibid.*
5. *Quomodo colores videantur per chartam albam, quæ eſt in fundo iſtius oculi. Imagines qua ibi formantur, ſimilitudinem objectorum referre.* *ibid.*
6. *Quomodo pupilla magnitudo iſtarum imaginum perfectioni inſerviat.* 75
7. *Que-*



7. *Quomodo etiam eidem inservias refractione qua fit in oculo; & obstitura esset, si major foret aut minor quam re ipsa est.*  
ibid.
8. *Quomodo internarum istius oculi partium migredo, & cubiculi obscuritas in quo ista imagines conspiciuntur, eidem etiam inservias: cur nunquam adeo perfecta sint in suis extremitatibus atque in medio: & quomodo intelligi debeat quod vulgo dicitur, visionem fieri per axem.*  
77
9. *Ampliusudinem pupilla, dum colores vividiores facit, figuras minus distinctas reddere; ac proinde mediocrem tantum esse debere. Objecta, qua sunt à latere illius ad cuius distantiam oculus dispositus est, ab eorum remotiora aut propiora, minus distincte in eo representari, quam si equali prope distantia abessent.*  
ibid.
10. *Imagines istas esse inversas; figurasque illarum mutari aut contrahi, pro ratione distantia aut situs objectorum.*  
79
11. *Imagines istas perfectiores esse in oculo animalis vivi, quam mortui; & in oculo hominis, quam bovis.*  
ibid.
12. *Illas qua apparent ope lentis vitreae in cubiculo obscuro, ibi eodem modo, atque in oculo, formari: & in iis experimentum capi posse multorum, qua hic dicta confirmant.*  
ibid.
13. *Quomodo hæc imagines ab oculo in cerebrum transeant.*  
81
- veluti plurima conspiciantur lumina, & in auribus, ut soni audiantur; atque ita eadem vis diversas sensationes in diversis organis producat.*  
83
4. *Cur clausis paulo post conspectum Solem oculis, varios colores videre videamur.*  
ibid.
5. *Cur aliquando diversi calores appareant in corporibus tantum pellucidis, sicut in iride tempore pluvio.*  
ibid.
6. *Sensum luminis majorem aut minorem esse, prout objectum propius aut remotius est; item prout pupilla, atque imago qua in oculi fundo depingitur, major aut minor est.*  
ibid.
7. *Quomodo capillamentorum nervi optici multitudo visionem distinctam reddit.*  
84
8. *Cur prout diversi coloribus variegata, eminus unius tantum coloris appareant, & cur omnia corpora minus distincte eminus quam continuis conspiciantur, atque imaginis magnitudo visionem distinctiorem reddat.*  
85
9. *Quomodo agnoscamus situm objecti quod intuemur, aut ejus quod digito nobis eminus monstratur.*  
ibid.
10. *Cur inversio imaginis qua fit in oculo, non impediat, ne objecta recta appareant: & cur id quod duobus oculis conspiciuntur, aut duabus manibus tangitur, non ideo duplex appareat.*  
85
11. *Quomodo motus qui immutant oculi figuram, efficiant ut objectorum distantia deprehendatur.*  
87
12. *Etiam si motus isti nobis inscii fiant, nos tamen quid significans agnoscere.*  
ibid.
13. *Amorum oculorum conspiratio, animadvertenda distantia inservit; nec non unius oculi, si loco suo moveatur.*  
ibid.
14. *Quomodo distinctio aut confusio figura, & majus aut minus lumen, efficiant ut distantia animadvertatur.*  
88
15. *Objectorum, qua intuemur, præcedentem cognitionem, ipsorum distantia motus distinguere.*  
89

## CAPUT VI.

### De Visione.

1. **V**isionem non fieri ope imaginum, qua ab oculis transeant in cerebrum; sed ope motuum qui ipsas componunt.  
82
2. *Istorum motuum vi percipi lumen, & colores; item sonos, saporos, titillationem, & dolorem.*  
ibid.
3. *Cur istum in oculo acceptus efficiat, ut*

## De modis visionem perficiendi.

- gnoscentia inservire: idemque situm effi-  
cere. x2
16. Quomodo uniuscuiusque objecti magni-  
tudo & figura dignoscatur. ibid.
17. Cur nos aliquando visus fallat; & phre-  
netici, aut qui dormiunt, putent, se videre  
quod non vident. ibid.
18. Cur aliquando objecta duplicia videan-  
tur; & tactui efficiat, ut objectum du-  
plex esse putetur. 90
19. Cur istherici, aut qui per flavum vi-  
trum conspiciunt; omnia qua vident, fla-  
va esse judicent. Et quis sit locus è quo  
conspicitur objectum per vitrum planum,  
cujus superficies non sunt parallela; &  
per vitrum concavum; curque tunc ob-  
jectum minus, quam sit, appareat. Item,  
quis sit locus è quo per vitrum convexum  
videtur; & cur ibi aliquando ma-  
jus & remotius, aliquando vero minus  
& propius appareat quam revera sit,  
aut etiam inversum. Denique, quis sit  
locus imaginum, qua conspiciuntur in  
speculis tam planis quam convexis aut  
concavis; & cur ibi appareant recta aut  
inversa, majores aut minores, & propio-  
res aut remotiores, quam sunt ipsa ob-  
jecta. 91
20. Cur facile decipiamur in judicando de  
distantia; quomodoque probari possit, nos  
non solere distantiam 100 aut 200 pedi-  
bus majorem imaginari. 93
21. Cur Sol & Luna majores videantur  
Horizonti proximi, quam ab eo remoti:  
apparentemque eorum magnitudi-  
nem ex angulo visionis non esse mensu-  
randam. ibid.
22. Cur alba & luminosa objecta, propiora  
& majora, quam sunt, appareant. ibid.
23. Cur omnia corpora valde parva aut  
valde remota, appareant rotunda. 94
24. Quomodo remotiones fiant in tabulis  
secundum Perspectivæ regulas delineatis.  
ibid.

1. Tria in visione esse consideranda:  
objecta, organa interiora, & ex-  
teriora. 95
2. Quatuor tantum ad visionem perfectam  
reddendam requiri. ibid.
3. Quomodo natura primo istorum prospe-  
xerit; & quid super sit, quod ars illi  
addat. 96
4. Quod discrimen sit inter juvenum &  
senum oculos. ibid.
5. Quomodo mederi oporteat myopum &  
senum oculum. ibid.
6. Inter multa vitra, qua illi rei inservire  
possunt, facilissima politu sunt deligenda:  
item ea qua melius efficiunt, ut objecta, à  
diversis punctis manantia, videantur à  
eodem alii diversis punctis procedere. 97
7. Non opus esse, alium hac in re delectum  
habere, quam circumcircà; & cur. 99
8. Imaginum magnitudinem pendere tan-  
tum ab objectorum distantia, à loco ubi se  
radii, qui in oculum ingrediuntur, decus-  
satim secant, & ab ipsorum refractione.  
ibid.
9. Refractionem non esse hic magna conside-  
ratione dignam; ut nec objectorum accef-  
sibilem distantiam; & quid, ubi in accef-  
sibilia sunt, facere conveniat. ibid.
10. In quo consistat inventio perspicillorum  
pulcarum, unico vitro constantium, &  
quis sit illorum effectus. 100
11. Augeri posse imagines, efficiendo ut radii  
procul ab oculo decussentur, ope tubuli  
aquâ pleni: quantoque longior est iste tu-  
bulus, tanto magis imaginem augere; &  
idem prestare ac si natura tanto longio-  
rem oculum fecisset. 101
12. Pupillam oculi obstrare tantum abesse, ut  
adjuvet, cum quis ejusmodi tubulo visi-  
tur. 102
13. Nec refractionem vitri quod aquam in  
tubulo

- tubulo continet, nec membranarum quibus humores oculi involvuntur, ulla consideratione esse dignas. *ibid.*
14. Id ipsum aque fieri posse tubulo ab oculo separato, atque conjuncto. *ibid.*
15. Quia in re consistas in vntio Telescopii. 103
16. Quomodo impediri possit, ne via radiorum in oculos ingredientium nimis magna sit. *ibid.*
17. Quomodo contra impediri possit, cum nimis debilis est, & objecta accessibilia sunt. 104
18. Et quomodo, cum accessibilia sunt, & telescopio utimur. *ibid.*
19. Quanto majus pupilla fieri possit horum conspiciendorum orificium; & cur majus fieri debeat. *ibid.*
20. Objectorum accessibilium causa, non opus esse ita augere tubuli orificium. 105
21. Ad diminuendam radiorum vim cum utimur conspiciendi, prestare, illorum orificium angustius facere, quam id visse colorate tegere. Et ad id angustius reddendum, prestare extrema vitri extrinsecus tegere quàm intrinsecus. *ibid.*
22. Ad quid utile sit, multa objecta eodem tempore videre; & quid fieri oporteat, ne eam opus sit. 106
23. Usu acquiri posse facilitatem videndi objecta propinqua aut remota. *ibid.*
24. Unde factum sit ut Gymnosophista illa oculo salem intueri poterint. 107

C A P U T VIII.

De figuris, quas pellucida corpora requirunt, ad detorquendo refractione radios, omnibus modis visioni interuentibus.

1. De quibus figuris hic agendum sit. 107
2. Quid sit Ellipsis; & quomodo sit describenda. *ibid.*
3. Demonstratio proprietatis Ellipsis in refractionibus. 109
4. Nullis aliis adhibitis lineis, prater circ-

- los aut ellipses, posse fieri ut radii paralleli in unum punctum coeant; aut ut ii qui ab eodem puncto procedunt, paralleli evadant. 110
5. Quomodo fieri possit, ut radii qui ab uno vitri latere sunt paralleli, ab altero disgregentur, tanquam si omnes ab eodem puncto exirent. 111
6. Quomodo fieri possit ut cum ab utroque latere sunt paralleli, in minus spatium ab uno quam ab altero latere contrahantur. 112
7. Quomodo idem obtineri queat, efficiendo praterea, ut radii sint inversi. 113
8. Quia ratione fieri possit, ut omnes radii ab uno puncto procedentes, in alio puncto congregentur. *ibid.*
9. Et ut omnes ii qui ab aliquo puncto exeunt, disgregentur, quasi ab alio puncto promanarent. *ibid.*
10. Et ut omnes ii qui disgregati sunt quasi ad idem punctum tenderent, iterum disgregentur, quasi ab eodem puncto prodirent. *ibid.*
11. Quid sit hyperbola, & eam describendi modus. 115
12. Demonstratio proprietatis hyperbola quoad refractiones. 116
13. Quomodo ex solis hyperbolis & lineis rectis fieri possint vitra, qua radios omnibus iisdem modis mutant, atque illi qui ellipsis & circulis constants. 118
14. Etiam si multa alia figura sint, qua eodem effectus producere queunt, nullas tamen precedensibus ad conspicienda esse aptiores. 121
15. Figuras solis hyperbolis & lineis rectis constantes delineatu esse faciliores. *ibid.*
16. Quacunque sit vitri figura, non posse id accurate efficere, ut radii, à diversis punctis procedentes, in totidem aliis punctis congregentur. 122
17. Vitra hyperbolica omnium optima esse in hunc finem. 123
18. Radios à diversis punctis procedentes, magis

magis dispersi vitro hyperbolico trajecto, quam elliptico : quantoque ellipticum densius est, tanto minus illud trahendo dispersi.

- 124
19. Quasiarumque densitatem habeat, non posse id imaginem quam isti radii pingunt; nisi quarta aut tertia parte, minorem reducere quam facias hyperbolicum: & inaequalitatem tanto maiorem esse, quanto maior est vitri refractionis. Nullam vitro figuram dari posse, qua imaginem istam maiorem reddas hyperbolica aut minorem elliptica.
- 126
20. Quomodo intelligendum sit, radios à diversis punctis promanantes decussari in prima superficie, qua efficere potest, ut in totidem aliis diversis punctis congregentur.
- ibid.
21. Vitra Elliptica magis urere, quam Hyperbolica: & quomodo metiri oporteat vim speculorum aut vitrorum urentium. Nulla posse fieri, qua linea recta urans in infinitum.
- 127
22. Minima vitra aut specula tot radios congregare ad urendum, in spatio in quo eos congregant, atque maxima, qua figuras minimis istis similes habent, in equali spatio, istaque maxima nullam aliam prerogativam habere, quam eos in spatio majori & remotiori congregandi. atque ita specula aut vitra valde parva fieri posse, qua tamen magnam urendi vim habeant. Speculum comburens cuius diameter non excedit 100 partem distantia ad quam radios congregat, non posse efficere, ut vehementius urant aut calefaciant, quam illi qui directi à Sole procedunt.
- 128
23. Vitra elliptica plures ex eodem puncto radios accipere posse, ut eos postea parallelos reddant quam ullius alterius figura. ibid.
24. Sape vitra hyperbolica ellipticis esse praeferenda, quod uno tantundem atque duobus effici possit.
- 129

## CAPUT IX. Descriptio Specillorum.

1. Qualis eligenda sit perspicillorum materia: & cur sere semper fiat aliqua reflexio in corporum pellucidorum superficie: curque reflexio ista validior sit in crystallo quam in vitro.
- 130
2. Descriptio conspiciolorum qua myopibus inserviunt, & iis qui tantum eminus videre possunt.
- 131
3. Cur supponi possit radiis à puncto satis remoto prodeuntes esse quasi parallelos: & cur non sit necesse, conspiciolorum quibus utuntur senes, figuram valde accuratam esse.
- ibid.
4. Quomodo perspicilla pulicaria ex unico vitro fieri debeant.
- 132
5. Quid requiratur in telescopiis, ut sint perfecta.
- 133
6. Qualia isidem esse debeant perspicilla pulicaria, ut sint perfecta.
- 136
7. Ad huius perspicilli urendum, praestare alterum oculum velo aliquo obscuro tegere, quam eum muscutorum ope claudere. Utile quoque esse, visus sui aciem antea debilitare, in loco valde obscuro se continendo: atque etiam imaginationem dispositam habere, quasi ad res valde remotas & obscuras intinendum.
- 139
8. Qui fiat, ut minus antehac felices fuerint artifices in accuratis telescopiis conspiciendis, quam in aliis perspicillis.
- ibid.

## CAPUT X.

### De modo expoliendi vitra.

1. Quomodo magnitudo refractionum vitri, quo uti volumus, sit invenienda.
- 140
2. Quomodo inveniantur puncta urentia & vertex hyperbola, cuius vitram illud, cuius refractiones cognita sunt, figuram amulari debet: & quomodo punctorum istorum distantia augeri aut minui possit.
- 141

### 3. Quo-

3. *Quomodo hac hyperbola suae describi possit; vel multorum punctorum inventionem.* 142
4. *Quomodo inveniatur Conus, in quo eadem hyperbola à plano axi parallelo secetur.* 143
5. *Quomodo ope machina uno ductu hac hyperbola describi queat.* 144
6. *Alia machina, qua istius hyperbola figuram dat omni rei, qua ea ad vitra polenda indiget: & quomodo illa sit utendum.* 145
7. *Quid in vitris concavus; & quid in convexis speciatim observandum sit.* 149
8. *Ordo observandus ad se istorum vitrorum politura exercendum. Vitra convexa qua longioribus telescopiis inserviunt, accuratius ceteris esse polenda.* 150
9. *Quanam sit praecipua perspicillorum politarum utilitas.* 151
10. *Quomodo fieri possit, ut duarum ejusdem vitri superficiesum centra directe sibi invicem opponantur.* ibid.

## INDEX

### Materiarum contentarum in Meteoris.

#### CAPUT I.

##### De natura terrestrium corporum.

1. *Quid Auctor in hoc tractatu proposuit sibi habuerit.* 153
2. *Argumentum primi capitis.* ibid.
3. *Aquam, terram, aërem, & reliqua corpora qua nos circumstant, ex variis particulis componi. Poros esse in omnibus istis corporibus subtili quadam materia repletos. Particulas aqua esse longas, teretes & leves. Aliorum corporum fere omnium particulas habere figuras irregulares, angulosas & ramorum instar expansas. Ex istiusmodi particulis simul junctis & implexis corpora dura componi. Easdem, si non sint implexa, nec tam crassa quin à*

*materia subtili possint agitari, oleum vel aërem componere.* 154

4. *Hanc materiam subtilem indefinenter moveri. Ipsam solere celerius ferri juxta terram, quam prope nubes; versus Aequatorem, quam versus Poles; aestate, quam hyeme; ac die quam nocte.* 155
5. *Ipsius etiam particulas esse inaequales. Quae minores sunt, minus virium habere ad alia corpora movenda.* ibid.
6. *Crassiusculas praecipue inveniri in locis ubi maxime sunt agitatae. Illas multorum corporum meatui ingredi non posse; ideoque ista corpora esse alius frigidiora.* ibid.
7. *Quid sit calor; & quid frigus. Quomodo corpora dura calefiant. Cur aqua liquida esse soleat, ac quomodo frigore durascat. Cur glacies eandem semper retineat frigiditatem & duritiam quamdiu glacies est, etiam in aestate; nec paulatim ut cera molliatur.* 156
8. *Qua sint salium particula; qua etiam spirituum; sive aquarum ardentium. Cur aqua rarefias dum congelatur, atque etiam dum incalescit. Et cur servescit citius congelctur.* 157
9. *Particulas de quibus hic agimus, non esse indivisibiles: nec in hoc tractatu quidquam negari eorum, qua in vulgari Philosophia traduntur.* ibid.

#### CAPUT II.

##### De vaporibus & exhalationibus.

1. *Quomodo vi Solis corporum terrestrium particula nonnulla sursum attolluntur.* 158
2. *Quid sit vapor; & quid exhalatio. Plures vapores quam exhalationes generari. Quomodo crassiores exhalationes ex corporibus terrestribus egrediantur.* ibid.
3. *Cur aqua in vaporem versa valde multum loci occupet.* 160
4. *Quomodo iidem vapores magis aut minus densari possint. Quare insolitus calor aestate in-*

\* \*

- se interdum aëre nubo sentitur. Et quid vapores calidos aut frigidos reddat. *ibid.*
5. Cur halitus calidior emittatur ore valde aperto, quam propemodum clauso. Et cur majores venti semper frigidi sint. 162
6. Cur vapores interdum magis, interdum minus, radios luminis obtundant. Cur kalitus oris magis videntur hyeme, quam aestate. Plures vapores solere esse in aëre, cum minime videntur, quam cum videntur. *ibid.*
7. Quo sensu vapores alii aliis humidiores aut sicciores dici possint. *ibid.*
8. Qua sint varia exhalationum natura; & quomodo se ipsas à vaporibus segregent. 163

C A P U T III.

De Sale.

1. **Q**ua sit natura aqua salsa: & cur oleum ex corporibus eo madefactis non tam facile egrediatur, quam aqua. *ibid.*
2. Cur tanta sit in vapore differentia inter salem & aquam dulcem. Cur sal carminum corruptionem impediat, easque duriores reddat: cur vero aqua dulcis eas corruptat. 164
3. Cur aqua salsa gravior sit, quam dulcis; & nihilominus salis grana in aqua marina superficie formentur. Particulas salis communis esse longas, rectas, & in utraque extremitate aqualiter crassas: quomodoque disponantur inter particulas aqua dulcis: & majorem esse particularem agitationem in aqua salsa, quam in dulci. *ibid.*
4. Cur sal facile humiditate solvatur: & cur in certa aqua dulcis quantitate, certantum ejus quantitas liquecat: Cur aqua marina pellucidior sit fluviali, & paullo major in ea fiat luminis refractione. 165
5. Cur non tam facile congelatur: & quo-

- modo aqua ope salis in glaciem vertatur. *ibid.*
6. Cur difficillime salateat in vaporem: & aqua dulcis facillime. 166
7. Cur aqua maris arena percolata dulcescat; & aqua fontium & fluminum sit dulcis. Cur flumina in mare fluentia ejus aquas nec dulciores, nec copiosiores reddant. *ibid.*
8. Cur mare magis salsum sit versus aquatorem, quam versus polos. 167
9. Cur aqua salsa minus apta sit incendiis extinguendis, quam dulcis: & cur noctu dum agitur in mari, lumen emittat. Cur nec maria, nec aqua maris diu in vase servata sic luceant: & cur non aqualiter omnes ejus gustu sic luceant. *ibid.*
10. Cur aqua in litore maris fossis quibusdam minime profundius includatur, ad sallem consuevendum: & cur sal non fiat nisi aëre calido & sicco. 168
11. Cur omnium liquorum superficies sit admodum levius: & cur aqua superficies difficilissimè dividatur, quam ejus interiores partes. *ibid.*
12. Quomodo salis particula in aqua superficie bareant. 169
13. Cur cujusque salis grani basis sit quadrata: & quomodo basis ista sit aliquantulum curva, quamvis plana videatur. *ibid.*
14. Quomodo integrum salis granum isti basi inadificetur. Cur sit quadam cavitas in medio istorum granorum: & cur eorum superior pars latior sit quam basis: & quid basim reddat majorem vel minorem. 170
15. Cur interdum particula salis aqua fundum petant, priusquam in grana possint concrecere. Quomodo quatuor latera cujusque grani modo magis, modo minus inclinata & inaequalia reddantur. Cur commissura istorum laterum non sint admodum accurata, faciliusque in ipsis, quam alibi grana frangantur: & cur cavi-

- caritas, quæ in medio est cuiusque grani, rotunda potius sit quam quadrata. ib. 171
16. Cur grana ista in igne crepident quum integra sunt; contracta autem non crepident. ibid.
17. Unde oriatur odor salis naturaliter albi, & color nigri. ibid.
18. Cur sal sit friabile, album vel transparent, & cur facilius liquecat quum grana ejus integra sunt. quam quum fuerint contracta & lente siccata. Cur ejus particula minus flexiles sint quam aqua dulcis; & cur tam ha, quam illa, teretes sint. ibid. 172
19. Quomodo oleum quoddam scilicet potius aqua acidissima ex sale extrahatur. Et cur magna sit differentia inter saporem ipsius aqua acida, & salis. ibid.

CAPUT IV.

De Ventis.

1. Quid sit ventus. 173
2. Quomodo in Æolipylis generetur ibid.
3. Quomodo etiam in aëre fiat. Ventos precipue ex vaporibus oriri, sed non ex iis solis componi. Et cur à vaporibus potius, quam ab exhalationibus oriantur. 174
4. Cur venti ab Oriente sicciores sint, quam ab Occidente; & cur mane potissimum ab Oriente, ac vespere ab Occidente, fiant venti. 175
5. Quod ceteris paribus venti ab Oriente fortiores sint, quam ab Occidente; & cur ventus Borealis sapius flet de die, quam de nocte. Cur potius tanquam ex coelo versus terram, quam ex terra sursum versus; & cur ceteris soleat esse fortior; atque valde frigidus & siccus. 176
6. Cur ventus Australis sapius flet noctem quam interdiu; & cur flet tanquam ex imo in alium. Cur soleat esse lentior ceteris & debilior; nec non calidus & humidus. 177

7. Cur inuente vere venti sint sicciores; & tunc aëris mutationes magis subitaneæ ac frequentes fiant. 178
8. Qui sint venti ab antiquis Ornithia dicti: Et qui sint Etesia. 179
9. Quid conferat terrarum & marinus diversitas ad ventorum productionem. Et cur sæpe in locis maritimis interdum fient venti à mari, & noctu à terra. Curque ignes fatui noctu viatores ad aquas ducant. ibid.
10. Cur sæpe venti in litore maris cum ejus fluxu & refluxu mutantur. Et cur idem ventus sit multo validior in mari quam in terra: soleatque in quibusdam regionibus esse siccus, in aliis humidus. Cur in Ægypto ventus Meridionalis sit siccus, & vix unquam pluat. ibid. 180
11. Quomodo & quatenus Astra conferant ad Meteora producenda. ibid.
12. Quid etiam ad ipsa conferant inaequalitates partium terra. Undeque oriatur varietas ventorum particularium, & quam difficile sit ipsos prædicere. ibid.
13. Ventos generales facilius prænotari: Et cur minor in iis sit diversitas longissimo à litoribus, in mari; quam prope terram. ibid. 181
14. Omnes fere aëris mutationes pendere à ventis. Curque aër interdum sit frigidus & siccus, flante vento humido & calido. Mutationes aëris à motu vaporum intra terram etiam pendere. ibid.

CAPUT V.

De nubibus.

1. Quæ sit differentia inter nubem, nebulam & vaporem. Nubes constare tantum ex aqua guttulis aut particulis glaciei; & cur non sint pellucida. 182
2. Quomodo vapores in aqua guttas versantur. Et cur gutta aqua sint accuratè rotunda. ibid.
3. Quomodo fiant parva vel magna. 183
4. Quo-

4. Quomodo vapores in glaciei particulas mutantur. Cur ha glaciei particulae fiant interdum rotunda & transparentes; interdum minuta & oblonga; interdum rotunda & alba. Et cur ha ultima quibusdam quasi pilis perexiguus testis sint; quidque eas majores aut minores reddat, earumque pilos crassiores vel tenuiores.

184

5. Solum frigus non sufficere ad vapores in aquam aut glaciem vertendos. Qua causa vapores in nubes cogant; & qua eosdem in nebulas congregent. Quare veris tempore plures nebula appareant; & plures in aquosis locis, quam in siccis. ibid. 185

6. Maximas nebulas aut nubes oriri ex duorum vel plurium ventorum concursu. Aqua guttas, aut particulas glaciei, ex quibus nebula componuntur, non posse non esse perexiguas. Nullas in aere inferiore nebulas esse solere ubi flat ventus, vel statim ipsas tolli. 185

7. Multas saepe nubes unam supra aliam existere; praesertim in locis montosis. ibid.

8. Superiores nubes solis particulis glaciei constare solere. 186

9. Nubium superficies à ventis premi-perpoliri & planas reddi. In his planis superficibus globulos glaciei ex quibus componuntur, ita disponi ut unumquemque sex alii circumstent. ibid.

10. Quomodo interdum duo venti diversi, in eodem terra loco simul flantes, unus inferiorem, alius superiorem ejusdem nubis superficiem perpoliat. 187

11. Circumferentias nubium non idcirco ita perpoliri, sed solere esse valde irregulares. 188

12. Multas interdum glaciei particulas infra nubem aliquam congregari, ibique in variis planis foliorum instar tenuibus ita disponi, ut unaquaque sex alii aequidistantibus cingatur. Saepe illas qua in unoquoque sunt plano, separatim ab aliis moveri. Nonnunquam etiam integras unbes

ex solis glaciei particulis sic dispositis componi. Aqua guttas in nubibus eodem quomodo disponi posse. ibid. 189

13. Quarundam maximarum nubium ambitum fieri aliquando circularem. & crusta glaciei satis crassa circumsegi. 189

## CAPUT VI.

De nive, pluvia & grandine.

1. Quare nubes solo aere suffultis non cadant. ibid.

2. Quomodo calor, qui alia multa corpora rarefacit, nubes condenset. 190

3. Quomodo in nubibus particula glaciei multa simul in floccos congregentur. Et quomodo isti flocci in nivem, vel pluviam, vel grandinem cadant. ibid.

4. Cur singula grandinis grana interdum sint pellucida & rotunda: Cur aliquando etiam sint una parte depressiora. Quomodo crassiora grandinis grana, qua irregularis figura esse solent, generentur. Cur interdum solito major aestus in adibus sentiat. 191

5. Cur crassiora grandinis grana in superficie sint pellucida, & intus alba. Et cur fere tantum in aestate decidat talis grando. Quomodo alia grando instar sacchari alba generetur. ibid.

6. Cur ejus grana interdum sint rotunda, & in superficie quam versus centrum duriora. Cur aliquando sint oblonga, & pyramidis habeant figuram. 192

7. Quomodo nivis particulae in stellulas sex radius distinctas efformentur. 193

8. Unde etiam fiat, ut quadam grandinis pellucida grana tres exiguos quasi radios, ex albiissima nive compositos, circa se habeant. ibid.

9. Quare etiam interdum decidunt lamella glaciei pellucida, quarum circumferentia est hexagona. 195

10. Et alia, qua tanquam rosa, vel dentata horologiorum rota, circumferentiam sex crenis,



- crenis, in modum semicirculi rotundatis, incisam habent.* . 196
11. *Cur quadam ex ipsis punctum quoddam album in centro habent: & bina interdum scapo exiguo conuncta sint, unamque alia majorem esse contingat.* 197
12. *Cur nonnulla duodecim radiis distincta sint: & alia, sed perpaucæ, octo radios habeant.* ibid.
13. *Cur quadam sint pellucida, alia alba instar nivis: & quarundam radii sint breviores, & in semicirculi formam reclusi; alii longiores & acutiores, ac sæpe in varios ramulos divisi; qui nunc plumulas aut folice folia, nunc lili flores repræsentant.* 199
14. *Quomodo istæ nives quasi stellula ex nubibus delabantur. Cur, cadentes aëre tranquillo, majorem nivis copiam prænunciant, non autem vento flante.* 200
15. *Quomodo pluvia ex nubibus cadat; & quid ejus guttas tenuiores aut crassiores efficiat.* 201
16. *Cur interdum pluvie incipiat, antequam nubes in cælo appareant.* ibid.
17. *Quomodo nebula in rorem vel pruinaem vertantur.* ibid.
18. *Quæ sit aura illa vespertina, quæ cæle sereno timere solet.* 202
19. *Unde Manna oriatur.* ibid.
20. *Cur, si ros mane non decidat, pluvie sequantur.* ibid.
21. *Cur si Sol mane luceat, cum nubes in aëre conspiciuntur, pluviam etiam prænunciet.* ibid.
22. *Cur omnia pluvia signa incerta sint.* ibid.
2. *Cur hirundines, folio demissus volantes, pluviam prænunciant; & cur aliquando cineres, aut festuca, juxta focum in modum turbinis gyrent.* ibid.
3. *Quomodo fiant istæ majores procellæ, quæ voce barbara Travades vocant.* ibid.
4. *Quomodo ignes Castor & Pollux vocati generentur. Quare gemini isti ignes felices augurii olim habiti sint; unus vel ires, infelices. Et cur hoc tempore interdum quatuor aut quinque simul in eadem nave conspiciantur.* 204
5. *Quæ sit causa tonitru.* 205
6. *Cur varius audiat hyeme, quam æstate. Et cur aura calida & gravis, vento Boreali succedenti, illud prænunciet.* 206
7. *Cur ejus fragor tantus sit; & unde orientur omnes ejus differentiæ.* ibid.
8. *Quanam etiam differentiæ sit inter fulguras, turbinem & fulmen; & unde fulgetra procedant. Curque interdum fulgures cum non tonat, vel contra. Quomodo fiant turbinis.* ibid.
9. *Quomodo fiat fulmen: quod interdum vestes comburat, corpore illaso; vel contra gladium liquefaciat, vagina intacta, &c.* 207
10. *Quomodo fiat lapis in fulmine generetur: & cur sæpius cadat in montes vel turres, quam in loca humiliora.* 208
11. *Cur sæpe singulos tonitru fragores repentina pluvia consequatur; & cum multum pluit, non amplius tones.* ibid. 209
12. *Cur sonitus campanarum, aut bombardarum, vi tempestatis minuantur.* ibid.
13. *Quomodo generentur illi ignes, qui stellæ cadentes dicuntur.* ibid.
14. *Quomodo interdum pluat lacte, sanguine, ferro, lapidibus, &c.* ibid.
15. *Quomodo fiant stellæ trajicientes; & ignes fatui; atque ignes lambentes.* ibid.
16. *Cur minima sit vis istorum ignium; contra autem fulminis maxima.* 210
17. *Ignes qui juxta terram generantur, aliquandiu durare posse; qui autem in sum-*

CAPUT VII.

De tempestatibus, fulmine, & ignibus aliis in aëre accensis.

1. **Q**uomodo nubes suo descensu ventos aliquando validissimos efficiant; & cur sæpe maximas & repentinas pluvias præcedat talis ventus. 203

- mo aëre, celerrime debere extinguui. Nec ideo Cometas, nec trabes per aliquot dies in cælo lucentes, ejusmodi ignes esse. *ibid.*
18. Quomodo quadam prætorum simulacra. Et talia quæ inter prodigia solent numerari, possint apparere in cælo: Et Sol etiam noctu videri possit. 211

## CAPUT VIII.

## De Iride.

1. **N**on in vaporibus, nec in nubibus; sed tantum in aqua guttibus Iridem fieri. 212
2. Quomodo ejus causa opæ globi vitrei aqua pleni detegi possit. *ibid.*
3. Iridem interiorem & primariam oriri ex radiis, qui ad oculum perveniunt post duas refractiones & unam reflexionem: exteriorem autem sive secundariam ex radiis, post duas refractiones & duas reflexiones ad oculum pervenientibus; quo fiat, ut illa sit debilior. 214, 215
4. Quomodo etiam opæ vitrei prismatis colores Iridis videantur. 215
5. Nec figuram corporis pellucidi, nec radiorum reflexionem, nec etiam multiplicem refractionem ad eorum productionem requiri: sed una saltem refractione & lumine, & umbra opus esse. 216
6. Unde oriatur colorum diversitas. *ibid.*
7. In quo sita sit natura rubei coloris, & flavi, & viridis, & carulei; prout in prisma vitreo conspiciuntur. & quomodo caruleo rubens misceatur; unde sit violaceus sive purpureus. 218
8. In quo etiam aliorum corporum colores consistunt: & nullo falsos esse. 219
9. Quomodo in Iride producantur; & quomodo ibi lumen ab umbra terminetur. Cur primaria Iridis semidiameter 42 gradibus major esse nequeat, nec secundaria semidiameter 51 gradibus minor. Curque illius superficies exterior magis determinata sit quam interior; hujus autem contra interior, quam exterior. 220

10. Quomodo ista mathematicæ demonstrantur. *ibid.*
11. Aqua calida refractionem minorem esse quam frigida; atque idcirco primariam Iridem paullo majorem, & secundariam minorem exhibere. Et quomodo demonstretur, refractionem ab aqua ad aërem esse circiter ut 187 ad 250. Ideoque semidiameterum Iridis 45 graduum esse non posse. 224
12. Cur pars exterior primaria Iridis, & contra interior secundaria, sit rubra. *ibid.*
13. Quomodo possit contingere, ut ejus arcus non sit accuratè rotundus: item ut inversus appareat. 225
14. Quomodo tres Irides videri queant. 226
15. Quomodo alia prodigiosa Irides, varias figuras habentes, possint aëre exhiberi. *ibid.*

## CAPUT IX.

De nubium colore; & de halonibus seu coronis, quæ circa sidera interdum apparent.

1. **Q**uam ob causam nubes interdum alba, interdum nigra appareant; Et cur nec vitrum confusum, neque nix, neque nubes paullo densiores, luminis radios transmittant. Quanam corpora sint alba: & cur spuma, vitrum in pulverem redactum, nix & nubes, alba sint. 227
2. Cur cælum appareat caruleum aëre puro; & album aëre nubiloso: Et cur mare, ubi ejus aqua altissima ac purissima sunt, caruleum videatur. 228
3. Cur sæpe Oriente vel Occidente Sole cælum rubescat: & ista rubedo mane pluviam, aut ventos; vesperti serenitatem prænunciet. 229
4. Quomodo Halones vel corona circa Astra producantur: & cur varia sit earum magnitudo. Cur cum sunt colorata, interior circulus sit ruber, & exterior caruleus. Et cur interdum dua, una intra alteram,

teram, appareant, & interior sit maxime conspiciua. ibid.

5. Cur non videri soleant circa Astra, cum oriuntur vel occidunt. Cur earum colores dilutiores sint quam Iridis. Et cur sepius quam illa, circa Lunam appareant; interdumque etiam circa stellas conspiciantur. Cur ut plurimum alba tantum sint. 233
6. Cur in aqua guttis instar Iridis non formantur. ibid.
7. Qua sit causa coronarum, quas etiam interdum circa flammam candela conspiciamus. Et qua causa transversorum radiorum, quos aliquando ibidem videmus. Cur in his coronis exterior ambitus sit ruber: contra quam in iis, quae apparent circa stellas. Et cur refractiones, quae in humoribus oculi sunt, nobis Iridis colores nubique non exhibeant. 232

C A P U T X.

De Parheliis.

1. **Q**uomodo producantur ea nubes, in quibus Parheliū videntur. Magnum quandam glaciei circulum in ambitu istarum nubium reperiri, cujus superficies aequalis & laevis esse solet. Hunc glaciei circulum crassorem esse solere in parte Soli obversa, quam in reliquis. Quid obstat, quo minus ista glacies ex nubibus in terram cadat. Et cur aliquando in sublimi appareat magnus circulus albus, nullum sidus in centro suo habens. 234
2. Quomodo sex soles diversi in isto circulo videri possint; unus visione directa, duo per refractionem, & tres alii per reflexionem. Cur ii qui per refractionem videntur, in una parte rubri, & in alia caerulei

appareant. Et cur qui per reflexionem, albi tantum sint & minus fulgentes. 235

3. Cur aliquando tantum quinque, vel quatuor, vel tres conspiciantur. Et cur, cum tres tantum sunt, saepe non in albo circulo, sed tanquam in alba quadam trabe appareant. 236
4. Quamvis Sol ad conspectum altior vel humilior sit isto circulo, semper tamen in eo videri. ibid.
5. Hac de causa Solem aliquando conspici posse, cum est infra Horizontem; & umbrae Horologiorum retrocedere vel promoveri. Quomodo septimus Sol, supra vel infra sex alios videri possit. Quomodo etiam tres diversi unus supra alium stantes appareant; & quare tunc plures conspici non soleant. 237
6. Explicatio quatuorundam observationum hujus phaenomeni: ac praecipue illius, quae Roma facta est Martii 29, anno 1629. 238
7. Cur quinque tantum Soles tunc apparuerint. Et cur pars circuli albi à Sole remotior, visa sit major, quam revera esset. 240
8. Cur unus ex istis Solibus caudam quandam subigneam haberet. ibid.
9. Cur dua corona praecipuum Solem cinxerint; & cur non semper tales Coronae simul cum Parheliū appareant. Harum coronarum locum non pendere à loco Parheliarum: Ipsarumque centra non accurate coincidere cum centro Solis; nec etiam centrum unius cum centro alterius. 241, 242
10. Qua sint causa generales aliarum insolitarum apparitionum, quae inter merores censenda sunt. 243

R. DES CARTES I ECTORI SUO

S. D.

**H***Ec specimina Gallice à me scripta, & anno 1637 vulgata, paullo post ab amico in linguam Latinam versa fuere, ac versio mihi tradita, ut quicquid in ea minus placeret, pro meo jure mutarem. Quod variis in locis feci: sed forsàn etiam alia multa pratermisi; hacque ab illis ex eo dignoscuntur, quod ubique fere fidus interpres verbum verbo reddere conatus sit; ego vero sententias ipsas saepe mutarim, & non ejus verba, sed meum sensum emendare ubique studuerim. Vale.*

D I S.

# DISSERTATIO

De

# METHODO

rectè utendi ratione ,

*Et veritatem in scientiis investigandi.*



ULLA res æquabiliùs inter homines est distributa quàm bona mens : eà enim unusquisque ita abundare se putat , ut nequidem illi qui maximè inexplēbiles cupiditates habent, & quibus in nulla unquam alia re Natura satisfecit, meliorem mentem quàm possideant optare consueverint. Qua in re pariter omnes falli non videtur esse credendum;

I.  
*Varia circa scientias  
considerationes.*

sed potius vim incorruptè judicandi, & verum à falso distinguendi, (quam propriè bonam mentem seu rectam rationem appellamus) naturà æqualem omnibus nobis innatam esse. Atque ita nostrarum opinionum diversitatem, non ex eo manare quod simus aliis aliū majore rationis vi donati, sed tantum ex eo quòd cogitationem non per easdem vias ducamus, neque ad easdem res attendamus. Quippe ingenio pollere haud sufficit, sed eodem rectè uti palmarium est. Excelsiores animæ, ut majorum virtutum, ita & vitiorum capaces sunt : Et plus promovent qui rectam perpetuò viam insistentes, lentissimo tantum gradu incedunt, quàm qui sæpe aberrantes celerius gradiuntur.

Ego sanè nunquam existimavi plus esse in me ingenii quàm in quolibet è vulgo : quinimo etiam non rarò vel cogitandi celeritate, vel distinctè imaginandi facilitate, vel memoriæ capacitate atque usu, quosdam alios æquare exoptavi. Nec ulla ab his alias dotes esse novi quibus ingenium præstantius reddatur. Nam rationem quod attinet, quia per illam solam homines sumus, æqualem in omnibus esse facilè credo: neque hîc discere libet à communi sententiâ Philosophorum, qui dicunt inter *accidentia* sola, non autem inter *formas substantiales individuum ejusdem speciei*, plus & minus reperiri.

Sed

Sed profiteri non verebor me singulari deputare felicitati, quòd à primis annis in eas cogitandi vias inciderim, per quas non difficile fuit pervenire ad cognitionem quarundam regularum sive axiomatum, quibus constat Methodus, cujus ope gradatim augere scientiam, illamque tandem, quam pro ingenti mei tenuitate & vitæ brevitate maximam sperare liceat, acquirere posse confido. Jam enim ex eâ tales fructus percepi, ut quamvis de me ipso satis demissè sentire consueverim; & dum varias hominum curas oculo Philosophico intueor, vix ullæ unquam occurrant quæ non vanæ & inutiles videantur; non possim quin dicam, me ex progressu quem in veritatis indagatione jam fecisse arbitror, summa voluptate perfundi; talemque de iis quæ mihi quærenda restant spem concepissem, ut si inter occupationes eorum qui meri homines sunt, quædam solidè bona & seria detur, credere ausim illam eandem esse quam elegi.

Me verò fortasse fallit opinio, nec aliud est quàm orichalcum & vitrum, quod pro auro & gemmis hîc vendito. Novi quam proclives simus in errorem cùm de nobis ipsis judicamus, & quàm suspecta etiam esse debeant amicorum testimonia, cùm nobis favent. Sed in hoc libello declarare institui quales vias in quærenda veritate sequutus sim, & vitam omnem meam tanquam in tabella delineare, ut cuilibet ad reprehendendum pateat accessus, & ipse post tabulam delitescens liberas hominum voces in mei ipsius emendationem exaudiam, atque hunc adhuc discendi modum, cæteris quibus uti solco adjungam.

Ne quis igitur putet me hîc traditurum aliquam Methodum, quam unusquisque sequi debeat ad rectè regendam rationem; illam enim tantum quam ipsemet sequutus sum exponere decrevi. Qui aliis præcepta dare audent, hoc ipso ostendunt, se sibi prudentiores iis quibus ea præscribunt, videri: ideòque si vel in minima re fallantur, magna reprehensione digni sunt. Cùm autem hîc nihil aliud promittam quàm historię, vel, si malitis, fabulæ narrationem, qua inter nonnullas res, quas non inutile erit imitari, plures aliæ fortasse erunt quæ fugiendæ videbuntur; spero illam aliquibus ita profuturam, ut nemini interim nocere possit, & omnes aliquam ingenuitati meæ gratiam sint habituri.

Ab ineunte ætate ad literarum studia animum adjeci; & quoniam à Præceptoribus audiebam illarum ope certam & evidentem cognitionem

tionem eorum omnium quæ ad vitam utilia sunt acquiri posse, incredibili desiderio discendi flagrabam. Sed simul ac illud studiorum curriculum absolvi, quo decurso mos est in eruditorum numerum cooptari, planè aliud cæpi cogitare. Tot enim me dubiis totque erroribus implicatum esse animadverti, ut omnes discendi conatus nihil aliud mihi profuisse judicarem, quàm quòd ignorantiam meam magis magisque detexissem.

Attamen tunc debebam in una ex celeberrimis totius Europæ scholis, in qua, sicuti in universo terrarum orbe, doctos viros esse debere cogitabam. Omnibus iis quibus alii ibidem imbuebantur utcumque tinctus eram. Nec contentus scientiis quas docebamur, libros de quibuscumque aliis magis curiosis atque à vulgò remotis tractantes quotquot in manus meas inciderant evolveram. Aliorum etiam de me judicia audiebam, nec videbam me quoquàm condiscipulorum inferiorem æstimari; quamvis jam ex eorum numero nonnulli ad Præceptorum loca implenda destinarentur. Ac denique hoc sæculum non minus floridum, & bonorum ingeniorum serax quàm ullum præcedentium esse arbitrabar. Quæ omnia mihi audaciam dabant de aliis ex me judicandi, & credendi nullam in mundo scientiam dari, illi parem cujus spes facta mihi erat.

Non tamen ideirco studia omnia quibus operam dederam in scholis negligebam: fatebar enim linguarum peritiam quæ ibi acquiritur, ad veterum scripta intelligenda requiri; Artificiosas fabularum narrationes ingenium quodammodo expolire, & excitare; Casus historiarum memorabiles animum ad magna suscipienda impellere, & ipsas cum prudentiâ lectas non parum ad formandum judicium conferre: Omnem denique bonorum librorum lectionem eodem ferè modo nobis prodesse, ac si familiari colloquio præstantissimorum totius antiquitatis ingeniorum, quorum illi monumenta sunt, uteremur; & quidem colloquio ita præmeditato, ut non nisi optimas & selectissimas quasque ex suis cogitationibus nobis declarent; Eloquentiam vires habere permagnas & ad ornatum vitæ multum conferre; Poësi nihil esse amœnius aut dulcius; multa in Mathematicis disciplinis haberi acutissimè inventa, quæque cum curiosos oblectant, tum etiam in operibus quibuscumque perficiendis, & Artificum labore minuendo plurimum juvant: multa in scriptis quæ de moribus tractant præcepta, multasque ad virtutem cohortationes utilissimas contineri: Theologiam Cælo potiùs rationem docere: Philosophiam

phiam verisimiliter de omnibus differendi copiam dare, & non parvam sui admirationem apud simpliciores excitare; Jurisprudentiam, Medicinam & scientiarum reliquas, honores & divitias in cultores suos congerere; nec omnino ullam esse, etiam ex maxime superstitiosis & falsis, cui aliquam operam dedisse non sit utile, saltem ut possimus quid valeant judicare, & non facile ab ullâ fallamur.

Verum jam satis temporis linguarum studio, & lectioni librorum veterum, eorumque historiis & fabulis me impendisse arbitrabar: Idem enim ferè est agere cum viris prisce ævi, quod apud exterarum gentes peregrinari. Expediit aliquid nosse de moribus aliorum populorum, ut incorruptius de nostris judicemus, nec quidquid ab iis abludit statim pro ridiculo atque inepto habeamus, ut solent ii qui nunquam ex natali solo discesserunt. Sed qui nimis diu peregrinantur, tandem velut hospites & extranei in patriâ fiunt; quique nimis curiosè illa quæ olim apud veteres agebantur investigant, ignari eorum quæ nunc apud nos aguntur esse solent. Præterea fabulæ plurimas res quæ fieri minimè possunt, tanquam si aliquando contigissent repræsentant, invitantes nos hoc pacto vel ad ea suscipienda quæ supra vires, vel ad ea speranda quæ supra sortem nostram sunt. Atque ipsæ etiam historiæ, quantumvis veræ, si pretium rerum non augent nec immutant; ut lectu digniores habeantur, earum saltem viliores & minùs illustres circumstantias omittunt: unde fit ut ea quæ narrant nunquam omnino qualia sunt exhibeant, & qui suam vivendi rationem ad illarum exempla componere nimium student, proni sint in deliria antiquorum Heroum, & tantum hyperbolica facta meditentur.

Eloquentiam valde æstimabam, & non parvo Poëscos amore incendebat: sed utramque inter naturæ dona potius quàm inter disciplinas numerabam. Qui ratione plurimum valent, quæque ea quæ cogitant quam-facillimo ordine disponunt, ut clarè & distinctè intelligantur, aptissimè semper ad persuadendum dicere possunt, etiam si barbarâ tantum Gothorum linguâ uterentur, nec ullam unquam Rhetoricam didicissent. Et qui ad ingeniosissima segmenta excogitanda, eaque cum maximo ornatu & suavitate exprimenda sunt nati, optimi Poëtæ dicendi essent, etsi omnia Poëticæ Artis præcepta ignorarent.

Mathematicis disciplinis præcipuè delectabar, ob certitudinem  
atque



atque evidentiam rationum quibus nituntur; sed nondum præcipuum earum usum agnoscebam: & cum ad artes tantum Mechanicas utiles esse mihi viderentur, mirabar fundamentis adeò firmis & solidis nihil præstantius fuisse superstruèctum. Ut è contrario veterum Ethnicorum moralia scripta palatiis superbis admodum & magnificis, sed arenæ tantum aut cœno inædificatis, comparabam. Virtutes summis laudibus in cœlum tollunt; easque cæteris omnibus rebus longe anteponendas esse rectè contendunt; sed non satis explicant quidnam pro virtute sit habendum, & sæpe quod tam illustri nomine dignantur Immanitas potius & durities, vel superbia, vel desperatio, vel patricidium dici debet.

Theologiam nostram reverebar, nec minus quàm quivis alius beatitudinis æternæ compos fieri exoptabam. Sed cum pro certo atque explorato accepissem, iter quod ad illam ducit doctis non magis patere quàm indoctis, veritatesque à Deo revelatas humani ingenii captum excedere, verebar ne in temeritatis crimen inciderem si illas imbecille rationis meæ examini subjicerem. Et quicunque iis recognoscendis atque interpretandis vacare audent, peculiari ad hoc Dei gratiâ indigere ac supra vulgarium hominum sortem positi esse debere mihi videbantur.

De Philosophia nihil dicam, nisi quòd, cum scirem illam à præstantissimis omnium sæculorum ingeniis fuisse excultam, & nihil tamen adhuc in eâ reperiri, de quo non in utramque partem disputeretur, hoc est, quod non sit dubium & incertum; non tantum ingenio meo confidebam, ut aliquid in eâ melius à me quàm à cæteris inveniri posse sperarem. Et cum attenderem quot diversæ de eadem re opiniones sæpe sint, quarum singulæ à viris doctis defenduntur, & ex quibus tamen nunquam plus unâ vera esse potest; quidquid ut probabile tantum affertur propemodum pro falso habendum esse existimabam.

Quod ad cæteras scientias, quoniam à Philosophia principia sua mutuuntur, nihil illas valde solidum & firmum, tam instabilibus fundamentis superstruere potuisse arbitrabar. Nec gloria nec lucrum quod promittunt satis apud me valebant, ut ad illarum cultum impellerent. Nam lucrum quod attinet; non in eo me statu esse putabam, ut à fortuna cogerer liberales disciplinas in illiberalem usum convertere. Gloriam verò etsi non planè ut Cynicus aspernari me profiterer; illam tamen non magni faciebam, quæ non nisi falso nomine,

hoc est ob scientiarum non verarum cognitionem, acquiri posse videbatur: Ac denique jam satis ex omnibus, etiam maximè vanis & falsis degustasse me judicabam, ut facilè caverem ne me unquam vel Alchymistæ promissâ, vel Astrologi prædictiones, vel Magi imposturæ, vel cujuslibet alterius ex iis qui videri volunt eas scire quæ ignorant, inanis jactantia fallere posset.

Quapropter ubi primum mihi licuit per ætatem, è præceptorum custodiâ exire, literarum studia prorsus reliqui: Captoque consilio nullam in posterum quærendi scientiam, nisi quam vel in me ipso, vel in vasto mundi volumine possem reperire, insequentes aliquot annos variis peregrinationibus impendi: Atque interea temporis, exercitus, urbes aulasque exterorum principum invisendo, cum hominibus diverforum morum & ordinis conversando, varia hinc inde experimenta colligendo, & me ipsum in diversis fortunæ casibus probando, sic ad omnia quæ in vita occurrebant attendebam, ut nihil ex quo eruditior fieri possem mihi viderer omittere. Quippe multò plus veritatis inveniri arbitrabar, in iis ratiocinationibus quibus singuli homines ad sua negotia utuntur, & quorum malo successu paulò post puniri solent, quum non rectè judicarunt, quàm in iis quas doctor aliquis otiosus in Musæo sedens, excogitavit circa entia rationis, aut similia quæ ad usum vitæ nihil juvant; & ex quibus nihil aliud expectat, nisi fortè quoddam tantò plus inanis gloriæ sit habiturus, quò illæ à veritate ac sensu communi erunt remotiores; quia nempe tantò plus ingenii atque industriæ ad eas verisimiles reddendas debuerit impendere. Ac semper scientiam verum à falso dignoscendi summo studio quærebam, ut rectum iter vitæ clarius viderem, & majori cum securitate persequerer.

Fateor tamen me vix quidquam certi didicisse quamdiu sic tantum aliorum hominum mores consideravi, tot enim in iis propemodum diversitates animadvertēbam, quot antea in opinionibus Philosophorum: Atque hunc tantum ferè fructum ex iis percipiebam, quòd cum notarem multa esse, quæ licet moribus nostris planè insolentia & ridicula videantur, communi tamen assensu apud quasdam alias gentes comprobantur, discēbam nihil nimis obstinatè esse credendum quod solum exemplum vel consuetudo persuaferit: Et ita sensim multis me erroribus liberabam, mentemque veris rationibus agnoscendis aptiorem reddebam. Sed postquam sic aliquandiu quidnam in mundo ab aliis ageretur inspexissem, & nonnulla inde

inde experimenta collegissem, semel etiam mihi proposui serè me ipsum examinare, & omni ingenii vi quidnam à me optimum fieri posset inquirere. Quod felicius, ut opinor, mihi successit, quàm si priùs nec à patria, nec à scholasticis studiis unquam recessissem.

Eram tunc in Germania, quò me curiositas videndi ejus belli, quod nondum hodie finitum est, invitarat; Et quum ab inauguratione Imperatoris versus castra reverterer, hyemandum fortè mihi fuit in quodam loco, ubi quia nullos habebam cum quibus libenter colloquerer, & prospero quodam fato omnibus curis liber eram, totos dies solus, in hypocausto morabar, ibique variis meditationibus placidissimè vacabam. Et inter cætera, primum serè quod mihi venit in mentem, fuit, ut notarem illa opera quibus diversi artifices, inter se non consentientes, manum adhibuere, rarò tam perfecta esse quàm illa quæ ab uno absoluta sunt. Ita videmus ædificia quæ ab eodem Architecto incepta & ad summum usque perducta fuere, ut plurimum elegantiora esse & concinniora, quàm illa quæ diversi, diversis temporibus novos parietes veteribus adjungendo construxerunt. Ita antiquæ illæ civitates, quæ cùm initio ignobiles tantum pagi fuissent in magnas paulatim urbes creverunt, si conferantur cum novis illis, quas totas simul metator aliquis in planicie liberè designavit, admodum indigestæ atque inordinatæ reperiuntur. Et quamvis singula earum ædificia inspicienti, sæpe plus artis atque ornatus in plerisque appareat quàm in ullis aliarum; consideranti tamen omnia simul, & quomodo magna parvis adjuncta plateas inæquales & curvas efficiant, cæco potius & fortuito quodam casu, quàm hominum ratione utentium voluntate sic disposita esse videntur: Quibus si addimus, fuisse tamen semper Ædiles aliquos in istis urbibus quorum officium erat procurare ut privatorum ædes publico ornatui quantum fieri posset interservirent; perspicuè intelligemus quàm difficile sit, alienis tantum operibus manum admovendo, aliquid facere valde perfectum. Ita etiam putare licet illos populos, qui cùm olim valde barbari atque inculti fuissent, non nisi successu temporis urbanitatem asciverunt, nec ullas leges nisi prout ab incommodis quæ ex criminibus & discordiis percipiebant, fuere coacti, condiderunt, non tam bene institutâ republicâ solere uti, quàm illos qui à primo initio quo simul congregati fuere, prudentis alicujus legislatoris constitutiones observarunt. Sic certè non dubium est quin status veræ religionis, qui

II.  
Præcipue  
illius Metho-  
di, quam in-  
vestigavit  
Auctor, re-  
gule.

legibus

legibus à Deo ipso sancitis gubernatur, sit omnium optimè constitutus, & cum nullo alio comparandus. Sed ut de rebus quæ ad homines solos pertinent potius loquamur, si olim Lacedæmoniorum respublica fuit florentissima, non puto ex eo contigisse, quòd legibus uteretur quæ sigillatim spectatæ meliores essent aliarum civitatum institutis: nam contrà multæ ex iis abusu communi abhorrebant, atque etiam bonis moribus adversabantur, sed ex eo quod ab uno tantùm legislatore conditæ sibi omnes consentiebant, atque in eundem scopum collimabant. Eodem modo mihi persuasi, scientias, quæ libris continentur, illas saltem quæ perspicuis demonstrationibus carentes, verisimilibus tantùm argumentis fulciuntur, quia non nisi ex variis diversorum hominum sententiis simul collectis constatæ sunt, non tam propè ad veritatem accedere, quàm opiniones quas homo aliquis sola ratione naturali utens, & nullo præjudicio laborans, de rebus quibuscunque obviis habere potest. Eodemque etiam modo cogitavi, quoniam infantes omnes antè fuimus quàm viri, & diu vel cupiditatum vel præceptorum consilia sumus sequuti, quæ ut plurimum inter se pugnant, & fortè neutra quod optimum erat semper suadebant, jam fieri vix posse ut judicia nostra tam recta sint & firma, quàm si ratio in nobis æquè matura atque nunc, ab ineunte ætate exstitisset, eique soli nos regendos tradidissemus.

Verumtamen insolens foret, omnia urbis alicujus ædificia diruere, ad hoc solum ut iisdem postea meliori ordine & formâ extructis, ejus plateæ pulchriores evaderent. At certè non insolens est dominum unius domus illam destrui curare, ut ejus loco meliorem ædificet: Imò sæpe multi hoc facere coguntur, nempe cùm ædes habent vetustate jam fatiscentes, vel quæ infirmis fundamentis superstructæ ruinam minantur. Eodemque modo mihi persuasi, non quidem rationi esse consentaneum, ut privatus aliquis de publicis rebus reformandis cogitando, eas priùs à fundamentis velit evertere ut postea melius instituat. Nec quidem scientias vulgatas, ordinemve eas docendi in scholis usu receptum sic debere immutari unquam putavi. Sed quod ad eas opiniones attinet, quas ego ipse in eum usque diem fucram amplexus, nihil melius facere me posse arbitrabar, quàm si omnes simul & semel è mente mea delearem, ut deinde vel alias meliores vel certè easdem, sed postquam maturæ rationis examen subiissent, admitterem: credebamque hoc pacto longè

longè meliùs me ad vitam regendam posse informari, quàm si veteris ædificii fundamenta retinerem, iisque tantùm principiis inniterer, quibus olim juvenilis ætas mea, nullo unquam adhibito examine an veritati congruerent, credulitatem suam addixerat. Quamvis enim in hoc varias difficultates agnoscerem, remedia tamen illæ sua habebant, & nullo modo erant comparandæ cum iis quæ in reformatione publicæ alicujus rei occurrunt. Magna corpora si semel prostrata sunt, vix magno molimine rursus eriguntur, & concussa vix retinentur, atque omnis illorum lapsus est gravis. Deinde inter publicas res si quæ fortè imperfecta sunt, ut vel sola varietas quæ in iis apud varias gentes reperitur, non omnia perfecta esse satis ostendit, longo illa usu tolerabilia sensim redduntur, & multa sæpe vel emendantur vel vitantur, quibus non tam facile esset humanâ prudentiâ subvenire; ac denique illa fere semper ab assuetis populis commodiùs ferri possunt quàm illorum mutatio. Eodem modo quo videramus regias vias quæ inter amfractus montium deflexæ & contortæ sunt, diuturno transeuntium attritu tam planas & commodas reddi solere, ut longè melius sit eas sequi, quàm iuga montium transcendendo & per præcipitia ruendo rectius iter tentare. Et idcirco leves istos atque inquietos homines maximè odi, qui cùm nec à genere nec à fortuna vocati sint ad publicarum rerum administrationem, semper tamen in iis novi aliquid reformare meditantur. Et si vel minimum quid in hoc scripto esse putarem, unde quis me tali genere stultitiæ laborare posset suspicari, nullo modo pati vellem ut vulgaretur. Nunquam ulterius mea cogitatio provecta est, quàm ut proprias opiniones emendare conarer, atque in fundo qui totus meus est ædificarem. Et quamvis, quia meum opus mihi ipsi satis placet, ejus exemplar hîc vobis proponam, non idèò cuiquam auctor esse velim, ut simile quid aggrediatur; Poterunt fortasse alii, quibus Deus præstantiora ingenia largitus est, majora perficere; sed vereor ne hoc ipsum quod suscepi tam arduum & difficile sit, ut valde paucis expediat imitari. Nam vel hoc unum, ut opiniones omnes quibus olim suimus imbuti deponamus, non unicuique est tentandum. Et maxima pars hominum sub duobus generibus continetur, quorum neutri potest convenire. Nempe permulti sunt, qui cùm plus æquo propriis ingeniis confidant, nimis celeriter solent judicare, nunquamque satis temporis sibi sumunt ad rationes omnes cir-

cumſpiciendas, & idcirco ſi ſemel auſint opiniones omnes vulgò receptas in dubium revocare, & velut à tritâ viâ recedere, non facile illi ſemitæ quæ rectius ducit ſemper inſiſtent, ſed vagi potiùs & incerti in reliquam vitam aberrabunt; Alii verò ſerè omnes cùm ſatis iudicii vel modèſtiæ habeant ad exiſtimandum nonnullos eſſe in mundo qui ipſos ſapientia antecédant & à quibus poſſint doceri, debent potiùs ab illis opiniones quas ſequuturi ſunt accipere, quàm alias proprio ingenio inveſtigare,

Quod ad me, procul dubio in horum numero fuiſſem, ſi unum tantum præceptorem habuiſſem, & nunquam diverſas illas opiniones cognoviſſem, quæ ab omni memoriâ doctiſſimos quoſque colliferunt. Sed dudum in ſcholis audiveram, nihil tam abſurdè dici poſſe quod non dicatur ab aliquo Philoſophorum; Notaveramque inter peregrinandum non omnes eos, qui opinionibus à noſtro ſenſu valde remotis ſunt imbuti, barbaros idcirco & ſtolidos eſſe putandos; ſed pleroſque ex iis vel æquè bene, vel etiam meliùs quàm nos ratione uti; conſideraveram præterea quantum idem homo cum eadem ſua mente, ſi à primis annis inter Gallos aut Germanos vivat, diverſus evadat ab eo qui foret, ſi ſemper inter Sinas aut Americanos educaretur; Et quantum etiam in multis rebus non magni momenti, ut circa veſtium quibus induimur formam, illud idem quod nobis maximè placuit ante decem annos, & fortè poſt decem annos rursus placebit, nunc ridiculum atque ineptum videatur; aded ut exemplo potiùs & conſuetudine quàm ulla certa cognitione ducamur. Ac denique advertēbam circa ea quorum veritas non valde facile inveſtigatur, nulli rei eſſe minùs credendum quàm multitudini ſuffragiorum; longè enim veriſimilius eſt unum aliquem illa invenire potuiſſe, quàm multos. Et quia neminem inter cæteros eligere poteram, cujus opiniones dignæ viderentur, quas potiſſimum amplecterer, aliis que omnibus anteferrem, fui quodammodo coactus, proprio tantum conſilio uti ad vitam meam inſtituendam.

Sed ad exemplum eorum qui noctu & in tenebris itē faciunt, tam lento & ſuſpenſo gradu incedere decrevi, ac tam diligenter ad omnia circumſpicere, ut ſi non multum promoverem, ſaltem me à lapſu tutum ſervarem. Nec ſtatim conari volui me iis opinionibus, quas olim nulla ſuadente ratione amiſeram, liberare; ſed ut veterem domum inhabitantes, non eam antè diruunt, quàm novæ in ejus locum exſtruendæ exemplar fuerint præmeditati; Sic priùs quâ

quâ ratione certi aliquid possem invenire cogitavi, & satis multum temporis impendi in quærenda vera Methodo quæ me duceret ad cognitionem eorum omnium quorum ingenium meum esset capax.

Studueram antea in scholis, inter Philosophiæ partes, Logicæ, & inter Mathematicas disciplinas, Analyti Geometricæ atque Algebra; tribus artibus sive scientiis quæ nonnihil ad meum institutum facere posse videbantur. Sed illas diligentius examinando, animadverti quantum ad Logicam, syllogismorum formas aliaque sere omnia ejus præcepta, non tam prodesse ad ea quæ ignoramus investiganda, quam ad ea quæ jam scimus aliis exponenda; vel etiam, ut ars Iulii, ad copiosè & sine judicio de iis quæ nescimus garriendum. Et quamvis multa quidem habeat verissima & optima, tam multis tamen aliis, vel supervacuis vel etiam interdum noxiis, adjuncta esse, ut illa dignoscere & separare non minus sæpe difficile sit, quam Dianam aliquam aut Minervam ex rudi marmore excitare. Quantum autem ad veterum Analytin atque ad Algebram recentiorum, illas tantum ad speculationes quasdam quæ nullius usus esse videbantur se extendere; Ac præterea Analytin circa figurarum considerationem tam assidue versari, ut dum ingenium acuit & exercet, imaginandi facultatem defatiget & lædat: Algebram verò, ut solet doceri, certis regulis & numerandi formulis ita esse contentam, ut videatur potius ars quædam confusa, cujus usu ingenium quodammodo turbatur & obscuratur, quam scientia quæ excolatur & perspicacius reddatur. Quapropter existimavi quærendam mihi esse quandam aliam Methodum, in quâ quicquid boni est in istis tribus ita reperiretur, ut omnibus interim earum incommodis careret. Atque ut legum multitudo sæpe vitii excusandis accommodatior est, quam iisdem prohibendis; adeò ut illorum populorum status sit optimè constitutus, qui tantum paucas habent, sed quæ accuratissimè observantur: Sic pro immensa ista multitudine præceptorum, quibus Logica referta est, sequentia quatuor mihi suffectura esse arbitratus sum, modò firmiter & constanter statuerem, ne semel quidem ab illis toto vitæ meæ tempore deflectere.

Primum erat, ut nihil unquam veluti verum admitterem nisi quod certò & evidenter verum esse cognoscerem; hoc est, ut omnem præcipitantiam atque anticipationem in judicando diligentissimè vitarem; nihilque amplius conclusione complecterer, quam

quod tam clarè & distinctè rationi meæ pateret, ut nullo modo in dubium possem revocare.

Alterum, ut difficultates quas essem examinaturus, in tot partes dividerem, quot expediret ad illas commodiùs resolvendas.

Tertium, ut cogitationes omnes quas veritati quærendæ impenderem certo semper ordine promoverem: incipiendo scilicet à rebus simplicissimis & cognitu facillimis, ut paulatim & quasi per gradus ad difficiliorum & magis compositarum cognitionem ascenderem; in aliquem etiam ordinem illas mente disponendo, quæ se mutuo ex natura sua non præcedunt.

Ac postremum, ut tum in quærendis mediis, tum in difficultatum partibus percurrendis, tam perfectè singula enumerarem & ad omnia circumspicerem, ut nihil à me omitti essem certus.

Longæ illæ valde simplicium & faciliùm rationum catenæ, quarum ope Geometræ ad rerum difficillimarum demonstrationes ducuntur, ansam mihi dederant existimandi, ea omnia quæ in hominis cognitionem cadunt eodem pacto se mutuo sequi; & dummodo nihil in illis falsum pro vero admittamus, semperque ordinem quo una ex alijs deduci possunt observemus, nulla esse tam remota ad quæ tandem non perveniamus, nec tam occulta quæ non detegamus. Nec mihi difficile fuit agnoscere à quarum investigatione deberem incipere. Jam enim sciebam res simplicissimas & cognitu facillimas, primas omnium esse examinandas; & cum viderem ex omnibus qui hæcenus in scientiis veritatem quæsierunt, solos Mathematicos demonstrationes aliquas, hoc est, certas & evidentes rationes invenire potuisse, satis intelligebam illos, circa rem omnium facillimam fuisse versatos; mihiq; idcirco illam eandem primam esse examinandam, etiamsi non aliam inde utilitatem expectarem, quàm quòd paulatim assuefacerem ingenium meum veritati agnoscendæ, falsisque rationibus non assentiri. Neque verò idcirco statim omnes istas particulares scientias, quæ vulgò Mathematicæ appellantur, addiscere conatus sum; sed quia advertēbam, illas etiamsi circa diversa objecta versarentur, in hoc tamen omnes convenire, quòd nihil aliud quàm relationes sive proportionēs quasdam quæ in iis reperiuntur examinent; has proportionēs solas mihi esse considerandas putavi, & quidem maximè generaliter sumptas; in iisque tantum objectis spectatas, quorum ope facilius earum cognitio redderetur; & quibus eas non ita alligare, quin  
facile



facile etiam ad alia omnia quibus convenirent possem transferre. Ac deinde quia animadverti ad ea quæ circa istas proportionum quæruntur agnoscenda, interdum singulas separatim esse considerandas, & interdum multas simul comprehendendas & memoriâ retinendas; existimavi optimum fore si tantum illas in lineis rectis supponerem, quoties sigillatim essent considerandæ; quia nempe nihil simplicius, nec quod distinctius, tum phantasie tum sensibus ipsis posset exhiberi, occurrebat; atque si easdem characteribus sive notis quibusdam quam brevissimis fieri posset designarem, quoties tantum essent retinendæ, pluresque simul complectendæ. Hoc enim pacto, quicquid habent boni Analysis Geometricæ & Algebra, mihi videbar assumere, & unius defectum alterius ope emendando, quicquid habent incommodi vitare.

Ac re-vera dicere auserim, pauca illa præcepta, quæ selegeram accuratè observando, tantam me facilitatem acquisivisse ad difficultates omnes circa quas illæ duæ scientiæ versantur extricandas, ut intra duos aut tres menses quos illi studio impendi, non modò multas quæstiones invenerim quas ante difficillimas judicarem, sed etiam tandem eò pervenerim, ut circa illas ipsas quas ignorabam putarem me posse determinare, quibus viis & quousque ab humano ingenio solvi possent. Quippe cum à simplicissimis & maximè generalibus incepissem, ordinemque deinceps observarem, singulæ veritates quas inveniebam regulæ erant, quibus postea utebar ad alias difficiliore investigandas. Et ne me fortè quis putet incredibilia hæc jactare, notandum est cujusque rei unicam esse veritatem, quam quisque clarè percipit, de illa tantumdem scit quantum ullus alius scire potest. Ita postquam puer, qui primas tantum Arithmeticæ regulas in ludo didicit, illas in numeris aliquot simul colligendis rectè observavit, potest absque temeritate affirmare, se circa rem per additionem istam quæsitam, id omne invenisse quod ab humano ingenio poterat inveniri. Methodus autem illa quæ verum ordinem sequi & enumerationes accuratas facere docet, Arithmeticæ certitudine non cedit.

Atque hæc mihi Methodus in eo præcipuè placebat, quod per illam viderer esse certus in omnibus me uti ratione, si non perfectè, saltem quàm optimè ipse possem; sentiremque ejus usu paulatim ingenii mei tenebras dissipari, & illud veritati distinctius & clariùs percipiendæ assuescieri. Cumque illam nulli speciali materiæ

alligasset, sperabam me non minus feliciter eâ esse usurum in aliarum scientiarum difficultatibus resolvendis, quàm in Geometricis vel Algebraicis. Quanquam non idcirco statim omnes quæ occurrerant examinandas suscepi: nam in hoc ipso, ab ordine quem illa præscribit descivissem: sed quia videbam illarum cognitionem à principiis quibusdam, quæ ex Philosophia peti deberent dependere, in Philosophia autem nulla hætenus satis certa principia fuisse inventa; non dubitavi quin de iis quærendis mihi ante omnia esset cogitandum. Ac præterea quia videbam illorum disquisitionem quam-maximi esse momenti, nullamque aliam esse in qua præcipientia & anticipatio opinionum diligentius essent cavendæ; non existimavi me prius illam aggredi debere, quàm ad maturiorem ætatem pervenissem; tunc enim viginti tres annos tantum natus eram; Nec priusquàm multum temporis in præparando ad id ingenio impendissem; tum erroneas opiniones quas ante admiserat evellendo, tum varia experimenta rationationibus meis materiam præbitura colligendo, tum etiam magis & magis eam Methodum quam mihi præscripseram excolendo, ut in ea confirmator evaderem.

## III.

*Quædam  
Moralis  
scientiæ re-  
gula, ex hac  
Methodo de-  
prompta.*

Ac denique ut illi qui novam domum, in locum ejus quam inhabitant volunt extruere, non modò veterem prius evertunt, lapides, ligna, cæmentum, aliaque ædificanti utilia sibi comparant, Architectum consulunt, vel ipsimet se in Architecturâ exercent & exemplar domus faciendæ accuratè describunt; sed etiam aliam aliquam sibi parant, quam interim dum illa ædificabitur possint non incommodè habitare: sic ne dubius & anxius hærerem circa ea, quæ mihi erant agenda, quamdiu ratio suaderet incertum esse circa ea de quibus debebam judicare; atque ut ab illo tempore vivere inciperem quàm felicissimè fieri posset, Ethicam quamdam ad tempus mihi effinxi, quæ tribus tantum aut quatuor regulis continebatur; quas hic non pigebit adscribere.

Prima erat, ut legibus atque institutis patriæ obtemperarem, firmiterque illam religionem retinerem quam optimam judicabam, & in qua Dei beneficio fueram ab infante ætate institutus; atque me in cæteris omnibus gubernarem juxta opiniones quammaximè moderatas, atque ab omni extremitate remotas, quæ communi usu receptæ essent apud prudentissimos eorum cum quibus mihi esset vivendum. Cum enim jam inde inciperem iis omnibus quibus antè addi-

addictus fueram diffidere; utpote quas de integro examinare deliberrabam; certus eram nihil melius facere me posse, quàm si interea temporis prudentiorum actiones imitarer. Et quamvis fortè nonnulli sint apud Persas aut Sinas non minus prudentes quàm apud nos, utilius tamen judicabam illos sequi cum quibus mihi erat vivendum: Atque ut rectè intelligerem, quidnam illi revera optimum esse sentirent; ad ea potiùs quæ agebant, quàm ad ea quæ loquebantur attendebam: non modò quia hominum mores eò usque corrupti sunt, ut perpauci quid sentiant dicere velint, sed etiam quia permulti sæpe ipsimet ignorant: est enim alia actio mentis per quam aliquid bonum vel malum esse judicamus, & alia per quam nos ita judicasse agnoscimus; atque una sapissimè absque altera reperitur. Ex pluribus autem sententiis æqualiter usu receptis moderatissimas semper eligebam, tum quia ad executionem facillimæ, atque ut plurimum optimæ sunt; omne quippe nimium vitiosum esse solet; tum etiam, ut si fortè aberrarem, minùs saltem à rectâ viâ deflecterem mediâ tenendo, quàm si unam ex extremis elevissem cum altera fuisset tenenda. Et quidem inter extremas vias, sive (ut ita loquar) inter nimietates, reponebam promissiones omnes quibus nobismet ipsis libertatem mutandæ postea voluntatis adimimus. Non quòd improbarem leges quæ humanæ fragilitati atque inconstantie subvenientes, quoties bonum aliquod propositum habemus, permittunt ut nos ad semper in eodem perseverandum voto astringamus; vel etiam quæ ob fidem commerciorum quæcunque aliis promissimus, modò ne bonis moribus adversentur, cogunt nos præstare. Sed quia videbam nihil esse in mundo quod semper in eodem statu permaneret, quantumque ad me, vitam sic instituebam ut judicia mea in dies meliora, nunquam autem deteriora fore sperarem; graviter me in bonam mentem peccare putassem, si ex eo quòd tunc res quasdam ut bonas amplectebam, obligassem me ad easdem etiam postea amplectendas, cum forsitan bonæ esse desiissent, vel ipse non ampliùs bonas judicaret.

Altera regula erat, ut quàm maximè constans & tenax propositi semper essem; nec minus indubitanter atque incunctanter in iis peragendis perseverarem, quæ ob rationes valde dubias, vel fortè nullas susceperam, quàm in iis de quibus planè eram certus. Ut in hoc viatorum consiliùm imitarer, qui si fortè in mediâ aliquâ sylvâ aberrarint, nec ullum iter ab aliis tritum, nec etiam versus quam  
partem

partem eundem sit agnoscant, non ideo vagi & incerti modò versus unam, modò versus alteram tendere debent, & multò minùs uno in loco consistere, sed semper rectà quantum possunt versus unam & eandem partem progredi; nec ab ea postea propter leves rationes deflectere, quamvis fortè initio planè nullas habuerint, propter quas illam potius quàm aliam quamlibet eligerent. hoc enim pacto, quamvis fortè ad ipsum locum ad quem ire, destinaverant non accedent, ad aliquem tamen tandem devenient, in quo commodius quàm in media sylva poterunt subsistere. Eodem modo quia multa in vita agenda sunt quæ differre planè non licet, certissimum est, quoties circa illa quid re-vera sit optimum agnoscere non possumus, illud debere nos sequi quod optimum videtur; vel certè si quædam talia sint, ut nulla nos vel minima ratio ad unum potius quàm contrarium faciendum impellat, alterutrum tamen debemus eligere, & postquam unam semel sententiam sic sumus amplexi, non amplius illam ut dubiam, in quantum ad praxim refertur, sed ut planè veram & certam, debemus spectare; quia nempe ratio propter quam illam elegimus vera & certa est. Atque hoc sufficiens fuit ad me liberandum omnibus istis anxietatibus & conscientiæ morfibz, quibus infirmiores animæ torqueri solent; quia multa sæpe uno tempore ut bona amplectuntur, quæ postmodum vacillante iudicio mala esse sibi persuadent.

Tertia regula erat, ut semper me ipsum potius quàm Fortunam vincere studeam, & cupiditates proprias quàm ordinem mundi inutare: Atque in universum ut mihi firmiter persuaderem nihil extra proprias cogitationes absolute esse in nostra potestate; adeò ut quidquid non evenit, postquam omne quod in nobis erat egimus ut eveniret, inter ea quæ fieri planè non possunt, & Philosophico vocabulo impossibilia appellantur, sit à nobis numerandum. Quod solum sufficere mihi videbatur, ad impediendum nequid in posterum optarem quod non adipiscerer, atque ad me hoc pacto satis felicem reddendum. Nam cum ea sit voluntatis nostræ natura, ut erga nullam rem unquam feratur, nisi quam illi noster intellectus ut aliquo modo possibilem repræsentat; si bona omnia quæ extra nos posita sunt tanquam æqualiter nobis impossibilia consideremus, non magis dolebimus quòd ea fortè nobis desint, quæ natalibus nostris deberi videntur, quàm quòd Sinarum vel Mexicanorum reges non sumus. Et rerum necessitati voluntatem nostram accuratissimè accommodantes,

dantes, ut jam non tristemur quòd nostra corpora non sint tam parum corruptioni obnoxia quàm est adamas, vel quòd alis ad volandum instar avium non simus instructi; ita neque sanitatis desiderio torquebimur, si ægrotemus; nec libertatis, si carcere detineamur. Sed fateor longissimâ exercitatione, & meditatione sæpissime iteratâ opus esse, ut animum nostrum ad res omnes ita spectandas assuescere possimus. Atque in hoc uno, mihi persuadeo positam fuisse omnem artem illorum Philosophorum, qui olim fortunæ imperio se eximebant, & inter ipsos corporis cruciatus ac paupertatis incommoda de felicitate cum suis Diis contendebant. Nam cum assidue terminos potestatis sibi à Naturâ concessæ contemplarentur, tam planè sibi persuadebant nullam rem extra se positam, sive nihil præter suas cogitationes ad se pertinere, ut nihil etiam amplius optarent, & tam absolutum in eas imperium istius meditationis usu acquirebant, hoc est, cupiditatibus aliisque animi motibus regendis ita se assuefaciebant, ut non sine aliqua ratione se solos divites, solos potentes, solos liberos, & solos felices esse jactarent; quia nempe nemo hac Philosophiâ destitutus, tam faventem semper Naturam atque Fortunam habere potest, ut votorum omnium quemadmodum illi compos fiat.

Ut autem hanc Ethicam meam concluderem, diversas occupationes quibus in hac vitâ homines vacant, aliquandiu expendi, atque ex iis optimam eligere conatus sum: Sed non opus est ut quid de aliis mihi visum sit hic referam; dicam tantum nihil me invenisse, quod pro me ipso melius videretur, quàm si in eodem instituto in quo tunc eram perseverarem; hoc est, quàm si totum vitæ tempus in ratione mea excolenda, atque in veritate juxta Methodum quam mihi præscripseram investiganda consumerem. Tales quippe fructus hujus Methodi jam degustaram, ut nec suaviores ullos nec magis innocuos in hac vitâ decerpi posse arbitrarer; Cumque illius ope quotidie aliquid detegerem, quod & vulgo ignotum & alicujus momenti esse existimabam, tantâ delectatione animus meus implebatur, ut nullis aliis rebus affici posset. Ac præterea tres regulæ mox *expositæ* satis rectæ mihi visæ non fuissent, nisi in veritate per hanc Methodum investigandâ perseverare decrevissem. Nam cum Deus unicuique nostrum, aliquod rationis lumen largitus sit ad verum à falso distinguendum, non putassem, me, vel per unam diem, totum alicuius opinionibus regendum tradere debere,

nisi statuissem easdem proprio ingenio examinare, statim atque me ad hoc rectè faciendum satis paravissem. Nec quamdiu illas sequebar, absque errandi metu fuisset, nisi sperassem, me nullam interim occasionem, meliores si quæ essent inveniendi, prætermittiturum. Nec denique cupiditatibus imperare, ac rebus quæ in potestate mea sunt contentus esse potuissem, nisi viam illam fuisset sequutus, per quam confidebam me ad omnem rerum cognitionem perventurum cujus essem capax, simulque ad omnium verorum bonorum possessionem ad quam mihi liceret aspirare. Quippe cum voluntas nostra non determinetur ad aliquid vel persequendum vel fugiendum, nisi quatenus ei ab intellectu exhibetur tanquam bonum vel malum; sufficiet, si semper rectè judicemus, ut rectè faciamus, atque si quam-optimè possumus judicemus, ut etiam quam-optimè possumus faciamus; hoc est, ut nobis virtutes omnes simulque alia omnia bona, quæ ad nos possunt pervenire, comparemus; quisquis autem se illa sibi comparasse confidit, non potest non esse suis contentus ac beatus.

Postquam verò me his regulis instruxissem, illasque simul cum rebus fidei, quæ semper apud me potissimæ fuerunt, reservassem, quantum ad reliqua quibus olim fueram imbutus, non dubitavi quin mihi liceret omnia ex animo meo delere. Quod quia mihi videbatur commodius præstare posse inter homines conversando, quàm in illâ solitudine in qua eram, diutius commorando, vix dum hyems erat exacta cum me rursus ad peregrinandum accinxi: nec per infrequentes novem annos aliud egi, quàm ut hac illac orbem terrarum perambulando, spectatorem potius quàm actorem comœdiarum, quæ in eo quotidie exhibentur, me præberem. Cumque præcipuè circa res singulas observarem quidnam posset in dubium revocari, & quidnam nobis occasionem malè judicandi præberet, omnes paulatim opiniones erroneas quibus mens mea obfessa erat avellebam. Nec tamen in eo Scepticos imitabar, qui dubitant tantum ut dubitent, & præter incertitudinem ipsam nihil quærunt. Nam contrà totus in eo eram ut aliquid certi reperirem: Et quemadmodum fieri solet, cum in arenoso solo ædificatur, tam altè fodere cupiebam ut tandem ad saxum vel ad argillam pervenirem: Atque hoc satis feliciter mihi succedere videbatur. Nam cum ad falsitatem vel incertitudinem propositionum quas examinabam detegendam, non vagis tantum & debilibus conjecturis, sed firmis & evidentibus argumentis

gumentis uti conarer, nulla tam dubia occurrébat quin ex ea semper aliquid certi colligerem; nempe vel hoc ipsum, nihil in ea esse certi. Et sicut veterem domum diruentes multam ex ea materiam servant, novæ extruendæ idoneam; ita malè fundatas opiniones meas deji- ciendo, varias res observabam, & multa experimenta colligebam, quæ postea certioribus stabiliendis usui mihi fuere. Ac præterea pergebam semper in ea quam mihi præscriperam Methodo exerce- enda; nec tantummodò generaliter omnes meas cogitationes juxta ejus præcepta regere studebam, sed etiam nonnullas interdum horas mihi assumebam, quibus illâ expressius in quæstionibus Mathematicis resolvendis utebar; vel etiam in quæstionibus ad alias qui- dem scientias pertinentibus, sed quas ab earum non satis firmis fundamentis sic abducebam, ut propemodum Mathematicæ dici possent: quod satis apparebit me fecisse in multis quæ in hoc volu- mine continentur. Ita non aliter in speciem me gerendo, quàm illi qui vitæ suaviter & innoxie traducendæ studentes, omni- que alio munere soluti, voluptates à vitiis secernunt, & nullâ hone- stâ delectatione sibi interdiciunt, ut otium sine tædio ferre possint; propositum interim meum semper urgebam, magisque ut existimo in veritatis cognitione promovebam, quàm si in libris evolen- dis, vel litteratorum sermonibus audiendis omne tempus consum- pissetem.

Verumtamen isti novem anni effluerunt, antequam de ullâ ex iis quæstionibus quæ apud eruditos in controversiam adduci solent, determinatè judicare, atque aliqua in Philosophiâ principia vulgari- bus certiora quærere ausus fuisset. Tantam enim in hoc difficulta- tem esse, docebant exempla permultorum summi ingenii virorum, qui sine successu hætenus idem suscepisse videbantur; ut fortasse diutius adhuc fuisset cunctatus, nisi audivisset à quibusdam jam vulgò credi, me hoc ipsum quod nondum aggressus fueram, per- fecisse. Nescio quidnam illis dedisset occasionem istud sibi persua- dendi; nec certè ullam ex meis sermonibus capere potuerant, nisi for- tè quia videbant me liberius ignorantiam meam profiteri, quàm so- leant alii ex iis qui docti haberi volunt; veletiam quia interdum ra- tiones exponebam, propter quas de multis dubitabam, quæ ab aliis ut certa admittuntur; non autem quod me unquam audivissent de ullâ circa res Philosophicas scientiâ glorianem: Sed cùm talis ani- mus in me esset, ut pro alio quàm revera eram haberi nollem, putavi

mihî viribus omnibus esse contendendum, ut eâ laude dignus evaderem quæ jam mihî à multis tribuebatur. Quæ re impulsus ante octo annos, ut omnibus me avocationibus quæ inter notos & familiarcs degentibus occurrunt liberarem, secessi in hæc regiones, in quibus diuturni belli necessitas invexit militarem disciplinam tam bonam, ut magni in eâ exercitus non ob aliam causam ali videantur, quàm ut omnibus pacis commodis securius incolæ frui possint; Et ubi in magnâ negotiorum hominum turbâ, magis ad res proprias attendentium quàm in alienis curiosorum, nec earum rerum usu carui quæ in florentissimis & populosissimis urbibus tantùm habentur, nec interim minùs solus vixi & quictus, quàm si fuisset in locis maximè desertis & incultis.

## IV.

*Rationes  
quibus ex-  
sistentia  
Dei & ani-  
mæ humanæ  
probat,ur,  
quæ sunt  
Metaphysi-  
cæ fonda-  
menta.*

Non libenter hîc refero primas cogitationes, quibus animum applicui postquam huc veni. tam Metaphysicæ enim sunt & à communi usu remotæ, ut verear ne multis non sint placituræ; sed ut possit intelligi an satis firma sint Philosophiæ meæ fundamenta, videor aliquo modo coactus de illis loqui. Dudum observaveram permultas esse opiniones, quas, etsi valde dubiæ sint & incertæ, non minùs constanter & intrepidè sequi debemus, quatenus ad usum vitæ referuntur, quàm si certæ essent & exploratæ; ut jam antè dictum est. Sed quia tunc veritati quærendæ, non autem rebus agendis, totum me tradere volebam, putavi mihî planè contrarium esse faciendum, & illa omnia in quibus vel minimam dubitandi rationem possem reperire, tanquam apertè falsa esse rejicienda; ut experirer an illis ita rejectis, nihil præterea superesset de quo dubitare planè non possem. Sic quia nonnunquam sensus nostri nos fallunt, quidquid unquam ab illis hauseram inter falsa numeravi; Et quia videram aliquando nonnullos etiam circa res Geometriæ facillimas errare, ac paralogismos admittere, sciebamque idem mihî posse accidere quod cuicumque alii potest, illas etiam rationes omnes, quas antea pro demonstrationibus habueram, tanquam falsas rejeci; Et denique quia notabam, nullam rem unquam nobis veram videri dum vigilamus, quin eadem etiam dormientibus possit occurrere, cùm tamen tunc semper aut ferè semper sit falsa; supposui nulla eorum quæ unquam vigilans cogitavi, veriora esse quàm sint ludibria somniorum. Sed statim postea animadverti, me, quia cætera omnia ut falsa sic rejiciebam, dubitare planè non posse quin ego ipse interim essem: Et quia videbam veritatem hujus pronuntiati; Ego cogito, ergo sum  
five



sive existo, adeò certam esse atque evidentem, ut nulla tam enormis dubitandi causa à Schepticis fingi possit, à qua illa non eximatur, credidi me tutò illam posse, ut primum ejus, quam quærebam, Philosophiæ fundamentum admittere.

Deinde attentè examinans quis essem, & videns fingere quidem me posse corpus meum nihil esse, itemque nullum planè esse mundum, nec etiam locum in quo essem; sed non ideo ullâ ratione fingere posse me non esse; quinimò ex hoc ipso quod reliqua falsâ esse fingerem, sive quidlibet aliud cogitarem, manifestè sequi me esse: Et contrà, si vel per momentum temporis cogitare desinerem, quamvis interim & meum corpus, & mundus, & cætera omnia quæ unquam imaginatus sum revera existerent, nullam ideo esse rationem cur credam me durante illo tempore debere existere; Inde intellexi me esse rem quandam sive substantiam, cujus tota natura sive essentia in eo tantùm consistit ut cogitem, quæque ut existat, nec loco ullo indiget, nec ab ulla re materiali sive corporeâ dependet. Adeò ut Ego, hoc est, mens per quam solam sum is qui sum, sit res à corpore planè distincta, atque etiam cognitu facilior quàm corpus, & quæ planè eadem, quæ nunc est, esse posset, quamvis illud non existeret.

Post hæc inquisivi, quidnam in genere requiratur ut aliqua enuntiatio tanquam vera & certa cognoscatur: cùm enim jam unam invenissem, quam talem esse cognoscebam, putavi me posse etiam inde percipere in qua re ista certitudo consistat. Et quia notabam, nihil planè contineri in his verbis, Ego cogito, ergo sum, quod me certum redderet eorum veritatis, nisi quod manifestissimè viderem fieri non posse ut quis cogitet nisi existat, credidi, me pro regulâ generali sumere posse, omne id quod valde dilucidè & distinctè concipiebam verum esse; Et tantummodo difficultatem esse nonnullam, ad rectè advertendum quidnam sit quod distinctè percipimus.

Quâ re positâ, observavi me de multis dubitare, ac proinde naturam meam non esse omnino perfectam; evidentissimè enim intelligebam dubitationem non esse argumentum tantæ perfectionis quàm cognitionem. Et cùm ulterius inquirerem à quonam haberem ut de naturâ perfectiore quàm mea sit cogitarem, clarissimè etiam intellexi me hoc habere non posse, nisi ab eo cujus Natura esset re-vera perfectior. Quantum attinet ad cogitationes, quæ de

variis aliis rebus extra me positis, occurrebant, ut de cœlo, de terra, de lumine, de calore, aliisque rebus innumeris, non eadem ratione quærendum esse putabam, à quonam illas haberem; cùm enim nihil in illis reperirem quod supra me positum esse videretur, facile poteram credere, illas, si quidem veræ essent, ab ipsamet Naturâ meâ, quatenus aliquid perfectionis in se habet, dependere; si verò falsæ, ex nihilo procedere; hoc est, non aliam ob causam in me esse quàm quia deerat aliquid Naturæ meæ, nec erat planè perfectæ. Sed non idem judicare poteram de cogitatione, sive Idea Naturæ quæ perfectior erat quàm mea. Nam fieri planè non poterat ut illam à nihilo accepissem. Et quia non magis potest id quod perfectius est, à minùs perfecto procedere, quàm ex nihilo aliquid fieri, non poteram etiam à me ipso illam habere; Ac proinde supererat ut in me posita esset à re, cujus natura esset perfectior; imò etiam quæ omnes in se contineret perfectiones, quarum Ideam aliquam in me haberem; hoc est, ut verbo absolvam, quæ Deus esset. Addebam etiam, quandoquidem agnoscebam aliquas perfectiones quarum expertus eram, necessarium esse ut existeret præter me aliquod aliud ens, (liceat hîc si placet uti vocibus in scholâ tritis) ens, inquam, me perfectius, à quo penderem, & à quo quidquid in me erat accepissem. Nam si solus & ab omni alio independens fuisset adeò ut totum id, quantulumcunq̃ sit, perfectionis cujus particeps eram, à me ipso habuissem, reliqua etiam omnia quæ mihi deesse sentiebam, per me acquirere potuissem, atque ita ipsemet esse infinitus, æternus, immutabilis, omniscius, omnipotens, ac denique omnes perfectiones possidere quas in Deo esse intelligebam.

Etenim ut Naturam Dei, (ejus nempe quem rationes modò allatæ probant existere) quantum à me naturaliter agnosci potest, agnoscerem, non aliud agendum mihi erat quàm ut considerarem circa res omnes, quarum Ideas aliquas apud me inveniebam, essetne perfectio, illas possidere; certusque eram nullas ex iis quæ imperfectionem aliquam denotabant, in illo esse, ac nullas ex reliquis illi deesse. Sic videbam nec dubitationem, nec inconstantiam, nec tristitiam, nec similia in Deum cadere: nam egomet ipse illis libenter caruissem. Præterea multarum rerum sensibilibus & corporearum Ideas habebam, quamvis enim me fingerem somniare, & quidquid vel videbam vel imaginabar falsum esse, negare tamen non poteram

*Nota hoc in loco & ubique in sequentibus, nomen Idea generaliter sumi pro omni re cogitata, quatenus habet tantum esse quoddam objectivum in intellectu.*

teram Ideas illas in mente mea revera existere. Sed quia jam in me ipso perspicuè cognoveram naturam intelligentem à corporeâ esse distinctam, in omni autem compositione unam partem ab alterâ, totumque à partibus pendere advertebam, atque illud quod ab aliquo pendet perfectum non esse; idcirco judicabam in Deo perfectionem esse non posse, quòd ex istis duabus naturis esset compositus, ac proinde ex illis compositum non esse. Sed si quæ res corporeæ in mundo essent, vel si aliquæ res intelligentes, aut cujuslibet alterius naturæ, quæ non essent omnino perfectæ, illarum existentiam à Dei potentia, necessariò ita pendere, ut ne per minimum quidem temporis momentum absque eo esse possent.

Cùm deinde ad alias veritates quærendas me accingerem, consideraremque in primis illam rem circa quam Geometria versatur, quam nempe concipiebam ut corpus continuum, sive ut spatium indefinitè longum, latum, & profundum, divisibile in partes tum magnitudine, tum figura omnimodè diversas, & quæ moveri sive transponi possint omnibus modis, (hæc enim omnia Geometræ in eo quod examinant esse supponunt) aliquas ex simplicissimis eorum demonstrationibus in memoriam mihi revocavi. Et primò quidem notavi magnam illam certitudinem quæ iis omnium consensu tribuitur, ex eo tantum procedere quòd valde clarè & distinctè intelligentur, juxta regulam paulò ante traditam; Deinde etiam notavi nihil planè in iis esse, quod nos certos reddat illam rem circa quam versantur existere: Nam quamvis satis viderem, si, exempli causa, supponamus dari aliquod triangulum, ejus tres angulos necessariò fore æquales duobus rectis; nihil tamen videbam quod me certum redderet, aliquod triangulum in mundo esse. At contrà cùm reverterer ad Ideam entis perfecti quæ in me erat, statim intellexi existentiam in ea contineri, eadem ratione quâ in Idea trianguli æqualitas trium ejus angulorum cum duobus rectis continetur; vel ut in idea circuli, æqualis à centro distantia omnium ejus circumferentiæ partium, vel etiam adhuc evidentius; Ac proinde ad minimum æquè certum esse Deum, qui est illud ens perfectum, existere, quam ulla Geometrica demonstratio esse potest.

Sed tota ratio propter quam multi sibi persuadent, tum Dei existentiam, tum animæ humanæ naturam, esse res cognitu valde difficiles, ex eo est quòd nunquam animum à sensibus abducant, & supra res corporeas attollant; sintque tam assueti nihil unquam considerare

siderare quod non *imagentur*, hoc est, cujus aliquam imaginem tanquam rei corporeæ in phantasiâ suâ non fingant, ut illud omne de quo nulla talis imago fingi potest, intelligi etiam non posse illis videatur. Atque hoc ex eo satis patet, quòd vulgò Philosophi in scholis pro axiomate posuerint, nihil esse in intellectu quod non priùs fuerit in sensu: in quo tamen certissimum est Ideas Dei & animæ rationalis nunquam fuisse: mihiq; idem facere illi videntur qui suâ imaginandi facultate ad illas uti volunt, ac si ad sonos audientes vel odores percipiendos, oculis suis uti conarentur; nisi quòd in eo etiam differentia sit, quòd sensus oculorum in nobis non minùs certus sit quàm odoratus vel auditus; cùm è contrà, nec imaginandi facultas, nec sentiendi, nullius unquam rei nos certos reddere possit, nisi intellectu sive ratione cooperante.

Quòd si denique adhuc aliqui sint quibus rationes jam dictæ nondum satis persuaferint Deum esse, ipsorumque animas absque corpore spectatas esse res re-vera existentes, velim sciant alia omnia pronunciata, de quibus nullo modo solent dubitare, ut quod ipsi met habeant corpora, quòd in mundo sint sidera, terra, & similia, multò magis esse incerta. Quamvis enim istorum omnium sit certitudo, ut loquuntur Philosophi, moralis, quæ tanta est, ut nemo nisi deliret de iis dubitare posse videatur; nemo tamen etiam, nisi sit rationis expers, potest negare quoties de certitudine Metaphysicâ quæstio est; quin satis sit causæ ad dubitandum de illis, quòd advertamus fieri posse ut inter dormiendum, eodem planè modo credamus nos alia habere corpora, & alia sidera videre, & aliam terram, &c. quæ tamen omnia falsa sint: Unde enim scitur eas cogitationes quæ occurrunt dormientibus potiùs falsas esse quàm illas quas habemus vigilantes, cùm sæpe non minùs vividæ atque expressæ videantur? Inquirant præstantissima quæque ingenia quantum libet, non puto illos rationem aliquam posse invenire, quæ huic dubitandi causæ tollendæ sufficiat, nisi existentiam Dei supponant. Etenim hoc ipsum quod paulò ante pro regulâ assumpsi, nempe illa omnia, quæ clarè & distinctè concipimus vera esse, non aliam ob causam sunt certa, quàm quia Deus existit, estque Deus ens summum & perfectum, adeò ut quidquid entis in nobis est, ab eo necessariò procedat; Unde sequitur Ideas nostras sive notiones, cùm in omni eo in quo sunt claræ & distinctæ, entia quædam sint atque à Deo procedant, non posse in eo non esse veras. Ac proinde quod multas sæpe habeamus,

mus,

mus, in quibus aliquid falsitatis continetur, non aliunde contingit quàm quia etiam in iisdem aliquid est obscurum & confusum; atque in hoc non ab ente summo sed à nihilo procedunt; hoc est, obscuræ sunt & confusæ, quia nobis aliquid deest, sive quia non omnino perfecti sumus. Manifestum autem est non magis fieri posse, ut falsitas sive imperfectio à Deo sit, quatenus imperfectio est, quàm ut veritas sive perfectio à nihilo. Sed si nesciremus quicquid entis & veri in nobis est, totum illud ab ente summo & infinito procedere, quantumvis claræ & distinctæ essent Idæ nostræ, nulla nos ratio citos redderet illas idcirco esse veras.

At postquam Dei & mentis nostræ cognitio nobis hanc regulam planè probavit, facilè intelligimus ob errores somniorum, cogitationes quas vigilantes habemus, in dubium vocari non debere: Nam si quis etiam dormiendo ideam aliquam valde distinctam haberet, ut exempli causâ si quis Geometra novam aliquam demonstrationem inveniret, ejus profectò somnus non impediret quominus illa vera esset. Quantum autem ad errorem somniis nostris maximè familiarem, illum nempe qui in eo consistit, quòd varia nobis objecta representet eodem planè modo quo ipsa nobis à sensibus externis inter vigilandum exhibentur, non in eo nobis oberit quod occasione det ejusmodi ideis quas à sensibus vel accipimus vel putamus accipere, parum credendi; possunt enim illæ etiam dum vigilamus non rarò nos fallere, ut cùm ii qui morbo regio laborant omnia colore flavo infecta cernunt, aut cùm nobis altra vel alia corpora valde remota, multò minora quàm sint apparent. Omnino enim sive vigilemus sive dormiamus solam evidentiam rationis judicia nostra sequi debent. Notandumque est hic me loqui de evidentia nostræ rationis, non autem imaginationis, nec sensuum. Ita exempli causâ, quamvis Solem clarissimè videamus, non ideo debemus judicare illum esse ejus tantum magnitudinis quam oculi nobis exhibent; & quamvis distinctè imaginari possimus caput Leonis capræ corpori adjunctum, non inde concludendum est chimæram in mundo existere. Ratio enim nobis non dicit ea quæ sic vel videmus vel imaginamur, idcirco re-vera existere. Sed planè nobis dicitur, omnes nostras Ideas sive notiones aliquid in se veritatis continere; alioqui enim fieri non posset ut Deus qui summe perfectus & verax est, illas in nobis posuisset. Et quia nostræ ratiocinationes sive judicia nunquam tam clara & distincta sunt

sunt dum dormimus quàm dum vigilamus, etiam si nonnunquam imaginationes nostræ magis vividæ & expressæ sint, ratio etiam nobis dictat, cum omnes nostræ cogitationes veræ esse non possint, quia non sumus omnino perfecti, verissimas ex iis illas esse potius quas habemus vigilantes, quàm quæ dormientibus occurrunt.

V.

*Quæstionum  
Physicarum  
ab Auctore  
investigati-  
onis ordo, ac  
in specie mo-  
tus cordis,  
& quarun-  
dam alia-  
rum ad  
Medicinam  
spectantium  
perplexa-  
rum opinio-  
num enoda-  
tio: tum quæ  
sit inter no-  
stram &  
brutorum  
animarum  
differentia.*

Libentissimè hîc pergerem, & totam catenam veritatum quas ex his primis deduxi exhiberem; Sed quoniam ad hanc rem opus nunc esset, ut de variis quæstionibus agerem inter doctos controversis, cum quibus contentionis funem trahere nolo, satius fore credo ut ab iis abstineam, & solum in genere quænam sint dicam, quò sapientiores judicare possint, utrum expediat rempublicam litterariam de iis specialius edoceri. Perstiti semper in proposito nullum aliud principium supponendi, præter illud quo modò usus sum ad existentiam Dei & animæ demonstrandum, nullamque rem pro vera accipiendi, nisi mihi clarior & certior videretur, quàm antea Geometrarum demonstrationes fuerant visæ. Nihilominus ausim dicere, me non solum reperisse viam, qua brevi tempore mihi satisfacerem, in omnibus præcipuis quæstionibus quæ in Philosophia tractari solent; sed etiam quasdam leges observasse, ita à Deo in natura constitutas, & quarum ejusmodi in animis nostris notiones impressit, ut postquam ad eas satis attendimus, dubitare nequeamus, quin in omnibus quæ sunt aut fiunt in mundo, accuratè observentur. Deinde legum istarum seriem perpendens, animadvertisse mihi videor multas majorisque momenti veritates, quàm sint ea omnia quæ antea didiceram, aut etiam discere posse speraveram.

Sed quia præcipuas earum peculiari tractatu explicare sum conatus, quem ne in lucem edam, rationes aliquæ prohibent, non possum quænam illæ sint commodius patefacere, quàm si tractatus illius summam hîc paucis enarrem. Propositum mihi fuit in illo completi omnia, quæ de rerum materialium natura scire putabam antequam me ad eum scribendum accingerem. Sed quemadmodum pictores, cum non possint omnes corporis solidi facies in tabula plana æqualiter spectandas exhibere; unam è præcipuis deligunt, quam solam luci obvertunt, cæteras verò opacant, & eatenus tantum videri sinunt, quatenus præcipuam illam intuendo id fieri potest: Ita veritus ne dissertatione meâ, omnia quæ animo volebam comprehendere non possem, statui solum in ea copiosè exponere quæ de lucis natura concipiebam; deinde ejus occasione aliquid de Sole & stellis

stellis fixis adjicere, quòd ab iis tota ferè promanet; item de cœlis, quòd eam transmittant; de Planetis, de Cometis & de Terra, quòd eam reflectant; & in specie de omnibus corporibus quæ in terra occurrunt, quòd sint aut colorata, aut pellucida, aut luminosa; tandemque de homine, quòd eorum sit spectator. Quinetiam ut aliquas his omnibus umbras injicerem, & liberiùs, quid de iis sentirem, dicere possem, nec tamen receptas inter doctos opiniones aut sequi aut refutare tenerer, totum hunc Mundum disputationibus ipsorum relinquere decrevi, & tantùm de iis quæ in Novo contingere tractare, si Deus nunc alicubi in spatiis imaginariis sufficientem ad eum componendum materiæ copiam crearet, varièque & sine ordine diversas hujus materiæ partes agitare, ita ut ex ea æquè confusum Chaos atque Poëtæ fingere valeant componeret; deinde nihil aliud ageret quàm ordinarium suum concursum naturæ commodare, ipsamque secundùm leges à se constitutas agere sineret. Ita primum hanc materiam descripsi, & eo modo eam depingere conatus sum, ut nihil, meâ quidem sententiâ, clarius aut intelligibilius sit in mundo; exceptis iis quæ modò de Deo & de Anima dicta sunt. Nam etiam expressè supposui, nullas in ea ejusmodi formas aut qualitates esse, quales sunt eæ de quibus in Scholis disputatur, nec quidquam in genere cujus cognitio non ad eòs mentibus nostris sit naturalis, ut nullus ipsam à se ignorari fingere possit. Præterea quænam essent naturæ leges ostendi; nulloque alio assumpto principio quo rationes meas stabilirem, præter infinitam Dei perfectionem, illas omnes demonstrare studui, de quibus dubitatio aliqua oboriri posset; probareque eas tales esse, ut etiam 6 Deus plures mundos creasset, nullus tamen esse posset in quo non accuratè observarentur. Postea ostendi quomodo maxima pars materiæ istius, Chaos, secundùm has leges, ita se dispositura & collocatura esset, ut nostris Cœlis similis evaderet. Quomodo interea aliquæ illius partes Terram composituræ essent, quædam Planetas & Cometas, & quædam aliæ Solem & stellas fixas. Et hoc loco in tractationem de Luce digressus, prolixè exposui quænam ea esse deberet quæ Solem & stellas componeret, & quomodo inde temporis momento immensa cœlorum spatia trajiceret, & à Planetis Cometisque ad terram reflecteret. Ibidem etiam multa de substantia, situ, motibus, & omnibus diversis istorum cœlorum, astrorumque qualitatibus inferui; ad eò ut me satis multa dicere putarem

rem ad ostendendum nihil in hujus Mundi Cœlis, astrisque observari, quod non deberet aut saltem non posset similiter in mundo quem describebam apparere. Inde ad tractandum de Terra progressus sum, ostendique quomodo, etiamsi, prout expressè supposueram, Deus nullam gravitatem materiæ è qua composita erat indidisset, attamen omnes ejus partes accuratè ad centrum tenderent; Item quomodò cùm ipsius superficies aquis & aëre operiretur, Cœlorum & Astrorum, sed præcipuè Lunæ dispositio, in ea fluxum & refluxum efficere deberet, omnibus suis circumstantiis illi qui in maribus nostris observatur similem; nec non quemdam aquarum & aëris ab ortu ad occasum motum, qualis inter Tropicos animadvertitur; Quomodò montes, maria, fontes & fluvii in ea naturaliter producti possent, & metalla in fodinis nasci, plantæque in agris crescere; & in genere omnia corpora, quæ vulgò mixta aut composita vocant, in ea generari. Et inter cætera, quia nihil aliud in mundo post Astra, præter Ignem esse agnosco quod lumen producat, studui omnia quæ ad ignis naturam pertinent perspicuè declarare, quomodò fiat, quomodò alatur, & cur in eo aliquando solus calor sine lumine, aliquando verò solum lumen sine calore deprehendatur; quomodò varios colores in diversa corpora inducere possit, diversasque alias qualitates; quomodò quædam liquefaciat, quædam verò induret; quomodòque omnia propemodum consumere, aut in cineres & fumum convertere possit; & denique quomodò ex his cineribus sola actionis suæ vi vitrum efficere. Cùm enim ista cinerum in vitrum transmutatio non minùs sit admiranda quàm quævis alia quæ in natura contingat, volui me aliquantùm in ejus particulari descriptione oblectare.

Nolebam tamen ex his omnibus inferre Mundum hunc eo quo proponebam modo fuisse creatum. Multò enim verisimilius est Deum ipsum ab initio talem qualis futurus erat fecisse. Verumtamen certum est & vulgò inter Theologos receptum, eandem esse actionem quâ ipsum nunc conservat, cum eâ quâ olim creavit: ita ut etiamsi nullam ei aliam quàm Chaos formam ab initio dedisset, dummodò post naturæ leges constitutas, ipsi concursum suum ad agendum ut solet commodaret, sine ulla in creationis miraculum injuria credi possit, eo solo res omnes purè materiales, cum tempore quales nunc esse videmus effici potuisse. Natura autem ipsarum multò faciliùs capi potest, cùm ita paulatim orientes conspiciunt.



spiciuntur, quàm cùm tantùm ut absolutæ & perfectæ considerantur.

A descriptione corporum inanimatorum & plantarum transivi ad animalia, & speciatim ad hominem. Sed quia nondum tantam istorum adeptus eram cognitionem, ut de iis eadem quâ de cæteris Methodo tractare possem, hoc est, demonstrando effectus per causas, & ostendendo ex quibus seminibus, quove modo natura ea producere debeat, contentus fui supponere, Deum formare corpus hominis uni è nostris omnino simile, tam in externa membrorum figura, quàm in interna organorum conformatione, ex eadem cùm illa quam descripseram materia, nullamque ei ab initio indere animam rationalem, nec quidquam aliud quod loco animæ vegetantis aut sentientis esset; sed tantùm in ipsius corde aliquem sine lumine ignem, qualem antea descripseram excitare; quem non putabam diversum esse ab eo qui scenum congestum antequam siccum sit calefaciat; aut qui vina recentia ab acinis nondum separatâ fervere facit. Nam functiones quæ consequenter in hoc humano corpore esse poterant expendens, inveniebam perfectè omnes quæ nobis non cogitantibus inesse possunt; ac proinde absque cooperatione animæ, hoc est, illius nostri partis à corpore destinatæ, cujus antè dictum est naturam in cogitatione tantùm sitam esse; easdemque in quibus potest dici animalia ratione destituta nobiscum convenire; ita tamen ut nullam earum animadverterem, quæ cùm à mente pendeant, solæ nostræ sunt quatenus homines sumus; quas nihilominus ibi postea reperiẽbam, cùm Deum animam rationalem creasse, eamque isti corpori certo quodam quem describebam modo conjunxisse, supposuissẽm.

Sed ut cognosci possit quâ ratione illic materiam istam tractarem, volo hîc apponere explicationem motus cordis, & arteriarum; qui cùm primus & generalissimus sit qui in animalibus observatur, ex eo facîle judicabitur quid de reliquis omnibus sit sentiendum. Et ut minor in iis quæ dicturus sum percipiendis occurrat difficultas, auctor sum iis qui in Anatomia non sunt versati, ut antequam se ad hæc legenda accingant, cor magni alicujus animalis pulmones habentis, coram se disseccari curent: (in omnibus enim satis est humano simile) sibi que duos qui inibi sunt ventriculos sive cavitates ostendi; Primò illam quæ in latere dextro est, cui duo valde ampli canales respondent; videlicet vena cava, quæ præcipuum est sanguinis

receptaculum; & veluti truncus arboris, cujus omnes aliae corporis venae sunt rami; & vena arteriosa, malè ita appellata, cum re-vera sit arteria, quae originem à corde habens, postquam inde exiit in multos ramos dividitur, qui deinde per pulmones disperguntur. Secundò illam quae est in latere sinistro, cui eodem modo duo canales respondent, æquè ampli atque præcedentes, si non magis; scilicet arteria venosa, malè etiam ita nominata, cum nihil aliud sit quàm vena, quae à pulmonibus oritur, ubi in multos ramos dividitur, cum venae arteriosae & asperae arteriae, per quam aer quem spiramus ingreditur, ramis permixtos; & magna arteria quae è corde exiens ramos suos per totum corpus dispergit. Vellem etiam, ipsi diligenter ostendi undecim pelliculas, quae veluti totidem valvulae aperiunt & claudunt quatuor ostia seu orificia quae sunt in istis duobus cavis; nimirum tres in ingressu venae cavae, ubi ita sunt collocatae, ut nullo modo impedire possint quò minus sanguis quem continent, in dextrum cordis ventriculum fluat, licèt ne inde exeat accuratè prohibeant. Tres in ingressu venae arteriosae, quae contrario modo dispositae, sinunt quidem sanguinem in illa cavitate contentum ad pulmones transire, sed non eum qui in pulmonibus est ed re-verti. Et sic duas alias in orificio arteriae venosae, quae permittunt ut sanguis è pulmonibus in sinistrum cordis ventriculum fluat, sed reditum ejus arcent. Et tres in ingressu magnae arteriae, quae sinunt ipsum è corde exire, sed ne illuc redeat impediunt. Nec opus est aliam querere causam numeri istarum pellicularum, nisi quòd cum arteriae venosae orificium sit figurae ovalis ratione loci in quo est, duabus commodè claudi possit; cum alia quae rotunda sunt, meliùs tribus obstrui queant. Præterea cuperem ut ostenderetur ipsis magnam arteriam & venam arteriosam, constitutionis esse multò durioris & firmioris quàm arteria venosa & vena cava; & istas duas postremas dilatari priusquam cor ingrediantur, ibique duo veluti marsupia efficere, quae vulgò cordis auriculae vocantur, & sunt ex simili cum ipso carne compositae: Multòque semper plus caloris esse in corde quàm in ulla alia corporis parte; Denique istum calorem posse efficere, ut si guttula aliqua sanguinis in ipsius cavitates ingrediat, statim intumescat & dilatetur; sicut omnibus in universum liquoribus contingit, cum guttatim in aliquod valdè calidum vas stillant.

Post hæc enim non opus est ut quidquam aliud dicam ad motum  
cordis

cordis explicandum, nisi quòd cùm ipsius cavitates non sunt sanguine plenæ, illuc necessariò defluat, è vena quidem cava in dextram, & ex arteria venosa in sinistram; quia hæc duo vasa sanguine semper plena sunt, & ipsorum orificia quæ cor spectant tunc obturata esse non possunt. Sed simul atque duæ sanguinis guttæ ita illuc sunt ingressæ, nimirum in unamquamque cavitationem una, cùm necessariò sint valdè magnæ, eò quòd ostia per quæ ingrediuntur ampla sint, & vasa unde procedunt plena sanguine, statim ex rarefiunt & dilatantur, propter calorem quem illic inveniunt. Quâ ratione fit ut totum cor intumescere faciant, simulque pellant & claudant quinque valvulas, quæ sunt in ingressu vasorum unde manant, impediuntque ne major sanguinis copia in cor descendat; Et cùm magis magisque rarefiant, simul impellant & aperiant sex reliquas valvulas, quæ sunt in orificiis duorum aliorum vasorum, per quas exeunt; hæc ratione efficientes, ut omnes venæ arteriosæ & magnæ arteriæ rami, eodem penè cum corde momento intumescant; quod statim postea, sicut etiam istæ arteriæ, detumescit, quia sanguis qui eò ingressus est refrigeratur, & ipsarum sex valvulæ clauduntur, & quinque venæ cavæ & arteriæ venosæ aperiuntur, transitumque præbent duabus aliis guttis sanguinis, quæ iterum faciunt ut cor & arteriæ intumescant, sicut præcedentes. Et quia sanguis qui ita in cor ingreditur, per istas duas ipsius auriculas transit, inde fit ut ipsarum motus, cordis motui contrarius sit, & cùm intumescit detumescant.

Cæterùm ne ii qui vim demonstrationum Mathematicarum ignorant, & in distinguendis veris rationibus à verisimilibus non sunt exercitati, audeant istud sine prævio examine negare; monitos eos volo motum hunc quem modò explicavi, ad eò necessariò sequi ex sola organorum dispositione, quam suis in corde oculis intueri possunt, & ex calore qui digitis percipitur, naturaque sanguinis quæ experientia cognoscitur; atque horologii motus, ex vi, situ & figura ponderum & rotarum quibus constat.

Sed si quærat quâ ratione fiat ut sanguis venarum ita continuò in cor defluens non exhauriatur, & arteriæ nimis plenæ non sint, cùm omnis sanguis qui per cor transit in eas ingreditur; Non opus est ut aliud respondeam præter id quod jam à quodam Medico Anglo scriptum est; cui laus hæc tribuenda est quòd primam in ista materia glaciem frerit; primusque docuerit multas esse exiguas vias in arteriarum extremitatibus, per quas sanguis quem à corde acci-  
piunt

*Hervæus de  
Mora Cor-  
dis.*

piunt in ramulos venarum ingreditur ; unde iterum ad cor redit ; adeò ut motus ipsius nihil aliud sit quàm perpetua quadam circulatio. Id quod optimè probat ex ordinaria experientia Chirurgorum ; qui brachio mediocri cum adstrictione ligato supra locum ubi venam aperiunt , efficiunt ut sanguis inde copiosius exsiliat , quàm si non ligassent. Planè autem contrarium eveniret si brachium infra ligarent , inter manum videlicet & aperturam , aut si illud supra valde arctè adstringerent. Manifestum enim est , vinculum medio-criter adstrictum , posse quidem impedire ne sanguis qui jam in brachio est , ad cor per venas redeat ; non autem ne novus semper ex arteriis affluat ; eò quòd infra venas sint collocatæ , & durior ipsarum cutis non ita facilè comprimi possit ; quòdque etiam sanguis è corde viniens , majore cum vi per ipsas ad manum transire contendat , quàm inde ad cor per venas redire. Quoniam verò sanguis iste ex brachio exit per aperturam in una venarum factam , necessariò meatus aliqui infra vinculum , hoc est , circa brachii extremum , esse debent , per quos illuc ex arteriis venire queat. Optimè etiam id quod de motu sanguinis dicit , probat ex quibusdam pelliculis , ita variis in locis valvularum instar circa venas dispositis , ut ipsi à medio corporis ad extrema transire non permittant , sed tantùm ab extremis ad cor redire ; præterea experientià , quæ ostendit omnem qui in corpore est sanguinem , inde brevissimo tempore exire posse per unicam scissam arteriam , etiamsi arctissimè prope cor esset ligata , atque inter ipsum & vinculum scissa ; adeò ut nulla esset suspicandi occasio , sanguinem egredientem aliunde quàm ex corde venire.

Sed multa alia sunt quæ hanc quam dixi , veram istius motus sanguinis causam esse testantur ; ut primò differentia quæ observatur inter sanguinem qui è venis exit , & eum qui ex arteriis promanat ; quæ aliunde oriri non potest quàm ex eo quòd transeundo per cor rarefactus & veluti distillatus fuerit , atque ita subtilior , vividior & calidior sit , statim atque inde exiit , hoc est , cum in arteriis continetur , quàm esset paulò antequàm in eas ingrederetur , hoc est , cum in venis stabulabatur. Et si probè attendatur , comperietur hoc discrimen non apparere manifestè , nisi in vicinia cordis ; minùs autem in locis ab eo remotioribus. Deinde tunicarum è quibus vena arteriosa & magna arteria constant durities , satis ostendit sanguinem ipsas majore cum vi quàm venas pulsare. Cur etiam sinistra cordis cavitas &

magna

magna arteria, ampliores essent & latiores cavitate dextrâ & venâ arteriosâ; nisi arteriosâ venâ sanguis pulmones solum ingressus ex quo per cor transit, subtilior esset, & magis, faciliusque rarefieret quam sanguis immediatè ex venâ cavâ procedens? Et quid ex pulsus contrectatione conjicere possunt Medici, nisi sciant sanguinem prout naturam mutat, magis aut minùs, celerius vel tardius quàm antea à cordis calore rarefieri posse? Et si expendatur quomodò iste calor aliis membris communicetur, nonne fatendum est id fieri ope sanguinis, qui per cor transiens ibidem calefit, indèque per totum corpus diffunditur? Unde fit ut si ex aliquâ parte sanguis dematur, eâdem operâ dematur calor. Et quamvis cor ardore ferrum candens æquaret, non sufficeret tamen ad pedes & manus ad id ac sentimus calefaciendum, nisi continuò illuc novum sanguinem mitteret. Deinde etiam ex eo cognoscitur verum respirationis usum esse, satis recentis aëris in pulmones inferre, ad efficiendum ut sanguis qui eò ex dextro cordis ventriculo defluit, ubi rarefactus & quasi in vaporibus mutatus fuit, ibi incrassescat & denuò in sanguinem convertatur, priùs quàm in sinistrum refluat; sine quo, alendo qui illic est igni aptus esse non posset. Idque ex eo confirmatur, quòd videamus animalia pulmonibus destituta, unicum tantùm cordis ventriculum habere; quòdque in infantibus qui eo uti non possunt quamdiu sunt in matrum uteris inclusi, foramen quoddam deprehendamus per quod sanguis è venâ cavâ in sinistram cordis cavitatem defluit; & brevem tubum per quem è venâ arteriosâ in magnam arteriam, non trajecto pulmone, transit. Deinde quomodò fieret concoctio in ventriculo, nisi cor eò calorem per arterias immitteret, unâque fluidiores aliquas sanguinis partes, quæ injecti cibi comminutionem adjuvant? Nonne etiam actio, quæ istius cibi succum in sanguinem convertit, facilis est cognitu, si consideretur illum iteratis vicibus, & fortè plùs quàm centies aut ducenties singulis diebus per cordis ventriculos totum distillare? Quâ verò aliâ re indigemus ad explicandum nutritionem, & variorum qui in corpore sunt humorum productionem; nisi ut dicamus impetum quo sanguis dum rarefit, à corde ad extremitates arteriarum transit, efficere ut aliquæ ipsius partes subsistant in membris ad quæ accedunt, ibique locum occupent aliquarum partium quas inde expellunt; & secundùm situm, aut figuram, aut exilitatem pororum quos offendunt, quasdam potiùs in certa loca confluere quàm aliàs; eâdem

dem ratione quâ fieri solent quædam cribra, quæ per hoc unum quoddam diversimodè sint perforata, variis frumenti speciebus à se invicem separandis inserviunt. Denique id quod hic super omnia observari meretur, generatio est spirituum animalium, qui sunt instar venti subtilissimi, aut potius flammæ purissimæ, quæ continuè è corde magnâ copiâ in cerebrum ascendens, inde per nervos in musculos penetrat, & omnibus membris motum dat: ita ut non opus sit aliam imaginari causam, quæ efficiat ut partes sanguinis, quæ, eò quod sint magis cæteris agitata & penetrantiores, aptissimæ sunt ad istos spiritus componendos, potius ad cerebrum quàm aliò contendant; nisi quoddam arteriæ quæ eas illuc deferunt, rectissimâ omnium lineâ à corde procedant; & quoddam secundum Mechanices regulas, quæ eadem sunt atque regulæ naturæ, cum variæ res simul ad eandem partem contendunt, ubi satis spatii non est omnibus recipiendis, sicut contingit in partibus sanguinis, quæ è sinistro cordis ventriculo exeunt, & ad cerebrum tendunt, necesse sit ut debiliores & minus agitata inde avertantur à validioribus, quæ hac ratione eò solæ perveniunt.

Particulatim satis ista omnia exposueram in tractatu quem antea in lucem edere cogitabam. In quo consequenter ostenderam quænam debeat esse fabrica nervorum & musculorum corporis humani, ad efficiendum ut spiritus animales ipso contenti, vires habeant ejus membra movendi; sicut videmus capita, paulò post quàm abscissa fuerunt, adhuc moveri & terram mordere, etiamsi non amplius sint animata: Quænam mutationes in cerebro fieri debeant ad vigiliam, somnum & insomnia producendum: Quomodo lumen, soni, odores, saporès; calor, & omnes aliæ externorum objectorum qualitates, in eo per sensuum organa diversas imprimere ideas possint: Quomodo fames, sitis, aliique interni affectus suas etiam illuc immittere valeant: Quid in eo per sensum communem intelligi debeat, in quo idæ istæ recipiuntur; per memoriam, quæ eas conservat; & per phantasiam, quæ eas diversimodè mutare potest, & novas componere; quæque etiam spiritus animales variè in musculos immittendo, eosdem omnes motus qui unquam absque voluntatis imperio in nobis fiunt, eodemque modo tum objectis externis sensuum organa pulsantibus, tum etiam affectibus & temperamentis externis respondentibus, in istius corporis membris potest efficere. Quod nullo modo videbitur mirum iis, qui scientes

tes quàm variis motus in automatis humanâ industriâ fabricatis edi possint; idque ope quarundam rotularum aliorumve instrumentorum, quæ numero sunt paucissima, si conferantur cum multitudi-  
ne ferè infinita ossium, musculorum, nervorum, arteriarum, venarum aliarumque partium organicarum, quæ in corpore cujuslibet animalis reperiuntur; considerabunt humani corporis machinamentum tanquam automatum quoddam manibus Dei factum, quod infinities meliùs sit ordinatum, motusque in se admirabiliores habeat, quàm ulla quæ arte humana fabricari possint. Et hic particulariter immoratus eram in ostendendo, si darentur ejusmodi machinæ, figurâ externâ organicque omnibus simiæ, vel cuivis alteri bruto animali simillimæ, nullâ nos ratione agnituros ipsas naturâ abistis animantibus differre. Si autem aliquæ existerent quæ nostrorum corporum imaginem referrent, nostrasque actiones quantum moraliter fieri posset imitarentur; nobis semper duas certissimas vias reliquas fore ad agnoscendum, eas non propterea veros homines esse. Quarum prima est, illas nunquam sermonis usum habituras, aut ullorum signorum, qualia adhibemus ad cogitationes nostras aliis aperiendas. Nam concipi quidem potest machina ita composita ut vocabula aliqua proferat; imò etiam ut quædam enunciet quæ præsentia objectorum, ipsius organa externa moventium, appositè respondeant: veluti si aliquo loco tangatur, ut petat quid se velimus; si alio, ut clamet nos ipsam lædere, & alia ejusmodi: Sed non ut voces proprio motu sic collocet aptè ad respondendum omnibus iis quæ coram ipsa proferuntur; quemadmodum quilibet homines, quantumvis obtusi ingenii, possunt facere. Secunda est, quòd etiamsi tales machinæ, multa æquè bene aut forsitan meliùs quàm ullus nostrum facerent, in quibusdam aliis sine dubio aberrarent; ex quibus agnosci posset eas cum ratione non agere; sed solummodo ex organorum suorum dispositione. Cùm enim ratio instrumentum sit universale, quod in omni occasione usui esse potest, contrà autem organa ista particulari aliqua dispositione ad singulas suas actiones indigeant: inde fit ut planè sit incredibile, satis multa diversa organa in machina aliqua reperiri, ad omnes motus externos variis casibus vitæ respondentes, solâ eorum ope peragendos, eodem modo quo à nobis rationis ope peraguntur. Hæc autem eadem duplici viâ cognosci etiam potest discrimen quod inter homines & bruta intercedit. Observatu enim dignum est,

nullos reperiri homines adeò hebetes & stupidos, ne amentibus quidem exceptis, ut non possint diversas voces aptè construere, atque ex iis orationem componere; quâ cogitationes suas patefaciant: Contrà verò nullum esse aliud animal, quantumvis perfectum aut felici fidere natum, quod simile quidquam faciat. Hocque ex organorum defectu non contingit; videmus enim picas & psittacos easdem quas nos voces proferre, nec tamen sicut nos loqui posse, hoc est, ita ut ostendant se intelligere quid dicant. Cùm nihilominus homines à nativitate surdi & muti, sicque non minùs, sed potius magis quàm bruta, destituti organis quibus alii in loquendo utuntur, soleant propriâ industriâ quædam signa invenire quibus mentem suam aperiant iis quibuscum versantur, & quibus vacat linguam ipsorum addiscere. Istud autem non tantùm indicat bruta minore rationis vi pollere quàm homines, sed illa planè esse rationis expertia. Videmus enim exiguâ admodum opus esse ratione ad loquendum: & quia observatur ingenii quædam inæqualitas inter ejusdem speciei animantia, non minùs quàm inter homines, & alia aliis institutionis esse capaciora; non est credibile simiam, aut psittacum in sua specie perfectissimum, in eo infantem stupidissimum, aut saltem mente motum, æquare non posse, nisi ipsorum anima, naturæ à nostrâ planè discrepantis esset. Notandumque est loquelam, signaque omnia quæ ex hominum instituto cogitationes significant, plurimùm differre à vocibus & signis naturalibus quibus corporei affectus indicantur: nec cum veteribus quibusdam putandum, bruta loqui, sed nos ipsorum sermonem non intelligere. Si enim id verum esset, cùm multis organis prædita sint, iis quæ in nobis sunt analogis, mentem suam æquè nobis patefacere possent ac sui similibus. Singulari etiam animadversione dignum est, quòd quamvis multa sint animantia, quæ plus industriæ quàm nos in quibusdam suarum actionum patefaciant; eadem tamen nullam omnino in multis aliis demonstrare conspiciantur. Ita ut id quod meliùs nobis faciunt, non probet ipsa esse ratione prædita; inde enim sequeretur, majorem in illis inesse rationem quàm in ullo nostrum, eaque nos in omni etiam aliâ re debere superare: sed potius probat, ipsa, ratione esse destituta, & naturam in iis secundùm organorum dispositionem agere: prout videmus horologium ex rotis tantùm & ponderibus compositum, æqualiùs quàm nos cum omni nostrâ prudentiâ, horas numerare & tempora metiri.

Postea



Postea descripseram animam rationalem, ostenderamque, eam nullo modo è materiæ potentiâ educi posse, sicut alia de quibus egeram, sed necesse esse ipsam creari: Nec sufficere ut instar nautæ in navi, ipsa in corpore habitet, nisi forsan ad illius membra movenda; sed requiri ut cum ipso arctius jungatur uniaturque, ad sensus & appetitus nostris similes habendos, & ita verum hominem componendum. Cæterùm copiosior paulò hic fui in argumento de animâ tractando, quòd sit maximi ponderis. Nam post illorum errorem qui Deum esse negant, quem me satis suprâ refutasse opinor, nullus est qui faciliùs debiles animas à recto virtutis tramite avertat, quàm si putent, brutorum animam ejusdem esse cum nostrâ naturæ; ac proinde nihil nobis post hanc vitam timendum aut sperandum superesse, non magis quàm muscis aut formicis. Cùm autem rectè cognoscitur quantum differant, multò melius postea capiuntur rationes quæ probant animam nostram naturæ esse planè à corpore independentis, & ex consequenti opus non esse ut cum ipso moriatur: ac denique quia nullæ animædyvertuntur causæ quæ eam destruant, naturâ ferimur ad judicandum ipsam esse immortalem.

Tertius autem nunc agitur annus, ex quo perveni ad finem tractatus quo ista omnia continentur, incipiebamque eum recognoscere, ut postea typographo traderem; cùm rescivi, viros, quibus multum defero, & quorum auctoritas non multò minùs in meas actiones potest, quàm propria ratio in cogitationes, opinionem quandam Physicam improbasse, paulò antè ab alio in lucem editam; cui nolo dicere me adhæsisse, sed tantum nihil in illa ante ipsorum censuram observasse, quod suspicari possem aut religioni aut reipublicæ noxium esse; nec proinde quod me impediturum fuisset ipsam tueri, si ratio veram esse persuasisset; hocque mihi metum incussisse ne pariter inter meas aliqua inveniretur in quâ à vero aberrassem; Quanquam sanè magno semper studio curavi, ne ullis novis opinionibus fidem adhiberem, quarum demonstrationes certissimas non haberem, aut quidquam scriberem quod in ullius damnum cedere posset. Hoc verò satis fuit ad me movendum ut à proposito illas evulgandi desisterem. Etiam si enim rationes quibus ad cogitationes meas edendas inductus fueram validissimæ essent, genius tamen meus, qui semper à libris scribendis abhorruit, fecit ut statim multas alias invenirem, quibus me ab illo labore

VI  
*Quid requiri putet Auditor, ad ulterius progrediendum in Naturæ perquisitione, quàm hactenus factum sit; & quæ rationes ipsum ad scribendum impulerint.*

fufcipiendo excufarem. Et iftæ rationes ab utraque parte tales funt, ut non folùm meâ eas hîc recenfere aliquatenus interfit, fed etiam fortaffe reipublicæ literariæ illas cognofcere.

Nunquam ea magni feci quæ ab ingenio meo proficifcebantur, & quamdiu nullos alios ex ea quâ utor Methodo fructus percepi, niſi quod mihi in quibuſdam dubiis ſatisfeci ad ſcientias ſpeculativas pertinentibus, aut meos mores componere conatus ſum ſecundùm rationes quas me docebat, non putavi me quicquam eâ de re ſcribere teneri. Nam quod ad mores attinet, unusquiſque adedò ſuo ſenſu abundat; ut tot poſſent inveniri reformatores quot capita, ſi aliisliceret, præterquam iis quos Deus ſupremos fuorum populorum Rectores conſtituit, aut quos ſatis magnâ gratiæ & zeli menſurâ donavit, ut Prophetæ ſint, aliquid in eo immutandum ſuſcipere. Et licet ſpeculationes meæ valde mihi arriderent, credidi tamen, alios etiam habere ſuas, quæ fortè magis adhuc ipsis placeant. Sed ſtatim atque notiones aliquas generales Phyſicam ſpectantes, mihi comparavi, earumque periculum facere incipiens in variis particularibus difficultatibus, obſervavi quouſque illæ me deducere poſſint, & quantum à principiis differant quæ hætenus in uſu fuerunt; Credidi me eas occultas detinere non poſſe, abſque gravi peccato adverſus legem jubentem ut, quantum in nobis eſt, generale omnium hominum bonum procuremus. Ex iis enim cognovi, ad notitias vitæ valde utiles poſſe perveniri; & loco Philoſophiæ illius ſpeculativæ quæ in ſcholis docetur, poſſe Practicam reperiri, quâ cognitio viribus & actionibus ignis, aquæ, æris, aſtrorum, cælorum aliorumque corporum quæ nos circumſtant, adedò diſtinctè atque diverſas opificum noſtrorum artes novimus; adhibere pariter ea poſſemus ad omnes uſus quibus inſervire apta ſunt; atque ita nos velut dominos & poſſeſſores naturæ efficere. Quod ſanè eſſet optandum non tantùm ad infinitorum artificiorum inventionem, quæ efficerent ut ſine labore fructibus terræ, & omnibus ipſius commodis frucremur: ſed præcipuè etiam ad valetudinis conſervationem, quæ ſine dubio primum eſt hujus vitæ bonum, & cæterorum omnium fundamentum. Animus enim adedò à temperamento & organorum corporis diſpoſitione pendet, ut ſi ratio aliqua poſſit inveniri, quæ homines ſapientiores & ingenioſiores reddat quàm hætenus fuerunt, credam illam in Medicina quæri debere. Verum quidem eſt, eam quæ nunc eſt in uſu, pauca quorum adedò inſignis ſit utilitas conti-

continere. Sed quamvis ipsam contemnere nullo modo sit animus, confido tamen nullum fore, etiam inter eos qui illam profitentur, qui non confiteatur, omnia quæ hæcenus in ea inventa sunt, nihil propemodum esse, respectu eorum quæ scienda adhuc restant: hominesque ab infinitis tam corporis quam animi morbis immunes futuros, imò etiam fortassis à senectutis debilitatione, si satis magnam causarum à quibus mala ista oriuntur, & omnium remediorum quibus natura nos instruxit, notitiam haberent. Cùm autem proposuerim totam meam vitam collocare in scientiæ ad eò necessariæ investigatione, & incidèrim in viam quæ mihi talis videtur, ut si quis eam sequatur, haud dubiè ad optatum finem sit perventurus, nisi aut brevitate vitæ aut experimentorum defectu impediatur: judicabam nullum melius esse adversus duo ista impedimenta remedium, quam si fideliter publico communicarem id omne, quantumcunque esset, quod reperissem, & præclara ingenia incitarem, ut ulteriùs pergere contenderent, singulique quod in sua facultate esset ad experimenta facienda conferrent, atque etiam eorum omnium quæ addiscerent publicum particeps facerent, eo fine ut ultimi incipiendo ubi præcedentes discessissent, & ita multorum vitas & labores conjungendo, omnes simul longiùs progredieremur quàm singuli privatim possent.

Quinetiam de experiètiis observabam, eas tantò magis necessarias, quantò quis majorem notitiam est adeptus. Initio enim præstat iis tantùm uti quæ sponte sensibus nostris occurrunt, & quas ignorare non possumus, si vel tantillum ad eas attendamus, quàm rariores & abstrusiores investigare. Cujus rei ratio est, quòd rariores illæ sæpius decipiant, quamdiu vulgatorum causæ ignorantur; circumstantiæque à quibus pendent ferè semper ad eò particulares & exiguæ sint, ut observatu sint difficillimæ. Sed tamen hac in re ordinem secutus sum: Primùm conatus sum generatim invenire principia, seu primas causas omnium quæ sunt aut possunt esse in mundo; ad Deum solum qui ipsum creavit attendendo, easque aliunde non educendo quàm ex quibusdam veritatis seminibus, animis nostris à naturâ inditis. Postea expendi quinam essent primi & maximè ordinarii effectus, qui ex his causis deduci possent; videorque mihi hac viâ cognovisse cælos, astra, terram, imò etiam in terra aquam, aërem, ignem, mineralia, & quædam ejusmodi alia, quæ sunt omnium maximè communia, simplicissimaque, ac proin-

proinde cognitu facillima. Deinde cùm volui ad particulariora descendere, tam multa diversa mihi occurrerunt, ut crediderim opus esse ingenio plusquam humano, ad formas aut species corporum, quæ in terrâ sunt, ab infinitis aliis, quæ in eâ possent esse, si Deo placuisset illas ibi collocare, dignoscendas, ipsasque deinde ad usum nostrum referendas; nisi per effectus causis obviam eamus, & multis particularibus experimentis adjuvemur. Deinde animo revolvens omnia objecta quæ unquam sensibus meis occurrerant, dicere non verebor me nihil in iis observasse, quod satis commodè per inventa à me principia explicare non possem. Sed confiteri me etiam oportet, potentiam Naturæ esse aded amplam & diffusam, & principia hæc aded esse simplicia & generalia, ut nullum ferè amplius particularem effectum observem, quem statim variis modis ex iis deduci posse non agnoscam; nihilque ordinariè mihi difficilius videri, quàm invenire quo ex his modis inde dependeat. Hinc enim aliter me extricare non possum, quàm si rursus aliqua experimenta quæram; quæ talia sint, ut eorum idem non sit futurus eventus, si hoc modo quàm si illo explicetur. Cæterum eò usque nunc perveni ut mihi satis bene videar percipere, quâ ratione pleraque illorum sint faciendâ quæ huic fini inservire possunt. Sed video etiam, illa esse talia & tam multiplicia ut neque manus meæ, neque fortuna, etiamsi millecuplo majores essent, ad omnia possent sufficere; prout autem deinceps plura aut pauciora faciendi copia erit, majores etiam aut minores, in Naturæ cognitione progressus mihi promitto. Id quod in composito à me tractatu declarare sperabam, ibique aded clarè patefacere quænam exinde ad publicum utilitas esset reditura, ut eos omnes quibus commune hominum bonum est cordi, hoc est, omnes re-vera, & non in speciem tantùm honestos viros, inducturus essem tum ad mecum communicanda quæ jam fecissent experimenta, tum ad me juvandum in investigatione eorum quæ supersunt faciendâ.

Sed ab illo tempore aliæ mihi occurrerunt rationes, quibus ad mutandam sententiam adductus sum, & ad cogitandum me debere quidem pergere in scribendis omnibus iis quæ alicujus esse momenti putarem, statim atque eorum veritatem deprehendissem; idque non minorem cum curâ quàm si ea in lucem edere vellem; tum ut tantò majorem haberem ea bene examinandi occasionem; Nam sine dubio accuratius semper id elaboratur, quod à pluribus lectum iri creditur, quàm

quàm quod in privatum tantùm usum scribitur; & sæpe quæ mihi visa sunt vera, cùm primùm illa concepi; falsa esse postea cognovi cùm ipsa chartæ volui mandare; tum etiam ut nullam amitterem occasionem publicam utilitatem quantum in me esset procurandi, & si mea scripta alicujus sint pretii, ii in quorum manus post obitum meum devenient, illis prout commodum videbitur uti queant: Sed me nullo modo permittere debere ut me vivo in lucem exirent, ne vel oppositiones, & controversiæ quibus fortè vexarentur, vel etiam qualiscunque fama quam conciliare possent, aliquam mihi darent occasionem, tempus quod institutioni meæ destinaveram amittendi. Etiam si enim verum sit unumquemque teneri quantum in se est aliorum bonum procurare; illumque propriè nullius esse pretii quî nemini prodest; attamen verum etiam est curas nostras ultra tempus præsens debere extendi, bonumque esse omittere ea quæ fortè aliquam viventibus utilitatem essent allatura, eo fine ut alia faciamus quæ multò magis nepotibus nostris sunt profutura. Quemadmodum etiam dissimulare nolo, exiguum id quod huc usque didici, nihil ferè esse præ eo quod ignoro, & ad cujus cognitionem pervenire non despero. Eodem enim ferè modo agitur cum iis qui paulatim veritatem in scientiis detegunt, atque cum ditescentibus, quibus facilius est magna lucra facere, quàm antea multò minora cùm adhuc pauperes erant. Vel possunt cum exercituum præfectis conferri, quorum vires pro victoriarum ratione incrementa sumere solent, & quibus post cladem acceptam majore prudentia opus est ad residuas copias conservandas, quàm cùm prælio superiores fuerunt ad urbes & provincias occupandas. Verè enim is prælio decernit, qui conatur superare omnes difficultates & errores, à quibus impeditur ne ad cognitionem veritatis perveniat; & prælio vincitur, qui de realicujus momenti falsam opinionem admittit; majoreque postea opus habet dexteritate, ad se in pristinum statum restituentium, quàm ad magnos progressus faciendos cùm jam principia certa habet. Quod ad me attinet, si quas in scientiis veritates inveni (confido autem, ea quæ hoc volumine continentur, ostensura me aliquas invenisse), possum dicere illas tantùm esse consequentias, quinque aut sex præcipuarum difficultatum quas superavi, quasque pro totidem pugnis numero in quibus victoriam reportavi. Imò non verebor dicere, me putare, nihil mihi ampliùs deesse ut voti compos fiam, quàm duas aut tres ejusmodi obtinere; & me non

esse adeò ætate provectum, quin secundum ordinarium naturæ cursum, fatis mihi ad hanc rem otii superesse possit. Sed credo me èd plus teneri, temporis quod mihi restat parcum esse, quò plus spei illud bene collocandi habeo. Et multas procul dubio illud amittendi occasiones haberem, si meæ Physicæ fundamenta in lucem ederem. Etiam si enim omnia ferè adeò sint evidèntia, ut opus tantum sit ea intelligere ad assentiendum; nullumque inter illa sit, cujus demonstrationes dare posse non sperem; attamen quia fieri non potest, ut cum omnibus aliorum diversis opinionibus conveniant, sæpius me à proposito avocandum iri prævideo, oppositionum quas excitabunt occasione.

• Objici quidem potest oppositiones istas utiles fore, cum ut errores meos agnoscam, tum ut si quid boni habeam, alii majorem illius hac ratione intelligentiam consequantur; & quia plures oculi plus vident uno, ut meis nunc uti incipientes, suis me vicissim inventis juvent. Sed etiam si me valde errori obnoxium agnoscam; & nunquam ferè fidam, primis quæ mihi occurrunt cogitationibus; experientia tamen quam habeo eorum quæ mihi objici possunt, impedit quominus ullum inde fructum sperem. Jam enim sæpe expertus sum judicia, tam eorum quos pro amicis habui, quàm aliorum quorundam, quibus me indifferentem esse putabam; quin etiam nonnullorum malignorum & invidorum, quos sciebam conaturos in apertum protrahere id quod amicitie velum ab amicorum oculis abscondebatur. Sed rarò accidit, ut aliquid mihi objectum sit quod nullo modo prævidissem, nisi id esset valdè à meo argumento remotum; adeò ut ferè nullum unquam offenderim opinionum mearum Censorem, qui mihi non videretur aut minùs rigidus, aut minùs æquus me ipso. Sicut etiam nunquam observavi, veritatem aliquam antea ignotam, disputationum Scholasticarum ope in lucem protractam fuisse. Nam dum unusquisque contendit vincere, plerumque potius ad verisimilitudinem, quàm ad rationum utrimque allatarum momenta attendi solet; & qui diu boni fuerunt advocati, non ideo postea meliores sunt iudices.

Quod ad utilitatem, quam alii ex mearum meditationum communicatione percepturi essent, non posset etiam valde magna esse; quia nondum eas èd usque deduxi, ut nulla supersint addenda, antequam ad praxim revocentur. Et puto me posse sine jactantia dicere, si quis earum perficiendarum sit capax, me potius eum esse quàm

quàm alium quemquam. Non quod ingenia in orbe non esse possint quæ meum multis parasangis superent; sed quia fieri non potest ut rem aded bene concipiat & suam reddat, qui eam ab alio discit, atque ille qui ipsemet eam invenit. Quod aded in hac materiâ verum est, ut quamvis sæpe aliquas ex meis opinionibus explicaverim viris acutissimis, & qui me loquente eas videbantur valde distinctè intelligere; attamen cùm eas retulerunt, observavi ipsos serè semper illas ita mutavisse, ut pro meis agnoscere ampliùs non possem. Quâ occasione posteros hîc oratos volo, ut nunquam credant, quidquam à me esse profectum, quod ipse in lucem non edidero. Et nullo modo miror absurda illa dogmata, quæ veteribus illis Philosophis tribuuntur, quorum scripta non habemus; nec propterea iudico ipsorum cogitationes valdè à ratione fuisse alienas, cùm habuerint præstantissima suorum sæculorum ingenia; sed tantùm eas nobis perperam fuisse relatas. Sicut etiam videmus, nunquam serè contigisse ut ab aliquo suorum sectatorum superati fuerint. Et credo servidissimos eorum qui nunc Aristotelem sequuntur, se beatos putaturos si eum in naturæ cognitione æquarent; etiam sub hac conditione, ut postea nihil ampliùs addicerent. In quo similes sunt hederæ, quæ nunquam contendit altius ascendere quàm arbores quæ ipsam sustinent; imò sæpe descendit, postquam ad fastigium usque sublata fuit. Mihi enim videntur etiam illi descendere, id est, aliquo modo se indoctiores reddere quàm si à studiis desisterent; qui non contenti omnia ea scire quæ clarè & dilucidè apud suum Auctorem explicata sunt, volunt præterea illic invenire solutionem multarum difficultatum, de quibus ne verbo quidem meminit, & fortè nunquam cogitavit. Attamen ipsorum philosophandi ratio valdè commoda est ingeniis infra mediocritatem positis. Distinctionum enim & principiorum quibus utuntur obscuritas, causa est ut de omnibus æquè confidenter loqui possint, ac si illa optimè novissent; ita adversus subtilissimos acutissimosque omnia quæ dicunt defendere, ut falsi argui nequeant. Quâ in re similes mihi videntur cæco, qui ut æquo Marte adversus videntem decertaret, eum in profundam & obscuram aliquam cellam deduxisset. Ac possum dicere istorum interesse ut ab edendis Philosophiæ quâ utor principiis abstineam. Nam cùm simplicissima & evidentissima sint; idem propemodum facerem, ea luce donando, ac si aliquas aperirem fenestras, per quas lux in illam cellam ingrederetur, in quam ad pugnandum

dum descenderunt. Imò neque præstantiora ingenia habent, cur optent ea cognoscere. Nam si velint scire de omnibus loqui, & eruditionis famam sibi comparare; eò facilius pervenient, si verisimilitudine contenti sint, quæ sine magno labore in omni genere materiæ inveniri potest; quàm veritatem investigando, quæ paulatim tantùm in quibusdam patefit; & cùm de aliis loquendum est, ad ingenuam ignorantix suæ confessionem impellit. Si verò paucarum aliquot veritatum notitiam præferant vanæ nihil ignorandi professioni, sicut proculdubio præferenda est, & meum institutum sectari velint, non opus habent ut quidquam ipsis amplius dicam, præter id quod jam in hac dissertatione à me audierunt. Nam si ulterius quàm fecerim progrediendi sint capaces, multò potiori ratione erunt per se inveniendi id omne quod me hæcenus invenisse puto; quoniam cùm nihil unquam nisi ordine examinaverim, certum est, id quod mihi è tenebris eruendum restat, multò ex se difficilius & occultius esse, quàm id quod antea reperire potui; & minor multò ipsis esset voluptas id à me quàm à seipsis discere. Præterquam quòd habitus quem sibi comparabunt, facilia primùm quærendo, & paulatim atque per gradus ad alia difficiliora transeundo, ipsis plus omnibus meis documentis profuturus sit. Sicut quod ad me attinet, si à juventute edoctus essem omnes veritates, quarum postea demonstrationes investigavi, & sine labore illas didicissem, opinor me fortasse nunquam multò plures cogniturum fuisse; saltem nunquam acquisiturum fuisse habitum & facilitatem quâ me semper novas & novas inventurum spero, prout animum ad eas investigandum applicabo. Et, ut verbo dicam, si quod in mundo est opus, quod ita bene ab alio non possit absolvi, atque ab eo qui inchoavit, illud est in quo verfor & laboro.

Verum quidem est, quantùm ad experimenta spectat quæ huic scopo inservire queunt, unum hominem illis omnibus faciendis non esse parum. Sed nullas etiam alias utiliter adhibere posset manus, quàm suas, nisi fortè opificum, aut aliorum ejusmodi mercenariorum, quos lucri spes (magnæ efficacix medium) impelleret ad accuratè faciendum omnia quæ ipsis præscriberet. Nam quod ad voluntarios attinet, qui curiositate aut discendi studio moti, sponte forsan operas suas offerrent, præter quàm quòd ordinariè multa promittant & pauca præstent, nullùmque unquam ferè ipsorum propositum, finem optatum sortiatur; procul dubio vellent operam suam compen-



compensari aliquarum difficultatum explicatione, aut saltem inutilibus comitatibus officiis & sermonibus, in quibus sine magno detrimento partem otii sui impendere non posset. Et quod ad experimenta jam ab aliis facta, etiamsi ea cum ipso communicare vellent, quod nunquam facturi sunt qui ipsa pro secretis habent, plerumque tot sunt comitata circumstantiis, rebusque superfluis, ut inde veritatem elicere difficillimum illi foret. Præterquam quòd omnia ferme adeò malè explicata inveniret, aut etiam falsa (quia qui illa fecerunt, ea tantum in iis videre voluerunt quæ principiis suis conformia putabant), ut si aliqua proposito ipsius accommodata essent, pretium tamen temporis æquare non possent, quod in delectu illorum faciendo impendendum esset. Adeò ut si quis esset in hoc terrarum orbe, quem constaret capacem esse maxima quæque, & in publicum utilissima inveniendi; & cæ de causa cæteri homines, omnibus modis eum adjuvare contenderent in proposito suo assequendo; non videam eos aliud in ipsius gratiam facere posse, quàm in experimenta quibus indigeret sumptus conferre; & de cætero impedire ne tempus ipsi ullius importunitate eriperetur. Sed præterquam quòd non tantum mihi tribuo, ut aliquid extraordinarium polliceri velim, nec me adeò vanis cogitationibus pascò, ut putem, rempublicam multum mea consilia curare debere; non sum etiam adeò abjecto animo, ut à quolibet accipere vellem beneficium, cuius me indignum esse credi posset.

Omnes istæ considerationes simul junctæ, in causa fuerunt à tribus annis cur noluerim in lucem edere tractatum quem præ manibus habebam; imò ut statuerem nullum alium quamdiu viverem publici juris facere, qui adeò generalis esset, aut ex quo Physices meæ fundamenta intelligi possent. Sed postea rursus duæ aliæ causæ fuerunt quæ me moverunt, ut hîc particularia quædam specimina subjungerem, & publico aliquam actionum mearum consiliorumque rationem redderem: Quarum prima est; quòd si illud omitterem, multi qui resciverunt propositum quod antea habui scripta aliqua prælo subjiciendi, suspicari possent causas propter quas ab eo abstinerem, minus mihi honorificas esse quàm revera sunt. Quamvis enim immodicè gloriam non appetam, aut etiam (si id cessari liceat) ab illa abhorream, quatenus ipsam contrariam esse iudico quieti, quam supra omnia magni facio; attamen nunquam etiam studui actiones meas tanquam crimina occultare, aut mul-

tas præcautiones adhibui ut ignotus essem; tum quia credidissem adversus meipsum injurius esse, tum etiam quia id mihi inquietudinem aliquam attulisset, quæ rursus perfectæ animi tranquillitati quam quærebam adversa fuisset. Et quia dum me ita indifferenter habui, inter innotescendi aut delitescendi curam, non potui impedire quin aliquatenus in ore hominum versarer, putavi debere me allaborare saltem ne malè audirem. Altera ratio quæ me ad hæc scribendum compulit est, quòd quotidie magis ac magis perspicuus moram quam patitur illud quod de me erudiendo cepi consilium, propter infinita experimenta quibus indigeo, & quæ sine alienâ ope facere non possum, etiamsi non adeò Suffenus sim, ut sperem publicum in partem consiliorum meorum venire velle; attamen nolo etiam mihi adeò deesse, ut occasionem dem post victuris, mihi aliquando exprobandi, me potuisse ipsis varia multò meliora relinquere quàm fecerim, nisi nimium neglexissem ipsis significare, quâ in re instituta mea possent promovere.

Et putavi facile mihi esse eligere aliquas materias, quæ neque essent multis controversiis obnoxia, neque me cogerent plura quàm velim ex meis principiis exponere; & tamen satis clarè patefacerent quid in scientiis præstare possim aut non possim. Quod an feliciter mihi successerit aliis judicandum relinquo; at pergratum mihi erit si examinentur; & ut tantò major sit ejus rei occasio, rogo omnes eos qui adversus ea objectiones aliquas facere volent, ut eas ad meum bibliopolam mittant, à quo monitus, meum responsum eodem tempore adjungere conabor; istâ enim ratione, lectores utraque scripta simul videntes, tantò faciliùs de veritate judicium ferent. Non enim prolixa illis opponere responsa polliceor, sed tantùm mea errata ingenuè, si agnoscam confiteri, aut si ea animadvertere non possim, simpliciter dicere quod putabo ad rerum à me scriptarum defensionem requiri; nullâ additâ novæ aliqujus materiæ explicatione, ne me sine fine ab una ad aliam transire sit necesse.

Quod si quædam eorum, de quibus egi initio Dioptrices & Meteororum, primâ fronte offendant, quia hypotheses voco & nolle probare videor; rogo ut integri tractatus cum attentione legantur, & spero hæsitantibus satisfactum iri. Rationes enim mihi videntur in iis tali serie connexæ, ut sicut ultimæ demonstrantur à primis quæ illarum causæ sunt, ita reciprocè primæ ab ultimis, quæ  
ipfarum

ipſarum ſunt effecta, probentur. Nec eſt quod quis putet me hîc in vitium quod Logici Circulum vocant, incidere; nam cùm experientia maximam effectuum iſtorum partem certiffimam eſſe arguat, cauſæ à quibus illos elicio, non tam iis probandis quàm explicandis inſerviunt; contraque ipſæ ab illis probantur. Nec hypotheſes alio fine vocavi, quàm ut ſciatur cōfidere me eas poſſe deducere ex primis illis veritatibus quas ſupra expoſui; ſed datâ operâ noſuiſſe facere, ad impediendum, ne quædam ingenia, quæ uno die addiſcere ſe poſſe putant, ea in quibus alius vinginti annis deſudavit, ſtatim atque illa ipſis uno tantùm aut altero verbo aperui, (& quæ eò magis errori ſunt obnoxia, minùſque veritatis percipiendæ capacia, quò ſubtiliora & alacriora ſunt; ) inde poſſint occaſionem arripere, abſurdam aliquam Philoſophiam illis principiis, quæ pro meis habebunt, ſuperſtruendi, ejuſque rei mihi culpa tribuatur. Nam quod ad opiniones attinet quæ in ſolidum meæ ſunt, nolo ipſarum novitatem excuſare; quoniam ſi rationes quibus innituntur, bene perpendantur, cōfido eas adedò ſimplices & ſenſui communi conformes inventum iri, ut minùs extraordinariæ & paradoxæ videantur, quàm ullæ aliæ quæ de iſſdem argumentis poſſint haberi. Nec me etiam primum ullarum Inventorem eſſe jactō, ſed tantùm me nunquam illas pro meis adoptaſſe, vel quòd ab aliis priùs receptæ fuiſſent, vel quòd non fuiſſent; verùm unicam hanc ob cauſam, quòd mihi eas ratio perſuaſiſſet.

Quod ſi artifices non ita citò poſſint executioni mandare inventionem in Dioptrica explicatam, non credo ipſam idcirco culpari meritò poſſe. Magna enim dexteritate & exercitatione opus eſt, ad machinas quas deſcripſi faciendas, & ita ut nulla circumſtantia deſit adaptandas; nec minùs mirarer ſi primo experimento id ipſis ſuccederet, quàm ſi quis unâ die eximie teſtudine canere addiſcere poſſet, eo ſolo quod optimus canendi modus ipſi deſcriptus fuiſſet.

Cæterum nolo hîc ſpeciatiim quidquam dicere de progreſſibus, quos deinceps me in ſcientiis ſpero facturum, aut erga publicum ullo me devincire promiſſo, quod incertus ſim implere necne valeam. Sed tantummodo dicam, decreviſſe me quod ſupereſt vitæ tempus nullâ aliâ in re collocare, quàm in ejuſmodi naturæ notiitiâ mihi comparandâ è quâ in Medicinæ uſum certiores regulæ quàm hæctenus exiſterint, depromi poſſint: Geniumque meum adedò ab omni alio

alio propofiti genere abhorrere, præfertim quod aliquibus prodeffe non poffit, nili aliis noceat; ut fi occasione aliqua ad id feñtandum adigerer, non credam me poffe eximium quid in eo præftare. Quod hñc apertè profiteor, etiamfi non ignorem profeflionem hanc inutilẽ effe ad mihi auctoritatem aut exiftimationem aliquam comparandam; quam etiam adeò non affecto, ut me femper magis illis devinctum arbitraturus fim, quorum favore otio meo abfque impedimento frui licebit, quàm iis qui mihi dignitates ampliffimas offerant.



DIOPTRICE.

## D I O P T R I C E.

## CAPUT PRIMUM.

*De Lumine.*

Otius vitæ nostræ regimen à sensibus pendet; quorum cum visus sit nobilissimus & latissimè patens, non dubium est quin utilissima sint inventa, quæ vim illius augere queunt. Et quidem difficile est ullum excogitare quod magis juvet, quàm miranda illa specilla, quæ brevi tempore quo cognita sunt, jam in cælo nova sidera, & in ter-

I.  
visus præ-  
stantia; &  
quantum  
nuper in-  
ventis per-  
specillis ad-  
junctur.

ra nova alia corpora, numerosiora iis quæ antea visa fuerant, detexere. Aded ut promota luminis nostri acie ultra terminos, quibus imaginatio majorum sistebatur, viam simul nobis videantur aperuisse, ad majorem & magis absolutam naturæ cognitionem. Sed hoc inventum aded utile & mirandum, non sine aliquo scientiarum nostrarum opprobrio, vagis experimentis, & casui fortuito debemus. Ante annos circiter triginta, quidam Jacobus Metius vixit; Alcmariæ (quæ civitas est Hollandiæ) natus; homo humaniorum artium prorsus expertus; licet patrem & fratrem Mathefeos cultores habuerit. Hujus summa voluptas erat specula & vitra ustoria formare; nonnulla etiam hyeme componens ex glacie; quæ materies, experienciâ teste, non omnino ad id inepta est. Quum igitur hac occasione multa, eaque varîæ formæ vitra ad manum haberet, prospéro quodam fato duo simul oculo objecit; quorum alterum, medium paulò crassius habebat quàm extremitates, alterum vice versâ extremitates quàm medium multò tumidiore; & aded feliciter illa duabus tubi extremitatibus applicuit, ut primum de quo loquimur telescopium inde extiterit. Atque ad hujus unius normam, omnia deinceps, quæ in hunc usque diem habuimus, elaborata sunt; neque adhuc, quod sciam, ullus extitit, qui demonstraverit sufficienter, quam figuram hæc vitra exigant. Licet enim exinde multa egregia ingenia fuerint, quæ hanc materiam non parùm excoluere; atque ea occasione varia in Opticis invenere præstantiora iis, quæ à majoribus habemus; tamen quoniam operosiora inventa, rarò simul ac nata sunt, summum

perfectionis gradum adipiscuntur; satis multæ difficultates hîc relictæ sunt, ut scribendi materiam mihi suppeditent. Et quoniam constructio eorum de quibus loquar à dexteritate & industria artificum pendet, qui literis ut plurimum non vacarunt; conabor efficere ut quivis facîle capiat quæ dicam: nihilque reticebo, nec supponam quod petendum sit ex aliâ disciplinâ. Quapropter exordiar à lucis, ejusque radiorum explicatione; postea partibus oculi breviter descriptis, qua ratione visio fiat accuratè exponam: tandemque notatis iis omnibus quæ ad illam perficiendam licet optare, quibus artificibus ea ipsa possint præstari, docebo.

## II.

*Sufficere naturam luminis concipere, ad omnes ejus proprietates intelligendum.*

Hîc autem de luce vel lumine loquendi; cùm aliam causam non habeam, quàm ut explicem quo pacto ejus radii oculos intrent, & occurfu variorum corporum flecti possint; non necesse erit inquirere quænam genuina sit ejus natura, sed duas aut tres comparationes hîc asseram, quas sufficere arbitror, ut juvent ad illam concipiendam, eo modo qui omnium commodissimus est, ad ejus proprietates, quas jam experientia docuit, explicandas; & ex consequenti etiam ad alias omnes quæ non ita facîle usu notantur detegendas. Non aliter quàm in Astronomia, ex hypothësis etiam falsis & incertis, modò iis omnibus quæ in cælo observantur accuratè congruant, multæ conclusiones, circa ea quæ non observata sunt, verissimæ & certissimæ deduci solent.

Nemo nostrum est, cui non evenierit aliquando ambulanti noctu sine funali, per loca aspera & impedita, ut baculo usus sit ad regenda vestigia: & tunc notare potuimus, per baculum intermedium nos diversa corpora sentire, quæ circumcirca occurrebant: Itidem nos dignoscere, num adesset arbor, vel lapis, vel arena, vel aqua, vel herba, vel lutum, vel simile quiddam. Fatendum quidem, hoc sentiendi genus obscurum & satis confusum esse in iis, qui non longo usu edocti sunt: sed consideremus illud in iis qui cùm cæci nati sint, toto vitæ tempore debuerunt eo uti; & adeò perfectum, consummatumque inveniemus, ut dicere possimus illos quodammodo manibus cernere, aut scipionem tanquam sexti cujuscumque sensus organum iis datum, ad defectum visus supplendum.

## III.

*Quomodo radii ejus in instanti ad nos à Sole perveniunt.*

Nunc itaque ad comparationem instituendam; cogitemus lumen in corpore luminoso nihil esse præter motum quemdam; aut actionem promptam & vividam, quæ per aërem & alia corpora pellicula interjecta, versùs oculos pergit; eodem planè modo quo motus

•  
tus

tus aut resistentia corporum quæ hic cæcus offendit per interpositum scipionem ad manum ejus tendit. Statimque ex hoc mirari desinemus, lumen illud à summo Sole, nullâ morâ interpositâ, radios suos in nos effundere; novimus enim illam actionem, quâ alterum baculi extremum movetur, similiter nullâ interpositâ morâ ad alterum transire, & eodem modo ituram, licet majori intervallo distarent istius baculi extrema, quàm à cœli vertice terra abest.

Neque magis videbitur mirum, illius ope tantam colorum varietatem apparere; Et præterea forsan credemus nihil esse hos colores in corpore colorato, nisi diversos modos quibus hoc illos recipit, & remittit ad oculos; si consideremus differentiam illam, quam cæcus in arbore, aqua, lapide & similibus deprehendit, interjecto scipione, non minorem illi videri, quam nobis hæc, quæ in rubro, flavo, viridi & cunctis aliis coloribus: & interim tamen illas differentias in nullo corpore quidquam esse, præter varias rationes movendi aut resistendi motibus illius baculi.

Unde etiam nascetur occasio judicandi, non necessarium esse supponere, materiale quidpiam ex objectis ad oculos nostros manare, ut lumen & colores videamus; neque quidquam in istis objectis esse, quod simile sit ideis quas de iis mente formamus: Quemadmodum nihil ex corporibus, quæ cæco occurrunt, per baculum ad manum illius fluit; constatque, motum aut resistentiam horum corporum, quæ sola percepti sensus causa est, nihil simile habere ideis, quas inde animo apprehendit. Et hac ratione mentem habebimus liberam ab omnibus illis exiguis simulacris per aërem volitantibus, quæ *Species intentionales* Philosophi, mirum in modum iis divexati, nominarunt. Facili etiam negotio controversiam decidere poterimus, quæ agitur super loco unde actio prodit, sensum Visionis efficiens. Ut enim cæcus noster corpora, quæ circumcirca offendit, non tantummodò per actionem illorum (quum scilicet ipsa moventur) sentit; sed etiam per solum motum dexteræ suæ, quum illa tantummodò resistunt: ita concedendum est, visus objecta posse percipi, non tantummodò actionis vi, quæ ex iis emanans ad oculos nostros diffunditur; sed etiam vi illius, quæ oculis innata ad illa pergit.

Verumtamen quoniam hæc actio nil nisi lumen est, notandum neminem præter eos, qui per tenebras instar felium cernunt, saltem si qui sint, illam in oculis suis habere; & maximam hominum partem

IV.

*Quomodo ejus ope colores videantur; & quanam sit natura colorum in genere.*

V.

*Non opus esse speciebus intentionalibus ad eos videndum: neque ut in objectu aliquid sit nostris sensibus simile.*

VI.

*Nos interdum videre ope radiorum qui ab*


objectum in  
oculis nostris  
venit. . .  
Contra seles  
noctis videre  
ope radio-  
rum qui ab  
ipsorum ocu-  
lis in objecta  
tendunt.

VII.

Quam  
fit materia  
quæ radios  
transmittit :  
Et quomodo  
diversorum  
objectorum  
radii simul  
in oculum  
ingredi pos-  
sint : aut ad  
diversos o-  
culos ten-  
entes per  
eundem aë-  
ris locum  
sine permix-  
tione  
transire  
aut ita  
ut alii non  
sint aliis im-  
pedimento :  
nec ab aëris  
fluiditate  
impedian-  
tur ; nec à  
ventorum  
agitatione ;  
nec à vitri  
aut aliorum  
eiusmodi  
pellucidorum  
corporum  
duritie : Et  
qui fieri  
possit ut ni-  
hilominus  
sint recti.

tem tantummodò per eam actionem videre, quæ ab objectis venit. Usus namque docet hæc objecta aut luminosa, aut illuminata esse debere, ut videantur, non oculos nostros, ut videant. Sed quoniam inter baculum hujus cæci, & aërem, aut alia corpora pellucida, quibus interjectis cernimus, non leve discrimen est, alia insuper comparatio est hîc in medium proferenda.

Contemplemur vindemiæ tempore uvis calcatis refertum lacum ;



cujus fundus foramine uno aut altero pertusus sit, ut A. B. ex quibus profluat mustum quod continet ; ubi quidem particule vini, quæ hærent exempli gratiâ circa C. eodem momento simul ac foramen A. patuerit, rectâ descensum ad illud affectant, & simul ad foramen B. Eodemque tempore quæ circa D. & E.,

per hæc ipsa duo foramina descendere properant ; ita tamen ut nulla harum actionum alteram impediatur, & ne ipsi quidem ramusculi immixtorum scaporum resistant ; licet hi se invicem suffulti non descendant per eadem foramina A. & B. ; & insuper interea variis modis moveantur, ab iis qui uvas calcant. Deinde cogitemus, quum consensu Philosophorum serè unanimi vacuum in rerum naturâ non detur, & tamen omnia corpora, vel experientiâ teste plurimis poris pervia hient, necessariò hos meatus materia quadam repletos esse, perquam subtili & fluida ; quæ serie non interruptâ ab astris ad nos extensa sit. Quæ materia si Vino hujus lacus comparetur, & partes minus fluidæ seu crassiores aëris, aut aliorum corporum pellucidorum, scapis qui immixti sunt ; facillimè intelligemus, omnes particulas materiæ subtilis, quas Sol nobis adversus tangit, rectâ lineâ ad oculos nostros tendere, eodem quo patefunt momento, non impredientibus aliis alias, neque obstantibus crassioribus particulis pellucidiorum corporum interjectis ; sive diversa ratione moveantur, ut aër qui serè continuò ventis agitur, sive sine motu sint, quemadmodum vitrum aut crystallus. Tum etiam notandum esse discrimen inter motum, & propensionem ad motum. Nam facillè concipimus animo, particulas vini, quæ hærent exempli gratiâ circa C, simul ad B. & A. tendere, quum interim re- vera ad utrumque eodem tempore moveri nequeant ; & illas exactè in linea rectâ

B & A



B & A versùs pergere; licèt non semper ad eò accuratè rectà eò versùs moveantur, obstantibus scapis interjectis.


Postquam itaque intelleximus, non esse tam motum, quàm actionem, sive propensionem ad motum, in corpore luminoso, id quod lucem illius nominamus; facile colligere possumus radios huius lucis nihil esse, præter lineas secundum quas hæc actio tendit. Ita ut infiniti sint huiusmodi radii, qui ex singulis punctis corporis luminosi, ad singula illius, quod illuminant, diffunduntur; eodem prorsus modo, quo concipere possumus innumeras rectas lineas, juxta quas actiones ex singulis punctis superficiæ vini C, D, E tendunt versùs A. & alias præterea innumeras, juxta quas actiones ex iisdem punctis manantes quoque feruntur ad B, non impediēte alteram alterà.

Porrò hi radii semper quidem exquisitè recti concipi debent, quotiescunque non nisi unum corpus pellucidum permeant, quod ubi-vis uniforme sit. At verò quoties alia quædam corpora offendunt, facile detorquentur, aut debilitantur, non secus ac motus pilæ aut lapidis in aërem missi, per ea quæ occurrunt. Quippe haud difficulter credi potest, actionem aut propensionem ad motum, (quam jam dixi pro lumine habendam) iisdem legibus cum ipso motu obnoxiam esse. Atque ut satis accuratè hanc tertiam comparationem exsequamur; consideremus, illa corpora quæ pila de manu jacta offendere potest, aut mollia, aut dura, aut liquida esse. Si mollia; qualia sunt lintea, arena, lutum, omnino supprimunt & sistunt illius motum. Si dura; sine mora aliorum reverberant: idque non unâ ratione. Nam superficies illorum vel lævis & æqua est, vel scabra & aspera. Rursum quæ lævis; vel plana, vel curvata. Quæ aspera, scabredinem ducit, vel à diversimodè curvatis partibus quibus constat; quarum singulæ tamen ipsæ satis læves sunt: vel præterea à variis angulis seu punctis, vel ab huiusmodi partibus, quæ molliæ & duritiæ discrepant, vel ab earumdem motu, qui mille modis variari potest. Et notandum, pilam extra motum suum, simplicem illum ac regularem quo de loco ad locum fertur, insuper secundi cujusdam capacem esse, quo scilicet circa centrum rotatur; itidem celeritatem motus huius posterioris, diversas posse habere proportionæ ad velocitatem illius prioris. Itaque quum aliquot pilæ ab eadem parte profectæ, superficiem corporis alicujus lævem offendunt, æqualiter & eodem ordine resiliunt; ad eò ut si superficies

VIII.

*Quid propriè sint isti radii: & quemadmodum infiniti à singulis illuminati corporis punctis exant.*

exactè plana sit, eandem inter se distantiam servant, quâ ante occursum se jungebantur. At si promineat superficies illa, vel retrocedat, pilæ quoque pro ratione illius curvaturæ, vel recedunt ab invicem, vel appropinquant: Ut hîc videmus pilas A, B, C, quæ




illisæ superficiæ corporum D, E, F, resiliunt ad G, H, I. At si incurrant in superficiem asperam, quales sunt L, M, huc illuc repercussæ feruntur, singulæ pro situ loci illius, quem in superficie tetigere. Atque extra hoc nihil in motus sui ratione mutant, quoties asperitas illius nonnisi ex diversimodè inflexis partibus surgit. Sed illa etiam ex multis aliis causis oriri potest; & hac ratione efficere, ut pilæ quæ modo simplici & recto motu ferebantur, parte motus istius recti amisâ, circularem illius loco recipiant, cujus variorum possunt esse proportionibus ad residuum recti ejusdem motus, pro vario situ superficiæ cui obviant. Atque hoc qui pilæ lusu delectantur abundè observant, cùm nimirum illa impulsæ pavimentum inæquale contingit, aut obliquo reticulo vibratur. Demum etiam consideremus; Pilam impulsam, quoties obliquo itinere in superficiem corporis liquidi incurrit, quod magis aut minus faciliè penetrat, quàm illud unde processit, eam subeundo à recta via divertere, cursumque suum mutare. Ut si, exempli gratiâ existentes, in aëre juxta punctum A, illam B versùs vibremus; recto quidem impetu ab A defertur ad B; nisi vel pondere, vel alia quadam causa detorqueatur; huc verò (ubi aquæ CBE superficiem pono) postquam devenit, facta declinatione, iterum per lineam rectam

rectam I versus tendit; quemadmodum ipsa etiam experientia docet.

Cogitemus itaque, eâdem ratione corpora dari, quæ dum luminis radiis percutiuntur, eosdem suffocant, & omne illorum robur frangunt; & hæc sunt, quæ nigra nominamus; nullum nisi communem cum tenebris colorem habentia. Dari etiam quæ reverberant, & quidem alia eodem, quo recipiunt ordine; hæc scilicet, quorum superficies nitidè polita, usum speculorum tam planorum quàm curvatorum præstare potest. Alia quæ confusè huc & illuc. Et rursus in iis alia hos radios repercutere, actione illa per nullam mutationem violata; hæc nempe quæ alba dicimus: Alia verò mutationem inducere, similem illi quam recipit motus pilæ, obliquo reticulo præstrictæ; & hæc sunt rubra, flava, cærulea, vel alio ejusmodi colore insignia. Equidem ego me posse explicare arbitror, & experientia duce demonstrare, in quo natura colorum consistat; sed idipsum terminos hujus argumenti excedit.

Et sufficit hoc loco nos monere; radios qui in corpora colorata, sed non polita, cadunt, quaquaversum semper resilire; licèt ab una duntaxat parte progressos: Ut, quamvis ii qui incidunt in superficiem corporis albi A, B, non veniant nisi à funali C. tamen alii alid ita detorquentur, ut ubicunque posueris oculum, velut, exempli gratiâ, juxta D, plurimi semper radii occurrant, ex singulis plagis hujus superficiem A B. Et insuper si supposueris hoc corpus perquam-subtile & tenue esse, chartæ instar aut linteæ, ut luminis pervium pateat; licèt oculus ad averSAM funalis partem admoveatur, ut ad E, aliqui tamen




IX.

Quid sit corpus nigrum: quid album: Item quid sit speculum; & quomodo specula tam plana quàm convexa radios reflectant. In quo consistat natura mediorum colorum.

X.

Quomodo colorata corpora radios reflectant; & quid sit refractionis.



tamen radii ab singulis hujus corporis particulis ad illum resilient. Denique etiam cogitemus; eadem ratione radios detorqueri, quâ pilam diximus, quum obliquè in superficiem corporis liquidi diffunduntur, quod magis aut minus facilè penetrant, quàm illud per quod ante manarunt; & hic se inflectendi modus, refractionis dicitur.


## CAPUT SECUNDUM.

*De Refractione.*

I.  
*Quomodo  
fiat reflexio.*



Quandoquidem deinceps necessarium erit, quantitatem hujus refractionis exactè nosse, & illa redditur intellectu facilior, per comparisonem quâ usi sumus; non alienum fore autumo, explicationem ejus hîc aggređi, & quædam de reflexione præmittere, quò faciliior cognitio illius sit. Cogitemus itaque pilam, ab A, B versùs aëthra, contingere in puncto B, superficiem terræ CBE, quæ ejus progressui resistens illam retrocedere cogit. Sed videamus in quam par-



tem. Ne autem novis difficultatibus implicemur, fingamus terram exactè planam duramque esse: pilam etiam, sive descendat, sive ascendat, eadem velocitate ferri; parum curantes quâ vi agatur, cessante reticuli impetu; neglecto quoque omni effectû

magnitudinis, ponderis & figuræ. Ist hæc enim attendere supervacuum fuerit, quum nihil eorum locum habeat in luminis actione, ad quam omnia hîc referri debent. Tantummodò notandum, vim illam quæcunque demum sit, quæ motum nostræ pilæ producit, planè diversam ab ea esse, quæ determinatur, ut potiùs huc quàm illuc tendat: Ut perspicuè palam est, reticuli impetum esse qui pilam movet; sed eundem potuisse ipsam versùs alias partes movere, eadem facilitate quâ versùs B. Quum contrà reticuli situs sit, qui illam



dem ad designandum ipsum punctum, quod ex omnibus hujus circumferentiæ tangere debet, erigamus ad normam tres rectas,  $AC$ ,  $HB$ , &  $FE$  supra  $CE$ , hac ratione ut nec majus nec minus spatium interjaceat  $AC$  &  $HB$ , quàm  $HB$  &  $FE$ : deinde dicamus, idem tempus quod pilam dextrorsum porrexit ab  $A$ , uno punctorum lineæ  $AC$ , usque ad  $B$  unum ex punctis lineæ  $HB$ , illam resilientem ab  $HB$ , sistere debere in aliquo puncto lineæ  $FE$ . Non singula puncta hujus lineæ  $FE$ , eadem distantia hoc respectu ab  $HB$  remota sunt, & eadem quâ singula lineæ  $AC$ , & ex priori dispositione tantumdem eò inclinât quantum antea. Jam eodem momento aliquod punctum lineæ  $FE$ , & simul aliquod circumferentiæ  $AFD$ , contingere nequit, nisi in puncto  $D$  vel  $F$ ; Nam extra hæc duo nullibi mutuò secantur; terra autem obstante ad  $D$  progredi non potest; sequitur itaque illam necessariò tendere debere ad  $F$ . Et sic manifestum est, quâ ratione reflexio fiat, scilicet semper ad angulum æqualem illi, quem vulgò incidentiæ nominant; Ut si radius ex puncto  $A$  emanet in  $B$ , superficiem speculi plani  $CBE$ , resilit ad  $F$ , ita ut reflexionis angulus  $FBE$ , neque cedat, neque exsuperet magnitudine alterum illum incidentiæ  $ABC$ .

## IV.

*Quoniam  
motus pilæ  
retardetur  
cum linteo  
trajicit.*

Hinc progrediamur ad refractionem: & primò fingamus, pilam ab  $A$  ad  $B$  expulsam offendere, non terram, sed linteam  $CBE$ , tam tenue ut illud facillimè forare, & impetu suo perrumpere possit, amissâ tantum velocitatis suæ parte, ex. gr. dimidiâ. Quo posito ut cognoscamus quam viam insistere debeat, consideremus denuò, motum illius non eundem esse cum dispositione quâ potius huc quàm illuc fertur; Unde sequitur singulorum quantitates separatim examinandas. Consideremus itidem, ex duabus partibus, quibus hanc dispositionem constare scimus, alteram tantum per lintei occursum mutari posse; hanc scilicet quæ deorsum pilam agebat. Illa verò quâ dextrorsum ferebatur, constans & inviolata manebit; nam linteam expansum hoc respectu nullo modo illi oppositum est. Deinde ducto circulo  $AFD$  ex centro  $B$ , & impositis  $CBE$  ad perpendicularum, tribus lineis rectis  $AC$ ,  $HB$ ,  $FE$ , hac ratione, ut spatium interjacent  $FE$ , &  $HB$ , duplum illius sit, quod est inter  $HB$  &  $AC$ ; videbimus hanc pilam ituram ad punctum  $I$ . Quum enim perrumpendo linteam  $CBE$ , dimidiam suæ velocitatis partem amittat, duplum temporis ei impendendum est,

Et




*est obliquior: ad B, ultraius in linea recta sine ulla declinatione progrediatur ad G. Sed si agatur secundum lineam qualis est A B, quæ vel super-*

*ficie aquæ vel lintei C B E tam oblique incumbant, ut linea F E ducta quemad-*


*modum suprà, circulum A D secare non possit, illam minimè penetra-*

*bìt, sed à superficie B, resiliet in aërem L, eodem planè*



modo, ac si in terram incurrisset. Quod nonnulli cum dolore experti sunt, quoniam animi gratiâ explosis in alveum rivi ex murali machina globis, obambulantes in adversâ fluminis ripâ vulnerarunt.

Sed aliam præterea suppositionem hîc assumamus; fingamus pilam actam ab A ad B, denuo inde impelli reticulo C B E, quod vim ejus motus augeat, ex. gr. unâ tertiâ parte, ut ita exin duobus momentis tantumdem spatii conficere queat, quantum antea confecit tribus. Hoc idem erit ac si offenderet in B puncto ejusdemodi corpus, cujus superficiem unâ tertiâ facilius quàm aërem permearet.



ret. Et ex iis quæ demonstravimus sequitur manifestè, si describatur ut supra circulus A D, & rectæ, A C, H B, F E, hac ratione, ut distantia inter F E & H B unâ tertiâ minor sit quàm illa, quæ inter H B & A C, punctum I, in quo recta F E, & circularis A D, sese mutuò secant, designaturum illum locum quem pila petet, digressa à puncto B.


Quæ conclusio etiam inverti potest, dicique pilam venientem secundum lineam rectam ab A ad B, in hoc autem puncto



cto à recto itinere divertentem, tendentemque inde ad I, indicio esse; vim quâ intrat corpus CBI, talem esse ad illam quâ erumpit ex corpore ACBE, qualis distantia quæ inter AC & HB, ad illam quæ inter HB & FI, hoc est, qualis linea CB ad BE.

Tandem verò quoniam lucis actio sequitur hac in re easdem leges, quas pilæ motus, dicendum quoties radii illius obliquo motu expellucido corpore in aliud transferuntur, quod magis aut minus faciliè illos admittit, quàm primum ibi ita detorqueri, ut semper minus inclinent in superficie quæ his corporibus est communis, eâ parte in qua est illud corpus, quod eas faciliùs recipit, quàm eâ, in qua alterum positum est, idque exactè eâ proportionem, quâ faciliùs prius, quàm posterius illos recipit. Notandum autem hanc inclinationem metiendam esse per quantitatem rectarum CB vel AH, & EB vel IG, aut similium inter se collatarum; Non verò per quantitatem angulorum, quales sunt ABH, aut GBI, & multò minus per illam similium DBI, qui refractionis anguli dicuntur. Nam proportio horum angulorum, ad singulos inclinationum gradus mutatur; Illa verò linearum AH & IG, vel similium, eadem manet, in omni refractione, quæ ab eodem corpore venit. Ut ex gr. Si radius aërem permeans ab A ad B, tactâ in puncto B superficie vitri CBR, digrediatu ad I in hoc vitro; veniat deinde alius

VII.  
Quantum  
radii reflexi  
stantur à  
pellucidis  
corporibus  
in qua pe-  
netrant.



à K ad B, qui decedat ad L: tertius præterea à P ad R, qui abeat ad S. Eadem ratio linearum KM & LN, aut QP & ST esse debet ad invicem, quæ est linearum AH & IG, non autem eadem angulorum KBM & LBN aut PRQ, & SRT, quæ ABH ad IBG.

## VIII.


*Quomodo  
refractionum magnitudinem  
metiri oportet.*

Ita jam cognovimus qua ratione refractiones dimetiendæ sint; Sed insuper, ut omnino determinentur illarum quantitates, necessarium est ad experimenta descendere, quum proveniant ex particulari corporum constitutione in quibus fiunt. his autem ita ad eandem mensuram reductis, facillimè & certissimè talia experimenta sumi possunt; nam sufficit in unum radium inquirere, qui probè cognitus, reliquos omnes ejusdem superficiiei proder, nulumque errandi periculum adest, si præterea in aliis quibusdam examinetur. Ut si velimus nosse quantitatem refractionum quæ fiunt in superficie CBR, separante aërem AKP à vitro LIS, sufficit examinare illam radii ABI, quærendo scilicet rationem lineæ AH ad IG. Sed si deinde errorem vereamur, idem in aliquibus aliis fieri debet, ut in KBL, aut PRS, & deprehensâ eâdem proportionem inter KM & LN, item inter PQ & ST, quàm inter AH & IG, nulla de veritate rei dubitandi occasio relicta erit.

## IX.

*Radius facilius trajice-  
re vitrum quàm a-  
quam, &  
aquam quàm aë-  
rem, & cur  
id fiat.*

Sed mirum forsan videbitur hæc experimenta facientibus, in superficiem, ubi refractione evenit, magis inclinari luminis radios, aërem permeantes, quàm aquam, & adhuc magis, aquam quàm vitrum: contrà omnino quàm pila, quæ magis à parte aëris quàm à parte aquæ in superficiem interjectam inclinatur, & nullo modo in vitrum penetrat. Occurrat ex. gr. pila expulsa in aërem ab A ad B in puncto B superficiiei aquæ CBE, decedet inde ad V. ast si ra-




dius loco pilæ contingat B, digredietur ad I. Quod tamen non mirabimur, si in mentem venerint quæ suprà de naturâ luminis diximus: id scilicet motum quemdam esse, sive actionem receptam in materiâ subtilissimâ, quæ aliorum corporum poros

replet; ac præterea si consideremus, pilæ plus suæ agitationis decedere, si incurrat in corpus molle quàm si in durum; illamque facilius per mensam nudam, quàm per eandem tapeto instratam devolvi. Nam eâdem ratione hujus materiæ subtilis actio, magis impeditur

ditur ab aëris partibus, quæ molles & malè nexæ, non satis firmiter resistunt, quàm ab illis aquæ, paulò validiùs obnitentibus; & magis adhuc ab his quàm à partibus vitri aut crysalli. Sic quantò firmiores & solidiores exiguæ partes corporis alicujus pellucidi sunt, tantò faciliùs lumini transitum permittunt: Neque enim ut pila subiens aquam, ita & lumen, ut sibi transitus pateat quasdam ex ejus partibus loco movet.

Jam verò cùm sciamus causam refractionum quæ fiunt in aquâ, vitro & pellucidis cunctis aliis corporibus, circa nos undiquaque occurrentibus, observare debemus, refractiones semper ibi similes esse, intrante radio & exeunte. Ut si radius progeßus ab A ad B, transendo per aërem in vitrum à B declinet ad I, ille qui refliet

X.  
*Cur radiorum aquam subeuntium refraçtio, æqualis sit radiorum inde exeuntium refractioni. Et cur id non sit universale in omnibus pellucidis corporibus.*



ab I ad B, itidem declinabit à B ad A. Interea tamen alia corpora existare queunt, præsertim in cælo, ubi refractiones ex aliis causis ortæ non ita reciprocantur.

Atque etiam potest contingere ut radii incurventur, licèt unum tantummodò corpus pellucidum percurrent, quemadmodum interdum pilæ motus incurvescit, quoniam illa suo pondere horfumsertur & aliorfums, per vim quâ vibratur, aut ob multas alias causas. Nam confidenter tres illas comparationes quibus usi sumus, tam idoneas profiteri ausim, ut singula quæ in iis notantur, commodè ad similia quædam ad lumen pertinentia, referri possint. nobis autem illa tantùm explicare animus fuit, quæ præfenti argumento maximè inserviunt.


Neque vos diutiùs hîc morabor, ubi monuero, curvas superficies corporum pellucidorum, radios per singula puncta transcentes, eodem

XI.  
*Ita radios aliquid quando incurvari possit, nec tamen ex eodem pellucido corpore exire.*

XII.  
*Quomodo fiat refraçtio in singulis*

curvarum  
superficie-  
rum punctis.

eodem modo detorquere, quo planæ, in iisdem punctis illas contingentes, detorquerent. Sic ex. gr. refractio radiorum  $AB$ ,  $AC$ ,  $AD$ , qui venientes à lumine  $A$ , incidunt in superficiem gibbam globi crystallini  $BCD$ , eodem modo considerari debent, ac si



$AB$  incideret in superficiem planam  $EBF$ , &  $AC$ , in  $GHC$ , &  $AD$ , in  $IDK$ , & ita alii. Unde patet hos radios diversimodè vel colligi vel dispergi posse, prout à superficiebus diversimodè curvatis excipiuntur. Sed jam tempus est delineationem structuræ oculi ordiri, ut intelligamus, quomodo radii illam ingressi disponantur ad sensum visionis efficiendum.


### CAPUT TERTIUM.

#### *De Oculo.*

I.  
Membranam vulgo  
retinam dictam, nihil  
aliud esse  
quàm nervum opti-  
cum.



I qua arte posset oculus ita secari, plano per mediam pupillam transeunte, ut nullus ex eo liquor efflueret, nec ulla pars loco moveretur, talis ejus sectio appareret, qualem hæc figura repræsentat.  $ABCB$  est membrana satis crassa & dura, componens quoddam veluti vas, receptaculum omnium partium interiorum.  $DEF$  est membranula tenuior, intra priorem aulæ instar expansa.  $ZH$  nervus vulgò opticus dictus, ingenti numero parvorum capillamentorum compositus, quorum extrema per totum spatium  $GHI$  diffunduntur; ubi innumeris exiguis venis atque arteriis mixta, speciem quandam carnis tenerimæ componunt, quæ tertiæ membranulæ instar totum interius secundæ fundum tegit.



git. K, L, M, tres sunt liquores valde pellucidi, totas has tuniculas distendentes, figurâ quâ singulos hîc delineatos videmus.

Et experientia me docuit, medium L, qui Crystallinus humor dicitur, præter propter eandem refractionem producere quam vitrum aut Crystallus, & duos reliquos paulò minorem, ferè qualem aqua communis, unde fit ut faciliùs medius quàm reliqui duo, & adhuc faciliùs hi quàm aër luminis radios admittant. In priori membrana pars B C B pellucida est, & magis gibbâ quàm residuum. In

II.  
*Quales  
sint refra-  
ctiones ab  
oculi humo-  
ribus pro-  
ductæ.*

alterâ superficies interior partis E F, fundum oculi respiciens, tota obscura & nigra est, habetquæ in medio anterioris partis rotundum foramen exiguum; foris respicientibus nigerrimum apparens, quod pupillam appellamus.


Non autem semper eâdem magnitudine patet hîc hiatus; Sed E F pars secundæ membranulæ in qua est, liberrimè innatans li- quidissimo humori K, speciem exigui musculi habet, qui diducitur, aut contrahitur, prout objecta, quæ contuemur vel propiùs vel longiùs absunt, vel magis aut minus illuminantur; vel prout magis aut minùs curiosè illa contemplari animus est. Et fidem huic rei pueri oculus cuius dubitanti astruere poterit. Nam si iusseris ut vicinum aliquod objectum attentè respiciat, videbis aliquantò arctiùs pupillam ejus contrahi, quàm si aliud multò remotiùs & non majori luce illustratum ipsi respiciendum proponas. Et deinde si feceris ut idem objectum in quod respicit, nunc minori, nunc majori luce refulgeat, clausis scilicet vel apertis fenestris cubiculi in quo erit, animadvertes, pupillam fieri eo angustio- rem, quò majori luce perstringetur. Ac denique si ad eandem lucem, idem corpus ex eodem loco iste puer inspiciat, minori ambitu patebit ejus pupilla, dum conabitur accuratè minutissimas illius partes agnoscere, quàm dum quasi aliud agens vagis oculis integrum apprehendat.

III.  
*In quem u-  
sum pupilla  
constrictur  
& dilatetur.*

IV. •  
Motum  
istum pupillæ  
volunta-  
rium esse.

Et observandum, hunc motum voluntarium esse dicendum, licet ut plurimum à nobis ignorantibus peragatur; neque enim ob hoc minùs dependet, aut minùs sequitur ex voluntate quam habemus bene videndi. Quemadmodum labiorum & linguæ motus, pronuntiationi inserviens, voluntarius dicitur, quoniam loquendi voluntatem sequitur; licet sæpius ignoremus, qualem singulæ literæ requirant.

V.  
Humorem  
crystallinum  
esse musculi  
instar, qui  
totius oculi  
figuram mu-  
tare potest:  
& filamen-  
ta, processus  
ciliares di-  
sta, illius  
esse tendi-  
nes.



EN, EN sunt plurima fila-  
menta nigra, undiquaque amplexa  
humorem L, & orta ex membrana  
secunda, inde ubi tertia termina-  
tur, quæ speciem perexiguorum  
tendinum præ se ferunt, & eorum  
ope hic humor, pro intentione, quâ  
visus noster in res propinquas aut  
longè distitas fertur, mox in mayo-  
rem gibbum curvatus, mox magis  
in planum porrectus, totam oculi  
figuram nonnihil immutat. Quod  
etiam experientiâ constat; Nam si  
intentiùs contemplanti turrim aut  
montem procul remotum, scriptum  
aliquod ante oculos prope appona-

tur, nullam literam nisi confusè dignoscere poterit, antequam eo-  
rum figura paululum fuerit immutata. Denique OO sunt sex aut  
septem musculi extrinsecus oculo affixi, quorum ope quaquaver-  
sum moveri potest, & fortè etiam pressus aut revulsus quoad figu-  
ram immutari. Plura circa hanc materiam notari solent, & Ana-  
tomicorum libros augere, quæ de industriâ hîc omitto; quo-  
niam jam dicta sufficere arbitror, ad explicandum quidquid facit  
ad nostrum argumentum; & quia reliqua quæ ad hoc non juva-  
rent, ab iis quæ juvare possunt animadvertendis cogitationes no-  
stras avocarent.

CAPUT QUARTUM.

De Sensibus in genere.



Æterum hic quædam de sensibus in genere subjun-  
genda sunt, ut feliciùs deinceps visionis explicatio  
procedat. Omnibus jam constat animam esse quæ  
sentit, non corpus: Videmus enim quoties illa vel  
extasi, vel altâ contemplatione distracta, velut ex-  
tra corpus ponitur, hoc totum torpidum sine sensu stupere, quæ-  
cumque etiam objecta admoveantur. Nec magis obscurum est, il-  
lam non propriè sentire quatenus est in organis sensuum exteriorum,  
sed quatenus in cerebro, ubi illam facultatem exercet, quam  
nuncupant sensum communem. Sic vulnèra & morbi quæ cere-  
brum lædunt, in universum omnes sensus tollunt, quum corpus in-  
terea nihilominus animatum sit.

Scimus etiam illam impressionem quâ objecta partes corporis  
externas afficiunt, non nisi per interpositos nervos usque ad ani-  
mam pervenire. Nam varia sunt affectuum genera, quæ licèt unico  
tantummodo nervo noxia sint, omnem sensum illarum partium  
corporis tollunt, per quas malè affecti nervi rami sparguntur; inte-  
gro interea sensu reliquarum.

Ut autem uberius cognoscamus quâ ratione anima in cerebro re-  
sidents, per nervos interjectos impressionem corporum externarum  
recipiat, tria in iis distinguenda occurrunt: primò membranulæ  
quibus involvuntur, ex cerebrum circumdantibus tunicis ortæ, quæ  
multis ramis in modum tubulorum diffusæ, aliæ aliò per totum cor-  
pus sparguntur, eodem modo quo arteriæ & venæ. Deinde sub-  
stantia illorum interior, quæ in tenuissima quædam veluti capilla-  
menta divisa, per tubulorum istorum longitudines, à cerebro unde  
descendit, usque ad membrorum extrema, quibus adhæret, por-  
rigitur; adeò ut in singulis tubis multa hujusmodi capillamenta, non  
dependentia ab invicem, imaginari debeamus. Postremò spiritus  
animales qui instar venti, aut aeris subtilissimi, ex ventriculis seu  
cavis cerebri progressi, per eosdem tubos ad musculos vehuntur.

Fatentur quidem Medici & Anatomici, hæc tria in nervis repe-  
riri: usum autem eorundem à nemine bene distinctum novi. Quum  
enim viderent, non tantum sensui, sed & motui membrorum ner-

I.  
*Animam  
sentire, non  
corpus; idque  
quatenus est  
in cerebro.  
non quâ alia  
membra a-  
nimas.*

II.  
*Ipsam ner-  
vorum opa  
sentire.*

III.  
*Interiorum  
istorum ner-  
vorum sub-  
stantiam ex  
multis te-  
nuissimis ca-  
pillamentis  
constare.*

IV.  
*Eosdem esse  
nervos qui  
sensibus &  
qui motibus  
inserviunt.*

vos inservire, & contingere interdum paralyses, quæ sensu integro remanente, motum tollerent, modò duo eorum genera fecerunt, quorum alterum soli motui, alterum solis sensibus assignarunt; modò sentiendi facultatem in membranulis collocarunt, & movendi vim in substantia interiore; quibus cunctis tam ratio, quàm experientia reclamat. Quis enim nervum aliquem notavit unquam ipotui inservientem, qui non simul alicui sensuum inserviret? Et quomodò si ex membranis dependeat sensus, diversæ objectorum impressiones per eas in cerebrum penetrarent?

## V.

*Spiritus animales in istorum nervorum membranis contentos membra regere; substantiam illorum internam sensibus inservire: Et quomodo ope nervorum fiat sensus.*

Evitandarum itaque harum difficultatum causa, credendum est, spiritus per nervos in musculos dilapsos, eorumque mox hunc mox illum, magis aut minùs instantes, prout largius aut parcius à cerebro subministrantur, motum omnium membrorum efficere: & capillamenta exigua ex quibus interior nervorum substantia componitur, sensibus inservire. Et quoniam hoc loco non necessarium de motu loqui, nobis sufficit advertere, exigua illa capillamenta, inflatis tubulis, ut diximus, & assiduo spiritu affluxu expansis inclusa, non collidi, neque sibi invicem obstare, atque ad extremitates omnium membrorum porrigi, quæ aliquo modo sentire possunt; adeo ut si levissimè tantùm pars illorum impellatur, cui adhæret aliquis nervorum, eodem etiam momento, illa cerebri pars moveatur, ex qua nervus ille descendit, quemadmodum si alterum extremum restis distensæ tangas, alterum etiam ipso momento commovetur. Quum autem hæc capillamenta, tubulis ita circumdata præcurrant, quos spiritus semper paululum instant & distendunt, nullo negotio intelligimus, licet essent multò tenuiora quàm bombycum fila, & imbecilliora quàm araneorum, tamen à capite ad remotissima membra sine ullo ruptionis periculo posse descendere; neque diversos membrorum situs motum illorum impedire.

## VI.

*Ideas quas sensus externi in phantasiam mittunt, non esse imagines objectorum; aut saltem opus non esse ut eis similes sint.*


Observandum præterea, animam, nullis imaginibus ab objectis ad cerebrum missis egere ut sentiat, (contrà quàm communiter Philosophi nostri statuunt) aut ad minimùm, longè aliter illarum imaginum naturam concipiendam esse quàm vulgè fit. Quum enim circa eas nil considerent, præter similitudinem earum cum objectis quæ repræsentant, non possunt explicare, qua ratione ab objectis formari queant, & recipi ab organis sensuum exteriorum, & demum nervis ad cerebrum transvehi. Nec alia causa imagines istas fingere eos impulit, nisi quod viderent mentem nostram efficiaci-



faciliter pictura excitari ad apprehendendum objectum illud, quod exhibet: ex hoc enim judicarunt, illam eodem modo excitandam, ad apprehendenda ea quæ sensus movent, per exiguas quasdam imagines in capite nostro delineatas. Sed nobis contra est advertendum, multa præter imagines esse, quæ cogitationes excitant; ut exempli gratiâ, verba & signa, nullo modo similia iis quæ significant. Et licet concedere possimus (ut quantum fieri potest, receptam opinionem sequamur) objecta quæ sentimus, verè in cerebro nostro adumbrari, ad minimum notandum erit, numquam imaginem omnino similem esse objecto quod repræsentat; nam aliàs nullum inter hoc & illam discrimen foret; sed rudem similitudinem sufficere: & sæpe etiam perfectionem imaginum in hoc consistere, ut non assimilentur quantum possent. Quemadmodum videmus icones illas quæ à typographis in libris excuduntur, etsi nihil extra paulum atramenti chartæ huc illuc ingestum habeant, sylvas, urbes, homines, dispositas acies & tempestates nobis repræsentare: & tamen ex innumeris qualitatibus horum objectorum, quas cogitationi nostræ exhibent, nullam esse præter figuram, cuius revera similitudinem referant. Atque etiam hanc similitudinem valde esse imperfectam, cum in superficie plana, corpora diversimodè surgentia aut subsidentia exhibeant; & secundum regulas scenographiæ, melius sæpe circulos repræsentent per ellipses, quàm per alios circulos; & quadrata per rhombos, quàm per alia quadrata, & ita de cæteris, adeo ut sæpius ad absolutam imaginis perfectionem, & adumbrationem objecti accuratam, dissimilitudo in imagine requiratur.

Eodem igitur modo imagines in cerebro nostro formatæ, considerandæ sunt, & notandum tantummodo quæri, quâ ratione animam moveant, ad percipiendas diversas illas qualitates objectorum è quibus manant, non autem quomodo ipsæ iis similes sint. Ut quum cæcus noster varia corpora baculo suo impellit, certum est ea nullas imagines ad cerebrum illius mittere; sed tantum diversimodè movendo baculum, pro variis qualitatibus, quæ in iis sunt, eadem operâ manus etiam nervos diversimodè movere, & deinceps loca cerebri, unde ii descendunt: cuius rei occasione mens totidem diversas qualitates in his corporibus dignoscit, quot varietates deprehendit in eo motu, qui ab iis in cerebro excitatur.

VII.  
*Diversos  
motus se-  
nium unius-  
cujusque  
nervi capil-  
lamentorum  
sufficere ad  
diversos sen-  
sus produ-  
cendos.*



CAPUT QUINTUM.

*De Imaginibus quæ formantur in fundo oculi.*




Anifestè itaque videmus, non opus esse ad sentien-  
dum, ut anima contempletur ulla imagines, quæ  
reddant id ipsum quod sentitur. Sed hoc interim  
non impedit, quominùs objecta quæ contuemur sa-  
tis perfectas in oculi fundo repræsentent: ut ingenio-  
sè à quibusdam explicatum est, per comparisonem earum quæ in  
cubiculo apparent, si lumini inde excluso, non nisi unicus aditus  
concedatur per exiguum foramen vitrea lente clausum, & albo  
panno ad debitum intervallum radii ingressi excipiantur. Nam  
oculi vice hoc conclave fungi aiunt; foramen pupillæ, vitrum cry-  
stallini humoris, seu potius omnium illarum oculi partium, quæ  
refractionem aliquam efficiunt, & pannum, ejus tuniculæ interio-  
ris, retinæ dictæ, quam extremitates nervi optici componunt.

Omnia tamen magis explorata & certa erunt, si evulsum recens  
defuncti hominis, aut, si illius copia non sit, bovis vel alterius mag-  
ni alicujus animalis oculum ita secemus, ut ablata eâ parte trium  
ejus membranarum quæ cerebro obversa est, satis magna pars hu-  
moris M appareat nuda, nec tamen iste humor effundatur, sed  
contineatur chartâ, vel ovi putamine, vel alia quavis materiâ albâ  
& tam tenui, ut quamvis non sit pellucida; omnem tamen lumi-  
nis transitum non excludat, qualis hic exhibetur versus TSR;  
huncque oculum foramini asseris ad id facti, quale est ZZ sic im-  
mittamus, ut ejus pars anterior BCD, respiciat aream varia ob-  
jecta Sole illustrata, ut VXY sustinentem: posterior autem ubi est  
corpus album RST, respiciat conclave interius P, quod, totum  
tenebrosus, nullum lumen recipere debet, præter illud, quod  
intrat per oculum, cujus omnes partes à C ad S sunt pellucidæ.  
Hoc enim ita parato, si respiciamus in corpus album RST, non  
sine voluptate, & forsan etiam admiratione picturam quandam  
in eo videbimus, omnia objecta extra cubiculum ad VXY posi-  
ta, scitè satis imitantem: Modò tamen omnia sic administren-  
tur, ut iste oculum naturalem suam & objectorum distantia de-  
bitam figuram quàm proximè retineat; nam si paulò magis prema-  
tur quàm illa requirit, statim confusior imago apparebit.

I.  
*Comparatio  
istarum  
imaginum  
cum iis quæ  
in obscuro  
cubiculo con-  
spiciuntur.*

II.  
*Explicatio  
istarum  
imaginum  
in oculo ani-  
malis mor-  
tui.*

Est-



Estque hic observandum paulò validius illum esse comprimentum & figuram ejus reddendam oblongiorem, si objecta appareant ex propinquo, quàm si magis removeantur. Sed hujus imaginis delineatio uberius explicanda est: nam eadem operâ multa discemus, quæ ad visionem pertinent.

Primò igitur advertamus, ex singulis punctis objectorum VXY, tot radios penetrantes ad corpus album RST, in oculum manare, quot pupillæ hiatus recipere potest, & omnes ex eodem puncto digressos, permeando superficies BCD, 123, & 456, eâ ratione incurvari, ut iterum præter propter in eodem puncto concurrere possint, secundum ea quæ tam de refractionum quàm de trium humorum KLM naturâ diximus. Et quidem ut imago, de qua hic agimus, omnibus numeris absoluta sit, ea trium harum superficierum figura requiritur, quæ omnes radios ex eodem puncto delapsos, quantum fieri potest in eodem puncto corporis albi RST recolligat. Ut hic videmus radios venientes ex puncto X, congregari omnes in puncto S. ex V, in R. & ex Y in T. Et præterea, nullum radium venire ad S, nisi ex puncto X; nec ullum ferè ad R, nisi ex puncto V; nec ad T, nisi ex puncto Y; & ita de reliquis.

*gurarumque suam in hunc finem esse collocandam: diversorum radiorum puncta ibidem in diversis punctis congregari debere.*

Quibus animadversis, si recordemur eorum quæ generatim supra audivimus de coloribus & lumine, atque etiam in particulari de corporibus albis, facile intelligemus, quam ob causam inclusi cubiculo P, & oculorum aciem in corpus album RST dirigentes; effigiem objectorum VXY ibi videamus. Nam primò certum est, lumen (hoc est, actionem, quâ Sol aut aliud corpus luminosum, materiam quandam subtilissimam quæ in omnibus pellucidis corporibus reperitur, propellit) missum ad R, ab objecto V; quod rubrum exempli gratiâ fingamus (id est, ita dispositum, ut ejus occasione hujus materiæ subtilis particulæ, præter motum rectum assumant etiam circularem circa proprium centrum; inter quem & rectum ea proportio sit, quæ requiritur ad sensum rubri coloris efficiendum), cum corpori albo in R occurrat (id est, ejuscemodi corpori, ut quaquaversum materiam istam subtilem, modo quo movetur non mutato, repellat), inde ad oculos nostros resilire per poros hujus corporis, quod in eam rem tenue & lumini non planè impervium ad-

k

movi-

III.


*Hujus oculi figuram paulo longiorem esse reddendam, cum objecta propinqua sunt, quam cum sunt remota.*

IV.

*Multos in hunc oculum radios ab unoquoque objecti puncto ingredi: omnes illos qui ab eodem puncto procedunt, in fundo oculi congregari debere circa idem punctum; figuramque suam in hunc finem esse collocandam: diversorum radiorum puncta ibidem in diversis punctis congregari debere.*

V.

*Quomodo colores videantur per eharzam album, quæ est in fundo istius oculi, imagines quæ ibi formantur similitudinem objectorum referre.*




movimus, & ita efficere ut punctum R rubri coloris videatur. Eodemque modo lumen rectum ad S, ab objecto X, quod luteum esse suppono, & ad T, ab Y, quod suppono cæruleum, & inde ad oculos nostros provectum, S luteo, & T cæruleo colore tinctum debet exhibere. & sic tria puncta R S T, cum eundem inter se ordinem, eundemque colorem retineant, quem tria altera V X Y, iis exactè similia sunt.

Hujus autem picturæ perfectio ex tribus maximè dependet: nempe ex eo quod per hiatum pupillæ plures radii à singulis corporum punctis intrent, quemadmodum hic X B 14 S, X C 25 S, X D 36 S, & quotquot præterea inter eos possumus imaginari, eò veniunt ex solo puncto X. Deinde ex eo quòd hi radii sic in oculo refringantur, ut ex diversis punctis digressi, præter propter in totidem aliis corporis albi R S T, reddantur. Postremò ex eo quòd cum capillamenta exigua E N, & superficies interior membrulæ E F, sint nigra, itemque cubiculum P sit omni ex parte clausum & obscurum, nullumque aliunde lumen eo accedat, quod actionem radiorum promanantium ab objectis V X Y turbare possit. Nam si ea pupillæ angustia foret, ut unos solummodo radios ex singulis objecti punctis acciperet, atque remitteret ad singula puncta corporis R S T, non satis virium in iis esset, ut inde in cubiculum P ad oculum nostrum deferrentur. Pupilla verò laxiore existente, siquidem nulla in oculo refractione fieret, radii à singulis punctis objecti eò venientes, per totum spatium R S T spargerentur; adeò ut ex. gr. tria puncta V X Y, tres radios mitterent ad R, qui unà inde ad oculum nostrum resilientes, punctum illud R mixto quodam colore ex flavo, rubro, & cæruleo, exhiberent, atque simile punctis S & T, ad quæ itidem puncta V X Y singulos radios mitterent.

Idem quoque propemodum eveniret, si refractione quæ fit in oculo, major aut minor foret, quàm magnitudo illius requirit. Major enim, radios emanantes ab X, antequam progrediantur, ad S colligeret, velut in puncto M. Contra verò minor non nisi illud prætervectos cogeret, ex. gr. versus P; atque ita tangerent corpus album R S T in plurimis punctis, ad quæ eodem modo alii radii ex aliis objecti partibus ferrentur. Postremò nisi corpora E N, E F, nigra forent, hoc est, ita comparata, ut lumen exceptum non remittant, sed extinguant, radii à corpore albo R S T, eò reflexi,

V I.  
*Quomodo pupillæ magnitudo istarum imaginum perfectioni inseruiat.*

V II.  
*Quomodo etiam eodem inseruiat refractione quæ fit in oculo, & obstitura esset si major foret aut minor quàm reipsa est.*





inde reverti possent, qui venirent à T versus S & R; qui ab R, versus T & S: & qui ab S, versus R & T: & hoc modo alter alterius actionem turbaret; quod etiam facerent radii resiliens ex cubiculo, ad R S T, si alio lumine illu straretur, quàm illo quod objecta V X Y eò mittunt.

Sed cognitis iis quæ ad hujus picturæ perfectionem conferunt, operæ pretium etiam est ejus defectus intueri. Horum primus & maximus est; nulla ratione oculum, qualemcunque figuram habeat, radios omnes ex diversis punctis missos, in totidem aliis colligere posse; sed multum agere si tantummodo omnes ab uno puncto venientes, velut ab X, in alio quodam sistat, velut in S, quod medium est posterioris oculi partis; quod cum sit, non nisi pauci eorum qui veniunt ex puncto V, coire possunt accuratè in puncto R, aut ex Y accuratè in T, & reliqui necessariò non nihil inde abscedunt, ut postmodum explicabimus. Atque hinc extremitates hujus imaginis, nunquam tam distinctè quàm medium apparent; quemadmodum satis notarunt, qui circa Optica commentati sunt. Hoc enim est quod dixerunt, visionem potissimum fieri secundum axem, hoc est secundum lineam rectam, per centrum crystallini humoris & pupillæ protensam, qualis hîc est linea X K L S, axis visionis iisdicta.

*beat quod vulgò dicitur, visionem fieri per axem.*

Hic autem observemus, quò major pupillæ hiatus est, eò magis radios venientes, exempli gratià ex puncto V, circa punctum R dispergi, & ita quantum hæc laxitas colorum vim & nitorem intendit, tantum detrahit ex accurata lineamentorum picturæ distinctiōe; ideoque non nisi mediocris esse debet. Notemus præterea hos radios magis circa punctum R dispersum iri, quàm jam sparguntur, si punctum V, unde manant, propiùs oculo adjaceret, ut si esset in 10, aut longiùs ab eodem distaret, ut si esset in 11, non mutato interim puncto X, ad cujus distantiam oculi figuram suam commensum habere suppono: Ideoque imaginis hujus partem R obscuriorem adhuc essent reddituri. Quorum omnium demonstratio nobis aperta erit, quum ulterius progressi videbimus quam figuram corpora pellucida requirant, ad radios ex aliquo puncto delapsos in alio quodam post transitum colligendos.


k 3

Reli-

*motiora aut propiora, minus distinctè in eo representari, quàm si aequali propi distantia abesse.*

VI. Quomodo internarum istius oculi partium nigredo, & cubi- culi obscuritas in qua illæ innas- nes conspi- ciuntur, eo- dem etiam inserviat: cur nun- quam adeò perfectæ sint in suis ex- tremitati- bus atque in medio: & quomodo intelligi de- beat.

IX. Amplitudi- nem pupillæ dum colores vividiores facit, figu- ras minus distin- ctas reddere; ac proinde me- diocrem tantum esse debere. Ob- jecta qua sunt à latro- illius actu- jus distan- tiam oculis dispositus est, ab eo re-



Reliquæ autem hujus picturæ imperfectiones in eo sunt, quod semper inverſa appareat, hoc eſt, contrario planè ſitu quàm obtinent corpora quæ imitatur; & quod præterea ejus partes aliæ magis, aliæ minùs contrahantur, pro varietate ſitus & intervalli rerum quas exhibent; eodem ferè modo, quo in ſcenographi- câ tabulâ fieri ſolet. Ita hîc manifeſtè videmus, T quod ad ſiniſtram, Y quod ad dextram, reddere; & R quod ad dex- tram, V quod ad ſiniſtram. Et præterea imaginem corporis V non plus ſpatii occupare in R, quàm occuparet illa corporis IO, minoris quidem, ſed magis propinqui; nec minùs quàm illa corporis II, quod majus, ſed longius remotum eſt, ni- ſi forſan eo ipſo quodd magis diſtincta ſit. Et poſtremò vide- mus, lineam VXY, quæ recta eſt, exprimi per curvam

X.

*Imagines iſtas eſſe in- verſas, ſi- guræque il- larum mu- tari aut con- trahi, pro- ratione di- ſtantia aut ſitui objecto- rum.*

Ita conſideratâ hâc imagine in oculo mortui vel hominis vel be- ſtiæ, & rationibus perpenſis, dubitare non poſſumus, quin ſimi- lis quædam exprimatur in membrana interiore oculi viventis homi- nis, in cujus locum corpus album RST ſubſtituimus; atque etiam quin longè meliùs ibidem depingatur, quum ſpiritibus re- ferti humores, magis pelluceant, & figuram huic operi debitam, exactiorem habeant. Et quod ad bovis oculum attinet, fortè etiam in eo pupillæ figura, quia non rotunda, imaginis perfectioni non- nihil obſtat.

Nec magis ambigere poſſumus, imagines albo panno in tene- broſo cubiculo exceptas, eodem modo quo in oculi fundo for- mari, & ob eaſdem rationes. Sed cum multò majores & pluri- bus modis ibi ſiant, quàm in oculo, multa particularia commo- diùs in iis obſervantur; quorum hîc monerè animus eſt, ut quili- bet illa poſſit experiri, ſi nondum hætenus expertus eſt. Primò itaque, ſi nullum vitrum foramini per quod radii cubiculum illud ingredi debent, apponatur; modò ne ſit nimis latè patens, ima- gines quidem in panno apparebunt, ſed imperfectæ admodum, & conſuſæ, & tantò magis, quantò latiùs patuerit foramen. Et quo major erit diſtantia inter illud & linteum, eo quoque majores imagines erunt; ita ut magnitudinis illarum eadè ferè ſit ra- tio ad hoc intervallum, quæ magnitudinis corporum à quibus illæ fluunt, ad ſpatium ipſa objecta & foramen idem interja- cens. Ut ſi ABC ſit objectum, D foramen, EGF imago,


XI.

*Imagines iſtas perſe- ctiores eſſe in oculo ani- mali vivæ quàm mor- tui; & in oculo homi- nis quàm bovis.*

XII.

*Iſtas quæ apparent ope lentis vitreae in cubiculo ob- ſcuro; ibi eodem modo atque in oculo formari: & in iis ex- perimentum capi poſſe multorum, quæ hic di- ſta conſir- mant.*

qua-



• quale est AB ad CD, tale erit EG ad FD. Postea vitrea lente huic foramini immissa, observandum, certam quandam


distantiam determinatam esse, ex qua si objecerimus pannum, simulacra lucida atque admodum distincta refulgent; simulacra verò paululum accedimus ad vitrum, aut ab eodem recedimus, statim ea turbantur, & minus distinctè apparent. Hæc autem distantia dimetienda erit, non secundum spatium quod linteum & foramen intercedit, sed secundum illud quod linteum & vitrum: ut quantum hoc vitrum ulterius promoveris, aut introrsum ad te reduceris, tantum simul & linteum vel adducere vel remove oporteat. Pendetque hæc distantia, partim ex figura hujus vitri, & partim ex spatio quod illud & res objectas interjacet: nam licet eodem loco hæc maneant, quò minus superficies vitri erunt incurvata, eò longius hoc linteum removendum; & eodem vitro manente, accedentibus propius objectis, paulò magis linteum removendum erit, quàm si longius eadem abessent. Atque ex hac distantia, imaginum oritur magnitudo, eodem ferè modo quo tum, quum nullum foramini vitrum applicatur. fieri autem illud foramen majus potest, si vitro inserto obturetur, quàm si apertum & vacuum relinquatur; imaginibus ob id non minus distinctis: Et quò erit majus, eò simulacra nitidiora atque illustriora videbuntur: adeò ut si partem vitri tegas, magis quidem obscura quàm antea debeant apparere, sed non idcirco minus spatii in panno occupare. Et quò majora & lucidiora hæc simulacra sunt, eò perfectius videntur: adeò quidem ut si oculum admodum profundum struere possimus, cujus pupilla esset valde ampla, & in quo superficies refractionem efficientes figuram haberent, quæ huic magnitudini responderet, eò ampliores objectorum corporum imagines in ejus fundo exprimerentur. Et si duas aut plures lentes vitreas parum connexas jungamus, idein ferè efficient quod una, quæ ad eandem crassitiem, quam ille omnes simul sumptæ, intumescet; hic enim exigui momenti est superficierum numerus, in quibus re-

fra-

fractiones fiunt. Ast si ex certo intervallo hæc vitra ab invicem removeamus, secundum eriget imaginem, quam primum invertit, tertium iterum invertet, & ita porro. Quorum omnium ratio manifesta est ex iis quæ supra audivimus, & quidem majus operæ pretium erit, mediocri meditatione illam inquirenti, quàm obiter singula fusius hic enarrata legenti.

Cæterum corporum simulacra, non tantum in ima oculi parte formantur, sed ulterius quoque ad cerebrum penetrant; quod facile intelligemus, si cogitemus radios ab objecto V in oculum

XIII.  
*Quomodo hæc imagines ab oculo in cerebrum transeant.*



venientes, contingere in puncto R, extremum alicujus ex capillamentis

mentis nervi Optici, quod oritur è regione 7 superficiè interioris cerebri 7, 8, 9; & venientes ab objecto X, in puncto S extremitatem alterius cuiusdam capillamenti impellere, cujus initium est in puncto 8; & delapsos ab objecto Y, aliud in puncto T, quod prorepat è regione cerebri 9, & ita porro. Et præterea quum lumen nihil extra motum, aut nifum quemdam ad motum fit, radios illius progressos ab V ad R, vim totum capillamentum R 7 movendi habere, & consequenter regionem cerebri 7; & venientes ab X ad S, totum nervum S 8, & insuper aliâ ratione movendi, quàm movetur R 7, quum corpora X & V diversimodè colorata sint: & ita venientes ab Y punctum 9 movere. Unde patet in superficie cerebri interiore, quæ cavitates illius respicit, denuò quamdam picturam delineari 789, satis similem objectis VXY. Atque inde ulterius hanc promovere possem, ad glandulam quamdam exiguam, quæ in medio circiter harum cavitatum occurrit, propria sensus communis sedes. Imò præterea hîc ostendere non arduum foret, quâ ratione interdum per arterias gravidæ mulieris transeat, usque ad certum aliquod fœtus membrum, quem in utero gestat, & ibi istas malaciæ notas imprimat, quas tantopere docti admirantur.

## CAPUT SEXTUM.

## De Visione.

I.  
Visionem  
non fieri ope  
imaginum,  
quæ ab oculis  
transiunt  
in cerebrum;  
sed ope mo-  
tuum qui  
ipsas com-  
ponunt.



Uicet autem hæc pictura, sic transmissa in cerebrum, semper aliquid similitudinis ex objectis, à quibus venit, retineat; non tamen ob id credendum est, ut supra quoque monuimus, hanc similitudinem esse quæ facit ut illa sentiamus; quasi denuò alii quidam oculi in cerebro nostro forent, quibus illam contemplari possemus. Sed potius motus esse à quibus hæc pictura componitur, qui immediatè in animam nostram agentes, quatenus illa corpori unita est, à natura instituti sunt, ad sensus tales in eâ excitandos. Quod latius hîc exponere libet.

II.  
Istorum  
motuum vi  
percipi lu-  
men, & co-  
lores: item  
sonos, sapo-  
res, visilla-  
tiones &  
dolorem

Omnes qualitates, quas in visus objectis percipimus, ad sex primarias reduci queunt, ad lumen scilicet, colorem, situm, distantiam, magnitudinem, & figuram. Et primò quantum ad lumen & colorem, quæ sola propriè ad sensum visionis pertinent, cogitandum illam animæ nostræ naturam esse, ut per vim motuum, qui in illâ

illâ cerebri regione occurrunt, unde tenuia nervorum opticorum fila oriuntur, luminis sensum percipiat : per eorundem autem motuum diversitatem, sensum coloris. Quemadmodum per motus nervorum, auribus respondentium, sonos dignoscit ; & ex motibus nervorum linguæ, varios sapes ; & in universum, ex motu nervorum totius corporis moderato, quamdam titillationem sentit ; & dolorem, ex violento ; quum interea in his omnibus similitudine nullâ opus sit, inter ideas, quas illa percipit, & motus qui earum sunt cause.

Atque his facîle adhibebimus fidem, modò notemus, quibus oculi vulnere læditur, videri, se infinitas ignium & fulgurum vibrationes cernere, licet oculos clausos habeant, aut in conclavi obscuro commorentur ; ut ita hic sensus non alii rei sit imputandus, quam agitationis vehementiæ, quæ capillamenta exigua nervi optici instar violenti luminis cujusdam movet. Et eadem agitatio aures feriens, sonum quemdam efficere possit ; aut alias partes corporis, dolorem.

*audiantur, atque ita eadem via diversas sensationes in diversis organis producat.*

Hoc etiam inde confirmatur, quòd si aliquando Solem seu lumen aliud valde fulgidum obstinati contuemur, illa impressio etiam aliquantò post in oculis duret ; aded ut licet postea claudantur, varios tamen colores nobis videamur videre, mutantes & transeuntes ad invicem, prout paulatim evanescent ; hoc enim non aliunde procedit, nisi quod capillamenta nervi optici insolito motu concussa & agitata, non tam subito residunt, quàm aliàs. Sed agitatio quæ adhuc post oculos clausos palpitant, & quasi contremiscunt, quum non satis valida sit, ad reddendum tam illustre lumen, quàm fuit illud à quo venit, colores minus intensos & velut dilutos repræsentat. Et hi colores paulatim expallescento mutantur ; quod satis docet, illorum naturam tantum in motus diversitate consistere, neque aliam esse quàm suprâ posuimus.

Ipsam etiam postremò ex eo manifestum fit, quòd sæpe in pellucidis corporibus hi colores appareant, ubi certum est nihil esse quod eos producere possit, extra diversos illos modos quibus radii luminis admittuntur : ut quum in nubibus Iris appareat, & magis adhuc, quum simile aliquid in vitro cernimus, cujus superficies in varias hedras polita est.

Hic verò operæ pretium est curiosius advertere, in quo consistat quantitas luminis quod videtur (hoc est, impetus quo singula nervi optici capillamenta moventur) ; non enim semper æqualis est lumi-

III.

*Cur scilicet in oculo acceptus, efficiat ut veluti plurima conspiciantur lumina, & in auri- bus ut soni*

IV.

*Cur clausis paulò post conspectum Solem oculis, varios colores videre videamus*


V.

*Cur aliquando diversi colores appareant in corporibus tantum pellucidis, sicut in iride tempore pluvio.*

VI.

*Sensuum luminis majorem aut minorem*

esse, prout  
objectum  
propius aut  
remotius est;  
item prout  
pupilla, at-  
que ima-  
go quæ in  
oculi fundo  
depingitur,  
major aut  
minore est.



lumini quod ex objectis emanat :  
sed vel pro ratione distantiae cor-  
porum , vel magnitudinis pupillæ  
variatur ; vel pro ratione spatii , quod  
ex singulis corporum punctis ma-  
nantes radii in oculi fundo occu-  
pant. Sic constat, exempli gratiâ ,  
punctum X plures radios ad ocu-  
lum B missurum quàm nunc mit-  
tat, si pupilla FF pateret usque ad  
G ; & illud totidem mittere in  
hunc oculum B, qui minùs ab ipso  
distat , & cujus pupilla valde angu-  
sta est, quot in oculum A, cujus  
quidem pupilla multò major est ,  
sed quod etiam multò magis ab  
ipso distat. Et quamvis non plures  
ex diversis punctis VXY simul  
spectatis oculum A ingrediantur ,  
quàm oculum B, quia tamen in  
ejus fundo non nisi per spatium  
TR extenduntur, quod minus est  
spatio HI, per quod in fundo oculi  
B sparguntur, majori vi agere de-  
bent in singulas extremitates nervi  
optici quas ibi contingunt, quàm

in illas oculi B. Quod ad calculum revocare minimè arduum est.  
Nam si, exempli gratiâ, spatium HI quadruplum sit spatii TR, &  
extremitates quatuor capillamentorum millium nervi optici con-  
tineat, TR continebit tantum mille, & consequenter singula ca-  
pillamentorum in parte ima oculi A, millesimâ roboris parte mo-  
vebuntur, quod omnes radii uniti habent, & in fundo oculi B, quar-  
tâ tantum millesimæ.

#### VII.

Quomodo  
capillamen-  
torum nervi  
optici multi-  
tudo visio-  
nem distin-  
ctam ed-  
dat.

Observandum etiam partes corporum , quæ contemplamur ,  
non dignosci posse, nisi quatenus colore quodammodo differunt ; &  
horum colorum distinctam perceptionem non pendere tantum ex  
eo, quòd omnes radii à singulis corporum punctis venientes, in fun-  
do oculi in totidem aliis circiter coeant ; vel ex eo quòd nulli alii a-

liunde



Unde effusi ad eadem puncta admittantur : sed etiam ex multitudine capillamentorum nervi optici, quorum extremitates continentur in illo spatio quod imago in oculi fundo occupat. Si enim, exempli gratiâ, objectum VXY ex decem partium millibus componatur, quæ aptæ sint ad radios tot diversis modis in fundum oculi RST mittendos, & consequenter ad repræsentanda eodem tempore decem colorum millia, anima tamen ad summum mille tantum discernet, si fingamus mille tantum capillamenta nervi optici extare in spatio RST; etenim tunc decem particulæ objecti agentes simul in singula capillamentorum, uno duntaxat modo ex denis mixto & confuso, illa movere possunt : Unde fit ut illud spatium quod ab uno quolibet ex his capillamentis occupatur, non nisi pro unico puncto debeat haberi.

Atque hoc est quod efficit ut pratum infinitâ colorum varietate distinctum procul insipientibus totum album aut cæruleum videatur : Et generatim ut omnia corpora remota, minus distincta appareant quàm propinqua; Denique etiam, ut, quò latius ejusdem corporis simulacrum in oculi fundo diducere possumus, eò distinctiùs videri queat. Quod notatum magno usui postea crit.

*reant, & cur omnia corpora minus distincte eminus quàm cominus conspiciantur, atque imaginis magnitudo visionem distinctiorem reddat.*

VIII.

*Cur prata diversis coloribus variegata, e minus unius tantum coloris apparere videntur.*


Situm (id est, regionem in qua singulæ objecti partes respectu corporis nostri locatæ sunt) quod attinet, illum non aliter oculorum ministerio deprehendimus quàm manuum; & notitia illius ex nulla imagine pendet, nec ex ulla actione ab objectis veniente, sed ex solo situ exiguarum partium cerebri, è quibus nervi expullulant. Hic enim situs, mutato situ membrorum quibus illi nervi inseruntur, aliquantulum varians à natura ita institutus est, ut non tantum animam certam facere possit, in quâ regione singulæ partes corporis cui inest, aliarum respectu existant; sed insuper efficere ut attentionem inde ad omnia loca transferre queat, quæ in lineis rectis occurrunt, quas imaginari possumus ab extremitatibus singularum ex his partibus in infinitum productas. Ut cum cæcus ille, de quo jam sæpe mentio facta est, manum suam A versus E, vel alteram manum C etiam versus E obvertit, nervi

IX.

*Quomodo agnoscamus situm objecti quod intuerimur, aut ejus quod digito nobis eminus monstratur.*



huic manui inserti, mutationem quamdam in cerebro illius efficiunt, per quam anima cognoscit non tantum locum A. vel C, sed & omnia reliqua quæ occurrunt in lineâ rectâ AE, vel CE, imò ulterius progressa, usque ad objecta B & D, loca etiam ubi illa existant, determinat; incerta interea, vel saltem non attendens, ubi utraque manus existat. Atque ita quoties oculus aut caput nostrum huc vel illuc inflectitur, mens nostra ejus rei admonetur à mutatione, quam nervi musculis, hujus motus ministris, inhærentes, in cerebro nostro efficiunt.



X.  
Cur inver-  
sio imaginis

Exempli gratiâ cogitandum in oculo RST, situm capilla-  
menti

menti nervi optici, quod est in puncto R, vel S, vel T, responde-  
re ad alium quemdam partis cerebri 7, vel 8, vel 9, qui facit ut a-  
nima singula loca cognoscat, quæ jacent in recta, aut quasi recta  
linea R V, vel SX, vel TY. Ut ita mirari non debeamus, corpora  
in naturali situ videri, quamvis imago in oculo delineata contra-  
rium habeat. Quemadmodum cæcus no-  
ster simul objectum B, quod est ad dex-  
tram ope manus sinistræ, & D quod ad  
sinistram ope manus dextræ animadver-  
tit. Et quemadmodum ille idem non judi-  
cat corpus duplex esse, licet duabus ma-  
nibus illud tangat, sic etiam oculi nostri  
quum ambo versus eundem locum aciem  
suam dirigunt, non nisi unicum objectum  
menti debent exhibere, quamvis in uno-  
quoque eorum peculiaris ejus imago formetur.



*quæ si in  
oculo, non  
impediat ne  
objecta recta  
appareant:  
Et cur id  
quod duo-  
bus oculis  
conspicitur,  
aut duabus  
manibus  
tangitur,  
non ideo du-  
plex appa-  
reat.*

Perceptio distantia non magis quàm situs ab ullis imaginibus  
pendet; sed primò à figura totius oculi: etenim, ut jam diximus,  
alia requiritur ad percipienda ea quæ propinqua, quàm ad ea quæ  
procul abducta: & dum illam pro ratione objecti mutamus, simul  
quædam cerebri nostri pars variat, ita à natura instituta, ut animam  
de hac distantia certam reddat.

Et hoc ut plurimum nobis insciis accidit; eodem planè modo  
quo corpus aliquod manu complexi, stringentes, ad illius figuram  
& magnitudinem hanc aptamus, atque ita illud cognoscimus, licet  
interca non sit opus, ut qua ratione manus nostra movetur aut dis-  
ponitur advertamus.


Distantiam præterea discimus, per mutuam quamdam conspira-  
tionem oculorum. Ut enim cæcus noster duo bacilla tenens AE &  
QE, de quorum longitudine incertus, solumque intervallum ma-  
nuum A & C, cum magnitudine angularum ACE, & CAE  
exploratum habens, inde, ut ex Geometriâ quâdam omnibus in-  
natâ, scire potest ubi sit punctum E. Sic quum nostri oculi RST  
& rstambo, vertuntur ad X, magnitudo lineæ Ss, & angulo-  
rum XSS & XsS, certos nos reddunt ubi sit punctum X. Et  
idem operâ alterutrius possumus indagare, loco illum movendo,  
ut si versus X illum semper dirigentes, primò sistamus in puncto S,  
& statim post in puncto s, hoc sufficiet ut magnitudo lineæ Ss,  
& duo-

XI.  
*Quomodo  
motus qui  
immutant  
oculi figu-  
ram, effi-  
ciant ut ob-  
jectorum di-  
stantia de-  
prehenda-  
tur.*

XII.  
*Etiamsi mo-  
tus isti nobis  
insciis fiant,  
nos tamen  
quid signifi-  
cans agno-  
scere.*

XIII.  
*Amoborum  
oculorum  
conspiratio,  
animadver-  
tende di-  
stantia in-  
servit; nec  
non unus o-  
culi si loco  
suo movea-  
tur.*

M Y X V



& duorum angulorum  $Xs$  &  $XsT$  nostræ imaginationi simul occurrant, & distantiam puncti  $X$  nos edoceant: idque per actionem mentis, quæ licet simplex iudicium esse videatur, ratiocinationem tamen quamdam involutam habet, similem illi, qua Geometræ per duas stationes diversas, loca inaccessa dimetiuntur.

XIV.  
Quomodo  
distinctio  
aut confusio  
figuræ, &  
majus aut  
minus lu-  
men, effi-  
ciant ut di-  
stantia a-  
nimadver-  
tatur.

Alio adhuc modo distantias noscimus, per distinctionem scilicet aut confusionem figurarum, & simul per vehementiam luminis aut debilitatem: Sic dum fixo obtutu inspicimus  $X$ , radii venientes ab objectis 10 & 12, non ita exactè coeunt in punctis  $R$  &  $T$ , quàm si hæc objecta in  $V$  &  $Y$  posita forent: Unde illa vel longius

gius remota, vel propius adducta colligimus quàm est X. Præterea ex eo quòd lumen ex objecto 10 ad oculum nostrum defluens longè vehementius est, quàm si idem objectum ad Y remotum foret, magis illud esse propinquum dijudicamus: & quum hoc quod spargit objectum 12 debilius sit, quàm si foret ad Y, ulterius illud remotum esse hinc discimus.

Denique cum jam aliunde prænovimus qualis sit magnitudo aliqujus corporis, vel ejus situs, vel quàm distincta si ejus figura & quàm vividi colores, vel tantum qualis sit vis luminis ex eo emissi, possumus hac præcognitione uti, non quidem propriè ad videndam, sed tamen ad visu percipiendam ejus distantiam. Ut si corpus aliquod oculis familiare, procul contueamur, melius de distantia judicabimus, quàm si magnitudo illius minùs cognita foret. Et si ultra nemus obumbratum, rupem Soli expositam videamus, solus hujus sylvæ situs illam non procul abesse dictabit. Et si duas naves, majorem alteram, alteram minorem vela facientes contemplemur, hac ratione inæqualiter remotas ut æqualis magnitudinis videantur, ex differentia figurarum, colorum, & luminis quod ad oculos nostros mittent, utra remotior sit advertemus.

Modum autem quo magnitudinem & figuram objectorum videmus, non opus est verbosius explicare, quum tota illo contineatur, quo distantiam & situm partium cernimus. Magnitudinem videlicet æstimamus, ex cognitione seu opinione quam de distantiâ habemus, cum magnitudine imaginum in oculi fundo formatarum, comparatâ, & non absolutè per imaginum magnitudinem. ut clarum sit inde, quòd, licet exempli gratiâ, centies illæ majores sint, quum objecta valdè propinqua sunt, quàm cum decuplo magis removentur, non tamen ob id centies majora nobis appareant, sed propemodum æqualia, utique si distantiâ non decipiamur. Manifestum etiam est, figuram dignosci, per cognitionem seu opinionem quam de situ diversarum partium corporis habemus, non per similitudinem imaginum quæ in oculo pinguntur; nam hæ plerumque rhombo vel ellipsi constant, quum quadrata & circulos nobis exhibent.

Nec autem vel minimum dubium relinquitur, quin visio hoc modo quo diximus fiat, rationes præterea hinc intuebimur, ob quas interdum nos soleat fallere. Primò, quia mens est quæ videt, non oculus, idque cerebri ope magis immediatè quàm oculi, inde fit ut phre-

XV.  
*Objectorum  
que intue-  
mur præce-  
dantem co-  
gnitionem,  
ipsorum di-  
stantia me-  
lius digno-  
scenda infer-  
rire: idem  
que situm  
efficere.*

XVI.  
*Quomodo  
cujusvis  
que objecti  
magnitudo  
& figura di-  
gnoscatur.*

XVII.  
*Cur nos ali-  
quando vi-  
sus fallat; &  
phrenetici,  
aut qui dor-  
munt, pu-*


*sens se vi-  
dere quod  
non vident.*

netici & dormientes, varias aliquando species videant, aut sibi videre videantur, quæ oculis propterea non obijciuntur: atque hoc evenit, si vapores cerebri pulsanter partes illius, quæ visioni inserviunt, eodem modo disponant quo ipsas mediante oculo dispo-  
nerent objecta externa, si adessent.

## XVIII.


*Cur ali-  
quando ob-  
jecta dupli-  
cia videan-  
tur; & ta-  
lium efficiat  
ut objectum  
duplex esse  
puteatur.*

Deinde, quia impressiones extrinsecus venientes ad sensum com-  
munem per intermedios nervos transeunt, si horum situs per cau-  
sam insolitam detorqueatur, objecta alibi quàm ubi sunt repræsen-



tare potest. Ut si oculus r s t sua sponte dispositus ad respiciendum  
versus

versus X, cogatur à digito N sese obvertere versus M, partes cerebri unde hi nervi prorepunt, non eodem planè modò disponuntur, ac disponerentur, si oculus iste à propriis musculis eò deflecteretur, nectamen etiam eodem ac si revera versus X respiceret, sed medio quodammodo, tanquam si respiceret Y, atque ita hujus oculi ope objectum M apparebit eò loci, ubi est Y, & Y ubi est X, & X, ubi est V, & quoniam hæc eadem objecta eodem tempore in veris locis videbuntur ope alterius oculi R S T, duplicata apparebunt. Eodem modo quo globulus G, duobus digitis D & A decussatis atrectatus, instar duorum sentitur. Etenim dum hi digiti se mutuò ita decussatos retinent, musculi eos diducere nituntur, A in C, & D in F, unde fit ut partes cerebri, ex quibus nervi his musculis intervenientes originem ducunt, disponantur eo modo, qui requiritur ut iidem digiti A in B & D in E esse, ac consequenter duos ibi globulos H & I tangere videantur.



Præterea quoniam fumus affucti judicare, actiones à quibus visus noster movetur, ex iis locis venire versus quæ debemus obtutum dirigere, ut illas percipiamus; quoties accidit ut aliunde procedant facillimè fallunt. Ita qui oculos flava bile suffusos habent, aut per vitrum flavum vident; aut in cubiculo degunt, quod nulum lumen nisi per ejusmodi vitra recipit, flavo colore omnia corpora quæ cernunt infecta putant. Et ille qui in cubiculo tenebroso, \* quod supra descripsimus corpus album R S T inueter, illi tribuit colores, qui sunt objectorum V X Y, quoniam in illud solum aciem suam intendit. Et oculi A, B, C, D, E, F, videntes objecta, T, V, X, Y, Z, & per transversa vitra N, O, P, & in speculis Q, R, S, illa indicant esse in punctis G, H, I, K, L, M; & V, Z, minora, & X, & majora quàm revera sunt: Vel etiam X, & minora & simul inversa, quum

m 2


scilicet

XIX.

*Cur icterici, aut qui per flavum vitrum conspiciunt, omnia quæ videntur flava esse judicent. Et quis sit locus à quo conspiciuntur objectum per vitrum planum cujus superficies non sunt parallela, & per vitrum concavum, curque sunt*

*objectum minus quàm sit appareat. Item quis sit locus à quo per vitrum convexum videtur, & cur ibi aliquando majus & remotius, aliquando verò minus & propius appareat quàm revera sit, aut etiam inversum. Denique quis sit locus imaginum quæ conspiciuntur in speculis tam planis quàm convexis aut concavis: & cur ibi appareant recta aut inversa, majores aut minores, & propiores aut remotiores quàm sunt ipsa objecta.*

\* Vide penultimam figuram.



scilicet longius ab oculis CF posita sunt: his vitris & speculis radios ab objectis venientes ita detorquentibus, ut ab his oculis distincte nequeant videri, nisi ita dispositis ac si puncta G, H, I, K, L, M, intueri vellent, ut facile cognoscent ii qui satis ad hæc attendent.

Et



Et eadem operâ videbunt, quantum in Catoptrici majores nostri aberrarint, quoties in speculis concavis & convexis locum imaginum determinare conati fuerunt.

Notandum etiam modos distantiae cognoscendae quotquot habemus, valde dubios & incertos esse. quantum enim ad oculi figuram, illa ferè nihil amplius mutat, quum objectum ultra quatuor aut quinque pedes remotum abest; etiam quum propius adest tam parum variat, ut vix quicquam accurati ex illa mutatione discerni possit. Et quantum ad angulos inclusos lineis ex duobus oculis, aut ex duabus ejusdem oculi stationibus, ad objecta ductis, illi etiam ferè iidem semper manent, quum paulò longiùs prospicimus. Ex quibus fit, ut ne quidem sensus noster communis, ideam distantiae capere possit videatur, ultra centum aut ducentos pedes abductae. Atque hoc patet ex eo, quod Luna, & Sol, qui sunt è numero corporum remotissimorum quae contueamur, & quorum diametri ad circumferentiam circiter sunt ut unum ad centum, pedales ut plurimum, vel ad summum bipedales nobis videantur, licèt ratiō dicat, illos longè maximos & remotissimos esse. Hoc enim non evenit, quod majores illos fingere nequeamus, quum turres & montes multò majores imaginemur & videamus, sed propterea quòd cogitatione ultra centenos aut ducenos pedes illos remove non possumus, inde sequitur diametrum illorum unius aut alterius pedis videri.

Ipse quoque situs in hoc nos decipit, nam plerumque haec alstra circa Meridianum in caeli vertice minora apparent, quàm cum sunt in ortu vel occasu, & occurrunt inter ipsa & oculos nostros diversa objecta quae judicium de distantia melius informant. Et Astronomi cum suis machinis illa dimetientes, fatiſ experiuntur hoc, quòd ita jam majora, jam minora appareant, non ex eo contingere, quòd modò sub majori, modò sub minori angulo videantur, sed ex eo quòd longiùs dissita judicentur, quia tam versus horizontem quàm versus verticem sub eodem semper angulo ea conspici deprehendunt. Ex quibus patet, non omnino verum esse Opticæ veterum axioma, quo magnitudines corporum apparentes visionis angulis statuuntur proportionales.

Fallimur etiam in eo, quòd corpora alba vel luminosa, & in universum omnia illa, quibus inest multum roboris ad movendum visionis sensum, semper paulò majora & propiora appareant, quàm si minus virium haberent. Causa verò ob quam propiora videntur, haec

XX.

*Cur facile decipiamur in judicando de distantia; quomodoque probari possit nos non solere distantiam non 100 aut 200 pedibus majorem imaginari.*

XXI.

*Cur Sol & Luna majores videantur Horizonti proximi, quàm ab eo remoti: apparentemque objectorum magnitudinem ex angulo visionis non esse mensurandam.*

XXII.

*Cur alba & luminosa objecta propiora & majora quàm sunt appareant.*

hæc est: quòd motus quo pupilla arceudi vehementioris luminis gratiâ constringitur, tam arctè cum altero cohæret, qui totum oculum disponit ad subtilius pervidenda objecta propinqua, eorumque distantiam dignoscendam, ut neuter ad effectum deduci queat, quin aliquantulum ex altero admisceatur. Eodem serè modo, quo anteriores duos digitos contrahere nequimus, quin simul tertius paululum cum illis incurvetur. Et ratio ob quam corpora luminosa vel alba majora apparent, non tantum in eo consistit, quòd judicium magnitudinis ex distantia æstimatione pendeat, sed etiam in eo quòd imagines eorum majores in oculi fundo formentur. Notandum enim, extremitates capillamentorum nervi optici, quamvis minimas, tamen alicujus esse crassitici, adeo ut singula ex illis in una sui parte ab uno objecto, & in alia ab alio attingi possint: quum autem unico tantum modo singulis vicibus moveri queant; quoties aliqua, quantumvis exigua, ex illis partibus à corpore aliquo valde lucido impellitur, dum interim aliæ non nisi à minùs illustribus tanguntur, totum capillamentum ejus objecti quod lucidissimum est motum sequitur, & solam ejus imaginem ad cerebrum transfert. Ut si sint extremitates capillamentorum 1, 2, 3, & radii, in fundo oculi stellæ imaginem pingentes, diffundantur in 1, paululumque tantum, in circuitu sex vicinarum, 2, oras contingant, (in quas supponimus nullos alios radios effundi, præter admodum debiles à partibus cœli huic stellæ vicinis) effigies ejus stellæ per totum spatium extendetur in quo sunt sex capillamentorum extremitates, 2, & fortè etiam per illud totum quod aliæ duodecim, 3, occupant, nempe si lucis actio sit tam fortis ut illas etiam valeat commovere.



## XXIII.

*Cur omnia corpora valde parva aut valde remota, appareant rotunda.*

## XXIV.

*Quomodo remotiores fiant in tabulis secundum Perspectivæ regulas delineatis.*

Unde cognoscimus stellas, quamvis pro vera magnitudine exiguas, tamen pro vasto illo intervallo quo distant, longè majores quàm sint apparere; Et præterea quamvis globosæ non essent, tales tamen illas apparituras; ut etiam turris quadrata, procul visa, rotunda apparet. Et nulla corpora, quæ parvas in oculo imagines repræsentant, figuram angularum suorum exprimere possunt.

Denique quod attinet ad judicium de distantia objecti visi, quod à magnitudine, figura, colore, aut lumine ejus pendet, quàm totum illud sit fallax, vel sola Perspectiva satis docet. Sæpe enim imagines, secundum ejus præcepta pictæ, ex hoc solo quòd sint minores, habeantque lineamenta minùs distincta, & colores obscuriores, vel

vel potiùs debiliores, quàm nobis persuadeamus esse oportere, ut objectum vicinum repræsentent, multò remotiores quàm revera sint, apparent.

CAPUT SEPTIMUM.

*De modis visionem perficiendi.*



Postquam satis accuratè quæsitivimus, qua ratione visio fiat; breviter hîc repetamus, & nobis quasi ob oculos ponamus omnes conditiones requisitas ad ejus perfectionem; ut cognoscentes, quomodo natura singulis jam prospexerit, exactè per enumerationem discamus, quantum arti addendum reliquerit. Omnia quæ hîc attendi debent, ad tria primaria reduci queunt; Objecta scilicet, organa interiora, quæ actiones illorum recipiunt; & Exteriora, quæ has actiones disponunt, ut quo decet modo recipiantur. Quantum ad objecta, sufficit nosse alia propinqua & accessa, remota alia esse & inaccessa; & præterea quædam magis, quædam minus illuminata; ut nempe advertamus nobis liberum esse accessa magis aut minus remove, lumenque quo illustrantur augere vel minuere, prout magis commodum est; in aliis autem nihil tale licere. Deinde quod attinet ad organa interna, nervos scilicet & cerebrum, certum est, illorum structuræ per artem nihil adjici posse; neque enim nostrum aliquis novum corpus sibi fabricare potest, & si forsan Medicorum opera nonnihil ad immutandam corporis humani constitutionem possit juvare, hoc est extra nostrum argumentum. Ac proinde sola organa exteriora nostræ considerationi relinquuntur: quo nomine, non modò corpora omnia quæ inter oculum & objecta locari possunt, sed etiam oculi partes omnes, quæ pellucidæ sunt, complector.

I.  
*Tria in visionem esse consideranda, objecta, organa interiora, & exteriora.*

Et omnia quæ hîc curanda sunt, ad quatuor capita reduco: Quorum primum, ut omnes radii, qui in aliquâ extremitatum nervi optici sistuntur, ex unico tantum objecti puncto quoad fieri potest, fluant, neque ullo modo in spatio interjacente violentur: id enim nisi fiat, imagines, quas formant, nunquam satis distinctæ erunt, nec fideliter corpus, à quo emanant, repræsentabunt. Secundum, ut hæc simulacra magna sint, non quidem extensione loci (neque enim ultra exiguum illud spatium, quod est in oculi fundo occipare pos-

II  
*Quatuor tantum ad visionem perfectam reddendam requiri.*

possunt) sed lineamentorum & ductuum suorum extensione. Certum quippe, quò illa majora, eò melius dignosci posse. Tertium, ut radiis tantum roboris ad movenda nervi optici capillamenta sit, ut sentiri possint, non tamen tantum ut visum lædant. Quartum, ut ex plurimis objectis imagines in oculo simul formentur, atque ita eodem obtutu insipientibus plurima pateant.

## III.

*Quomodo  
natura pri-  
mo istorum  
prospexerit;  
& quid su-  
perfit quod  
ars illi ad-  
dat.*

Natura autem ut primo prospiceret multa adhibuit. Etenim pellucidis, & nullo colore imbutis humoribus oculum replens, effecit ut actiones extrinsecus venientes, sine ulla mutatione ad fundum illius pertingant. Tum etiam per refractiones, quæ in humorum istorum superficiebus fiunt, hoc egit, ut radii secundum quos hæ actiones tendunt, ex eodem objecti puncto provecti, in eodem nervi optici puncto iterum coeant; & consequenter reliqui ab aliis punctis venientes, tam accuratè ac fieri potest, in totidem aliis colligantur. Credere enim debemus naturam hac in re quicquid fieri potest præstitisse, quia nihil in contrarium experimur. Sed potius videmus illam defectus minuendi causâ, qui necessariò semper aliquis in hac radiorum collectione reperitur, vim pupillam tantum arcândi nobis dedisse, quantum vehementia luminis permittit. Deinde per colorem nigrum, quo omnes oculi partes non pellucidas, retinæ obverfas, imbuunt, curavit ne radii ulli peregrini versus illam reflecterentur. Ac denique per mutationem figuræ oculi effecit, ut licet objecta, jam magis, jam minùs removeantur, radii tamen à singulis punctis venientes, quantum possint exactè in totidem aliis in oculi fundo colligantur.

## IV.

*Quod dis-  
crimen sit  
inter juve-  
num & se-  
num oculos.*

Verumtamen non adeò sollicitè postremæ huic necessitati cavit, ut nihil arti addendum reliquerit; non modò enim nemini nostrum vulgò concessit, superficies oculorum tantum incurvare, ut objecta valde propinqua, nempe non nisi uno aut dimidio digito à nobis distantia, cernere possimus; sed magis etiam quibusdam defuit, quorum oculos ita formavit, ut non nisi contemplandis longè positis inferviant, quod senioribus familiare est; nec minùs iis, quibus contra tales oculos dedit, ut propinqua tantum contueri possint; quod junioribus sæpius usu venit. Adeò ut oculi oblongiores & angustiores quàm par sit, initio formari videantur, inde paulatim progredientibus annis dilatari & comprimi.

## V.


*Quomodo  
maderi o-  
porteat  
myopum &  
senum ocu-  
lia.*

Ut igitur arte hos defectus tollamus, primò necessarium erit figuras quærere, quas superficies vitri aut alterius pellucidi corpo-

ris


ris requirunt, ad incidentes radios ita incurvandos, ut omnes ex aliquo objecti puncto emissi, ita illas permeando disponantur, ac si ex alio puncto longius aut propius posito venirent: propius scilicet, in eorum usum, quorum acies ad remota non valet; longius, tam pro senioribus quàm in univ-  
ersum pro omnibus iis qui objecta propius admota cernere volunt, quàm oculi figura permittit. Nam oculus ex. gr. B vel C, ad id factus, ut omnes radios effusos ex puncto H vel I, in medio sui fundi colligat, quum simul illos ex puncto V vel X colligere nequeat; perspicuum est interjecto vitro P vel O, quod omnes radios puncti V vel X ad oculum mittit, tanquam si venirent ex puncto H vel I, hunc defectum sublatum iri.

Deinde quum non unius tantum figuræ vitra, idem accuratè efficere possint, ad eligenda nostræ intentioni aptissima, duæ conditiones præterea veniunt considerandæ. Harum prima, ut figuræ simplicissimæ, id est, delineatu ac politu facilissimæ sint. Altera, ut illorum ope radii ex aliis objecti punctis digressi, ut E, E, ad eundem circiter modum oculum intrent, ac si ex totidem aliis punctis venirent, ut F, F. Et notemus hîc circiter, non, *quantum fieri potest*, dici; præterquam enim quòd difficile forsitan foret, ex infinito numero figurarum huic eidem rei inservientium, eam quæ omnium aptissima est geometricè demonstrare, esset etiam inutile: neque enim eadem procul dubio essent aptissimæ ad visum illustrandum, quum ne oculus quidem ipse omnes radios ex diversis punctis manantes, in totidem aliis colligat.



V I.

Inter multa vitra quæ illi inservire possunt, facilissima politu sunt deligenda: item ea quæ melius efficiunt, ut objecta à diversis punctis manantia, videantur à totidem aliis diversis punctis procedere.



Nec omnino possumus hac in re eligere, nisi præter propter, quum figura oculi accurata minimè nobis explorata sit. Opera præterea danda erit, quoties hujusmodi corpus oculis nostris admovebimus, ut naturam quantum fieri poterit, in omnibus, quæ in fabrica illorum observavit, arte imitemur, nec ullum commodum quod illa dedit negligamus, nisi forsàn ut aliud majus eo ipso lucrémur.

In magnitudine imaginum observandum est, tribus illam tantummodo rebus inniti: distantiae scilicet, quæ inter objectum & locum ubi radii, ex singulis punctis ad oculi fundum missi, decussantur; deinde distantiae, quæ inter eundem locum & oculi fundum; & postremò refractioni horum radiorum. Sic cuivis patet, imaginem RST majorem fore, si objectum VXY propius accederet ad K, ubi radii VKR, & YKT decussantur; aut potiùs ad superficiem BCD, ubi propriè decussari incipiunt, ut postea videbimus: veletiam si oculum magis oblongum reddere possemus, ut distantia major foret, inter superficiem BCD, quæ hos radios decussat, & fundum oculi RST: Aut tandem, si refractione non tam introrsum ad S, sed potius extrorsum, si fieri posset, incurvarentur. Et quidquid ultra hæc tria imaginemur aut moliamur, nihil tamen inveniemus, quo imago grandior reddi possit.

Ipsam etiam posteriori loco nobis notatum, vix memorabile est, quum nunquam nisi parum admodum, imago illius ope augeatur, idque cum tantâ difficultate, ut semper minori operâ per alia fieri possit; quemadmodum mox intelligemus. Ipsam etiam naturam videmus hoc neglexisse; Nam procurans ut radii VKR, & YKT, introrsum curventur ad S, permeando superficiem BCD & 123; imaginem RST minorem delineavit, quàm si ita cuncta ordinasset, ut extrorsum curvarentur, ut sit ad 5, in superficie 456, aut si omnino rectos reliquisset. Nec magis opus est primum considerare, nisi pateat accessus ad objecta; si verò pateat, manifestum est, quò propius illa contueamur, tantò majorem imaginem in oculo reddi. Naturâ autem non permittente, propius oculis admota, quàm ad distantiam dimidii pedis, aut circiter, commodè à nobis cerni, ut artificium quantum potest huic obstaculo medeatur, opus solummodo vitrum, quale est P, de quò paulò antè locuti sumus, interponere; cujus ope radii venientes ex puncto proximo quoad licet, in oculum intrant; tanquam si ex alio ulterius remoto veni-

VII.



*Non opus est se alium habere in re delendum habere quàm circumcirca, & cur.*

VIII.

*Imaginum magnitudinem pendere tantum ab objectorum distantia, à loco ubi se radii qui in oculum ingrediuntur decussant, & ab ipsorum refractione.*

IX.

*Refractionem non esse hic magna consideratione dignam; ut nec objectorum accessibilem distantiam: & quid ubi inaccessibilia sunt facere convenias.*



rent. Maximum itaque quod hac operâ fieri potest, est, ut tantum duodecima vel decimaquinta istius distantiae pars, requiratur inter oculum & objectum, quæ ibi aliàs esse deberet: & ita radii ex variis objecti punctis manantes, decies aut quindecies propiores oculo decussati (vel etiam paulò magis, quum non amplius in oculi superficie decussandi initium sumant, sed potius in vitro cui propius objectum adhærebit) imaginem delineabunt, cujus diameter decies aut quindecies major erit, quàm omisso hoc vitro fuisset: & consequenter superficies ducenties circiter major erit, totiesque

objectum distinctius representabitur: & eadem operâ multò majus simul apparebit; non quidem accuratè ducenties, sed magis aut minùs, prout magis aut minùs remotum illud judicabimus. Si enim, exempli gratiâ, inspiciendo objectum X, per transversum vitrum P, oculum nostrum C disponamus, eodem modo quo disponi deberet, ad contemplandum aliud objectum, quod viginti aut triginta passibus à nobis distaret, & nullam aliunde loci cognitionem, in quo illud situm sit, habentes, triginta passibus abesse judicemus, decies millicies majus videbitur, quàm revera est; adeò ut elephas ex pulice possit fieri: certum enim est imaginem quam pulex in oculi fundo delineat, quum tam propè adest, æquè magnam esse ac illa quam elephas depingit, triginta passibus inde remotus.

X.  
In quo consistat inventio per spicillum

Et huic soli innititur inventio conspiciendorum unico vitro constantium, quorum in augendis & subtilius pervidendis rebus, familiaris & ubivis cognitus usus est: licet vera illorum figura parum hactenus

tentus




tenus innotuerit. Et quoniam ut plurimum quoties illis utimur, scimus objectum valdè propinquum esse, nunquam tam magnum videri potest, quàm si ulterius remotum imaginaremur.

Unicus tantùm adhuc modus has imagines augendi restat, quo nempe efficimus, ut radii ex diversis punctis missi, quàm longissimè fieri potest ab oculi fundo decussentur: sed utilissimus omnium sine dubio, & maximi momenti est. Unicus, utpote qui ad objecta tam accessa quàm inaccessa, usum sui præbere possit, & cujus effectus nullis terminis circumscribitur: ita ut hujus ope, imagines semper in majus augendo usque ad indefinitam quantitatem expandere possimus. Ut quum, exempli gratiâ, primus humorum quibus oculus refertus est, eandem propemodum refractionem efficiat, quam aqua communis, si proximè admoveamus tubum aquâ plenum, ut E F, cujus extremitas claudatur vitro G H I, quod figuram habeat similem membranulæ B C D, illum humorem regenti, & eodem modo ad intervallum, quo ab ima oculi parte distabit respondentem; nulla amplius refractione fiet in illa membranula B C D, sed ea quæ antea ibi fiebat, efficiens ut omnes radii ex eodem puncto digressi, in eâ regione incurvarentur, atque ut postea in eodem nervi optici puncto cõirent, & consequenter omnes ex diversis punctis allabentes, ibi decussarentur, ut postea in diversis aliis punctis hujus nervi sisterentur, fiet in ipso tubi aditu G H I: & ita hi radii ibi decussati, imaginem R S T longè majorem delineabunt, quàm si tantùm in superficie B C D id fieret; & quò magis in longum hic tubus porrectus erit, tantò majores

licarium, unico vitro constans, & quia sit illorum effectus.

XI.

Augeri posse imagines, efficiendo ut radii procul ab oculo decussentur, ope tubuli aqua pleni: quoniam longior est ille tubulus, tantò magis imaginem augere; & idem præstare ac si natura tantò longiorem oculum fecisset.



etiam imagines erunt. Et sic aqua EF, peragente munus humoris K, vitro GHI, membranulæ BCD, & tubi aditu GI, pupillæ, visio eadem ratione fiet, ac si oculum naturâ in tantum porrexisset, quanta est longitudo hujus tubi.

## XII.

*Pupillam  
oculi obfclare:  
tantum  
abest ut ad-  
jiciat, cum  
quis ejusmo-  
di tubulo  
usitur.*

Ubi haud aliud fuerit considerandum, nisi quod naturalis pupilla, non tantum inutilis sit hoc casu, sed etiam noceat, angustia suâ radios excludendo, qui aliâs in latera fundi oculi inciderent, & ita impediendo imagines tantum diffundi, quantum diffunderentur si minus angusta foret.

## XIII.

*Nec refra-  
ctionem vi-  
tri quod a-  
quam in tu-  
bulo conti-  
net, nec  
membrana-  
rum quibus  
humores oculi involvuntur ulla consideratione esse dignas.*

Atque hic est advertendum, particulares illas refractiones quæ paulò aliter in vitro GHI, quàm in aquâ EF fiunt, minimi momenti esse, & vix dignas consideratione: nam quum hoc vitrum ubi-vis æquè crassum sit, licet exterior superficies, magis hos radios incurvet quàm aqua, statim interior rursus in eundem situm illos reducet. Et ob eandem hanc causam, nullam supra mentionem fecimus refractionum quâs efficiunt membranæ humores oculi involventes, sed tantummodo illarum quas pariunt ipsi humores.

## XIV.


*Id ipsum  
æquè fieri  
posse tubulo  
ab oculo se-  
parato, at-  
que conjun-  
cto.*

Sed quum aquam hac ratione quâ diximus, oculo jungere, operosum, nec magis obvium accuratè determinare figuram vitri GHI, quum illam membranæ BCD, cujus vicem supplere debet, non satis noscamus: alio invento uti consultius erit; & efficere unius aut plurium vitrorum ope, vel etiam aliorum corporum pellucidorum, tubo inclusorum, sed non tam propè oculis junctorum, quin paululum aëris intercedat, ut in ipso tubi aditu radii ex eodem puncto venientes ita incurventur, ut postea coeant in alio puncto, quod non multum absit à fundo oculi, per tubum istum respicientis: & præterea ut iidem radii ex tubo egredientes rursus flectantur & disponantur tanquam si non fuissent ante incurvati, sed tantum ex propiori loco venirent. Et simul ut ii qui ex diversis punctis allabentur, in primo tubi aditu decussati, non rursus egrediendo decussentur; sed eodem modo ad oculum tendant, ac si ex objecto majori aut propiori venirent. Ut si tubus HF, solido vitro impleatur, cujus superficies GHI illius figuræ sit, ut omnes radios venientes ab X versus S mittat, & altera superficies KM illius, ut eosdem egredientes ita frangat, ut inde ad oculum tendant, tanquam si venirent à puncto x; (quod ita locatum fingo, ut eandem proportionem inter se lineæ xC, & CS, habeant, quam XH, & HS;

& HS; punctum enim X, multò remotius ab oculo putandum est, quàm in figurâ potuit exhiberi) ii, qui ab V, illos necessariò in superficie GHI secabunt, ideoque jam remoti ab illis existentes; cùm ad alteram tubi extremitatem pervenerint, superficies KM non poterit efficere ut rursus ad invicem accedant, saltem si sit concava, qualis hîc supponitur. sed ad oculum eos remittet, eodem ferè modo, ac si venirent ex puncto Y. quo ipso imaginem tantò majorem delineabunt, quantò tubus longior erit. Neque hîc necessarium figuram superficiei BCD accuratè nosse, ad determinandam illam corporum pellucidorum, quæ huic usui destinamus.

Sed quoniam & hîc difficultas non levis, in inveniendis scilicet vitris, aut aliis corporibus ejuscemodi, satis crassiss ad implendum tubum, satis itidem pellucidis luminis transmittendo: totum interius tubi spatium vacuum relinqui potest, & duo tantum vitra, ejusdem effectus, cujus duæ superficies GHI, & KLM, duabus extremitatibus illius applicari. Atque hoc unico totum telescopiorum inventum nititur, quod occasionem hoc argumentum tractandi mihi dedit.

Tertio autem requisito ad perfectionem visionis quatenus organa exteriora illam juvant (ne scilicet actiones singula capillamenta nervi optici moventes, nimis debiles aut vehementes sint) ipsa natura egregiè pro-



XV.

*Qua in re  
constat in-  
ventio Te-  
lescopii.*

XVI.

*Quomodo  
impediti  
possit ne vit-  
ræ aliorum in  
oculos ingre-  
dientium ni-  
mis magna  
sit.*

spe-

spexit, data nobis potestate pupillam oculi, vel contrahendi, vel deducendi: Sed interim etiam aliquem arti locum reliquit. Primò enim si actio sit tam vehemens, ut pupilla quantum etiam arctetur, illam sufferre nequeat, (quod Solem intuentibus evenit) facile est huic rei mederi, applicato ad oculum corpore aliquo nigro, unico angusto foramine pertuso, quod munus pupillæ peragat, vel etiam respiciendo per nigrum byssinum, aut simile aliud corpus, quod exclusâ radiorum parte, non plures ex illis oculum ingredi permittat, quàm quot nervo optico moderatè & sine læsione movendo sufficiant.

## XVII.

*Quomodo  
contrà im-  
pediri possit  
cum nimis  
debilis est,  
& objecta  
accessibilia  
sunt.*

Sin contrà debilior est actio quàm ut sentiri queat, roborati potest (certè si ad objecta pateat accessus) radiis Solis illa exponendo, iisque etiam speculi vel vitri ustorii ope collectis, ut tantò plus virium habeant; modò tamen ne tantum iis detur ut objecta urant & corrumpant.

## XVIII.

*Et quomodo  
cum acces-  
sibilia sunt,  
& telescopio  
utimur.*

Præterea quoties specillis de quibus diximus utimur, quum pupillam inutilem reddant, & exterior tubi apertura quæ lumen admittit, illius officio fungatur, hæc etiam est quæ prout visionis vim frangere vel augere cupiemus, arctanda erit vel laxanda. Et notandum si hæc apertura nihil pupillâ laxior foret, radios minùs vehementer acturos in singulas fundi oculi partes, quàm si specilla non admoventur, idque eadem proportionem, qua hæc specilla imagines, quæ ibi formantur, augerent; etiam non numeratis iis radiis, qui, à superficiebus vitrorum interpositorum rejecti, nihil prorsus virium habent.

## XIX.


*Quantum  
maius pupillâ  
fieri possit  
horum con-  
speculorum  
officium, &  
aut maius  
ferri debeat.*

Sed multò maiorem istam aperturam facere licet, & quidem eò maiorem, quò vitrum radiis replicandis destinatum puncto illi propius est, ad quod exterius vitrum in quo radii isti plicantur ipsos agit. Nam si, exempli gratiâ, vitrum G H I efficiat, ut omnes radii puncti illius quod contemplamur, tendant ad S, iique iterum erigantur per vitrum K L M, ita ut inde paralleli ad oculum deferantur: ad inveniendam maximam latitudinem, quam tubi apertura admittit, distantia inter K & M æqualis sumenda est diametro pupillæ, & inde ductis duabus rectis ex puncto S, per K & M, scilicet S K proferenda ad g, & S M ad i, g i diametrum quæsitam dabit. Nam manifestum est, licet major foret, non plures radios oculum ingressuros, ex puncto ad quod aciem nostram dirigimus, & eos qui præterea ex aliis locis accederent, quoniam visioni non prodessem, iis qui prodessem se admiscendo, illam tantum magis confusam reddituros. Sed si loco vitri K L M, adhibeamus k l m, quod

ob

ob suam figuram propius ad S accedere debet, iterum distantia inter puncta  $k$  &  $m$ , æqualis diametro pupillæ sumenda erit, inde ductis rectis  $S / G$  &  $S m I$ ,  $G I$  diametrum aperturæ dabit, quæ quærebatur; quæ, ut videmus, tanto major est quàm  $gi$ , quantò  $S L$  major quàm  $S l$ . Et si hæc linea  $S l$  non major erit quàm oculi pupilla, æquè ferè visio acuta erit & lucida, ac si perspicillum abesset, & objecta tantò propiora forent, quanto jam majora videntur. Aded ut si, exempli gratiâ, tubi longitudo efficiat, ut objecti imago triginta milliaria distantis, tam ingens in oculo formetur, quàm si non ultra triginta passus remotum foret, latitudo aditus, qualem hîc determinavi, tam lucidè hoc objectum exhibebit, quàm si verè triginta passus distans, sine telescopio illud intueremur. Et si hanc distantiam inter  $S$  &  $l$  adhuc minorem reddamus, adhuc magis perspicuè cuncta apparebunt.

Sed hoc præcipuè tantùm usui est cùm objecta sunt inaccessibleia: nam quoties ad illa licet accedere, quò propius eis specillum admovemus, eò arctior ejus apertura exterior esse potest. Nec ullum inde vis visionis capit detrimentum. quemadmodum hîc videmus totidem radios ex puncto  $X$ , parvum vitrum  $gi$ , quot magnum  $G I$ , intrare. Et omnino hæc apertura non major esse potest vitris ipsam claudentibus; quæ ob requisitam figuram, certam quamdam magnitudinem, paulò post determinandam, excedere non debent.



XX.  
Objectorum  
accessibili-  
um causâ,  
non opus es-  
se ita augere  
tubuli orifi-  
cium.

Si

## XXI.

*Ad dimi-  
nuendam  
radiorum  
vim cum  
utimur con-  
spiciliis, præ-  
stare illorum  
orificium an-  
gustius face-  
re quàm id  
vistro colo-  
rato tegere.*

Si interdum lumen ab objectis nimis vehemens effundatur, facile illud minuetur, rectis circum circa extremitatibus vitri exterioris : & hoc melius erit, quàm aliud magis obscurum, aut coloratum substituere; quod multi, Solem contemplantes facere solent : quo enim angustior aditus, eò melius singula dignoscuntur, ut suprà de pupilla agentes diximus. Observandum etiam præstare, hujus vitri oram extrinsecus tegere quam intrinsecus, ne forsan reflexiones, quæ ibi nonnullæ fierent radios aliquos ad oculum mittant; ii enim ad visionem nihil conferentes, ut superflui ei nocerent.

## XXII.

*Ad quid uti-  
le sit multa  
objecta eo-  
dem tempo-  
re videre, &  
quid fieri  
oporteat ne  
ea rebus sit.*

Unicum tantummodo superest, quod hæc organa exteriora spectat, scilicet ut maximam quoad fieri potest copiam objectorum eodem tempore conspiciamus. Et notandum hoc nullo modo requiri ad perfectionem melius videndi, sed tantum ad commoditatem videndi plura; imò fieri non posse ut amplius quàm unum objectum simul distinctè intueamur : adeò ut hæc commoditas plura confusè interea videndi, nullum usum habeat, nisi ut sciamus, in quam partem oculus postea detorquendus, ad contuendum id quod accuratius volumus considerare. Et huic rei natura ita prospexit ut omnem aliquid addendi occasionem arti præripuerit : imò quò magis ope quorundam specillorum, magnitudinem lineamentorum, imaginum in oculo formatarum, augemus, eò pauciora illa objecta reddunt; quoniam spatium quod occupant nulla ratione potest augeri; nisi fortè aliquantulum, si nempe invertantur, qua arte ob alias causas censeo esse abstinendum. Sed facile est, si ad objecta pateat accessus, illa ipsa eo in loco ponere, in quo perfectissimè per specillum possint videri; si verò non pateat, specillum ipsum machinæ imponere ita aptatæ, ut ejus ope commodissimè in quodlibet determinatum objectum convertatur. Atque ita licèt hanc quartam conditionem nequeamus adimplere, nihil tamen ejus desiderabitur, propter quod erat expetenda.

## XXIII.

*Utu acquiri  
posse facili-  
tatem vi-  
dendi obje-  
cta propin-  
qua aut re-  
mota.*

Postremò ne quidquam hîc omittamus, est advertendum defectus oculi, qui in eo consistunt, quod figura crystallini humoris, vel etiam magnitudo pupillæ, non satis pro arbitrio nostro immutentur, usu paulatim minui posse & corrigi : nam quum hic humor, & hæc tunica pupillam continens sint veri muscoli, functio illorum ipso usu augetur & facilior redditur, quemadmodum & reliquorum totius corporis musculorum. Et propterea venatores ac nautæ in jugi exercitio.

citio longè posita videndi, sculptores etiam, aut alii subtilium operum artifices, in exercitio admodum propinqua, plerumque promptitudinem acquirunt, acutiùs illa quam reliqui homines intuenti.

Et ita procul dubio Indi, qui fixo obtutu Solem contemplati feruntur, nihil læsa vel obscurata luminis acie, quotidie illustra obiecta inspicientes, assuefacti fuere, magis quàm nos pupillam contrahere. Verùm hæc medicinæ magis propria (cujus est correctis naturalibus organis, visionis vitia tollere) quàm Dioptricæ, quæ defectibus iisdem applicato aliquo organo artificiali, medetur.

XXIV.  
Vnde factum  
sit ut Gy-  
mnosophista  
illaso oculo  
Solem intue-  
ri posuerint.

CAPUT OCTAVUM.


*De figuris quas pellucida corpora requirunt, ad detorquendos refractione radios omnibus modis visioni inservientibus.*

**H**Æc autem organa quâ ratione perfectissima fieri possint, ut accuratiùs mox percipiamus, necessarium est, non prætermittere explicationem figurarum, quas exigunt superficies corporum pellucidorum, ad detorquendos & incurvandos luminis radios, omnibus modis qui visioni conducunt; Quæ si non cuivis satis clara & perspicua videbitur, utpote Geometrica & paulò difficilior, ad minimum illis satis manifesta erit, qui prima hujus scientiæ elementa perceperunt. Et in primis, ne ulli diu expectatione suspensi teneantur, sciendum omnes figuras, de quibus sermo hîc instituitur, ex ellipsi & circulo, vel ex hyperbolâ vel ex lineâ rectâ compositas fore.

Ellipsis est linea curva, quam Mathematici, transversim conum vel cylindrum secando, repræsentare solent: quâ etiam topiarios interdum uti videmus, inter cæteras areolarum & pulvillorum figuras, quas in hortis suis diversimodè concinnant: à quibus quidem satis crassè & incorrectè describitur, sic tamen ut meliùs natura illius hinc innotescat, quàm ex cylindri aut coni sectione. Duos palos humi defigunt, alterum ex. gr. in puncto H, alterum in puncto I, & nodo junctis duabus extremitatibus restis, paxillis illam circumponunt, hoc modo quo videmus BHI. Deinde immisso digito,

I.  
De quibus  
figuris hîc  
agendum  
sit.

II.  
Quid sit  
Ellipsis, &  
quomodo sit  
describenda.




hos palos circumeundo, & restim  
semper eadem vi adducendo,  
ut æqualiter scilicet intendatur,  
lineam curvam DKB humi desi-  
gnant, quæ est ellipsis. Et, si  
non mutatâ longitudine funis,  
palos tantum H & I aliquantò  
propius ad invicem admoveant,  
aliam denudò Ellipsim descri-  
bent, sed alterius speciei quàm  
prior : & si adhuc propius, iti-  
dem aliam : postremò si omnino

conjugant, circulum describent. At si longitudinem restis eadem  
proportionem imminuant, qua distantiam paxillorum, describent  
quidem ellipses diversarum magnitudinum, sed quæ erunt omnes  
ejusdem speciei. Atque ita perspicuum est illas infinitarum varia-  
rum specierum esse posse; adeò ut unaquæque non minùs distet à  
qualibet alia, quàm omnium ultima à circulo; Et præterea illas cu-  
jusque speciei, infinitarum magnitudinum esse posse. Item etiam  
hinc apparet, si ex aliquo puncto pro arbitrio in ellipsi electo, ut ex  
gr. B, duas rectas agamus ad puncta H & I, ubi pali ad illam desi-  
gnandam defixi fuere: has duas lineas BH, & BI junctas, maxi-  
mæ illius diametro DK æquales fore: quod vel ipsa constructio  
probat. Pars enim funis extensa ab I ad B, & inde replicata ad H,  
eadem est quæ porrecta ab I ad K, vel ad D, inde itidem recurrit  
ad H. Ita ut DH sit æquale IK, & HD plus DI (quæ tan-  
tum valent, quantum HB plus BI) toti DK æquales sint. Et  
insuper Ellipses, quæ describuntur observando semper eandem  
proportionem inter harum maximam diametrum, & distantiam  
inter puncta H & I sunt ejusdem speciei. Atque ob quandam  
propriètatem horum punctorum H & I, quàm paulò post disce-  
mus, foci nobis vocabuntur, unus interior, alter exterior; scili-  
cet si referantur ad illam ellipsos mediam partem quæ ad D, I  
erit exterior, si verò ad alteram quæ ad K, idem I erit interior.  
Et quoties in posterum absolute foci mentio fiet, semper exterior  
intelligendus erit. Præterea etiam sciendum, si per hoc punctum  
B, duas rectas LBG, & CBE ducamus, quæ se mutuò ad an-  
gulos rectos intersecant, & quarum altera LG, angulum HBI,  
in.





H B G & G B I sunt æquales ex constructione, angulus H O B, qui est æqualis ipsi G B I, est etiam æqualis ipsi O H B, qui nem-




pe est æqualis ipsi H B G: ac proinde triangulum H B O est isosceles; & cum linea O B sit æqualis ipsi H B, tota O I est æqualis ipsi D K; quoniam duæ simul H B & I B sunt ipsi æquales. Et ita ut ab initio ad finem omnia repetamus, A L se habet ad I G, ut B I ad N I, & B I ad N I, ut O I ad H I, & O I est æqualis D K; unde A L est ad I G, ut D K ad H I.

IV.  
Nullis aliis  
adhibitis  
lineis præter  
circulos aut  
ellipses, posse  
fieri ut radii  
paralleli in  
unum pun-  
ctum coeant,  
aut ut in qui  
ab eodem  
puncto pro-  
deunt, pa-  
ralleli eva-  
dant.

Adeò quidem ut si, ad describendam Ellipsin D K B, lineis D K & H I hanc proportionem demus, quam experientia didicimus, utilem metiendis refractionibus omnium radiorum, qui obliquè ex aëre in vitrum, aut aliud corpus pellucidum, quo uti volumus, transeunt: & ex hoc vitro corpus expoliamus ejus figuræ, qualem describeret hæc Ellipsis, si in orbem circa suum axem D K rotaretur; radii in aëre paralleli huic axi, ut A B, *ab*, vitrum convexum illapsi ita in ejus superficie detorquebuntur, ut omnes inde progressuri sint versus focus I, qui ex duobus H & I, remotissimus est ab eo loco, ex quo procedunt. Novimus enim radium A B in puncto B, à superficie curvâ vitri, quod repræsentat Ellipsis D B K, eâdem ratione detorqueri debere ac detorqueretur à superficie planâ ejusdem vitri, quam linea recta C B E repræsentat, in qua ex B refringi debet versus I, quum A L & I G sint ad invicem, quales D K & H I; id est, quales esse debent ad dimetiendas refractiones. Et puncto B pro arbitrio in Ellipsi selecto, quidquid de hoc radio A B demonstratum est, debet etiam de aliis intelligi, qui erunt paralleli ipsi D K, & in alia hujus ellipsos puncta cadent; adeò ut omnes debeant tendere versus I.

Præ-

Præterea quoniam omnes radii, qui ad centrum circuli vel globi tendunt, perpendiculariter incidentes in superficiem illius, nullam refractionem pati debent: si ex centro I circulum describamus, quo intervallo visum erit, dummodo consistat intra D & I, ut B Q B,




linæ D B & Q B, circa axem D Q rotatæ, describent figuram vitri, quæ in aëre in puncto I, omnes radios colliget, qui ab altera parte paralleli huic axi in aëre fuerunt: & viceversa omnes venientes ex puncto I, parallelos ab altera parte exhibebit.

Et si ex eodem centro I, describamus circulum R O, intervallo quo volumus ultra punctum D, selecto inde pro arbitrio in ellipsi puncto B; sic tamen ne longius distet à D, quàm à K, ducamus rectam B O, tendentem ad I; linæ R O, O B, & B D, in orbem

V.  
Quomodo  
fieri possit ut  
radii qui ab  
uno vitri  
latere sunt

paralleli, ab  
altero dis-  
gregentur,  
tanquam si  
omnes ab eo-  
dem puncto  
exirent.


orbem rotatæ circa axem  $RDI$ , figuram vitri describent, quæ omnes radios parallelos huic axi ab Ellipsis parte, huc illuc ab alterâ parte disperget, tanquam si omnes venirent ex puncto  $I$ . Patet enim radium ex. gr.  $PB$ , tantum detorqueri debere à superficie concava vitri  $DBA$ , quantum  $AB$  à convexa seu gibba vitri  $DBR$ ;



& consequenter  $BO$  in eadem lineâ rectâ esse debere, in qua  $BI$ , quum &  $PB$  in eadem rectâ sit, in qua  $BA$ , & ita de reliquis.

## VI.

Quomodo  
fieri possit ut  
cum ab utro-  
que latere  
sunt paralle-  
li, in minus  
spatium ab  
uno quàm  
altero latere  
contrahantur.



Si verò in eadem Ellipsi, aliam minorem ejusdem speciei describamus ut  $dbk$ , cujus focus  $I$  in eodem loco consistat, in quo alter præcedentis etiam  $I$ , & alius focus  $b$ , in eadem rectâ lineâ, in qua  $DH$ , & versus eandem partem, sumptoque pro arbitrio  $B$ , ut antea, rectam  $Bb$  ducamus tendentem ad  $I$ , lineæ  $DB$ ,  $Bb$ ,  $bd$ , in orbem rotatæ circa axem  $Dd$ , describent figuram vitri, quæ omnes radios ante occursum parallelos, post transitum iterum parallelos reddet; sed in minus spatium coactos, à parte minoris Ellipseos  $db$ , quàm à parte majoris. Et si ad evitandam crassitiem vitri  $DB$ ,  $bd$ , ex centro  $I$  describamus circulos  $QB$ , &  $ro$ , super-

superficies DBQ & *robd*, situm & figuram duorum vitrorum minus crassorum repræsentabunt, quæ idem efficere poterunt.

Et si duo vitra DBQ & *dbq*, similia quidem, sed magnitudine inæqualia, hac ratione disponamus, ut axes eorum in eadem recta porrigantur, & duo illorum foci I, in eodem loco concurrant, superficiesque circulares BQ & *bq*, sibi invicem obvertantur, idem etiam omnino agent.

Et si hæc duo vitra DBQ & *dbq*, similia quidem, sed magnitudine inæqualia jungamus, vel quo libitum intervallo disjungamus, ita tamen ut eorum axes in eadem recta linea existant, & superficies illorum Ellipticæ adversæ sint, omnes radios venientes ex foco alterutrius I, in alterius itidem I fissent.

Et si duo diversa DBQ & DBOR, etiam hac ratione jungamus, ut superficies illorum DB & BD mutud obvertantur, omnes radios venientes ex foco I vitri DBQ, dispergent, tanquam si venirent ex I, foco alterius vitri DBOR: aut viceversa, omnes tendentes ad punctum I, colligent in altero I.

Et postremò duo DBOR & DBOR adversis superficiebus DB, BD juncta, radios qui unum perlapsi tenderent inde ad

VII.  
Quomodo  
idem ob-  
tineri queat,  
efficiendo  
præterea ut  
radii sint  
inversi.






VIII.  
Qua ratio-  
ne fieri possit  
ut omnes ra-  
dii ab uno  
puncto pro-  
cedentes, in  
alio puncto  
congregen-  
tur.

IX.  
Et ut omnes  
ii qui ab ali-  
quo puncto  
exeunt, dis-  
gregentur  
quasi ab alio  
puncto pro-  
manarent.

X.  
Et ut omnes  
ii qui dis-  
gregati

sunt, quasi  
ad idem  
punctum  
tenderent,  
iterum dis-  
gregantur,  
quasi ab eo-  
dem puncto  
prodiens.




XI.

Quid sit hy-  
perbola. &  
eam descri-  
bendi ma-  
dus.

punctum I, denuo ex al-  
tero egredientes diffundent,  
tanquam si venirent ex alio  
puncto I. Et hanc distan-  
tiam punctorum I, pro ar-  
bitrio augere possumus, ma-  
gnitudinem Ellipsis, ex qua  
pendet, mutando. Atque ita  
solâ Ellipsi & lineâ circulari  
figuram præscribere possu-  
mus, omnibus vitris quibus  
radios, venientes ex uno  
puncto, aut tendentes ad u-  
num, aut parallelos, alios in  
alios horum trium mutemus,  
omnibus modis quos possu-  
mus imaginari.

Hyperbola est etiam linea  
curva,

curva, quam Mathematici per sectionem conï non secus quàm Ellipsum explicant. Sed ut melius illam cognoscamus, topiarium iterum producemus, qui inter alias figurarum varietates, quibus aream sui horti distinguit, hanc etiam adhibeat. Denuo duos palos defigit in punctis H & I, annexaque extremitati longæ regulæ, resti paulò breviori, alteram regulæ extremitatem perforat, & ita injicit paxillo I, nodum autem in altera extremitate restis nexum, palo H. Inde posito digito in puncto X, ubi mutuo junctæ sunt regulæ & restis, descendit ad D, arcu interea regulæ junctam & velut agglutinatam restim tenens: quâ operâ, prout deducit digitum, regulam circa paxillum rotans, lineam curvam XBD, Hyperbolæ partem in terra describit. Et postea conversâ regulâ in alteram partem, eâque prolatâ ad Y, eodem modo alteram partem YD designat. Et præterea, si transferat nodum suæ restis in paxillum I, & extremitatem regulæ in paxillum H, aliam Hyperbolen SKT describet, planè similem & oppositam priori. Sed si regulâ & paxillis non mutatis longiorem tantum restim admoveat, Hyperbolen alterius speciei designabit; & si adhuc paulò longiorem, adhuc alterius, donec ipsam regulæ planè æqualem reddens, rectam lineam loco Hyperboles describet. Deinde si paxillorum distantiam mutet eadem proportionem, quâ differentiam quæ inter longitudinem funis & regulæ, Hyperbolas ejusdem quidem speciei describet, sed quarum partes similes, magnitudine different. Et tandem, si æqualiter augeat longitudinem restis & regulæ, manente differentia illarum, & paxillorum intervallo, non aliam Hyperbolen describet, sed majorem illius partem. Illa enim hujus lineæ natura est, ut licet semper magis magisque ad eandem partem inclinetur, tamen in infinitum protensa, nunquam extremitates suas committat.








proferamus, & deinde sumpta BA æquali BI, à punctis A & I duas perpendiculares in LG mittamus: has duas posteriores AL & IG, eandem proportionem inter se habituras, quam duæ DK & HI. Et consequenter si hanc Hyperboles figuram vitro dederimus, cujus refractiones metimur per proportionem, quæ inter lineas DK & HI, illam omnes radios axi suo in hoc vitro parallelos, extrinsecus collecturam in puncto I, saltem si convexum sit hoc vitrum; nam si concavum, alios aliò disperget, tanquam si venirent ex hoc puncto I.

Quorum hæc est demonstratio. Primò, quia lineæ AB & NI, itemque AL & GI, sunt parallelæ, triangula rectangula ALB & IGN sunt similia: unde sequitur, AL esse ad IG ut AB ad NI; vel, quia BI & AB sunt æquales, ut BI ad NI. Deinde si HO parallelam ducamus ad LG, manifestum est ita se habere B ad NI, quemadmodum OI ad HI, ob similitudinem triangulorum BNI & OHI. Postremò, duobus angulis EBH & EBI, ex constructione æqualibus, & HO, quæ parallela LG, secante ad angulos rectos CE, duo triangula, BEH, & BEO, omnino erunt æqualia. Et ita BH basi unius, æquali existente BO basi alterius, relinquitur OI differentia inter BH & BI, quam supra diximus esse æqualem DK. Ideoque AL est ad IG, quemadmodum DK ad HI. Unde sequitur, observatâ semper inter lineas DK & HI proportionem, quæ apta est dimetiendis refractionibus vitri, aut similis materiæ, qua uti animus est; (sicut in describenda Ellipsi fecimus; hoc tantum excepto; quod DK non possit hic esse nisi brevissima, cum è contrâ, ubi de Ellipsi agebatur, debuerit esse longissima) si describa-




mus partem Hyperboles quantamlibet, ut  $DB$ , & à  $B$  ad angulos rectos deducamus in  $KD$ , rectam  $BQ$ , duas lineas  $BD$  &  $QB$  in orbem circa axem  $DK$  rotatas, figuram vitri delincaturas, quæ omnes radios illud permeantes, & parallelos axi in aëre, à parte superficiæ planæ  $BD$  (in qua nullam refractionem patiuntur) colliget ab altera parte, in puncto  $I$ .

XIII.  
Quomodo  
ex solis hy-  
perbolis &  
lineis rectis  
fieri possint  
vitra, quæ  
radios omni-  
bus iisdem  
modis mis-  
cent, atque  
illi qui eli-  
psibus &  
circulis con-  
stant.

Et si facta Hyperbole  $db$ , quæ similis sit præcedenti, rectam  $ro$  ubicunque libuerit ducamus; sic tamen ut Hyperbolâ non sectâ, ad perpendicularum in axem illius  $dk$  incidat, & duo puncta  $b$  &  $o$ , per aliam rectam parallelam axi  $dk$ , jungamus; tres lineæ  $ro$ ,  $ob$ , &  $bd$ , rotatæ circa axem  $dk$ , describent figuram Vitri, omnes radios axi parallelos à parte superficiæ planæ, huc illuc ab alterâ parte dispergentem, tanquam si venirent ex puncto  $I$ .

Et si breviori sumptâ lineâ  $HI$ , ad describendam Hyperbolem vitri  $robd$ , quàm erat ad describendam alteram vitri




$DBQ$ , disponamus hæc duo vitra tali ratione, ut axes illorum  
 $DQ$ ,

DQ, *rd*, in eadem recta jaceant, & duo foci in eodem loco I; adversis duabus superficiebus Hyperbolicis, omnes radios axi ante occursum parallelos, post transitum itidem parallelos, & magis in arctum coactos à parte vitri *robd*, quàm à parte alterius; red-  
dent.


Et si duo DBQ & *dbq*, si-  
milis quidem sed magnitudi-  
ne inæqualia, ita dispona-  
mus, ut axes illorum DQ &  
*dq*, etiam in eadem recta por-  
rigantur, & duo foci in eodem  
loco I concurrant, adversis dua-  
bus superficiebus Hyperboli-  
cis, idem agent quod proxi-  
mè præcedentes; radios scili-  
cet axi ab una parallelos  
etiam ab altera parallelos red-  
dent, & simul in arctius spa-  
tium cogent à parte minoris  
vitri.

Et si planas superficies duo-  
rum vitrorum DBQ & *dbq*  
jungamus, aut disjungamus in-  
tervallo quo lubet, obversis  
tantum superficiebus planis,  
quamvis eorum axes in eandem  
rectam non coincident, modò  
tantum sint paralleli; vel potius  
si componamus aliquod vitrum,  
figuram duorum ita junctorum  
repræsentans, illius ope efficie-  
mus, ut radii venientes ex uno  
punctorum I, in altero ab oppo-  
sita parte coeant.

Et si fabricemur aliquod vitrum, quod habeat figuram duorum  
DBQ & *robd*, ita junctorum, ut eorum superficies planæ se mu-  
tuò contingant, illud omnes radios venientes ex uno punctorum I  
disgregabit, tanquam si venirent ex altero.



Et




Et postremò si vitrum componamus ejusdem figuræ, quam reddunt duo *robd*, quum ipsorum duæ planæ superficies conjunctæ sunt, efficiemus ut omnes radii qui convergentes in hoc vitrum ferentur, tanquam si essent ultra ipsum coituri in puncto I, postquam illud pertransiverint, divergant, tanquam si venirent ex altero puncto I.

Atque hæc omnia meâ quidem sententiâ tam perspicua sunt, ut sola contemplatio figurarum, ad rei cognitionem sufficere possit.

Porro, easdem mutationes radiorum quas explicavimus, primò per duo vitra elliptica, deinde per totidem hyperbolica, & duo alia producere possunt; quorum hoc Hyperbolicum, illud Ellipticum. Et præterea infinita alia possumus imaginari, idem omnino agentia, scilicet ut omnes radii venientes ex uno puncto *P* aut tendentes ad unum, aut paralleli, ex aliis in alios horum trium mutantur. Sed hoc loco de iis verba facere supervacuum arbitror, quoniam commodius in Geometria poterunt explicari; atque ea quæ jam descripsimus, sunt omnium aptissima ad nostrum institutum, quemadmodum hic ostendere conabor; & eadẽ operâ, exponendo præcipuas omnes differentias, quæ inter ipsa esse possunt, quænam præ cæteris sint eligenda demonstrabo.

Harum differentiarum prima consistit in eo quòd figura unius delineatu longè facilius sit quàm alterius; & certum est post lineam



XIV.

*Etiam si multa alia figura sint, quæ eisdem effectus producere queunt, nullas tamen præcedentibus, ad conspicilia esse aptiores.*

XV.

*Figuras solum hyperbolicas*


lis, & lineis  
rectis con-  
stantes, de-  
lineatu esse  
faciliores.

rectam circularem, & parabolam, ex quibus solis talis vitri figura componi non potest, nullam Ellipsi aut Hyperbola simplicioreni dari, ut cuivis inquirenti liquebit. adeò quidem ut quum linea recta delineatu facilior sit, quàm circularis, & Hyperbole haud difficilior quàm Ellipsis, vitra quorum figuræ ex Hyperbolis & rectis lineis componuntur, facillimè omnium expoliri posse videntur. Hinc secundum locum tenent, quæ circulis & Ellipsis constant; reliquæ omnes nobis non explicatæ, majoris sunt operæ. Saltem quantum ex motuum quibus describuntur simplicitate potest judicari: Nam si qui forsan artifices vitra sphærica commodiùs expoliant quàm plana, hoc contingit ex accidenti, & ad hujus scientiæ theoriam, quam solam explicandam suscepi, non spectat.

## XVI.

Quæcunque  
sit vitri fi-  
gura, non  
posse id ac-  
curate effi-  
cere, ut ra-  
dii à diver-  
sis punctis  
prodeuntes,  
in totidem  
aliis diver-  
sis punctis  
congregen-  
tur.

Secunda differentia in eo est, quòd inter plura vitra eodem modo radios immutantia, qui referuntur ad unum aliquod punctum, aut paralleli ab altera parte veniunt, illa, quorum superficies sunt minùs, aut minùs inæqualiter, incurvatæ, ita ut refractiones minùs inæquales producant, radios ad alia puncta relatos, vel ab alia parte venientes, semper aliquantò accuratiùs quàm reliqua immutent. Sed ad perfectam hujus cognitionem, observatu necessarium est, solam inæqualitatem curvatæ linearum, quibus figuræ horum vitrorum componuntur, obstarè, quòd minùs dispositio radiorum qui referuntur ad plura diversa puncta, aut paralleli veniunt ex pluribus diversis




partibus, æquè exactè mutetur, atque illa radiorum qui ad unum tantum punctum referuntur, aut veniunt ex una eademque parte paralleli. Si enim ex. gr. ad radios venientes ex puncto A, colligendos in puncto B, superficies vitri interpositi GHIK, omnino planæ esse deberent, ita scilicet, ut linea recta GH, quæ unam ex iis repræsentat, vim haberet efficiendi ut omnes isti radii venientes à puncto

A, ficerent paralleli dum essent in vitro, & eadem ratione altera linea recta KI, efficeret ut iidem egredientes ex vitro tenderent versus B; eadem hæc lineæ GH & KI, efficerent etiam ut radii omnes venientes à puncto C, tenderent versus D, & generaliter ut omnes.

omnes ii qui ex aliquo punctorum lineæ rectæ AC (quam suppono parallelam ipsi GH) versus unum aliquod ex punctis rectæ BD (quam facio parallelam ipsi IK, & tantumdem ab ea distantem quantum AC distat à GH) flecterentur: Cùm enim hæ lineæ GH & IK, nullo modo incurvatæ sint, omnia puncta aliarum AC & BD, referuntur ad ipsas eodem modo.

Simili ratione si esset vitrum quale LMNO (cujus suppono superficies LMN & LON esse duo æqualia spheræ segmenta;) quod vim haberet efficiendi ut radii omnes egressi ex puncto A cogerentur in puncto B; haberet eodem modo efficiendi ut omnes ex puncto C cogerentur in D; & generaliter, ut omnes, qui procederent ex uno aliquo punctorum superficiei CA (quam suppono esse segmentum spheræ idem centrum habentis quod LMN) colligerentur in uno aliquo ex punctis superficiei DB (quam itidem suppono esse segmentum spheræ idem habens centrum quod LCN, & ab isto centro æquè distare atque AC distat ab LMN) quoniam omnes partes harum superficierum LMN & LON sunt æqualiter curvatæ, respectu omnium punctorum quæ sunt in superficieribus CA, & BD.





Sed quia nullæ lineæ sunt in natura præter rectam & circularem, quarum omnes partes eodem modo se habeant ad omnia puncta aliqujus alterius lineæ, & neutra ex his sufficit ad componendam figuram vitri, quæ omnes radios venientes ex aliquo puncto, accuratè in alio colligere possit, satis liquet, nullam earum quæ huic rei inferviunt, omnes radios ex aliquot punctis elapsos, accuratè in aliis punctis coacturam. Et ad seligendas ex iis, quæ radios minùs dispergunt circa locum in quo illos colligere volumus, minùs curvatæ, & minùs inæquales, cæteris præferendæ erunt, ut quantum possint, ad circularem aut ad rectam proximè accedant; & potius ad rectam, quàm ad circularem, propterea quod hujus partes habent tantum eundem respectum ad illa puncta, quæ æqualiter ab ejus centro distant, nec ullum aliud eodem modo respiciunt quo illud centrum.

XVII.  
*Vitra hyperbolica omnium optima esse in hunc finem.*

Unde facile concluditur, Ellipsin ab Hyperbola hac in re superari, & nullam excogitari posse vitri figuram, quæ omnes radios ex diversis punctis venientes, in totidem aliis æquè remotis à vitro ac priora tam accuratè colligat, quàm illa quæ constat ex duabus æqualibus Hyperbolis. Et quidem etiam si hinc accuratæ totius hujus rei demonstrationi supersedeam, facile tamen est applicare ea quæ jam dixi ad alios modos inflectendi radios, qui respiciunt diversa puncta, vel paralleli veniunt ex diversis partibus; atque ita cognoscere vitra Hyperbolica, vel ad hoc esse omnium aptissima, vel certè nullis aliis tam insigniter minùs apta, ut iis idcirco debeant postponi, quibus jam diximus esse præferenda, ex eo quòd faciliùs poliantur.


XVIII.  
Radios à diversis punctis procedentes, magis dispergi vitro hyperbolico trajecto, quàm elliptico: quantoque ellipticum densius est, tantò minùs illud trajiciendo dispergi.

Tertia horum vitrorum differentia in eo consistit, quòd una efficiant ut radii, qui ea pertranseunt decussantur, paulò magis post illam decussationem ab invicem removeantur, & alia paulò minùs. Ut si ex: gr. radii G G veniant ex centro Solis, II ex sinistra ejus



circumferentiæ parte, & K K ex dextra, postquam pertransiverint vitrum Hyperbolicum DEF, magis ab invicem removebuntur quàm priùs (hoc est, angulus MFL, major erit angulo IFK, & ita de cæteris); & contrà, postquam pertransiverint Ellipticum ABC,





ABC, magis ad invicem accedent (hoc est, angulus MCL, minor erit angulo ICK), adeò ut hoc Ellipticum puncta LHM sibi invicem propiora reddat, quàm Hyperbolicum; Et quidem tantò magis propinqua reddit quantò crassius est.

## XIX.


*Quam-  
cunque den-  
sitatem ha-  
beat, non  
possit ima-  
ginem quam  
isti radii  
pingunt, nisi  
quarta aut  
tertia parte  
minorem*

*reddere quàm facias hyperbolicum: & inaequalitatem tantò majorem esse, quantò major, est vitri re-  
fractio. Nullam vitre figuram dari posse quæ imaginem istam majorem reddat hyperbolica, aut mino-  
rem elliptica.*

## XX.

*Quomodo  
intelligen-  
dum sit, ra-  
dios à di-  
versis pun-  
ctis proma-  
nantes de-  
cussari in  
prima su-  
perficie, quæ  
efficere po-  
test ut in so-  
lidem aliis  
diversis  
punctis con-  
gredientur.*

Hic autem ex occasione notare possumus, quo sensu suprà dictum sit, radios ex diversis punctis manantes, aut diversis partibus parallelos, omnes in prima superficie decussari, quæ efficiat ut in totidem aliis iterum colligantur. Ut quum audivimus, illos objecti VXY, qui imaginem RST in oculi fundo delineant, decussari in primâ illius superficie BCD. Hoc enim ex eo pendet, quod, exempli gratiâ, tres radii VCR, XCS, & YCT, reverâ decussentur in hac superficie BCD, in puncto C. Unde sequitur licet radius VDR longè altiùs occurrat radio VBT, & VBR inferiùs radio YDT, quia tamen ad eadem puncta tendunt, ad quæ VCR & YCT, eadem ratione considerari posse, ac si in eodem loco decussarentur. Et quum eadem hæc superficies BCD illos ita disponat, ut omnes ad eadem puncta tendant, potiùs cogitare debe-



mus ibi universos decussari, quàm superiùs aut inferiùs. Non obstante quòd & aliæ superficies 123 & 456 illos detorquere possint. Quemadmodum duo bacilla curva, ACD, & BCE, licet multùm à punctis F & G recedant, ad quæ irent, si recta essent, & tantundem atque nunc in puncto C decussarentur, nihilominus tamen revera in hoc puncto C decussantur.

Sed interim adeò curva esse possent, ut iterum in alio puncto decussa-



ren-

rentur. Et eadem ratione radii permeantes duo vitra convexa DBQ & dbq in superficie prioris decussantur, deinde iterum in alterâ posterioris; ii saltem qui ex diversis partibus allabuntur, alios enim qui ex eadem manant, palàm est demum in puncto I decussari.

Obiter etiam observemus, radios solis, vitro Elliptico ABC collectos, vehementiùs urere quàm si per Hyperbolicum DEF collecti forent. Neque enim tantummodo radorum ex centro Solis manantium, ut GG, ratio habenda, sed etiam aliorum, qui cùm ex aliis ejus partibus fluant, non multò minùs virium habent quàm illi, qui ex centro: adeò ut vehementia caloris quem excitant, æstimari debeat ex magnitudine vitri vel speculi quod il-

NB.  
Vide fig.  
pag. 119.

XXI.  
Vitru Elliptica magis urere quam Hyperbolica: Et quomodo metiri oportet vim speculorum aut vitrorum urentium. Nulla posse fieri que lineam rectam urant in infinitum.



los colligit, comparatâ cum magnitudine spatii in quo colligit. Ita, exempli gratiâ, si diameter vitri ABC sit quadruplo major distantia, quæ est inter puncta L & M, radii ejus ope collecti sedecies tantum roboris habebunt, quantum haberent vitrum planum permeantes, quod illos nullo modo detorqueret. Et quoniam distantia inter puncta M & L major vel minor est, pro ratione intervalli, quod est inter illa & vitrum ABC, vel simile aliud corpus radios ibi cogens, nec ipsam magnitudo diametri hujus corporis, nec particularis ejus figura, nisi unâ quartâ, aut ad summum tertiâ parte, potest augere: certum est hanc lineam comburen-

burentem in infinitum, quam quidam somniant, vanam & imaginariam esse.

XXII.

*Minima vitra aut specula tot radios congregare ad urendum, in spatio in quo eos congregant, atque maxima, quæ figuræ minimis istis similes habent, in æquali spatio: istaque maxima nullam aliam prærogativam habere, quam eos in spatio majori & remotiori congregandi:*


Et si duo vitra vel comburentia specula sumamus, quorum unum altero majus, qualiacunque demum sint, dummodo similium figurarum, majus quidem radios Solis in spatio majori colliget, longius etiam à se reddet, quàm minus: interim in singulis partibus hujus spatii, non plus virium hi radii habebunt, quàm in altero, in quo minus illos colligit. Atque ita vitra & specula valde exigua fieri possunt; æquè vehementer comburentia, ac maxima. Et speculum comburens, cujus diamèter non multo major est centesima circiter parte distantiae, quæ inter illum, & locum in quo radios Solis colligere debet; id est, cujus eadem sit ratio ad hanc distantiam, quæ diametri Solis, ad eam quæ inter nos & Solem, licet angeli manu expoliatur, non magis calefaciet illum locum, in quo radios quam maximè colligit, quàm illi radii, qui ex nullo speculo reflexi directè ex Sole manant. Atque hoc etiam ferè eodem modo de vitris comburentibus intelligi debet. Unde patet, eos qui non consummatam Opticæ cognitionem habent, multa fingere quæ fieri non possunt; & specula illa famosa quibus Archimedes navigia procul incendiisse fertur, vel admodum magna fuisse, vel potius fabulosa esse.

*atque ita specula aut vitra valde parva feripossent, quæ tamen magnam urendi vim habeant. Speculum comburens cujus diamèter non excedit 100 partem distantiae ad quam radios congregat, non posse efficere ut vehementius urant aut calefaciant, quam illi qui directè à Sole procedunt.*

XXIII.

*Vitra elliptica plures*

Quantum discrimen, in vitris de quibus agimus notandum, ad ea imprimis pertinet, quæ mutant dispositionem radiorum ex pro-



pin-

pinquo aliquo puncto manantium, & in eo consistit, quòd alia, nempe quorum superficies illi puncto obversa quàm maximè est concava, pro ratione ipsorum magnitudinis majorem copiam radiòrum admittant, quàm alia, licèt diametrum non habeant majorem. Et in hac re vitrum Ellipticum NOP (quod tam magnum supponimus, ut extremitates illius N & P, sint puncta determinantia minimam Ellipsis diametrum) Hyperbolicum QRS superat, licèt pro arbitrio magnum fingatur; & ad hunc effectum nullo alio inferius est.

*ex eodem puncto radios accipere posse ut eos postea parallelos reddant, quàm ul-  
lus alterius figure.*

Postremò hæc vitra etiam in hoc differunt, quòd ad eadem effecta producenda, circa radios qui referuntur ad unicum punctum, vel sunt paralleli, illa quæ sunt quarundam figurarum debeant esse plura numero, vel efficere ut radii qui alia puncta vel alias partes respiciunt, pluribus vicibus decussentur, quàm quæ sunt aliarum: Ut suprà vidimus ad radios ex uno puncto manantes, in alio colligendos, aut dispergendos tanquam si ex alio venirent, aut rursus ad dispergendos illos, qui versus aliquod punctum tendunt, tanquam si ex aliquo alio, egrederentur, semper duo vitra Elliptica esse adhibenda, quum ad idem efficiendum unico tantum Hyperbolico opus sit. Et parallelos servato parallelismo, in minus spatium quàm antea occupabant arctari posse, tam per duo vitra Hyperbolica convexa, quæ radios ex diversis punctis venientes bis decussant, quàm per convexum & concavum, quæ semel tantum eisdem decussant. Sed manifestum est, nunquam pluribus vitris utendum, quoties unum sufficit, nec procurandum ut sæpius radii decussentur, ubi semel decussati idem prestare possunt.

XXIV.  
*Sæpe vitra hyperbolica ellipticis esse præferenda, quòd uno tantumdem atque duobus effici possit.*

Atque ex his omnibus est concludendum, vitra Elliptica & Hyperbolica, cunctis aliis, quæ possunt excogitari, præstare; Et præterea ferè semper Hyperbolica Ellipticis esse præferenda. Quibus præmissis hîc deinceps exponam qua ratione mihi videatur unumquodque genus specillorum fieri debere, ut quàm maximam perfectionem acquirat.

## C A P U T N O N U M.

*Descriptio Specillorum.*

1.  
*Qualis eligenda sit perspicillorum materia: & cur fere semper fiat aliqua reflexio in corporum pellucidorum superficie: curque reflexio ista validior sit in crystallo quam in vitro.*




Rimò omnium necessarium est, pellucidam materiam eligere, politu facilem, & tamen satis duram, ad figuram quæ ipsi dabitur retinendam; præterea minimum coloratam, & quàm minimè reflexioni obnoxiam. Et quidem in hunc usque diem non alia reperta fuit, quæ omnes has condiciones perfectiùs expleat, quàm vitrum valde purum & translucidum, ex cinere subtilissimo conflatum. Licet enim CrySTALLUS montana purior & pellucidior videatur, tamen quum superficies illius plures radios quàm vitrum reflectant, ut experientia docere videtur, non tam apta forsan nostro proposito fuerit. Hic autem ad cognoscendam hujus reflexionis causam, & quare potius in superficiebus tum vitri tum crystallo fiat, quàm in medio illorum, item quare major in superficie crystallo quàm vitri; nobis in memoriam revocandum est quâ ratione supra naturam luminis descripsimus; dicentes illam nihil esse in pellucido corpore, præter actionem aut inclinationem ad motum, materiæ cujusdam subtilissimæ, omnes illius poros replentis, & cogitandum poros omnium corporum pellucidorum, aded æquales & rectos esse, ut facillimè hanc materiam subtilem sine morâ & offensione transmittant; Sed nunquam poros duorum corporum pellucidorum diversæ naturæ, ut illi aëris & vitri seu crystallo, tam accuratè ad invicem respondere, quin semper nonnullæ particule materiæ subtilis manantes, exempli gratiâ, ex aëre ad vitrum, inde resiliant, partibus solidis superficie illius occurrentes: & eadem ratione ex vitro in aërem delatæ, partibus solidis superficie aëris obviæ, eò unde venerant reflectantur; sunt enim in aëre multæ, quæ respectu hujus materiæ subtilis, solidæ possunt nominari. Quibus cognitis si consideremus crystallo componi ex partibus solidis crassioribus, & poros habere angustiores, quàm vitrum, quemadmodum ex majori ejus duritie simul & pondere satis patet, facile credemus illam plures ex istius materiæ subtilis particulis superficie suâ repulsuram, & ex consequenti paucioribus radiis aditum præbituram quàm vel aër vel vitrum; licet interea faciliorem transitum, quàm illa, præbeat, iis quibus præbet, juxta ea quæ suprâ dicta sunt.

Itaque

Itaque selecto purissimo vitro, minimè colorato, & paucissimos radios reflectente, si illius ope defectui eorum opem ferre volumus, quorum acies non tantum ad remota valet, quantum ad propinqua, vel contrà non tantum ad propinqua quantum ad remota, aptissimæ ad hoc figuræ erunt, quæ ex Hyperbolis constant. Ut si, exempli gratiâ, oculus B, vel C, à natura comparatus sit ad colligendos in suo fundo omnes radios manantes ex puncto H vel I, at non illos ex V, vel X, ut tamen & hoc V, vel X, accuratè cernat, interponendum est vitrum O, vel P, cujus superficies, una concava,

II.  
Descriptio  
conspicilio-  
rum que  
myopibus  
inserviunt.  
Et iis qui  
tantum e-  
minus vide-  
re possunt.



altera convexa ope duarum Hyperbolarum descriptæ sunt, & concava quæ oculo est obvertenda, habet pro foco punctum H, vel I, & convexa punctum V, vel X.

Atque si punctum I, vel V, satis remotum sit ab oculo, nempe ad quindecim aut viginti pedes aut amplius; tunc loco Hyperbolæ, cujus focus esse deberet, sufficiet uti lineâ rectâ, & sic facere

III.  
Cur suppo-  
ni possit ra-  
dios à pun-

*Et satis remoto prodeuntes esse quasi parallelas: Et cur non sit necesse confici-  
liorum quibus utuntur scies figuram valde accuratam esse.*

unam ex superficiebus vitri omnino planam; nempe anteriorem; quæ oculo obverti debet, si sit punctum I quod ita remotum superponimus; & posteriorem, si sit punctum V. Tum enim tanta objecti pars, quanta est pupillæ magnitudo, loco unius puncti erit, quàm non plus spatii in oculi fundo occupet, quàm extremitatem unius capillamenti nervi optici.


Neque etiam necessarium est, quoties objecta paulò magis vel minus distantia volumus contueri, alia statim adhibere vitra; sed sufficit ad usum habere duo, quorum alterum distantia rerum, quas vulgò contemplamur, minimæ congruat, & alterum maximæ; vel etiam unum quod inter hæc duo medium sit. Cùm enim oculi quibus aptari debent, non omnino immoti sint & rigidi, faciliè ad figuram talis vitri mutantur.

IV.  
*Quomodo perspicilla pulicaria ex unico vitro fieri debeant.*


Quod si etiam ope unius vitri cupiamus efficere, ut objecta accessa (id est, quæ oculo quantum volumus possunt ad moveri) multò majora & magis distinctè appareant, quàm dum respiciuntur sine specillis: commodissimum erit superficiem hujus vitri anteriorem omnino planam reddere, posteriorem autem Hyperbolicam; cujus focus in eo loco sit, in quo objectum libuerit collocare. Notandum tamen hîc commodissimum dici, non omnino optimum; nam concedo quidem si huic superficiei figuram Ellipseos demus, cujus itidem focus ibidem sit ubi objectum, & alteri figuram segmenti sphaeræ, cujus centrum in eodem hoc foco, effectum paulò majorem fore: sed multò minus commodè tale vitrum poterit expoliri. Hic autem focus, sive Hyperbolæ, sive Ellipsis, tam propinquus esse debet, ut objecto (quod non nisi valdè exiguum esse potest) ibi locato, non majori intervallo distet à vitro, quàm necesse est, ut lumen quo debet illustrari ex circumjacentibus locis ad illud accedat. Atque hoc vitrum thecâ aliquâ est ita includendum, ut totum illa contegatur, mediâ tantum ejus parte exceptâ, quæ magnitudine pupillam æquet, vel etiam sit paulò minor. Debentque omnes hujus thecæ partes, quæ oculo obvertentur, nigræ esse. Et præterea non erit inutile ipsius oras holoserico nigro circumdare, ut tantò commodiùs, oculo quàm proximè admota, radios omnes luminis excludat, præter eos, qui per partem vitri detectam admittentur. Sed extrinsecus præstabit ejus superficiem albam esse, vel potius tersam & politam, figuramque habentem speculi concavi, ut omnes radios luminis in se effusos ad objectum reflectat. Et ad sustinendum objectum



Atum eo in loco, in quo esse debet ut ope specilli conspiciatur, non improbo perexiguas illas ampullas ex vitro vel crystallo, quarum usus in Gallia jam vulgaris est & frequens. Sed ut aliquantò plus artis adhibeamus, meliùs erit si fulcro aliquo, brachioli instar, ex theca protenso sustineatur. Et denique ut abunde luminis adsit, totum specillum simul cum objecto erit Soli obvertendum. Ut si A sit vitrum, C pars interior thecæ cui inclusum est, D exterior, E objectum, G brachiolum sustinens, H oculus, & I Sol, cujus radii directè in oculum non penetrant, ob interceptum tam conspiciillum quàm objectum, sed effusi in corpus album, vel speculum D, resiliunt indè primò ad E, & tandem ab E ad oculum.



Si verò aliquod specillum ad alia & alia objecta remota & inaccessibleia contemplanda volumus fabricare; duobus Hyperbolicis vitris, convexo uno & altero concavo, duabus tubi extremitatibus, ut hic videri possunt, insertis, id erit componendum. Et primò *abc* <sup>V. Quid requiratur in telescopiis, ut sint perfecta.</sup> superficies vitri concavi *abcdef*, figuram Hyperbolicam exigit; cujus focus eà distantia absit, à qua oculus cui hoc perspicillum paratur quàm accuratissimè sua objecta cernit. Hic ex. gr. oculo G ita disposito, ut distinctiùs cognoscat objecta quæ ad H, quàm ulla alia, H debet esse focus Hyperboles *abc*. & pro senioribus qui rectiùs objecta remota quàm propinqua vident, hæc superficies *abc* omnino plana esse debet; contrà pro iis, quorum acies ad propinqua valet, satis concava. Altera superficies *df* figuram alterius Hyperbolæ exposcit, cujus focus I transversum pollicem aut circiter ab ea distet, ita ut oculi fundum contingat cum ejus superficiei perspicillum erit conjunctum. Hæ tamen proportioncs non tam absolutè necessariæ sunt, quin multum etiam mutari possint, ita ut non aliter facta superficie *abc* pro senibus, nec pro myopibus quàm pro cæteris, omnibus oculis idem perspicillum possit inservire, si tantum ejus tubus nunc aliquantulum diducatur, nunc contrahatur. Et quod ad superficiem *def*, forsàn ob difficultatem



ipsam multum excavandi , præstabit figuram Hyperboles illi dare , à qua focus aliquantò magis distet , quàm dictum est , quod usus felicius quàm mea præcepta docebit . Et in universum hoc tantum dico ; quòd propius aderit hoc punctum  $\epsilon$  , reliquis paribus , ed majora objecta visum iri , quia tunc oculus ita erit disponendus , ac si propiora essent ; & visionem magis fortem sive perspicuam futuram ; quia tunc alterius vitri diameter poterit major esse . Verùm si nimis vicinum fiat , illam non adeò distinctam fore , quia tunc multi radii nimis obliquè pro ratione aliorum , in vitri su-

perfi-

perficiem cadent. Diameter autem hujus vitri, siue pars quæ resecta esse debet, cum tubo K L M inclusum est, satis magna erit, si aliquantulum excedat pupillæ quàm maximè diductæ quantitatem. Et quod ad ejus crassitiem attinet, nunquam nimis exigua esse potest; licet enim illam augendo imagines objectorum paulò majores redantur, quia tunc radii à diversis punctis venientes paulò magis in eâ parte, quæ oculum respicit, divergunt, fit etiam è contra ut pauciora & minùs distinctè appareant; suntque aliæ viæ commodiores ad imaginum magnitudines augendas. Quantum ad vitrum convexum N O P Q, superficies illius N O P, objecta respiciens, omnino plana esse debet, & altera N O P Hyperbolica; cujus focus accuratè in eundem locum cadat, in quem alterius Hyperboles *def*; & quò perfectius telescopium desideramus, eò magis focus iste removendus est à puncto O. Præterea magnitudo diametri hujus vitri, determinatur à duabus rectis lineis I d N & I f P, ductis à foco I, per d & f, extremitates diametri vitri hyperbolici *def*; quam diametro pupillæ æqualem esse suppono. Sed etiam si diameter vitri N O P Q aliquantò minor sit, tamen objecta propterea non magis confusa, nec minora, sed tantum minori luce perfusa apparebunt. Quapropter quoties illa nimis lucida erunt, diversi circuli nigri chartacei, vel similes in promptu habendi, ut 1 2 3, ad obtegendas illius oras, & partem ejus resectam, quantum lumen ex objectis effusum permiserit, angustissimam reddendam: Crassities autem hujus vitri, neque prodesse neque obesse potest, nisi forsan ideo potest obesse, quòd vitrum quamvis purissimum & maximè tersum, semper tamen radios aliquantò plures reflectat, quàm aër. Tubus K L M ex materia firmâ & solidâ fieri debet, ut duo vitra duabus illius extremitatibus immissa, accuratè semper eodem situ ibi hæreant. Totus etiam intrinsecus niger esse debet, atque holoserico nigro circa oram ad M vestiri, ut arcuè oculo junctus omnem lucem excludat, eâ exceptâ quæ permeabit vitrum N O P Q. Longitudinem autem illius, & latitudinem, distantia & magnitudo duorum vitrorum certam reddit. Postremò necessarium erit hunc tubum machinæ cui-dam imponi, ut R S T, cujus operâ verti in omnes plagas possit, & firmiter sisti è regione objectorum, quæ volumus contemplari. Et hujus quoque rei gratiâ dioptra vel duo pinnacidia, ut V V, huic machinæ affigenda erunt. Et insuper etiam, quia quò magis hæc perspicilla objectorum imagines augent, eò pauciores simul repræ-


repræsentant, non abs re fuerit iis, quæ illas quàm maximè augment, alia minùs perfectæ adjungere, ut eorum ope tanquam per gradus, ad cognitionem loci, in quo erit objectum quod perfectissima exhibebunt, devēniatur. Talia hīc sunt XX & YY, quæ perfectissimo Q L M ita adjuncta esse suppono, ut si veritatur machina cui imposita sunt, donec per dioptras V V planeta Jovis appareat, idem etiam per specillum XX apparebit, & præterea hujus specilli ope quatuor alii minores planetæ Jovem comitantes dignoscuntur. Deinde si machina rursus ita dirigatur ut unus aliquis ex his minoribus planetis per centrum hujus specilli X X conspiciatur, conspicietur etiam per aliud specillum Y Y; ubi quia solus & multò major quàm priùs apparebit, diversæ etiam regiones in eo distinguuntur. Et denique ex his regionibus, quæ per centrum hujus specilli Y Y spectabitur; spectabitur etiam per tertium specillum K L M, cujus ope variæ res minores quæ in illa regione erunt, discernentur. Sed sciri non possēt istas res esse in tali regione, talis ex planetis qui Jovem comitantur, sine ope aliorum; nec etiam illud in loca determinata, versus quæ volumus respicere, commodè dirigere possemus.

His autem tribus perspicillis, quartum aut plura perfectiora poterunt adjungi; saltem si artificibus industria ad id requisita non desit. Et nullum quidem inter hæc perfectissima & imperfectiora discrimen est, nisi quòd eorum vitrum convexum debeat majus esse, & ejus focus remotior. Denique si manuum industria præstare possit, quod ars docet; hujus inventi beneficio poterimus res tam particulares & minutas in astris videre, quàm sint eæ quas vulgò in terra percipimus.


## VI.

*Qualia itidem esse debent perspicilla pulcherrima sunt perfecta.*

Si verò specillum habere cupiamus, cujus ope objecta propinqua & accessa quàm distinctissimè fieri potest conspiciantur, & multò distinctius quàm ope illius quod paulò ante hunc in usum descripsimus, illud itidem duobus vitris hyperbolicis, uno concavo, convexo altero, duabus extremitatibus inclusis erit componendum, & concavo *abcdefe* eadem figura danda, quæ proximè præcedenti, ut & superficiæ interiori convexi N O P. Exterior autem N R P, quam illud totam planam habebat, hīc admodum convexa requiritur, & hyperbolica, cujus focus exterior *z* ita propinquus sit, ut objecto ibi locate, non plus spatii illud



illud & vitrum interjaceat , quàm admittendæ luci ad illud illuminandum requiritur. Et diameter hujus vitri non tanta requiritur , quanta in præcedenti specillo , nec etiam tam exigua sufficit quàm illa vitri A , paulò ante descripti , sed talis circiter esse debet , ut recta N P , quæ illum designat , transeat per focus interiorem Hyperboles N R P , & in hac Hyperbola utrumque terminetur. Si enim minor foret , pauciores radios ab objecto z reciperet ; sin major , paulò plures tantùm admitteret ; ita ut vitri crassities , quæ tunc multò major evaderet , non minùs de illorum vi detraheret quàm ejusdem latitudo augeret ; & præterea non tantùm luminis versus objectum z reflecti posset. E re quoque erit hoc conspicillum machinæ cuidam ut S T , imponere , quâ semper Soli obversum teneatur. Et vitrum N O P R speculo parabolico concavo includendum erit , ut C C ; quod omnes



omnes Solis radios reflectat ad punctum Z, in quo objectum parvo brachiolo G, alicunde ex speculo protenso sustineatur. Et præterea hoc brachiolum fulcire debet aliquod corpus nigrum & opacum, quale H H, quod objectum Z undique circumstet, & accuratè magnitudinem vitri N O P R adæquet; ut nempe impediatur ne qui radii Solis directe incidant in hoc vitrum; inde enim intrantes tubum, quidam eorum procul dubio ad oculum resiliunt, & nonnihil de visionis perfectione detraherent: quia, quamvis hic tubus debeat intrinsecus fieri nigerri- mus, nullum tamen corpus tam perfectè nigrum esse potest ut omnem vim luminis aliunde in illud delapsi obrundat, & nul- los omnino radios reflectat; præsertim si

lumen illud sit satis forte, quale est Solis. Præterea corpus opa- cum H H, debet habere in medio foramen, quale Z, ejusdem magnitudinis cujus objectum, ut si id forsàn quodammodo sit pel- lucidum, etiam per directos Solis radios illuminetur; imò si necesse sit, per eosdem comburenti vitro I I, quod æquè latum sit ac N O P R, collectos in puncto Z, ut omni ex parte tantum lumi- nis in objectum mittatur, quantum sine periculo ustionis poterit ferre. Et facile erit velata parte speculi C C, vel vitri I I, ni- miam illorum vim temperare. Neminem ignorare existimo, qua- re hic tam sollicitè curem, ut quàm plurima luce objectum illu- stretur, & ut quàm plurimi ex eo radii ad oculum pertingant. Vi- trum enim N O P R, quod in hoc specillo pupillæ vice fungitur, & in quo radii ex diversis punctis manantes decussantur, cùm multò vicinior sit objecto quàm oculo, efficit ut hi radii per mul- tò majus spatium se extendant, in membranula illa quæ ex extre- mitatibus nervi optici conflat, quàm sit ipsa superficies objecti ex quo veniunt; Et satis patet, illos tantò minùs virium habere, quantò spatium per quod extenduntur est majus, ut è contrà multò plus habent cùm à vitro vel speculo ustorio in multò minori spatio colliguntur. Atque hinc tantum longitudo hujus perspicilli depen- det,

det, id est, distantia quæ est inter Hyperbolen NOP & ejus focus. Quantò enim illa major est, tantò magis imago objecti in oculi fundo expanditur, ideoque tantò distinctiùs minutas illius partes ibi depingit; sed hoc ipsum vim luminis ita minuit, ut tandem non omnino sentiretur, nempe si nimis longum esset hoc specillum. Adedò ut ejus maxima longitudo non nisi experientia possit determinari. Et præterea etiam varia sit pro varietate objectorum, quorum scilicet nonnulla magnam vim luminis, alia non nisi perexiguam sine unctione ferre possunt. Non quidem ignoro quædam adhuc alia posse excogitari, quibus hujus luminis vis aliquantò magis augetur; sed difficilior esset illorum usus, & vix ullum occurreret unquam objectum, quod majorem requirat. Possent etiam alia vitra poni in locum Hyperbolici NOP R, quæ paulò plures radios quàm hoc ab eodem objecti puncto reciperent; sed vel non efficerent, ut omnes radii ex diversis objecti punctis venientes tam proximè ad totidem alia puncta versus oculum concurrerent: vel ad hoc duobus vitris loco unius esset utendum; atque ita radiorum vis non minus superficialium numero minueretur, quàm figurà augetur; & denique illa multò difficultiùs possent poliri.

Superest hic tantùm ut advertamus, quoniam hæc perspicilla non nisi unico oculo admoventur, operæ esse ut alium interim oculum obscuro aliquo velo tegamus; sic enim pupilla ejus quo utemur magis aperietur, quàm si alium vel luci expositum relinquamus, vel ope musculorum palpebras moventium claudamus: tanta enim est inter utrumque affinitas, ut vix unus aliquo modo moveri possit, quin alter statim ad ejus imitationem disponatur. Præterea non erit inutile, non tantùm hoc conspicillum arctè oculo adjungere, ut nullam, nisi per illud recipiat lucem; sed etiam priùs aliquamdiu in obscuro loco stetisse, ut visus acies tantò tenerior existens, à minima luce affici possit; & præterea imaginationem nostram eodem modo disponere, ac si res valde remotas & obscuras vellemus intueri, ut tantò magis pupilla dilatetur, & ideo à pluribus objecti punctis radios admittat. Jam enim suprà notatum est, hunc motum pupillæ non immediatè sequi voluntatem quàm habemus illam aperienti, sed potiùs ideam vel opinionem quàm de obscuritate vel distantia objecti concepimus.

VII  
Ad his perspicillis utendum, præstare alterum oculum velo aliquo obscurò tegere, quoniam cum musculorum ope claudere. Vis quoque esse visus suam aciem antea debilitare, in loco valde obscurò se continendo: atque etiam imaginationem distans non habere.

quasi ad res valde remotas & obscuras intentionem.

Cæterùm, si nonnihil ad ea omnia quæ supra dicta sunt animum

*minius an-  
te hac felices  
fuerint arti-  
fices in accu-  
ratis telescopi-  
is, quam in  
aliis perspi-  
cillis.*

reflectamus, & potissimum ad illa quæ ex parte objectorum exter-  
norum requiruntur, ut visionis sensus quàm perfectissimus evadat;  
non difficulter intelligemus per varias horum specillorum formas  
illud omne præstari quod ab arte est expectandum: nec ideo est  
operæ pretium ut hoc fusiùs demonstrarem. Item etiam facilè agno-  
scemus nulla ex iis quæ priùs ab aliis descripta fuerant ullo modo  
perfecta esse potuisse; quia maxima differentia est inter lineas circu-  
lares & Hyperbolas, & nunquam nisi lineæ circulares adhibitæ sunt  
ad eos effectus, ad quos Hyperbolas requiri demonstratum est.  
Adeò ut nihil unquam boni hac in re factum sit, nisi cùm artificum  
manus tam feliciter aberravit, ut loco sphericæ figuræ, Hyperbo-  
licam vel ad hanc proximè accedentem, vitrorum superficiebus in-  
diderit. Atque hoc præcipuè impedivit ne rectè fierent illa specilla,  
quæ videndis objectis inaccessibleis idonea sunt: indigent enim vitro  
convexo multò majori quàm cætera: & non modò difficilior est fe-  
liciter aberrare in poliendo magno vitro, quàm in parvo; sed præ-  
terea major est differentia inter superficies Hyperbolicam & spheri-  
cam in partibus à centro satis remotis, quæ in majoribus vitris ef-  
fere debent, quàm in vicinis ex quibus solis constant minora. Jam ve-  
rò quoniam artifices non facilè forsan per se invenirent modum hæc  
vitra secundum figuram Hyperbolicam accuratè poliendi, superest  
ut ipsis deinceps viam ostendam, per quam mihi persuadeo illos satis  
commode eò perventuros.

## C A P U T D E C I M U M .

*De modo expoliendi vitra.*

*1.  
Quomodo  
in agnitione  
refractionis  
viri  
quo uti vo-  
lueris sit in-  
veniendum.*



Electo vitro aut crystallo, quo uti placet, primò ne-  
cessaria est inquisitio proportionis, quæ juxta supe-  
riùs tradita, refractionum illius mensura existat; at-  
que illa obvia & exposita erit operæ hujus instrumen-  
ti: E F I est assiculus aut regula, maximè plana &  
recta, ex qualibet materia, dummodo non nimis polita, vel pellu-  
cida sit, ut lumen in illam effusum facillimè ab umbrâ dignoscatur.  
E H & F L sunt duæ dioptræ, id est, laminæ parvæ cujuscunque  
materiæ, dummodo non sit transparentes, ad perpendicularum erectæ,  
in E F I, & foramine exiguo singulæ pertusæ, ut A & L: suntque  
hæc duo foramina tam directè sibi invicem opposita, ut radius

A I.






*ram amula-  
ri debet: &  
quomodo  
punctorum  
istorum di-  
stantia au-  
geri aut mi-  
nui possit  
\* Idem fa-  
cilis obti-  
nere licet, si  
cum D. Hu-  
genio, ex P  
super B P  
erigamus  
tantum per-  
pendicula-  
rem: quippe  
ea ex B I  
versus I re-  
ctam auser-  
ret, quæ ad  
IP propor-  
tionem ha-  
bet, quæ re-  
fractionem  
metitur.*

sumpto arcu NP, æquali arcui PT, ducenda recta BN, secans IP productam in puncto H. Hinc denuo ex puncto B, per H describendus circulus HD, secans BI in puncto O. Et habebitur proportio inter lineas HI & OI, pro mensura communi omnium refractionum, quæ produci possunt à differentia quæ est inter aërem & vitrum quod examinatur. \* Qua de re si nondum certi sumus, ex eodem vitro alia parva triangula rectangula, diversa ab hoc polire poterimus; quibus si eodem modo utamur ad investigandam hanc proportionem, semper similem illam inveniemus, atque ita nullo modo poterimus dubitare, quin revera eadem sit, quam quærebamus. Quod si postea in recta linea HI, MI æquale OI sumamus, & HD æquale DM, D pro vertice habebimus, & H & I pro focis Hyperboles, cujus figuram specilla à nobis designata requirunt.

Et hæc tria puncta HDI propiùs jungere possumus, vel lon-



giùs remove-  
re quantum lubet;  
aliam tantum  
lineam propio-  
rem aut remo-  
torem, puncto  
B ducendo, pa-


rallelam lineæ HI, & du-  
cendo ex hoc puncto B,  
tres rectas BH, BD, &  
BI, quæ illam secant. Ut  
hic videmus eodem modo  
ad invicem referri tria pun-  
cta HDI & bdi, quo tria  
HDI.

Deinde cognitis his tribus  
punctis, facile est hyperbo-  
len describere, eo modo quo  
suprà vidimus, defixis scilicet  
duobus paxillis in punctis  
H & I, & resti hærente in  
palo H, ita regulæ alligata,


ut non propiùs accedere possit ad I, quàm usque ad D.

Sed

III.  
Quomodo  
hec hyper-  
bola sine  
describi pos-  
sit, vel mul-  
torum pun-  
ctorum in-  
ventionem.




Sed si malimus ope vulgaris circini plura puncta per quæ tendit quærendo, illam delineare : sumptis punctis  $HDM$  &  $O$ , ut supra, alterum pedem hujus circini ponamus in puncto  $H$ , & altero promoto paulò ultra punctum  $D$ , velut ad  $I$ , ex centro  $H$  describamus circulum  $133$ , inde sumpta  $M2$  æquali  $HI$ , ex centro  $I$  per punctum  $2$ , describamus circulum  $233$ , priorem in punctis  $33$  secan-



tem, per quæ hæc Hyperbole ferri debet. Ut & per punctum  $D$ , ejusdem verticem. Repōnamus postea eodem modo, unum circini brachium in punctum  $H$ , & altero diducto paulò ultra punctum  $I$ , velut ad  $4$ , describamus circulum  $466$  ex centro  $H$ . Inde  $M5$  æquali sumpto  $H4$ , ex centro  $I$  per  $5$  circulum  $566$  describamus, priorem in punctis  $66$ , quæ in Hyperbola, secantem. Et ita continuata statione alterius brachii circini in puncto  $H$ , & reliquis omnibus ut antè observatis, quantumlibet punctorum hujus Hyperboles possumus invenire.

Quod fortasse non incommodum erit, ad rude aliquod exemplar fabricandum, quod præter propter figuram vitri poliendi repræsentet; sed ad accuratum aliquod, alio invento opus est, cujus opera uno ductu Hyperbole delineari possit, quemadmodum per circinum circulus. & quidem ego sequenti melius nullum novi. Primò ex centro  $T$ , medio lineæ  $HI$ , describendus circulus  $HVI$ , inde ex puncto  $D$  erigenda perpendicularis in  $HI$ , secans hunc circulum in puncto  $V$ , & ducta recta per hoc punctum  $V$  ex  $T$ , habebitur angulus  $HTV$ ; talis, ut si imaginemur illum rotari circa axem  $HT$ , linea  $TV$  su-



IV.  
Quomodo  
inveniat  
conus, in quo  
eandem hy-  
perbola, à  
plano axi  
parallelo se-  
cetur.


per

perficiem conï sit descriptura, in qua, factâ sectione à plano VX quod est parallelum axi HT, & in quod DV ad angulos rectos cadit, Hyperbole omnino similis & æqualis priori deprehendetur. Et omnia alia plana huic parallela, conum secantia, Hyperbolas similes quidem omnino, sed inæquales suâ sectione efficient, & quarum foci propiores vel remotiores erunt, prout hoc planum ab axe distabit.

V.  
Quomodo  
ope machinæ  
uno duâ  
hæc hyper-  
bola describi  
queat.

Cujus rei vestigia secuti, talem machinam poterimus fabricare. AB est cylindrus ligneus vel metallicus, qui circa cardines 1 2 rotatus, alterius figuræ axem HI repræsentat. CG sunt duæ laminæ, vel asseres plani & levigati, imprimis eâ regione, quâ se invicem contingunt, hac ratione ut superficies, quam inter utrumque possumus imaginari parallelam cylindro AB, & sectam ad angulos rectos, plano quod ire imaginamur per duo puncta 1 2 & K OG, repræsentet planum VX quod conum secat. Et NP latitudo superioris CG, æqualis est diametro vitri expoliendi, vel non multum eundem excedit. Denique KLM est regula, quæ rotata cum cylindro AB in polis 1 2, hac ratione ut angulus ALM semper æqualis maneat angulo HTV, repræsentat lineam TV conum

describentem. Et notandum, hanc regulam ita per cylindrum actam esse, ut per foramen L, arcem illam recipiens, attolli pro arbitrio & deprimi possit, & præterea alicubi velut ad K, pondus aliquod esse seu pressorium curvum, quo semper ad laminam CG premitur. Itemque in ejus extremitate M esse cuspidem chalybeam, & ita temperatam ut vim habeat secandi laminam superiorem CG, non autem




autem alteram EF ei substratam, Quibus intellectis, satis patet, si regula KLM circa polos 1 2 ita moveatur, ut cuspis chalybea M, ab N per O tendat ad P, & reciprocando à P per O ad N, ab ipsâ divisum iri hanc laminam CG, in duas alias CNOP & GNOP, in quibus latus NOP, lineâ terminabitur, convexa in CNOP, & concava in GNOP, quæ accuratè figuram Hyperboles habeat. Et hæ duæ laminæ CNOP, GNOP, si chalybeæ vel ex aliâ materiâ satis dura sint, non tantum loco exemplaris erunt, sed etiam instrumenti ad formandas quasdam rotas, à quibus, ut mox audiemus, vitra figuram suam ducere possunt. Hic tamen defectus quidam superest; in eo scilicet quod chalybea cuspis M, cum paulò aliter versa sit cum accedit ad N vel ad P, quàm cum est in O, non possit ubique uniformem & æquè acutam vel obtusam horum instrumentorum aciem efficere. Ideoque melius arbitror, machina sequenti, licet operosiore, uti.

ABKLM unicum tantummodo membrum est, quod integrum in cardinibus 1 2 movetur, & cuius pars ABK perinde est

VI.

*Alia machina quæ istius*




quam habeat figuram, sed KLM debet esse regula, vel aliud simile corpus planas habens superficies, quæ lineis rectis parallelis terminen-


omni rei  
quæ eâ ad  
vitra po-  
lienda indi-  
get, & quo-  
modo illa sit  
utendum.

minentur. Oportetque ut hæc regula KLM ita sit inclinata, ut recta 43 quæ medium ejus crassitiei designat, usque ad eam producta, quam fingere possumus per polos 12 transire, efficiat angulum 234, æqualem illi qui supra notis HTV designabatur. CG,

E F, sunt duo asseres paralleli axi 12, & quorum superficies adversæ, planæ admodum & læves, secantur ad angulos rectos plano 12 GOC. Non tamen arcûe mutuè cohærent, ut in præcedenti machina, sed tanto inter-




vallo præcisè distant ab invicem, quantum requirit inferendus cylindrus QR, teres exquisitè & ubivis ejusdem crassitiei. Præterea singulæ fissuram habent NOP, hujus longitudinis & latitudinis, ut regula KLM immissa, huc & illuc, cardinibus suis innixa liberè feratur, quantum requiritur ad designandam partem Hyperboles inter hos duos asseres, magnitudine diametro vitri poliendi æqualem. Hæc



regula quoque per cylindrum QR obliquè inserta est, hac ratione  
ut

ut licet hic cum illa moveatur in polis 12, semper tamen inter duos asseres CG, FE maneat clausus, & axi 12 parallelus. Postremo Y 67 & Z 89 sunt instrumenta, poliendo in formam Hyperbolæ cuilibet corpori inservientia, & manubria illorum YZ tantæ sunt crassitie, ut eorum superficies quas planas esse notandum est, superficies asserum CG & EF ab utraque parte omnino contingant, & nihilominus inter ipsas, utpote admodum læves, hinc & inde possint moveri. Habentque singula rotundum foramen  $\zeta, \zeta$ , in quo altera cylindri QR extremitas ita inclusa est, ut hic cylindrus possit circa proprium axem  $\zeta \zeta$  circumvolvi, non efficiendo ut ista manubria eodem modo volvantur propter eorum superficies planas, quæ hinc & inde à superficiebus asserum quos contingunt cohibentur; sed non possit in ullam aliam partem ferri, quin illa simul in eandem ferantur. Et ex his omnibus liquet, regulam KLM propulsam ab N ad O & ab O ad P, vel à P ad O, & ab O ad N, moto secum cylindro QR, eadem operâ movere hæc instrumenta Y 67 & Z 89, hac ratione, ut utraque eorum pars motu suo accuratè Hyperbolæ describat, eandem quam intersectio linearum 34 & 55: quarum una, scilicet 34, motu suo delineat conum, altera 55, planum eundem secans. Cuspis seu acies horum instrumentorum, variis modis fieri potest, pro vario usu quem illam volumus præstare. Et ad figuram vitris convexis dandam, commodissimum videtur, primò uti instrumento Y 67, ac plures laminas chalybeas secare, similes CNOP suprà descriptæ. Inde tam opera laminarum, quàm instrumenti Z 89, rotam qualis est *d*, circumcirca in latitudine suâ *abc* excavare, ut ita omnes sectiones, quas imaginari possumus factas à planis, in quibus *ee* rotæ axis existit, figuram Hyperboles, quam machina describit, consequantur. Et denique vitrum expoliendum mymphuri ut *bik* affigere, atque ita apponere juxta rotam *d*, ut si tracto fune *ll*, mymphur circa suum axem vertatur, & eodem tempore vertatur etiam rota circa suum, vitri superficies inter hæc duo posita figuram quam ipsi dare volumus accipiat.

Quantum ad modum instrumento Y 67 utendi, notandum, laminas *cnop* non nisi usque ad medium singulis vicibus secandas esse, ut ex. gr. ab *n* ad *o*, & propterea repagulum in machina ad P figendum est, quod impediatur ne regula KLM mota ab N ad O,



propius accedat ad P, quàm requiritur ad hoc, ut linea 3 4 quæ medium crassitie illius notat, perveniat usque ad planum 1 2 G O C, quod imaginamur asseres ad rectos angulos secare. Et ferrum hujus instrumenti talem figuram exigit, ut omnes ejus aciei partes in hoc eodem plano 1 2 G O C existant, quum linea 3 4 ibidem sistitur; neque ullas alias hoc ferrum habeat partes, quæ tunc ultra illud planum versus P protendantur, sed tota ejus crassitie declivitas respiciat versus N. Cæterum pro arbitrio vel acutum vel obtusum fieri potest, parum aut multum inclinatum, & longitudinis cujuslibet, omnia prout res exigere videbitur. Inde cusis laminis *c n o p*, & limâ proximè ad illam figuram perductis quam requirunt, vi adigendæ atque premendæ ad instrumentum Y 67, & mota regula K L M, ab N ad O, & viceversâ ab O ad N, unam illarum partem perficiemus; deinde ut alia planè similis fiat, repagulum aliquod ibi esse debet, quod impediat quò minùs versus hoc instrumentum progredi possint, ultra locum in quo sunt cùm prima earum medietas N O absolvitur: & tunc paululum iis reductis, mutandum est ferrum instrumenti Y 67, & aliud loco illius substituendum, cujus acies accuratè sit in eodem plano, & ejusdem figuræ,



*ræ*, ac *acies prioris*, sed *cujus omnis declivitas respiciat versus P*: aded ut si hæc duo ferramenta adversa componas, duæ illorum *acies unicam tantum efficere videantur*. Inde translato ad *N* repagulo, quod antea *P* versus locatum erat, ad impediendum nimium regulæ *K L M* progressum; movenda est hæc regula ab *O* ad *P*, & à *P* ad *O*, donec hæc laminæ *c n o p* in instrumento *Y 67*, tam propinque erunt, quàm antea, & hoc pacto absolvuntur.

Quod attinet ad rotam *d*, quæ ex materia admodum dura esse debet, postquam limâ figuram quam exigit, præter propter acceperit, facilis elaboratu erit, primò per laminas *c n o p*, modò initio fuerint tam bene cusæ, ut licet postea candentes in aquam mersæ sint, ad duritiem acquirendam, nihil tamen idcirco ex earum figura sit mutatum; debentque huic rotæ ita admoveri, ut *acies illarum n o p*, & hujus axis *e e*, in eodem plano sint. Et denique adsit aliquod pondus aliudve machinamentum, quo urgente laminæ istæ rotam premant; dum interim ipsa circa suum axem vertetur. Præterea etiam hæc rota elaborabitur ope instrumenti *Z 89*, *cujus ferrum æquali declivitate ab utraque parte procumbere debet, & de cætero, quamlibet figuram admittit, dummodo omnes partes ejus aciei 89, existant in plano superficies asserum C G E F ad angulos rectos secante*. Ut autem utamur hoc instrumento *Z 89*, movenda regula *K L M*, in polis *1 2*, hac ratione ut motu continuo procedat à *P* ad *N*; inde viceversa ab *N* ad *P*, dum interim rota circa suum axem vertetur. Quà operâ *acies instrumenti omnem inæqualitatem, si quæ remansit in latitudine rotæ ab una ad alteram partem, lævigabit, & cuspis illius (habebit enim & aciem & cuspidem) omnem illam, quæ in longum porrecta occurret*.

Postquam verò hæc rota ultimam recipit manum, facillimè vitrum per diversos duos motus, rotæ scilicet & mympsuris cui affigendum est, poterit expoliri, dummodo adsit aliqua vis, qua, non impedito torni motu, semper ad rotam agatur, atque inferior hujus rotæ pars continuo per aliquem alveum feratur, arenæ, smiridis, pulveri lapidis Gothlandici, stanno combusto, vel simili materiæ, lævigandis & expoliendis vitris commodæ immersa.

Atque his ita consideratis, intellectu facile est, qua ratione figura concava vitris danda sit, factis scil. primò laminis *c n o p*, ope instrumenti *Z 89*; deinde rota expolita, tam ope harum laminarum quàm instrumenti *Y 67*, & reliquis omnibus eo quo dixi-

VII.  
Quid in  
viris concavis  
& quid in  
convexis  
speciatim  
observan-  
dam sit.

mus modo observatis. Notandum tamen, rotam qua ad convexa utimur, pro arbitrio magnam esse posse; illam autem quâ ad concava, tantam esse non debere, ut ejus semidiameter distantiâ, quæ erit inter lineas 12 & 55, in machina cujus ope formabitur, sit major. Et in concavis poliendis multò celerius hæc rota vertenda est quàm mymphur; contrâ verò in convexis, mymphur velocius rotandus; quia mymphuris motus multò vehementius oras vitri, quàm medium atterit, rotæ verò minus. Utilitas autem horum motuum diversorum manifesta est: vitra enim si manu in patinâ expoliantur; modo, qui unicus in hunc usque diem receptus est, licet patina eam exactè haberet figuram quam vitra exigunt, non tamen eadem nisi casu ipsis dari potest. Si verò utamur motu solius mymphuris, centrum vitri centro patinæ jungentis, omnes figuræ defectus qui in patina reperientur, circulos in vitro describent; & vitri medium in quo minimus erit motus, nunquam satis atteretur.


Multa hîc sunt ad Geometriam spectantia, quorum demonstrationes omitto; mediocriter enim in hac scientiâ exercitatis, satis omnia illa per se patent, & reliqui sinè dubio faciliores ad habendam dictis meis fidem, quàm ad illa legenda se præbunt.

## VIII.

*Ordo observandus ad se ipsorum visorum politura exercendum. Vitra convexa quæ longioribus telescopiis inserviunt, accuratius ceteris esse polienda.*

Caterùm ut ordine singula procedant, vellem primò ut artifices in poliendis vitris planis ab una parte; & convexis ab altera, exercerentur, & quidem in iis quæ Hyperbolen referant, cujus foci duos aut tres pedes ab invicem distent. Nam hæc longitudo sufficit specillo satis perfectè objecta inaccessa exhibituro. Deinde multa vitra concava expoliri vellem, una aliis magis cava, & ordine unum post aliud vitro convexo conjungendo, experiri quodnam ex ipsis perfectius telescopium componeret; habitâ etiam ratione oculi qui ipso esset usus; quia constat hæc vitra magis concava requiri, pro iis qui tantùm proximè admota cernunt, quàm pro aliis. Vitro concavo sic invento, quum idem ad omnia alia specilla eidem oculo possit inservire, nihil ampliùs ad telescopiorum structuram requiritur, nisi tantùm ut exercitatione atque usu, facilitas acquiratur alia vitra convexa poliendi, quæ longius quàm primum à concavo removenda sint; & gradatim poliendi alia, quæ magis magisque abducenda sint, atque etiam quæ sint pro ratione tantò majora, donec hac in re ad summum quod fieri poterit perveniatur. Sed quò longius hæc vitra convexa à concavis removenda erunt, & consequenter ab oculo,

oculo, eò exquisitiùs quoque polienda, quoniam iidem errores, longius in iis à debito loco radios detorquent. Ut si vitrum F, radiùm CF tantundem refringit, quantum vitrum E refringit A E; adeò ut anguli A E G, & C F H sint æquales; satis liquet C F tendentem ad H, longius recedere à puncto D, ad quod tenderet si nullam refractionem pateretur, quàm A E tendens ad G, à puncto B.



IX.

*Quanam sit præcipuum perspicillum pulcrum utilitas.*

Postremum, & quidem præcipuum quod hîc vellem, est ut vitra ab utraque parte convexa polirentur, pro specillis quibus objecta propinquiore contemplamur; & primùm factis iis, quæ tubis valde brevibus includi debent, quoniam hæc facillima, illa gradatim postea aggredi, quæ longiores tubos exigunt, donec ad ea perveniatur quæ longissimos, qui usui esse possint, desiderant. Et ne forsan difficultas, quæ in fabrica horum specillorum occurrere posset, quenquam deterreat, hîc adhuc dicam, licet initio illorum usus non tantum omnibus ablandiatur quantum telescopiorum, quæ videntur in cælum nos esse evectura, & ibi in astris corpora æquè particularia & forsan æquè diversa, ac ea quæ hîc in terra videmus, exhibitura, me nihilominus illa longè utiliora judicare; quoniam spes est eorum ope, diversas missiones & dispositiones minutarum partium, quibus animalia & plantæ, & forsan etiam alia corpora quibus undique cingimur, constant, nos inspecturos, & non parum inde adjumenti ad pernoscentiam eorum naturam habituros. Jam enim secundùm opinionem plurimorum philosophorum omnia hæc corpora non nisi ex partibus elementorum diversimode mixtis componuntur: & secundùm meam, tota illorum essentia & natura, saltem inanimatorum, tantum in magnitudine, figurâ, situ, & motibus partium consistit.

Superest adhuc nonnulla difficultas circa hæc vitra, quoties utrimque convexa aut concava fieri debent; ut scilicet centra duarum ejusdem vitri superficierum directè sibi invicem opponantur: sed hæc faciliè tolli potest, si primò eorum circumferentia fiat toro exactè rotunda, & æqualis ei manubrii vel mymphuris, cui agglutinanda erunt ut poliantur; deinde cùm ei agglutinabuntur, & gypsum, aut pix, aut bitumen quo jungentur, ductile adhuc & fe-

X.

*Quomodo fieri possit ut duarum ejusdem vitri superficierum centra directè sibi invicem opponantur.*

quax

quax erit, si annulo accuratè ad eorum mensuram facto, & tantæ latitudinis ut extremitates vitri & mymphuris simul includat, inferantur. Particularia plura inter poliendum observanda hîc omitto; ac etiam nolim in praxi eadem omnia quæ descripsi observari; quia non tam ipsas machinas, quàm machinarum fundamenta & causas explicare conatus sum: Et artificibus imperitis inventa hîc descripta non commendo, sed ea spero satis egrègia, & satis magni momenti visum iri, ut nonnullos ex maximè industriis & curiolis nostri ævi, ad eorum executionem suscipiendam invitent.



M E T E O.

# METEORA.

## CAPUT I.

### *De Natura terrestrium corporum.*



**I**ta natura homines comparati sumus, ut magis plerumque admiremur quæ supra nos, quàm quæ vel infra, vel in eadem altitudine circa nos sunt. Et quanquam nubes vix excedant quorundam montium vertices, sæpe quoque infra fastigia nostrarum turrium vagentur; quia tamen oculos ad cælum erectos contemplatio illarum exigit, tam sublimes illas imaginamur, ut ipsi Poëtæ & Pictores regiam Dei sedem iis adornent; & magnas illius manus ibi occupari fingant, laxandis atque obstruendis ventorum claustris, matutino rore flosculis, & oris persundendis, & fulminandis editorum montium jugis. Atque hoc solum mihi facit, si ita naturam illarum explicavero, ut nusquam in iis, quæ ibi apparent, vel etiam quæ inde descendunt, admirationi locus relinquatur; quemvis facillimè crediturum non impossibile fore, eadem ratione causas omnium indagare, quæ terra mirabilia habet.

I.  
*Quid Auctor  
in hoc tra-  
ctatu propo-  
situm sibi  
habuerit.*

In primo hoc capite de natura terrestrium corporum in genere loquemur; ut eò feliciter in sequenti exhalationes & vapores explicemus. Et quoniam hi vapores surgentes ex Oceano quandoque saltem in superficie illius componunt; hinc arreptâ occasione paululum descriptioni illius immorabimur; atque in eo experiemur, Num formas corporum, quæ Philosophi aiunt mixtione perfectâ composita esse ex elementis, æquè bene deprehendere possimus, ac Meteora, quæ ex iisdem non nisi mixtione imperfectâ generari ferunt. Postea considerantes quo pacto vapores per aërem ferantur, dicemus unde ventis origo; Et ex eo quod in regionibus quibusdam cogantur, nubium inde exsurgentium naturam exponemus; demum ex eo quod resolvantur, indicabimus quid nivi, pluvix, grandini causam præbeat; ubi minimè nivis illius obliviscemur, cujus particulae velut circino dimensæ stellas exiguas senis radiis ac-

II.  
*Huius tra-  
ctatus argu-  
mentum.*

curatissimè repræsentant; hæc enim licèt à majoribus haud fuerit notata, in maximis tamen naturæ miraculis censeri debet. Neque magis tempestates, fulmina, fulgura, varios ignes ibi accensos, atque apparentia lumina transcurreremus. Inter cætera autem studiosè conabimur arcum cœlestem bene delineare, & causas colorum illius ita exponere, ut inde etiam eorum quibus alia corpora imbuuntur, natura possit intelligi; his etiam causas addemus colorum quos vulgò collucere in nubibus videmus; circulatorum itidem astra coronantium, & postremo cur Sol & Luna multiplicari interdum appareant.

Cæterum quoniam harum rerum cognitio pendet ex principiis generalibus naturæ, nòndum satis benè, quod ego sciam, in hunc usque diem explicatis, hypothesebus initio quibusdam utendum erit, quemadmodum & in Dioptrice, sed adeo planas & faciles illas reddere studebo, ut forsàn etiam non demonstratas facillè sitis admissuri.

## III.

*Aquam, terram ærem, & reliqua corpora quæ circumstant, ex variis particulis componi. Poros esse in omnibus istis corporibus subtili quadam materia repletos. Particulas aquæ esse longas, teretes & leves. Aliorum corporum ferre omnium particulis, habere figuras irregulares, angulosas & ramosas in-  
stus. Ex i-*

\* Primò igitur suppono aquam, terram, aërem, & reliqua similia corpora, quibus cingimur, constare multis exiguis partibus, figura & magnitudine differentibus: quæ nunquam tam accuratè & continuatæ sunt, quin plurima spatia inter illas pateant. Non quidem vacua, sed referta materiâ illâ subtilissimâ, per quam supra diximus actionem luminis communicari. Deinde suppono exiguas illas partes, quibus aqua componitur, longas, læves & lubricas esse anguillarum parvularum instar, quæ licèt jungantur & implicentur, nunquam tamen ita nexæ cohærent, ut non facillè separentur. Et contrà, ferè omnes alias, tam terræ, quàm aëris & plerorumque corporum particulas admodum irregulares & inæquales figuras habere; adeò ut tam parum implicari non possint, quin statim mutuò nectantur & hæreant velut impeditæ, quemadmodum rami virgultorum in sepibus. Et quoties illæ ita nectuntur, corpora dura componunt, ut terram, lignum & similia. Contrà, quoties simpliciter una alteri tantùm imponitur, & non nisi valde parum, vel nullo modo implicantur, & simul adeo parvæ sunt, ut agitatione materiæ subtilis, quâ cinguntur, facillè moveri & separari possint, multum spatii occupare debent; & corpora liquida, rarissima & levissima, ut oleum aut aërem, componere.

Præ-

*stusmodi particulis simul junctis & implexis corpora dura componi. Eadem, si non sint implexa, nec sunt crassa quin à materia subtili possint agitari, oleum vel ærem componere.*

Præterea cogitandum est materiam subtilem, omnia intervalla quæ sunt inter partes horum corporum replentem, nunquam à motu velocissimo cessare, sed assidue huc atque illuc ferri, non autem eadem velocitate ubivis & omni tempore: nam ut plurimum paulò concitatiùs fertur juxta superficiem terræ, quàm in sublimi aëre, ubi nubes consistunt; & sub æquatore, locisque vicinis, quàm sub polis; & in eodem loco velociùs æstate, quàm hyeme; interdiu etiam, quàm noctu. Quorum omnium ratio manifesta erit, si putemus lucem nihil aliud esse quàm motum quemdam, vel actionem qua corpora luminosa materiam subtilem, quaquaversum secundùm rectas lineas à se propellunt; quemadmodum in Dioptrica dictum est. Inde enim sequitur radios solares, tam rectos quàm reflexos, validius illam agitare interdiu, quàm noctu; æstate quàm hyeme; sub æquatore, quàm sub polis, & denique prope terram, quàm prope nubes.

Sciendum etiam est hanc materiam subtilem diversæ magnitudinis partibus constare; earumque alias (licet omnes perexiguæ sint) aliis longè majores esse; & maximas quidem, vel (ut rectiùs loquamur) minùs exiguas, semper plus virium habere, quemadmodum in universum omnia magna corpora tantundem agitata, quantum parva, hæc robore multum exsuperant. Atque id efficit, ut quo hæc materia est minùs subtilis, id est, composita ex partibus minùs exiguis, hoc vehementiùs partes aliorum corporum agitare possit.

Unde etiam fit ut plerumque minùs subtilis sit eo in loco & tempore, in quo maximè agitur; ut juxta superficiem terræ, quàm in media aëris regione; sub æquatore, quàm sub polis; æstate, quàm hyeme; & demum interdiu, quàm noctu. Cujus rei ratio in eo consistit, quòd harum partium maximæ, cum eo ipso sint validissimæ, omnium facillimè eò tendere possint, ubi ob agitationem vehementiorem, faciliùs motus illarum continuatur. Semper tamen ingens numerus minorum, mixtus cum his maximis fertur: & notandum omnia terrestria corpora, poris quibusdam pervia esse, qui minimas illas quidem admittunt: sed ex iis multa esse quæ tam arctos atque ita ordinatos hos meatus habent, ut maximas omnino excludant; Atque hæc ut plurimum ea sunt quæ gelidiora inveniuntur, si tangantur vel tantùm manus ad illa propius admoveantur. Sic quantum marmor aut metallum ligno

IV.

*Hinc materiam subtilem indestinenter moveri. Ipsam solere celariùs ferri juxta terram quàm prope nubes, versus æquatorem quàm versus Polos, æstate quàm hyeme, ac de qua nobis.*

V.

*Ipsius etiam particulas esse inæquales. Quæ minores sunt, minùs virium habere ad alia corpora movenda.*

VI.

*Crassiusculæ præcipue inveniri in locis ubi maxime sunt agitate. Illas multorum corporum meatus ingredi non posse, ideoque ista corpora esse aliis frigidiora.*

gelidius est, tantò etiam difficiliùs eorum poros partes hujus materiæ minùs subtiles admittere putandum est : & poros glaciæ adhuc ægrius quàm marmoris vel metalli, cùm hæc ipsis multò frigidior sit.

## VII.

*Quid sit calor, & quid frigus. Quo modo corpora dura calefiant. Cur aqua liquida esse soleat, ac quo modo frigore dureseat. Cur glaciæ eandem semper retineat frigiditatem & duritiem quàm sita glaciæ est, etiam in æstate, nec paulatim ut cetera molliantur.*

Hic enim statuo ad naturam caloris & frigoris intelligendam, non opus esse aliud concipere, quàm exiguas corporum quæ tangimus partes solito magis aut minùs vehementer, sive ab hac materia subtili sive ab alia qualibet causa, commotas, intensius etiam vel remissius in parva capillamenta nervorum tactui inservientium ferri : Et cùm vehementiâ quâdam insolitâ illa impelluntur, hoc sensum caloris in nobis efficere; frigoris verò cùm solito remissius agitantur; Ac licet hæc materia subtilis non separet ab invicem corporum durorum partes instar ramorum implicitas, quemadmodum separat partes aquæ, vel aliorum corporum liquidorum; tamen illa has agitare, & magis aut minùs concutere potest, prout impetu concitatio-ri aut languidiori fertur, vel etiam prout partes magis aut minùs crassas habet : quemadmodum venti ramos omnes arborum, quibus sepimentum aliquod contextitur, agitare possunt, nulla tamen earum evulsa. Cæterum cogitandum est inter hujus materiæ subtilis robur, & vim resistentem partium corporum aliorum, illam proportionem esse, ut quum non minùs agitur, neque subtilior est, quàm solet esse in hac regione juxta terram, vim habeat agitando exiguas partes aquæ quas interlabitur, & singulas seorsum loco movendi; imò etiam plerasque earum inflectendi, atque ita hanc aquam liquidam reddendi : sed quum non vehementius pellitur, nec minùs subtilis est, quàm solet esse in his plagis in aëre sublimi, aut quandoque per hyemem juxta terram, non satis illi roboris adest ad illas ita inflectendas & agitando; unde fit ut confusim & sine ordine unæ aliis impositæ sistantur, atque ita corpus durum, glaciem videlicet, componant; Aded ut eandem differentiam inter aquam & glaciem possimus imaginari, quam inter cumulum parvarum anguillarum, seu viventium seu mortuarum, innatantem piscatoriæ scaphæ foraminibus undique pertusæ, quibus aqua fluviatilis, qua moventur, admittitur; & cumulum earundem anguillarum quæ sicca & gelu rigidæ in ripa jacent. Et quoniam aqua nunquam gelu constringitur, nisi materia quæ ejus partes interlabitur plus solito sit subtilis, inde fit, ut pori glaciæ qui tum formantur ad mensuram particularum hujus materiæ subtilissimæ, sic ardeantur ut paulò majores omnino excludant; atque



atque ita glacies maneat frigidissima, licet in ætatem reservetur; atque ut semper duritiem suam obtineat, nec paulatim instar ceræ mollescat: Ejus enim pororum angustia, impedit quò minus calor ad interiora penetret, nisi quatenus exteriora liquefunt.

Præterea hîc quoque notandum venit, partium longarum & lubricarum, ex quibus aquam compositam diximus, plurimas quidem esse, quæ hinc & inde se inflectunt, & à motu qui eas ita flectit cessant, prout materia subtilis qua cinguntur, paulò majori aut minori robore pollet, ut paulò ante dictum est; sed præterea etiam quasdam esse paulò crassiores, quæ cum non ita flexiles sint, salis omnia genera componunt; & quasdam alias paulò subtiliores, quæ, cum non ita facile cessent ab isto motu, constant liquores illos tenuissimos, qui spiritus aut aquæ vitæ vocantur, & nullo frigore solent concrelescere. Cum autem illæ ex quibus aqua communis constat, omnino cessant ab eo motu qui eas flectit, non putandum est earum naturam exigere, ut omnes in rectum instar junci porrigantur, sed in multis, ut potius hoc vel illo modo curvatae sint: Unde fit ut tunc non possint se ipsas ad tam angustum spatium contrahere, quàm dum materia subtilis satis virium habens ad illas quomodolibet inflectendas, semper ipsarum figuras ad mensuram locorum quibus insunt, accommodat. Notandum etiam est cum hæc materia subtilis multò plus virium habet, quàm ad hoc requiratur, illam contrariâ ratione efficere, ut in majus spatium se diffundant. Quod facile erit experienciâ cognoscere, si aliquod vas longi satis & angusti colli calidâ repletum aëri exponamus, cum gelat, hæc enim aqua sensim subsidet, usque dum pervenerit ad certum aliquem frigoris gradum; Inde iterum paulatim intumescet & surget, usque dum gelu victa, consistat; atque ita idem frigus quod initio illam coget & condensabit, paulò post eandem rarefaciet. Experientia etiam docet aquam calentem, quæ igni apposita diu bullit, frigidâ & crudâ celerius congelari; atque hoc ex eo contingit, quòd tenuissimæ ejus partes & quæ, cum facillimè inflectantur, omnium maximè congelationi resistunt, ex eâ dum bullit egrediantur.

Ut autem facilius hæc hypotheses apud vos inveniant locum, nolim putetis me particulas corporum terrestrium tanquam atomos aut indivisibilia corpuscula concipere; sed potius cum omnes ex eadem materia consent, me credere unamquamque modis innumeris dividi posse, nec aliter inter se differre, quàm lapides variarum

## VIII.

*Quæ sint salium partium parvula; quæ etiam spirituum, sive aquarum ardentium. Cur aqua rarefiat dum congelatur, atque etiam dum incalescit. Et cur fervens citius congelatur.*

## IX.

*Particulas de quibus hic agimus, non esse indivisibiles: nec in hoc*

*trattatu  
quidquam  
negari eo-  
rum qua in  
vulgari  
Philosophia  
traduntur.*

figurarum ex eadem rupe excisos. Præterea etiam ne videar sponte Philosophis aliquam in me disputandi occasionem dare velle, moneo expresse, me nihil eorum negare, quæ illi, præter ea quæ jam dixi, in corporibus imaginantur, ut formas substantiales, qualitates reales, & similia, sed putare meas rationes tantò magis esse admittendas, quò simpliciora & pauciora sunt principia ex quibus pendent.

## C A P U T II.

### *De vaporibus & exhalationibus.*

I.  
*Quomodo vi  
Solis corpo-  
rum tempe-  
stium par-  
ticula non-  
nulla sursum  
attollantur.*



I consideremus materiam subtiliorem, quæ per terrestrium corporum poros fertur, vel præsentia Solis, vel simili qualicunque causa vehementius quoque exiguas istorum corporum partes impellere, facillimè intelligemus illam effecturam, ut quæ satis exiguæ sunt, & simul ejus figuræ, atque in tali situ, ut faciliè à vicinis separentur, huc atque illuc dissiliant atque in aërem attolantur: non quidem inclinatione quadam singulari, qua ascensum affectent, aut vi quadam Solis attrahente, sed solummodo quia locum nullum inveniunt, per quem faciliùs motum continuare queant: quemadmodum è terra pulvis surgit, si tantùm pedibus alicujus viatoris deorsum pellatur & agitetur; licet enim grana hujus pulveris magnitudine & pondere multùm exuperent exiguas partes de quibus hîc est sermo, nihilominus tamen sursum tendunt; videmusque altiùs illa eniti, cùm vasta planities discursantibus multis conculcatur, quàm si pars tantùm ejus ab uno ex iis prematur. Ideoque non est mirandum, si Solis actio per exiguas materiæ partes, quibus vapores & exhalationes componuntur, in sublime attollat, quum simul eodem tempore totum hemisphærium terræ illustret, eique integros dies incumbat.


II.  
*Quid sit va-  
por, & quid  
exhalatio.  
Plures va-  
pores quàm  
exhalatio-  
nes genera-  
ri. Quomodo  
crassiores  
exhalationes  
ex corporibus*

Sed notemus has exiguas partes ita sublatas in aërem vi Solis, ut plurimum illam figuram habere, quam partibus aquæ tribuimus: nullæ enim aliæ sunt, quæ faciliùs à corporibus in quibus hærent divellantur. Atque has solas abhinc speciatim vapores nominabimus, ut distinguantur ab aliis, quæ figuras magis irregulares habent, & quas, magis proprio vocabulo destituti, exhalationes dicemus. Sub harum autem nomine & illas comprehendam, quæ fere eandem cum aqua figuram habentes, sed magis subtiles, spiritus aut aquas vi-  
tæ componunt; quia faciliè ardent ut ipsæ, vapores autem nunquam.

Illas

Illas verò hinc excludam quæ cùm in multos ramos divisæ sint, sunt simul tam subtiles, ut non aliud corpus, quàm aëris component. *terrestribus egrediuntur.* Quod autem ad illas attinet quæ paulò crassiores etiam in ramos divisæ sunt, raro quidem ex corporibus duris, in quibus hærent, sua sponte egrediuntur; Sed si quando ignis illa depascit, omnes in summum solvuntur; Et aqua etiam poris illorum illapsa sæpius has librare & secum in sublime auferre potest; eadem ratione qua ventus per transversam sepe spirans paleas vel folia in virgultis hærentia secum rapit: seu potius quemadmodum ipsa aqua, in summum alembici secum attollit exiguas partes olei, quas Chymici ex plantis siccis plurimâ aquâ maceratis extrahunt, omnia simul destillantēs; atque hac operâ efficientes, ut paululum illud olei quod habent, cum magnâ immistæ aquæ copiâ assurgat. Revera enim plurimæ illarum eadem sunt, quæ corpora horum oleorum componere solent.

Notemus etiam vapores semper plus spatii occupare quàm aquam, *III. Cur aqua*



licet

*in vaporem  
versa valde  
multum loci  
occupet.*

licet nonnisi ex iisdem particulis consistit; quia cum hæ partes corpus aquæ componunt, non moventur nisi quantum sufficit ut se inflectant & labendo unæ aliis implicent; quemadmodum videmus illas exhiberi ad A. Sed contrà quum vaporis formam habent, agitatio illarum adeò est concitata, ut celerrimè rotentur in omnes partes, & eadem opera in longitudinem suam porrigantur; unde fit ut singulæ illarum reliquas suis similes, irruptionem in parvas sphæras, quas describunt, molientes, arcere atque abigere possint, ut illas cernimus repræsentari ad B; planè quemadmodum baculo LM, per quem funiculus NP tractus est, ce-



lerrimè rotato, videmus funiculum rectum atque extensum porrigi, occupantem eo ipso totum spatium comprehensum circulo NOPQ: Hac ratione ut nullum ibi aliud corpus locari possit, quod non cum impetu flagellet, atque expellere nitatur; sed motu factò lentiore, illum collabi, & baculum sua sponte circumdare, neque tantum spatii occupare, quàm angustia.


## IV.

*Quomodo  
iisdem vapo-  
res magis  
aut minus  
densari pos-  
sint. Quare  
insolitus ca-  
lor æstate  
interdum  
aëre nubilo  
sentiantur.  
Et quid va-  
pores cali-  
dos aut fri-  
gidos red-  
dat.*

Observemus præterea hos vapores modò magis, modò minùs esse densos aut raros, magis aut minus calidos vel frigidos; magis vel minus pellucidos vel obscuros; magis etiam vel minus humidos vel siccis. Primò enim cum partes illorum non amplius satis agitæ, ut rectæ maneat & extensæ, incipiunt convolvi atque accedere ad invicem, ut videmus ad C & D; vel etiam cum inter montes arctatæ, vel inter actiones diversorum ventorum mediæ, qui flatu opposito alios alii impediunt, quo minùs aërem agitent; vel cum sub nubibus quibusdam stantes, non tantum dilatari possunt, quantum agitatio illarum exigit, quales cernimus ad E; vel etiam denique cum plures earum simul maximam partem suæ agitationis motui in eandem partem independentes, non tam velociter rotantur quàm alias solent, quemadmodum illæ quæ ad F, ubi egressæ ex spatio E, ventum generant nitentem ad G. Palam est vapores, quos componunt, crassiores & magis coactos esse, quàm si horum trium nihil accideret. Manifestum quoque est si vaporem ad E tantundem agitatum fingamus, quantum est ille qui ad B, multò illum calidiorem fore; nam particulæ ejus magis coactæ plus virium ha-

bent;

bent; quemadmodum candentis ferri calor, ardentior est calore flammæ vel prunarum. Atque hinc est ille calor quem vehementiorem & magis veluti suffocantem æstate interdum sentimus, aëre tranquillo & nubibus undique æqualiter presso pluviam moliente, quàm eodem nitido & sereno. Vapor autem qui ad C, frigidior est illo qui ad B, licet particulas paulò arctius compressas habeat; quia multò minùs agitata easdem supponimus. Contra ille qui ad D, calidior, quia ejus particulas multò magis condensatas, &



non nisi paulò minùs agitata statuimus. Et qui ad F frigidior quàm qui ad E, licet partes non minùs compressas nec minùs habeat agitata; quoniam illæ magis conspirant in eundem motum, atque ideo particulas aliorum corporum minùs concutiunt. Ut ventus semper eodem modo spirans, licet vehementissimus, non tantùm agitat folia & ramos arborum, quantum languidior, sed magis inæqualis.

V.  
*Cur halitus  
 calidior  
 emittatur  
 ore valde a-  
 pesto, quàm  
 propeno-  
 dum clauso.  
 Et cur ma-  
 jores venti  
 semper fri-  
 gidi sint.*

Et experientia docebit, in agitatione parvarum partium, terre-  
 strium corporum calorem consistere, si contra digitos junctos for-  
 titer spirantes, observemus spiritum ore egressum, in exteriori ma-  
 nus superficie frigidum nobis videri, quia ibi celerrimè & æquali  
 robore latus, non multum agitationis efficit; Et contrà satis cali-  
 dum inter medios digitos; quia per illos lentius & inæqualius eni-  
 tens, magis tremulo motu exiguas illorum partes concitat. Ut il-  
 lum etiam semper calidum sentimus ore patulo & hianti flantes, &  
 frigidum eodem serè clauso. Atque ab hac eadem ratione est quod  
 communiter venti impetuosifrigidi sunt neque multi calidi spirant,  
 nisi etiam simul sint lenti.

VI.  
*Cur vapores  
 interdum  
 magis inter-  
 dum minus  
 radios lumi-  
 nis obtun-  
 dant. Cur  
 halitusoris  
 magis vi-  
 detur hye-  
 me quàm  
 æstate. Plu-  
 res vapores  
 solere esse in  
 ære cum  
 minime vi-  
 dentur  
 quàm cum  
 videntur.*

Præterea vapores ad B & E & F sunt pellucidi, nec visu à reliquo  
 aëre dignosci queunt: quum enim celerrimè, & eodem quo materia  
 subtilis, quæ illas circumjacet, impetu moveantur, non possunt im-  
 pedire ne actionem à lucidis corporibus manantem in se admittat,  
 sed potiùs ipsimet etiam illam admittunt. Contra verò vapor ad C  
 obscurior, sive minùs transparens evadit, quoniam ejus particulæ  
 non sunt ampliùs ita obsequentes huic materiæ subtili, ut quibullibet  
 ejus impulsionibus cedant: & vapor qui ad D, quia calidior  
 quàm qui ad C, non tam obscurus esse potest. Ut videmus hyberno  
 tempore calentium equorum halitum & sudorem propter aëris frig-  
 us specie densi & obscuri fumi crassescere, qui contra æstate, pro-  
 pter ejusdem aëris calorem, non apparet. Neque enim dubitandum  
 quin aër sæpe tam multos aut etiam plures vapores contineat, cum  
 nulli prorsus in eo videntur, quàm cum densissimi apparent: quomo-  
 do enim sine miraculo fieri posset, ut Sol torridus æstivo tempore,  
 media die, vel lacui vel locis paludosis incumbens, nullos vapores  
 inde elevarer? tum temporis enim notatur, aquas subsidere & de-  
 crescere magis, quàm aëre frigido & obscuro.

VII.  
*Quo sensu  
 vapores alii  
 aliis humi-  
 diores aut  
 sicciores dici  
 possint.*

Denique vapores, qui ad E humidiores sunt, id est, magis dispo-  
 siti ad transeundum in aquam, atque ad reliqua corpora instar aquæ  
 humectanda, quàm qui ad F. Nam contrà hi sicci sunt, quia validè  
 impellendo humida corpora quibus occurrunt, inde ejicere partes  
 aquæ in iis latentes & secum auferre possunt, atque ita illa exsiccare.  
 Ut etiam ventos impetuosos semper siccis experimur, neque hu-  
 midum quemquam nisi simul & languidum. Dicere quoque possu-  
 mus eosdem vapores, qui ad E, humidiores esse iis, qui ad D,  
 quum partes illorum plus agitatæ, meliùs aliorum corporum poris,  
 ad

ad ea humectanda se insinuare possint. Sed alio respectu sicciore etiam dici possunt; quia scilicet nimia partium agitatio prohibet, ne tam facile in aquam coeant.

Quantum ad exhalationes, longè plures qualitates admittunt, quàm vapores, ob majorem quam habent partium differentiam. Hic autem sufficit notasse, crassiores ferè nihil esse præter terram, qualem in fundo vasis cernimus, in quo pluvia, vel nivalis aqua refedit; subtiliores verò nil aliud, quàm spiritus, aut aquas vitæ, quæ semper priores è corporibus destillatis surgunt; Et mediarum alias commune quid habere cum volatiliùm salium, alias cum oleorum natura, seu potiùs cum illa fumi ex iis dum comburuntur egredientis. Et licet hæ exhalationes maximam partem non levantur in aërem, nisi vaporibus mixtæ, facillimè tamen ab iis postea separantur; aut sua sponte, quemadmodum olea ab aqua cum qua distillantur; aut agitatione ventorum adjutæ, quæ illas in unum aut plura corpora cogit; quemadmodum rusticæ lactis cremorem pulsando, butyrum à sero separant; vel etiam hoc solo quod vel leviores, vel ponderosiores, vel magis vel minùs vibratæ, in regione sublimiori vel humiliori commorantur, quàm ipsi vapores. Et communiter olea minùs altè levantur, quàm aquæ vitæ; & quæ magis terream habent naturam, minùs adhuc quam olea. Nullæ autem sunt quæ inferiùs subsistant, quàm illæ aquæ particulæ ex quibus sal commune componitur; quæ quamvis propriè loquendo, neque exhalationes neque vapores dici possint, cum nunquam altius quàm ad superficiem maris attollantur; quia tamen evaporatione hujus aquæ eò pertingunt, & multa habent valde notatù digna, quæ hic commodè possunt explicari, minimè illas omittam.

VIII.  
*Quæ sint  
varie exha-  
lationum  
nature: &  
quomodo  
seipsas à  
vaporibus  
segregent.*

## CAPUT III.

## De Sale.



Albedo maris consistit tantùm in crassioribus istis ejus aquæ particulis, quas paulò antè audivimus non convolvi aut flecti posse actione materiæ subtilis, quemadmodum reliquas, neque etiam agitari nisi minorum interventu. Primò enim, nisi aqua composita foret ex ejusmodi partibus, quales supra statuimus, æquè facile aut difficile illi esset, in quotlibet & cujuslibet figuræ partes dividi; atque idèò vel non tam libere, quàm solet, illaberetur corporibus, quorum

I.  
*Quæ sit na-  
tura aquæ  
salis: & cur  
oleum ex  
corporibus  
eo made-  
factis non tam  
facile egre-  
diantur quàm  
aqua.*

meatus satis laxi sunt, ut calci & arenæ; vel etiam quodammodo in ea penetraret, quæ arctiores illos habent, ut in vitrum & metallum. Deinde nisi hæ aquæ partes eam haberent figuram quam ipsis tribuimus, non tam facile ex poris aliorum corporum, quos insederunt, solâ ventorum agitatione aut calore expellerentur; ut olea & pinguiore alii liquores, quorum partes alias figuras habere diximus, manifestum reddunt: vix enim unquam omnino ejici possunt ex corporibus, quæ semel occuparunt. Postremo quoniam nulla in natura corpora videmus adeò accuratè similia, quin semper aliquantulum in magnitudine differant, neminem esse puto, qui difficulter patiatui sibi persuaderi aquæ etiam partes non omnino æquales esse, & præsertim in mari (quod est ingens aquarum omnium receptaculum) quasdam tam crassas inveniri, ut non possint instar aliarum, diversimodè inflecti ab ea vi quâ communiter agitantur. Atque hîc deinceps conabor demonstrare, hoc solum sufficere ut omnes salis qualitates in iis reperiantur.

## II.

*Cur tanta sit in sapore differentia inter salern & aquam dulcem. Cur sal carniū corruptionem impediat, easque duriores reddat: cur vero aqua dulcis eas corrumpat.*

Primo non mirandum est illas saporem pungentem & penetrantem habere, multum differentem ab eo aquæ dulcis; cū enim non possint à materia subtili, quæ illas circumjacet inflecti, necesse est ut in cuspides erectæ & telorum instar vibratæ linguæ poros ingrediantur, atque ita penetrent satis altè ad illam pungendam: cū è contrà partes aquæ dulcis molliter supra illam fluitantes, & semper in latera jacentes, ob facilitatem quâ flectuntur, vix gustu possint sentiri. Et particulæ salis ita punctim ingressæ poros carniū, quæ eo condiri solent ut asserventur, non modò humiditatem tollunt, sed etiam sunt instar paxillorum hîc illic inter earum partes defixorum, ubi immoti & non cedentes illas sustinent, & impediunt ne aliæ magis lubricæ seu plicatiles immixtæ, illas concutientes, loco moveant, atque ita corrumpant corpus quod componunt. Hinc etiam carnes salitæ successione temporis magis indurecunt; quas alioqui partes aquæ dulcis, se inflectendo, atque huc illuc poris earum illabendo, facile emollirent & corrumpere.

## III.

*Cur aqua salsa gravius sit quam dulcis; & nihilominus salis gravis in aqua ma-*

Præterea non mirum est aquam salisam dulci ponderosiores esse, quum partibus constet magis crassis & solidis: quæ propterea in minus spatium contrahi possunt; Ex hoc enim gravitas pendet. Sed inquisitione dignum est, quare partes illæ solidiores inter alias minus solidas mistæ remaneant, quum ob majorem gravitatem subsidere debere videantur. Et hujus rei ratio est, saltem in partibus salis



salis vulgaris, quod utramque extremitatem æqualiter crassam habeant, sintque omnino rectæ instar teli vel baculi: si enim unquam in mari quædam fuerint in una sui extremitate crassiores, & eo ipso ponderosiores quàm in altera, satis temporis à mundi exordio habuere, ut, crassiori ista parte deorsum inclinata, usque ad fundum descenderent; & si quæ fuerint curvæ, satis etiam temporis habuerunt, ut corporibus duris occurrentes, eorum poros ingrederentur; sed quia in hos semel immissæ, non tam facili se inde liberare potuerunt, quàm rectæ & in utraque parte æquales, ideo nullæ nunc præter has ibi esse possunt. Hæ autem quoniam transversæ sibi invicem incumbunt, præbent occasionem partibus aquæ dulcis, quæ à motu non cessant, illas interlabendi & se ipsis annulorum instar circumvolvendi, atque ita ordinandi ac disponendi, ut facilius motum continuare queant, & etiam celeriores habere quàm si solæ essent. Nam cum ita aliis circumvolutæ sunt, vis materiæ subtilis quâ agitantur, id tantum agendum habet, ut eas quàm citissimè circa particulas salis quas amplectuntur verteret, atque ex alia in aliam transferat, nullis interim ex earum plicaturis sive annulis immutatis; contrà verò cum solæ existentes aquam dulcem componunt, ita necessario implicantur, ut pars virium hujus materiæ subtilis debeat impendi in iis diversimodè flectendis, alioqui enim ab invicem non possent separari; & ideo tunc illas, nec tam facili, nec tam velociter movere, id est, ex uno loco in alium transferre potest.

Quum itaque sit verum partes aquæ dulcis partibus salis circumvolutas, facilius moveri posse quàm solas, non mirum est illas has circumlabi, cum satis prope adsunt, & ita complexas retinere ut illas ponderis inæqualitas non divellat. Quo fit ut sal satis facili solvatur, in aquam dulcem injectus, vel tantum humidiori aëri expositus; nec tamen solvatur in quantitate aquæ determinata, nisi determinata ejus quantitas; ea scilicet quam partes aquæ flexiles se circumvolvendo amplecti possunt. Et quoniam scimus pellucida corpora quo minùs motui materiæ subtilis, in poris suis hærentis, resistunt, hoc pellucidiora esse, inde etiam intelligimus aquam marinam naturaliter fluviali pellucidiorum esse debere, & refractiones paulò majores efficere.

Videmus quoque illam difficilius gelu constringi; quia nunquam aqua gelari potest, nisi quoties materia subtilis per partes illius fusa, non satis roboris ad illas agitandas habet. Hinc etiam

*rinæ superficiei formantur. Particulas salis communis esse longas, rectas, & in utraque extremitate æqualiter crassas: quomodoque disponentur inter particulas aquæ dulcis: & majorem esse particulæ agitationem in aqua salis, quàm in dulci.*

## IV.

*Cur sal facile humiditate solvatur: & cur in certa aqua dulcis quantitate, certa tantum ejus quantitas liquescat. Cur aqua marina pellucidior sit fluviali, & paulò major in ea fiat luminis refractione.*

## V.

*Cur non*

*causas*

*tam facile  
congeleatur:  
& quomodo  
aqua ope  
salis in gla-  
ciem verta-  
tur.*

causas arcani per ætatem componendæ glaciæ discere possumus; quod licet jam satis vulgatum, ex optimis tamen est quod ejusmodi arcanorum studiosi habent. Salem æquali copiâ nivis, aut glaciæ contusæ mixtum, circa aliquod vas aqua dulci repletum disponunt & sine alio artificio, ut illa simul solvantur, hæc in glaciem coit: Quia materia subtilis partibus hujus aquæ circumfusa; crassior aut minùs subtilis, & consequenter plus virium habens, quàm illa quæ circa nivis partes hærebat, locum illius occupat, dum partes nivis liquecendo partibus salis circumvolvuntur, faciliùs enim per salis aquæ quàm per dulcis poros movetur, & perpetuò ex corpore uno in aliud transire nititur, ut ad ea loca perveniat in quibus motui suo minùs resistitur: quo ipso materia subtilior ex nive in aquam penetrat, ut egredienti succedat, & quum non satis valida sit ad continuandam agitationem hujus aquæ, illam concre- scere sinit.

## VI.

*Cur difficil-  
lime sal ab-  
eat in vapo-  
rem. & aqua  
dulcis facili-  
me.*

Sed primaria partium salis qualitas est, maximè fixas esse, hoc est, non faciliè in vapores solutas attolli, quemadmodum partes aquæ dulcis. Quod non tantum accidit quia majores sunt, & ponderosiores, sed etiam quia cum longæ sint & rectæ, non diu in aëre librari possunt, sive ulteriùs ascensuræ sive descensuræ, quin altera earum extremitas deorsum pendeat, atque ita terræ ad perpendicularum immincant. Sive enim ad ascendendum sive ad descendendum, faciliùs aërem hoc situ quàm ullo alio secant. Quod non eodem modo in partibus aquæ dulcis fit; quum enim sint valde plicatiles, nunquam nisi celerrimè rotatæ in rectum porriguntur; quum contrà partes salis vix unquam hac ratione rotari possint; nam sibi invicem occurrentes, quia ipsarum inflexibilitas ne unæ aliis cederent impedi- ret, statim hæreæ aut motum interrompere cogerentur. Sed quum ita in aëre suspenduntur, alterâ suâ cuspide terræ obversâ, manifestum est potiùs descensuras quàm ascensuras; vis enim quæ sursum impellere posset, longè remissiùs agit quàm si transversæ jacerent, & quidem accuratè tantò, quantò aëris cuspidi resistentis quantitas minor est illa, quæ obniteretur longitudini, quum interea pondus illarum semper æquale hoc vehementiùs agat, quo aëris vis resistens minor est.

## VII.

*Cur aqua  
maris are-  
na percola-  
ta dulce-*

Quibus si addamus aquam marinam dum arenas permeat dulcescere (quia nempe partes salis, cum sint inflexibiles, non ut partes aquæ dulcis, per exiguos illos anfractus, qui circa sabuli grana repe-

reperiuntur labi possunt), discemus fontes & flumina, cum non nisi ex aquâ vel per vapores sublatâ, vel colatâ per multum arenâ conflata sint, minimè falsa esse debere. Itemque universas illas aquas dulces, quæ quotidie in mare ruunt, neque ejus magnitudinem augere, neque falsedinem minuere posse: Nam continuo totidem inde egrediuntur, quarum aliæ in vapores mutatæ sublimia petunt; atque inde in nivem aut pluviam glomeratâ decidunt in terram; aliæ autem & quidem plurimæ per subterraneos meatus usque ad radices montium penetrantes, & calore ibi incluso, velut resolutæ in vaporem, attolluntur in eorundem juga ubi scaturigines seu capita fontium vel fluviorum implent.

Scimus etiam aquam marinam magis salis esse sub æquatore quàm sub polis, si consideremus Solis æstum ibi vehementiorem plures vapores excitare, qui non semper eodem relabuntur unde venerunt; sed plerumque aliorum in loca polis viciniore, ut melius postea intelligemus.

Postremo, nisi accuratè ignis explicationi hic inhærere nollem, addi posset, quare aqua marina restinguendis incendiis fluviali minus idonea sit; Item quare agitata noctu scintillet. Videremus enim particulas salis, dum velut suspensæ inter illas aquæ dulcis hærent, facillimè concuti, & ita concussas, multoque robore pollentes, ex eo quod sint rectæ & inflexiles, non modo flammam augere si illi immittantur, sed etiam ex se solis aliquam accendere posse, si cum impetu ab aqua in qua sunt exiliant. Ut si mare A, cum



vehementia impulsus ad C, ibique illis scopulo, vel obstaculo alio simili assurgat ad B, impetus quem partes salis ex hoc concussu acquirunt, efficere potest, ut earum primæ in aërem juxta B ejectæ se ibi dulcis aquæ partibus quibus circumcingebantur expediant; atque ita solæ & certo intervallo ab invicem diffisæ, scintillas ignis generent, non absimiles iis quæ solent emicare ex silice per-  
 usso.

*scat; & aqua fontium & fluminum sit dulcis. Cur flumina in mare fluentia ejus aquas nec dulciores, nec copiosiores reddant.*

## VIII.

*Cur mare magis salis sit versus æquatore, quàm versus polos.*

## IX.

*Cur aqua salis minimis apta sit incendiis extinguendis quàm dulcis: & cur noctu dum agitur in mari, lumen emittat. Cur nec muria, nec aqua maris diu in vase servata sic luceat: & cur non equaliter omnes ejus gutta sic luceant.*

cusflo. Notandum tamen particulas salis ad hunc effectum admodum rectas & lubricas requiri, ut tantò faciliùs à partibus aquæ dulcis separari queant; unde nec muria, nec aqua marina diu in vase aliquo servata, ejusmodi scintillas emittit. Requiritur præterea; ut partes aquæ dulcis illas salis non nimis arctè complectantur; unde crebriores hæ scintillæ apparent cælo calido quàm frigido: Item ut mare satis agitatum & concitatum sit; Unde fit ut talis flamma ex omnibus ejus fluctibus non emicet: Ac postremò ut partes salis ferantur punctim instar sagittarum, potius quàm transversim; atque hinc fit ut non omnes guttæ ex eadem aqua exsistentes eodem modo reluceant.

## X.

*Cur aqua in  
littore maris  
fossis quibus-  
dam minime  
profundis  
includatur  
ad salem  
conscien-  
dum: & cur  
sal non fiat  
nisi aere ca-  
lido & sicco.*

Deinceps verò perpendamus quâ ratione sal dum generatur summæ aquæ innatet, licet admodum fixæ & ponderosæ illius partes sint, & quomodo ibi in exigua grana formetur, quorum figura quadrata non multum discrepat ab illa Adamantis, in mensurâ formam expoliti, nisi quod latissima illorum frons paulum excavata conspicitur. Primò necessarium est aquam marinam aliquâ fossâ excipi ad evitandam continuam fluctuum agitationem, & excludendam aquam dulcem, quam sine intermissione pluvix & flumina in Oceanum convehunt. Deinde requiritur aër satis calidus & siccus, ut agitatio materiæ subtilis quæ in eo est, ad partes aquæ dulcis, à partibus salis quibus circumvolvuntur liberandas & in vaporem attollendas sufficiat.

## XI.

*Cur omnium  
liquorum su-  
perficies sit  
admodum  
levis: & cur  
aque super-  
ficies diffi-  
cilius divida-  
tur quàm  
ejus interio-  
res partes.*

Et notandum aquæ, ut & aliorum omnium liquorum, superficiem perpetuò æqualem & maximè levem esse; quia partes quidem illius inter se uniformi motu moventur; partes quoque aëris illam tangentes pari inter se agitatione feruntur: at aquæ partes alia ratione & mensura agitantur, quàm aëris; & præterea materia subtilis partibus aëris circumfusa, longè aliter movetur, quàm ea quæ aquæ partes interfluit; atque hinc superficies utriusque politur, planè eodem modo ac si duo corpora dura attererentur, nisi quòd longè facilius & ferè in eodem instanti hic lævigatio fiat, propter partium, quæ in liquidis sunt mobilitatem. Hinc etiam fit ut superficies aquæ longè difficilius, quàm ejus interiora dividatur. Hoc autem ita se habere docet experientia; nam corpora satis parva, licet ex materia gravi & ponderosa, ut exiguæ acus chalybeæ, facile sustinentur & innatant summæ aquæ, quamdiu ejus superficies nondum divulsa est, sed ubi semel infra illam sunt, statim usque ad fundum descendunt.

Jam

*Quomodo  
salis parti-  
cula in aqua  
superficie  
haerent.*

Jam verò cogitandum est, aërem cum satis calidus est ad exco-  
quendum salem, non tantummodo quasdam flexibilibus aquæ par-  
tium excitare, & in vaporem elevare posse, sed etiam cum tanta ve-  
locitate attollere, ut prius illæ ad summam hujus aquæ superficiem  
perveniant, quàm tempus habuerint partibus salis quibus fuerunt  
circumvolutæ, se omnino liberandi; easque idcirco eo usque secum  
adducunt, nec prius planè deserunt, quàm foramen exiguum, per  
quod ex corpore aquæ emerferunt, sit clausum: Unde fit ut hæ par-  
ticulæ salis ab iis aquæ dulcis postmodum reli-  
ctæ huic superficiæ supernatent: Ut eas repræ-  
sentari videmus ad D. Cum enim ibi transver-  
sim jaceant, non satis habent gravitatis ad subsi-  
dendum, ut nec acus chalybeæ, de quibus dixi-  
mus, sed tantum, paululum superficiem deprimunt. Atque ita primæ quæ hoc pacto aquæ su-  
pernatant, hinc inde per ejus superficiem spar-  
sæ, multas veluti fossas aut cavitates perexiguas in ea formant: Dein-  
de quæ sequuntur emergentes ex harum fossarum lateribus, pro-  
pter eorum quantulamcunque declivitatem, delabuntur ad ipsarum  
fundum, ibique se prioribus adjungunt. Et inter cætera hîc obser-  
vandum ex quacunque demum illæ par-  
te adveniant, aptè ad latus priorum se ap-  
plicare, ut videmus ad E, secundas sal-  
tem, sæpe etiam tertias; quoniam hoc  
ipso paulò altiùs descendunt, quàm si in  
alio situ remanerent, ut in eo qui exhibe-  
tur ad F, vel ad G, vel ad H. Motus  
etiam caloris, semper aliquantillum su-  
perficiem agitans, hanc dispositionem pro-  
moveret.



Cum autem ita duæ aut tres in singulis fossis porrectæ jacent, quæ  
præterea allabuntur, eodem modo iis jungi possunt, saltem si spon-  
te aliquo modo ad hunc situm accedant. Sed si accadat ut propen-  
deant magis ad extremitates, quàm ad latera priorum, iis applican-  
tur ad angulos rectos, ut videmus ad K: quia etiam paulò altiùs  
hac ratione descendunt, quàm si aliter disponerentur, velut ad L,  
aut ad M. Et quoniam totidem circiter ad extremitates duarum aut  
trium priorum accedunt, quàm ad latera; hinc fit ut aliquot centenæ

*Cur cujusque  
salis grani  
basis sit qua-  
drata: & quomodo ba-  
sis ista sit a-  
liquantulum  
curva, quoniam  
plana vi-  
detur.*

ita ordinatæ primò exiguam veluti tabulam contexant, figuræ ad oculum satis quadratæ, quæ est instar basis nascentis grani. Et notandum tribus tantum ex illis particulis aut quatuor, eodem situ ibi positis ut ad N, medias semper paulò altiùs demitti quàm exteriores. Sed deinde supervenientibus aliis, quæ transversæ iis junguntur, ut ad O, illas exteriores ferè tantundem deprimi, quantum interiores; unde fit, ut exigua tabula quadrata, basis futuri grani salis, quæ ut plurimum ex aliquot centenis simul junctis est composita, nonnisi plana appareat, etiam si sit semper aliquantulum curva. Jam verò prout hæc tabula accrescit, ita quoque altiùs descendit, sed paulatim, & tam lentè, ut aquæ superficiem suo pondere non dividat, sed deprimat tantum; Et cum in certam magnitudinem crevit, tam demissa est, & isti superficiem aquæ sic immerfa, ut partes salis eò devolutæ, non adhærent tabulæ oris, sed transgressæ eodem modo & situ super ipsam labantur, quo priores per superficiem aquæ.

## XIV.

*Quomodo  
integrum sa-  
lis granum  
isti basi in-  
edificetur.  
Cur sit qua-  
dam cavi-  
tas in medio  
istorum gra-  
norum: &  
cur eorum  
superior pars  
latior sit  
quàm basis:  
& quid ba-  
sim reddat  
majorem vel  
minorem.*

## XV.

*Cur inter-  
dum parti-  
cule salis a-  
qua secundum  
petant,  
priusquam  
in grana pos-  
sint con-  
crescere.  
Quomodo*

Quo ipso alia tabula quadrata ibi surgit, itidem paulatim altiùs descendens, donec rursus particulæ salis allabentes, hanc superare & tertiam quandam tabulam formare possint; atque ita deinceps. Sed particulæ salis secundam tabulam componentes, non tam faciliè per priorem devolvuntur, quàm quæ illam primam formabant per aquam; neque enim superficiem tam æqualem & facilem ibi offendunt, & propterea sæpius ad medium non pertingunt; quòd cum eo ipso vacuum relinquatur, tardiùs hæc secunda tabula descendit, quàm prima; sed paulò major fit antequam tertia incipiat formari, & denuò hæc paulò plus vacui in medio relinquendo, paulò major evadit quàm secunda, & ita porro, donec integrum illud granum ex pluribus hujusmodi menfulis coacervatis, absolvatur; id est, donec oras vicinorum granorum contingens, ulterius crescere nequeat.

Magnitudo primæ tabulæ à gradu caloris est, quo aqua, dum illa fit, agitur; quòd enim hæc agitatio major est, hoc altiùs particulæ salis innatantes superficiem illius deprimunt, atque ita basis minor fit; immò aqua tam validè concuti potest, ut partes salis pessum eant, antequam ullum granum formaverint. Ex quatuor lateribus hujus basis, quatuor frontes surgunt, cum quadam acclivitate, quæ si calor semper æqualis fuerit inter generandum hoc granum, non nisi ex causis jam enumeratis dependet; sed si intendatur, hæc acclivitas in parte harum frontium quæ tunc formabitur minor erit, & contra major si

remit-

remittat : Atque si alternatim modò augeatur modò minuatur, quasi in gradus hæ acclivitates videbuntur fractæ. Et quatuor veluti costæ connectentes has quatuor frontes, nunquam valde acutæ sunt & præcisæ; partes enim, quæ lateribus hujus grani sese adjungunt, ut plurimum quidem in longum porrectæ, quemadmodum diximus, ibi adhærent; sed quæ ad angulos ex quibus hæ costæ surgunt devolvuntur, facilius aliter se applicant; quemadmodum scilicet exhibentur ad P, quod hos angulos paulò obtusiores & minùs æquales reddit; unde ipsum etiam granum sæpissimè fragilius est hîc quàm alibi, & spatium in medio vacuum, rotundum potius quàm quadratum.

*alibi grana frangantur: & cur cavitas qua in medio est cujusque grani, rotunda potius sit quàm quadrata.*



*quatuor latera cujusque grani, modò magis, modò minùs inclinata & inæqualia reddantur. Cur commissura istorum laterum non sint admodum accurata, faciliusque in infis quàm*

Præterea quoniam hæ partes granum componentes, præter ordinem quem explicavimus, cætera satis confusè junguntur, sæpius inter illarum extremitates, quas se mutuò contingere non necesse est, satis vacui spatii relinquuntur ad recipiendas aliquas dulcis aquæ partes, quæ ibi inclusæ & conglobatæ remanent; velut videmus ad R, saltem quamdiu non nisi mediocriter moventur; sed cum vehementi calore concitantur, magno impetu dilatari nituntur, eodem modo quo suprà diximus, quum aqua in vapores solvitur, atque ita hos carceres cum fragore disrumpunt. Unde fit ut salis grana, si integra in ignem mittantur, crepitando diffilient; non autem si priùs comminuta fuerint & in pulverem redacta; tum enim hæc claustra jam effracta sunt.



*XVI. Cur grana ista in igne crepitent quum integra sunt, confracta autem non crepitent.*

Præterea nunquam aqua marina tam purè ex particulis jam descriptis componi potest, quin aliæ simul immistæ occurrant, quæ licet multò tenuiores sint, ibi tamen commorari, & particulis salis inferi possunt; atque ab his procedit gratissimus ille violarum odor, quem recens sal album exhalat; Itemque ille sordidus color, quem in nigro videmus, omnesque aliæ proprietates quæ in salibus, ex diversis aquis excoctis reperiuntur.

Denique rationem intelligemus, cur salis grana satis facilè conterri possint & friari, si recordemur qua ratione partes ejus inter se necitantur. Intelligemus etiam cur sal cum satis purus est, semper vel albus vel pellucidus appareat, si ad crassitiem particularum ex quibus

*XVII. Unde oriatur odor salis naturæ alter albi, & color nigri.*

*XVIII. Cur sal sit friabile, album, vel transparent: &*

*cur facilius  
liqueſcat  
quum grana  
eius integra  
ſunt, quam  
quum ſuſ-  
trata conſra-  
ta. & leuiſ-  
ſicata. Cur  
eius particu-  
le minius fle-  
xiles ſint  
quàm aqua  
dulcis; &  
cur tam he-  
quàm ille  
teretes ſint.*

buſ ejus grana componuntur, & ad naturam coloris albi, quæ infrà explicabitur, ſpectemus. Neque mirabimur ſalem granis integris & non ſiccatis, ſatis facile ad ignem liqueſcere, cùm ſciamus tunc illum plures aquæ dulcis particulas ſuis immiſtas habere. Neque contrà, hoc ipſum multò difficiliùs fieri, granis contuſis & lento igne exſiccatis, adeò ut omnes aquæ dulcis particule ex eo evolarint; ſi conſideremus tunc illum non poſſe liquidum fieri, niſi permultis ex ejus partibus inflexis & complicatis illas autem non niſi admodum difficulter inflecti. Nam licèt fingere poſſimus omnes particulas aquæ marinæ fuiſſe olim quaſi per gradus unas aliis paulò magis flexiles; vel paulò minùs, adeò ut inter minimas, quæ ad ſalem pertinebant, & maximas quæ ad aquam dulcem, vix ulla differentia eſſet. Quia tamèn ex tunc ſe inflectere atque aliis circumvolvere cœperunt, progreſſu temporis ſe paulatim emollire, & magis ac magis flexiles reddere debuerunt, & contrà aliæ quibus circumvolutæ ſunt, planè rigidæ & inflexiles remanere; Nunc omnino putandum eſt magnum diſcrimen inter has & illas eſſe. Utræque tamen ſunt teretes live rotundæ; nempe partes aquæ dulcis inſtar reſtis vel anguillæ, & ſalis inſtar baculi vel cylindri: Quæcunque enim corpora diu & diverſimodè ita moventur, figuram aliquo modo circularem aſſumunt.

XIX.  
*Quomodo o-  
leum quod-  
dam, ſive  
potius aqua  
acidiffima  
ex ſole ex-  
trahatur.  
Et cur ma-  
gna ſit diffe-  
rentia inter  
ſaporem  
iſtius aquæ  
aciæ, &  
ſalis.*

His autem ita cognitis facilè etiam agnoſcitur natura iſtius aquæ fortiffimæ atque acidiffimæ, quæ Chymicis ſpiritus vel oleum ſalis dicta, aurum ſolvit. Quum enim non ſine magna vehementia ingentis ignis extrahatur, ex ſale vel puro vel alio corpori maximè ſicco & fixo immiſto, ut lateri coctili qui impedit ne liqueſcat: palam liquet partes illius eaſdem eſſe, quæ antea ſalem compoſuere, ſed illas per alembicum aſcendere non potuiſſe, & ita ex fixis in volatiles mutari; niſi poſteaquam inter ſe colliſæ & vi ignis agitatæ, ex rigidis & inflexibilibus quales erant, plicatiles evaſerunt, atque eàdem operâ ex teretibus planæ & ſecantes, ut folia Iridis vel gladioli; nam aliàs minimè flecti potuiſſent. Unde etiam ratio in promptu eſt, quare ſaporem multum à ſale diſcrepantem habeant, in longum enim porrectæ linguæ incubantes, acie ſuâ extremitatibus nervorum illius obverſâ, atque ita ſecando devolutæ, alio planè modo quàm antea illos afficere debent, & conſequenter alium ſaporem, acidum nempe, excitare. Atque ita reliquarum proprietatum huius aquæ ratio reddi poſſet: ſed quia in infinitum hic labor

excur-



excurreret, nunc ad vapores reverſi, exploremus qua ratione illi in aëre moveantur, & ventos ibi generent.

## CAPUT IV.

## De ventis.




Mnis aëris agitatio ſenſibilis ventus appellatur, & omnia corpora tactum viſumque effugientia dicimus aërem. Sic rarefactam aquam & in vaporem ſubtiliſſimum tranſmutatam, in aërem converſam aiunt. Licet publicus ille aër quem reſpiramus, ut plurimum ex particulis, quæ multò tenuiores ſunt partibus aquæ, & figuram omnino diverſam habent, componatur. Atque ita aër ex folle eliuſ, vel ſtrello impuſus, ventus nominatur; licet venti latiùs diſfuſi terrasque & maria perſantes, nihil ſint niſi vapores moti, qui dilatati, ex loco arctiori in quo erant, in alium ubi faciùs expandantur, tranſeunt.

Eâdem ratione quâ in globis, quos Æolipylas dicunt, paululum aquæ in vaporem reſoluta, ventum ſatis magnum & impetuoſum, pro ratione materiæ, ex quâ generatur, excitat. Et quoniam hic ventus artificialis, ventorum naturalium cognitioni haud

parum lucis affundere poteſt, e re fore arbitror illum hic explicari. A B C D E eſt globus ex ære vel aliâ tali materiâ, totus cavus & undiquaque clauſus, niſi quod aperturam exigua habeat in regione D, cujus parte A B C aquæ plena, & altera A E C vacua, id eſt, niſi extra aërem continen-

te, illum imponimus igni, cujus calor exiguas aquæ partes agitando, efficit ut multæ ſupra ejus ſuperficiem A C attollantur, ubi expanſæ & rotatæ colliduntur, magnoque molimine recedere ab invicem nituntur, ut ſuprà explicatum fuit; & quia ſe ita expandere atque ab invicem remove non poſſunt, niſi quatenus aliqua ex iis per ſoramen D egrediuntur, tota illa vis, quâ plures colliduntur, tan-




I.  
*Quid ſit  
ventus.*

II.  
*Quomodo in  
Æolipylis ge-  
neretur.*

quam in unum collecta, id agit ut proximas per illud exturbet. Atque ita ventus à D ad F spirans excitatur. Et quia semper aliæ hujus aquæ particulæ, in altum ab hac superficie A C à calore sublata, dilatantur atque ab invicem recedunt, dum interim per foramen D aliæ enitantur, hic ventus non cessat antè universam globi aquam exhalatam, vel calorem extinctum.

III.  
*Quomodo etiam in aëre fiat. Ventos præcipue ex vaporibus oriri, sed non ex iis solum componi. Et cur à vaporibus potius quàm ab exhalationibus oriantur.*

Venti autem illi naturales qui solent in aëre sentiri, eodem ferè modo quo hic artificialis generantur, & præcipue tantum in duabus rebus discrepant. Quarum prima, quòd vapores unde hiis origo, non tantum ab aquæ superficie, ut in hoc globo, sed etiam à terra humenti, nive & nubibus emittantur; & quidem plerumque majori copia, quàm ex aqua: quòd in illis particulæ ferè jam separatæ & disjunctæ, faciliùs porro divellantur. Altera, quòd vapores arctius quidem in Æolipyla possint detineri, quàm in aëre; ubi tantum objectu vel aliorum vaporum, vel nubium, vel montium, vel denique ventorum ex aliis locis venientium, impediuntur, ne ubivis æqualiter se extendant; sed vicissim alii alibi vapores sæpe reperiun-



tur,

tur, qui eodem tempore condensati quo hi dilatantur, locum à se relictum illis occupandum tradunt. Ut si exempli gratiâ magnam vaporum copiam imaginemur consistere in aëris regione F, qui se expandentes multò majus spatium eo quo continentur affectant; & simul eodem tempore alios hæere ad G, qui coacti ac in pluviam vel nivem mutati, maximam partem spatii quod occupabant deserunt; minimè dubitabimus, quin illi qui juxta F reperiuntur, digressuri sint ad G, atque ita ventum eò ruentem generaturi; præferim si etiam cogitemus eos impediri, quò minus ferantur versus A vel B, ab altissimis montibus ibi sitis; & quò minus ferantur versus E, ab aëre spisso, & vi alterius venti spirantis à C ad D condensato: Et postremò nubes supra illos stare, quæ prohibent ne altius possint evolare. Hic autem observemus, vapores ita de loco in locum transcentes, omnem aërem iis in via occurrentem, & omnes exhalationes isti aëri permixtas secum deferre; Adcò ut quamvis illi propemodum soli, ventis causam dent, non tamen soli eosdem component; sed dilatationem & condensationem harum exhalationum, & hujus aëris, quantum in se est, generationem ventorum etiam juvare: hoc tamen adcò parum esse, ut vix in rationem venire debeat. Aër enim dilatatus duplum tantum aut triplum spatii illius præter propter occupat, quod à mediocriter condensato occupari solet; quum contrà vapores, bis vel ter millies tantundem exigant; & exhalationes non dilatantur, id est, non extrahuntur ex corporibus terrestribus, nisi per vehementem calorem; nec ferè unquam deinde quantumcunque aspero frigore tantum constringi possunt, quantum antea fuere: Quum contrà & exiguus calor solvendæ in vaporem aquæ, & moderatum etiam frigus vaporibus deinde in aquam glomerandis sufficiat.

Sed jam speciatim proprietates & generationem principum ventorum contemplemur. Primò observatur totum aërem circa terram ab Oriente ad Occidentem volvi: Idque hoc loco supponendum erit, cum commodè ratio diduci nequeat, quin totius universi fabrica simul explicetur, quod extra nostrum propositum. Sed deinde notatur ventos Orientales plerumque multò sicciores esse, magisque aptos ad serenum aërem & nitidum reddendum, quàm Occidentales: quia hi nitentes contra naturalem vaporum cursum illos sistunt, atque in nubes cogunt; cum contrà illi eosdem pellant & dissipent. Ut plurimum etiam Ori-

IV.  
Cur venti ab  
Oriente sic-  
ciores sint  
quàm ab  
Occidente:  
& cur mane  
potissimum  
ab Oriente,  
ac vespere  
ab Occiden-  
te fient ven-  
ti.

tales

tales manè spirare animadvertimus, Occidentales verò vesperi. Cujus rei causa manifesta erit, contemplanti terram A B C D & Solem S, qui hemisphærium A B C illustrans, & faciens medium diem ad B, mediam noctem ad D, eodem tempore occidit respectu populorum habitantium ad A; & oritur respectu habitantium ad C. Nam quia vapores ad B, valde dilatati sunt calore diurno, feruntur partim per A, partim per C versus D, ubi spatium illorum occupaturi quos frigus noctis ibi condensavit, efficiunt ventum occidentalem ad A, ubi Sol occidit, & orientalem ad C, ubi exoritur.




V.  
Quòd cateris paribus venti ab Oriente fortiores sint quàm ab Occidente.  
& cur ventus Borealis sæpius flet de die quàm de nocte.  
Cur potius tanquam ex calo versus terram, quàm ex terra sursum versus?  
& cur ceteris soleant esse fortior, atque valde frigidus & siccus.



Et hic ventus ita factus ad C, ut plurimum fortior est, & celerius rapitur, quàm ille qui generatur ad A: tum quia cursum totius massæ aëriæ sequitur, tum etiam quia in parte terræ, quæ est inter C & D, citius & fortius ob diuturniorem Solis absentiam, facta est vaporum condensatio, quàm in illa quæ est inter D & A. Constat etiam ventos Septentrionales ut plurimum interdum spirare, illosque ex alto ruere, maximeque violentos, frigidos, & siccos esse. Cujus ratio patebit, si consideremus terram E B F D, sub polis E & F, ubi non multum Sole incalescit, multis nebulis & nubibus rectam esse; atque ad B, ubi Sol in illam directos & perpendiculares radios mittit, plurimos vapores excitari, qui actione luminis agitati celeriter sublimia petunt; usque dum eo pervenerint, unde vi sui ponderis urgente, facilius ad latera detorquentur, & iter suum tenent versus I & M, supra nubes G & K, quàm ulterius rectà ascendant: cumque hæ nubes G & K etiam incalescant & rarefiant à Sole, vapores inde egressi potius progrediuntur à G ad H, & à K ad L, quàm vel ad E vel ad F: aër enim crassus qui sub polis est, validius iis obni-

obnuitur, quàm vapores è terra  
versus meridiem surgentes, quia  
hi vehementer concussi, & ad mo-  
tum quaquaversum jam parati,  
non gravatè iis loco cedunt. At-  
que ita si ponamus Arcticum Po-  
lum esse versus F, motus vapo-  
rum à K ad L, ventum Septen-  
trionalem excitabit, interdiu per  
Europam spirantem: qui ventus  
ex alto præceps ruit; nam ex nu-  
bibus in terram fertur. Valde quo-



que ut plurimum impetuosus est; nam æstu omnium maximo exci-  
tatur, Meridiano scilicet, & materiâ omnium facillimè in vapores  
dissolubili, nubibus scilicet, constat. Postremò hic ventus frigidissi-  
mus & siccissimus est, cum ob ingentem illius vim; suprà enim dixi-  
mus ventos impetuosos semper siccos & frigidos esse; tum etiam  
siccus est, quia ut plurimum ex particulis aquæ dulcis crassioribus  
cum aëre mixtis componitur, & humiditas præcipuè consistit in sub-  
tilioribus, quæ rarè in nubibus, unde hic ventus originem ducit,  
commorantur: Nam, ut mox videbimus, glaciè potiùs, quàm aquæ  
naturam obtinent; tum etiam frigidus est, quia secum meridiem ver-  
sus materiam subtilissimam Borealem rapit, quæ primaria frigo-  
ris causa est.


E contra observatur ventos meridionales noctu ut plurimum  
flare, ex humili in sublimia eniti, lentos esse & humidos, cujus rei  
ratio manifesta itidem erit intuentibus terram EBF D, & cogi-  
tantibus partem illius D, quam sub Æquatore & in qua nunc no-  
ctem esse suppono, satis adhuc caloris à diurno Sole retinuisse, ad  
attollendos ex se multos vapores; sed aërem qui est paulò altiùs ver-  
sus P, non parum refrigisse. Nam communiter omnia corpora crassa  
& ponderosa, ut terra quæ est ad D, diutius receptum calorem ser-  
vant, quàm subtilia & levia, ut aër qui est ad P. Atque hoc efficit  
ut vapores qui tunc versus P existunt non effluant versus Q & R,  
quemadmodum ii qui sunt in aliâ parte effluunt versus I & M, sed  
ibi cogantur in nubes, quæ impediunt, quò minùs alii vapores  
terrâ D egressi altè ascendant, illos undequaque inflectunt versus  
N & O, atque ita efficiunt ventum illum Meridionalem; qui noctu

VI.

*Cur ventus  
australis  
sepius flet  
noctu quàm  
interdiu: &  
cur flet tan-  
quam ex  
mo in al-  
tum. Cur  
soleat esse  
lentior cae-  
teris & de-  
bilior, nec  
non calidus  
& humi-  
dus.*

z

solet



solet spirare, & ex inferiori loco in altum eniti, à terra nempe in aërem, & qui non potest esse nisi lentissimus, tum quia crassities aëris nocturni cursum illius tardat, tum quia materia qua constat, terrâ tantum vel aquâ egressa, non tam promptè, nec tantâ copiâ dilatatur, quàm materia reliquorum, quæ plerumque à nubibus effunditur. Postremò calidus quoque & humidus est, tum

ob segniores cursum; Tum etiam humidus est, quia ex partibus aquæ dulcis tam crassioribus quàm subtilioribus componitur, quippe quæ simul è terra surgunt. Et calidus est, quia materiam subtilem quæ in meridionali plagâ erat, Septentrionem versus secum ducit.

## VII.

*Cur incunte  
vere venti  
sint sicci-  
res; & tunc  
aëris muta-  
tiones magis  
subitaneæ  
ac frequen-  
tes fiant.*

Palàm etiam est mense Martio, & in universum toto vere, ventos sicciore, & mutationes aëris frequentiores & magis subitas esse, quàm ulla alia anni tempestate. Cujus rationem adhuc inspectus terræ globus E B F D revelare potest, si cogitemus Solem (quem è regione circuli B A D repræsentantis Æquatorem consistere fingo, & ante tres menses è regione circuli H N, tropicum Capricorni repræsentantis, hæsisse) multò minùs hemisphærium terræ B F D, in quo jam vernum tempus facit, calefecisse, quàm alterum B E D, ubi Autumnum; & consequenter hoc dimidium B F D magis nive contactum, totumque aërem quo cingitur crassiorem & nubibus magis refertum esse, quàm illum qui alterum dimidium B E D circumdat. Atque hinc est quod interdiu vapores multò plures ibi dilatantur, & viceversa noctu plures condensantur; māsā enim terræ minùs ibi calefactâ, vi interea Solis non minore existente, major est inæqualitas inter calorem diurnum & nocturnum frigus; atque ita venti Orientales, manè ut dixi plerumque spirantes, & Septentrionales mediâ die, uterque siccissimus, illo anni tempore validiores, quàm ullo alio esse debent. Et quum venti Occidentales vesperi flantes satis quoque fortes sint ob eandem rationem ob quam Orientales manè spirantes, simulac vel minimùm ordinarius horum ventorum cursus, aut juvatur, aut tardatur, aut detorquetur

à causis

à causis particularibus, quæ in singulis plagis magis aut minùs aërem dilatare, aut condensare possunt, plures ex iis inter se concurrunt, & ita pluvias generant & tempestates; quæ tamen paulò post cessare solent, quia venti Orientales & Septentrionales, pellendis nubibus idonei superiores evadunt.

Et crediderim hos ventos Orientales & Septentrionales esse, quibus Græci Ornithiarum nomen ob reductas aves, vernam auram sequentes, imposuere. Sed quantum ad Etesias, quos à Solstitio æstivo observabant, verisimile est illos provenire ex vaporibus vi Solis à terris & aquis quæ in Septentrione sunt elevatis, postquam jam satis diu ad Tropicum Cancræ hæsit. Constat enim illum diutius in Tropicis morari, quàm in spatio interjecto: & cogitandum mensibus Martio, Aprili, & Maio, maximam nubium & nivium partem, quæ circa polum nostrum hærebat, in vapores & ventos resolveri; Ventosque istos ab initio veris (quò tempore sunt calidissimi) ad Solstitium æstivum, paulatim deficiente materia languescere; Mense verò Junio nondum ibi terras & aquas satis esse calefactas, ut materiam novi venti suppeditent; Sed paulatim Sole ad Tropicum Cancræ commorante, magis & magis illas incallescere, tandemque idcirco Etesias producere, quum magnæ illius & pertinacis dici, quæ ad sex integros menses ibidem extenditur, Meridies paululum inclinat.

Cæterùm hi venti Generales & Regulares perpetuò tales forent, quales illos descripsimus, si superficies terræ ubivis æqualiter aqua tegetetur; vel æqualiter extra illam emineret, adeò ut nulla omnino marium, terrarum, & montium diversitas esset, nec ulla alia causa extra præsentiam Solis, quâ vapores dilatarentur; nec ulla extra ejus absentiam, quâ condensarentur. Sed notandum Solem dum splendet, communiter plures vapores ex mari quàm terrâ attollere; quia terra multis in locis exsiccata non tantùm materiæ illi quàm aqua suppeditat; & contrà cùm Sol recessit, calorem relictum, plures è terrâ quàm è mari elevare, quia terra diutius quàm mare calorem sibi impressum retinet: Et propterea sæpius in littoribus observatur, ventos interdum à mari, noctu à terra spirare: Ignis etiam fatuus ob eandem causam viatores noctu ad aquam ducit, indifferenter enim aëris cursum sequitur, qui eò à vicinis terris propterea defertur, quòd ille qui ibi est magis condensetur.

Item notandum aërem qui superficiem aquarum tangit, motum

VIII.  
*Qui sunt  
venti ab an-  
tiquis Orni-  
thiæ dicti.  
Et qui sunt  
Etesia.*

IX.  
*Quid conse-  
rat terra-  
rum & ma-  
rium diver-  
sas ad ven-  
torum pro-  
ductionem.  
Et cur sæpe  
in locis ma-  
ritimis in-  
terdum fient  
venti à ma-  
ri, & noctu  
à terra.  
Curque  
ignis fatui  
noctu via-  
tores ad a-  
quas du-  
cant.*

X.  
*Cur sæpe*

*venti in lit-  
tore maris  
cum ejus  
fluxu & re-  
fluxu mu-  
tentur. Et  
cur idem  
ventus sit  
multo vali-  
dior in ma-  
ri quàm in  
terra: so-  
lentque in  
quibusdam  
regionibus  
esse siccus,  
in aliis hu-  
midus. Cur  
in Ægypto ventus Meridionalis sit siccus, & vix unquam pluat.*

illarum quodammodo sequi; unde sæpius venti juxta maris littora cum fluxu illius & refluxu mutantur; & tranquillo aëre circa majora flumina placidi quidam venti, cursum illorum secuti, sentiuntur. Hic etiam notandum vapores ex aquis emissos humidiores semper & crassiores illis esse, qui ex terris attolluntur, quique ideo multò plus aëris atque exhalationum secum vehunt: unde fit ut eadem tempestates gravius in mari quàm in terra sæviant, & idem ventus qui in una regione siccus est, in alia humidus esse possit. Ita venti Meridionales humidi serè ubivis, sicci in Ægypto feruntur, ubi terra Africa, sicca & combusta, materiam iis suppeditat. Hinc etiam procul dubio rarò ibidem pluit; licèt enim venti Boreales à mari spirantes, ibi humidi sint, tamen, quia sunt etiam omnium frigidissimi, non facillè pluviàm generare possunt, ut postea videbimus.

## XI.

*Quomodo  
& quatenus  
Astra  
conferant  
ad Meteora  
producenda.*

Præterea considerandum est lumen Lunæ, quod admodum inæquale est, prout accedit ad Solem aut ab eodem recedit, dilatationem vaporum juvare; itemque lumen aliorum siderum. Sed tantùm eadè proportionem, quàm in oculos nostros illa agere sentimus; oculi enim ad cognoscendam luminis vim indices omnium certissimi sunt. Et ideo etiam stellæ comparatæ ad Lunam vix in rationem huc venire debent, ut neque Luna comparata ad Solem.

## XII.

*Quid etiam  
ad ipsa con-  
ferant in-  
æqualitates  
partium  
terræ. Unde  
que oriatur  
varietas ven-  
torum parti-  
cularium,  
& quàm  
difficile sit  
ipso præ-  
dicere.*

Denique considerandum est, vapores ex diversis regionibus terræ admodum inæqualiter surgere. Nam montes aliter Astris incalescunt quàm planities, nemora aliter quàm prata, & fundi exculi quàm relictî; terræ etiam nonnullæ ex naturâ suâ sunt aliis calidiores, vel ad calorem suscipiendum aptiores. Et præterea cum valdè inæquales nubes in aëre formentur, eæque facillimè ex uno loco in alium transferantur, & diversis à terrâ intervallis sustineantur, & quidem interdum plures simul, una sub aliâ; Astra longe aliter in superiores quàm in inferiores agunt, & in has quàm in subjectam terram, alio etiam modo in easdem regiones terræ, cum nubibus teguntur, quàm cum nullis, & postquam pluit aut nixit, quàm ante. Quamobrem fieri non potest ut particulares ventos prænoscamus qui in singulis terræ partibus singulis diebus obtinebunt: Nam sæpe etiam contrarii unus supra alium feruntur.

## XIII.

*Ventes ge-  
nerales faci-*

Sed si omnia quæ hæcenus dicta fuere probè observemus, poterimus utcumque conjicere qui venti frequentiores & vehementio-



res debeant esse, itemque quibus in locis & temporibus regnare. Atque hoc præcipuè sciri poterit in iis maris partibus quæ à terris sunt valde remotæ; cum enim in ejus superficie neutiquam tanta sit inæqualitas, quantam in terrestribus locis notavimus, venti multò minùs irregulares ibi generantur, & qui à littoribus eò versus provehuntur, rarò eòusque pertingere possunt. quod nautæ nostri satis experti sunt, nam idcirco mari omnium latissimò Pacifici nomen imposuere.

Nihil præterea notatu dignum hîc occurrit, nisi quod serè omnes subitæ aëris mutationes ( ut quod interdum magis incalescat, vel magis rarefiat, vel magis humefcat quàm pro temporis ratione ) à ventis ortum ducant: non tantùm ab iis qui in eà regione spirant, in quæ hæ mutationes percipiuntur, sed etiam ab iis qui in vicinis, & à diversitate caufarum à quibus generantur. Si enim, exempli gratiâ, dum nos ventum Meridionalem hîc sentimus qui ex causa particulari in viciniâ exortus, non multum caloris secum adducit, interea in locis propinquis alius à Septentrione spiret, qui à loco satis alto vel remoto veniat, materia subtilissima, quam is secum rapit, commodissimè ad nos pertingere & frigus planè insolens efficere poterit. Et hic ventus Meridionalis è vicino tantum lacu progressus, humidissimus esse poterit, quum contra siccior foret, si veniret à locis arenosis quos ultra istum lacum esse suppono. Sique solâ dilatatione vaporum hujus lacus effectus sit, nullâ accedente condensatione aliorum versus Septentrionem, aërem nostrum longè crassiores & magis gravantem reddet, quàm si hac sola condensatione, sine ulla dilatatione vaporum Meridionalium, generaretur. Quibus omnibus si addamus materiam subtilem, & vapores qui in terræ meatibus hærent, mox huc mox illuc latos, quosdam ibi etiam veluti ventos componere, omnis generis exhalationes secum vehentes pro qualitate terrarum per quas labuntur; Et præterea nubes cum ab una regione aëris in aliam descendunt ventum efficere posse, aërem ex alto ad inferiora urgentem, ut mox dicemus; rationes credo omnium motionum habebimus, quæ in aëre notantur.

XIV.  
Omnes serè  
aëris muta-  
tiones pende-  
re à ventis.  
Curque aer  
interdum  
sit frigidus  
& siccus  
flante vento  
humido &  
calido. Mu-  
tationes aë-  
ris à motu  
vaporum  
intra terram  
etiam pende-  
re.

## C A P U T V.

*De nubibus.*

I.  
*Qua sit differentia inter nubem, nebulam & vaporem. Nubes consistere tantum ex aqua guttulis aut particulis glaci: & cur non sint pellucide.*



Ostquam ita consideravimus quâ ratione vapores dilatati ventos efficiant, videndum nunc est quomodo iidem coacti & condensati nebulas & nubes generent. Scilicet quamprimum notabiliter aëre puro minus pellucidi fiunt, si usque ad superficiem terræ descendant, nebulæ dicuntur; sed si in aëre mancant suspensi, nubes appellantur. Et notandum quum motus illorum tardatur, particulæque quibus constant sibi invicem satis propinquæ sunt, ut una aliam attingat, illas jungi, & in diversos exiguos cumulos coire, qui sunt totidem guttæ aquæ vel flocculi glaci; unde fit ut tunc hi vapores aëre puro minus pellucidi evadant. Quippe cum omnino separati in aëre fluctuant, luminis transitum non multum impedire queunt; at coacti possunt: licet enim guttæ aquæ aut glaciæ particulæ, quas componunt, sint pellucidæ; tamen cum singulæ earum superficies aliquot radios reflectant (ut in Dioptrice de cunctis pellucidis corporibus dictum fuit), faciliè tam numerosæ superficies ibi occurrunt, ut omnes vel ferè omnes radios aliò reflectere possint.

II.  
*Quomodo vapores in aqua guttas versantur. Et cur guttæ aquæ sicut accurate rotundæ.*

Et quantum ad guttas aquæ, illæ formantur cum materia subtilis, circa exiguas vaporum partes fusa, non quidem satis virium habet ad efficiendum, ut se extendentes atque in gyrum vertentes, unæ alias loco pellant, sed satis adhuc retinet ad illas complicandas, & omnes quæ se mutuò attingunt jungendas, atque in sphæram glomerandas. Et superficies huius sphæraulæ tota æqualis statim & polita evadit, quia partes aëris illam contingentes, longè aliter quàm partes illius moventur; itemque materia subtilis per poros illius fusa, longè aliter quàm quæ est in aëris poris, ut suprà diximus, de maris superficie verba facientes. Atque ex eadem causâ hæ guttæ exactè rotundæ fiunt; ut enim sæpius notare potuimus, aquam fluminum in vortices agi, ubi aliquid impedit quò minus tam celeriter motu recto procedat quàm incitatio ejus requirit: Ita putandum etiam est materiam subtilem per corporum terrestrium poros, eadem ratione quâ fluvius per intervalla herbarum, in alveo suo crescentium vehitur, labentem,

tem, & liberius ex una aëris parte in aliam meantem, itemque ex una aquæ in aliam, quàm ex aëre in aquam, aut viceversa ex aquâ in aërem, ut alibi notavimus, intra unamquamque guttam circumagi debere, ut & extra in aëre circumfuso, sed aliter hîc quàm illic, & propterea omnes partes ejus superficiei rotundare. Cùm enim aqua sit corpus liquidum, non potest non se ad hanc materiæ subtilis circuitiorem accommodare. Et sine dubio, hoc sufficit ad intelligendum guttas aquæ rotundas accuratè esse, secundum sectiones horizonti parallelas. Nulla enim omnino causa est ob quam una circumferentiæ pars propius, quàm alia non magis ab Horizonte distans, ad centrum guttæ accedat, aut longius ab eodem recedat; cum neque magis neque minus una quàm alia ab aëre prematur, præsertim si tranquillus sit, qualem hîc intelligere oportet. Sed quoniam, si guttas secundum alias sectiones consideremus, dubium esse potest, an non cùm sunt ita exiguæ, ut pondere suo aërem descensui nequeant aperire, planiores & minùs in altitudine, quàm in latitudine crassæ fieri debeant, ut T vel V. Observandum est illas aërem tam à lateribus quàm infra circumfufum habere; atque si pondus earum non sufficiat ad illum quem infra se habent loco movendum, ut descendant, non magis posse illum qui est circa latera, inde pellere, ut in latitudinem diffundantur: Et quum è contra dubitare possimus, an non cùm pondere suo pressæ descendant, aër quem dividunt illas aliquo modo oblongas reddat, ut repræsentantur ad X aut Y: notandum est ipsas aëre undiquaque cingi, atque ideo illum, quem ita dividunt, & cujus locum occupant descendendo, eodem tempore debere supra ipsas ascendere ad replendum spatium quod relinquunt; quod non aliter fieri potest, quàm si juxta ipsarum superficiem fluat, ubi viam magis compendiosam & expeditam inveniet, si globosæ sint quàm si cujuslibet alterius figuræ. Cuivis enim liquet figuram rotundam omnium capacissimam esse, id est, minimum superficiei habere, pro ratione magnitudinis corporis sub ea contenti. Et ita quomodocunque demum illas guttas consideremus, perpetuò rotundæ esse debent, nisi forsan impetus venti aut alia causa particularis obstitit.

Quod ad illarum magnitudinem attinet, pendet ex eo quòd particularis vaporis magis vel minùs ab invicem distent, cùm illas componere

III.  
*Quomodo  
siant parvæ  
vel magnæ.*

ponere incipiunt; itemque ex eo quòd postea magis vel minùs agentur; & denique à copia aliorum vaporum, qui ad illas accedere possunt. Nam initio singulæ guttæ ex tribus tantùm aut quatuor concurrentibus vaporis particulis componuntur: sed statim postea, saltem si hic vapor fuerit satis densus, duæ aut tres ex guttis inde factis, sibi invicem occurrentes in unam coalescunt, & denuò duæ aut tres harum in unam, & ita porrò donec ampliùs concurrere nequeant. Et dum in aëre suspensæ feruntur, supervenientes alii vapores iis adjungi queunt, atque ita illas crassiores reddere, donec urgente pondere in rorem vel in pluviam decidunt.

## IV.

*Quomodo vapores in glaciæ particulas mutantur. Cur hæ glaciæ particule fiant interdum rotundæ & transversales, interdum minutæ & oblongæ, interdum rotundæ & albæ. Et cur hæ ultimæ quibusdam quasi pilis perexiguis recte sint, quidque eas majores aut minores reddat, earumque pilos crassiores vel tenuiores.*

Exiguæ verò glaciæ particule formantur, dum frigus ad eò intensum est, ut vaporum partes à materia subtili iis immixta flecti nequeant. Et siquidem hoc frigus demum guttis jam formatis supervenerit, eas congelat, sphericam quam habebant figuram invariata; nisi ventus satis vehemens simul adfuerit, cujus impulsu, eà parte quæ illi obvertuntur planiores fiant. Contrà verò frigore antequam formari ceperint superveniente, particule vaporis in longum tantùm porrectæ junguntur, & filamenta glaciæ admodum tenuia constituunt. At si medio tempore (quod ut plurimum accidit) supervenerit, partes vaporum paulatim ut plicantur & glomerantur congelati; neque tantùm temporis iis relinquitur, ut satis perfectè ad guttas formandas jungi possint. Atque ita exigui glomi, aut pilule glaciæ fiunt albæ, quia plurimis capillamentis constant, quorum singula superficies distinctas & ab aliis sejunctas habent, licet invicem accumulata implicentur; & hæ pilule circumcirca pilosæ sunt, quia plurimæ semper vaporis partes, quæ non tam citò quàm aliæ flecti & coacervari possunt, erectæ ad illas accedunt, & capillamenta quibus teguntur efficiunt: & prout hoc frigus vel lentius advenit vel celerius, & vapor densior, aut rarior est, hæ pilule etiam majores vel minores fiunt, & capillamenta illas cingentia vel crassiora & simul breviora, vel tenuiora & longiora evadunt.

Atque ex his videmus, duò semper requiri ad vapores in glaciem vel aquam mutandos: nempe ut illorum partes sint tam propinquæ, ut se mutuo contingere queant, & satis frigoris adsit ad illas, dum se ita invicem tangunt, sistendas & connectendas. Non enim sufficeret frigus vel intensissimum, si particule vaporum per aërem sparsæ, tam remotæ essent ab invicem, ut nullo modo jungi possent; nec sufficeret etiam ipsas esse valde vicinas, si tanta esset caloris agi-

tatio,

## V.

*Solum frigus non sufficere ad vapores in aquam aut glaciem vertendos.*

tatio; ut impediret illarum nexum. Ita non semper in sublimi aëre nubes cogi cernimus, licet frigus ibi ad hanc rem perpetuò satis vehemens sit: sed insuper requiritur ut vel ventus Occidentalis, ordinario vaporum cursui obnitens, illos colligat & condenset, in locis in quibus ejus cursus finitur, vel etiam ut duo alii venti, à diversis regionibus flantes, illos medios premant atque accumulent, vel ut alter eorum illos in nubem jam formatam impellat; vel postremò ut ipsi vapores inferiori nubis alicujus parti occurrentes, dum à terra elevantur, sponte ad invicem accedant. Neque etiam perpetuò nebulæ circa nos generantur; licet hyeme quidem aër sit satis frigidus, ætate verò magna satis vaporum copia adsit; sed duntaxat cum aëris frigus & vaporum copia simul concurrunt; quod sæpius vesperti aut noctu accidit, quum dies tepidus & insolatus præcessit. Et frequentius vere quàm aliis anni temporibus, etiam quàm Autumnò, quia tunc major est inæqualitas inter calorem diurnum & nocturnum frigus: frequentius etiam in locis maritimis aut paludosis, quàm in terris longè ab aquâ remotis, aut in aquis longè à terra dissitis; quoniam aqua ibi suum calorem citius amittens quàm terrâ, frigefacit aërem, in quo porrò vapores, quos terræ calidæ & humentes magna copia exhalant, condensantur.

Maximæ autem nebulæ formantur in locis, quibus duorum aut plurium ventorum cursus terminatur. Hi enim venti plurimos vapores eò compellunt, qui vel in nebulas coguntur, si nempe aër in terræ vicinia admodum frigidus est; vel in nubes, si non nisi altior satis frigidus sit iis condensandis. Et notemus aquæ guttas, aut particulas glaciæ ex quibus nebulæ componuntur, valde exiguas esse: Nam si vel tantillum intumescerent, statim ad terram pondere suo deducerentur; adeò ut non amplius nebulam, sed pluviam aut nivem diceremus. Et præterea nullum unquam ventum spirare posse, ubi illæ sunt, quin statim dissipentur, præsertim cum aquæ guttis constant; minima enim aëris agitatio plurimas guttas jungens, singulas intumescere atque in pluviam aut rorem destillare cogit.

*riore nebulas esse solere ubi stat ventus, vel statim ipsas tolli.*

Id etiam insuper circa nubes observandum, illas in diversis à terra distantis produci posse prout vapores altius aut minùs altè eniuntur, antequam satis condensati sint ad illas formandas, unde fit ut plures interdum unas sub aliis latas, & etiam diversis ventis agi-

*Quæ eandem vapores in nubes cogant; & quæ eosdem in nebulas congregent. Quare veris tempore plures nebulæ appareant; & plures in aquis loca quàm in sicca.*

## VI.

*Maximas nebulas aut nubes oriri ex duorum vel plurium ventorum concursu. Aquæ guttas, aut particulas glaciæ, ex quibus nebulæ componuntur, non posse non esse perexiguas. Nulles in aere infe-*

## VII.

*Multas sæpe nubes unam supra aliam existere, præsertim*

*in locis montanosis.*

## VIII.

*Superiores nubes solis particulis glaciæ consistere solent.*


tatas cernamus. Atque hoc imprimis in locis montanis evenit, ubi calor vapores attollens inæqualius quàm alibi agit.

Notandum quoque has nubes, vel saltem harum celsissimas, nunquam ferè ex guttis aquæ componi posse, sed tantum ex particulis glaciæ; Certum enim est, aërem in quo consistunt, frigidior, vel ad minimum æquè frigidum esse, ac est ille qui summis editorum montium jugis incumbit; qui tamen, etiam in media æstate, nives ibi solvi non patitur. Et quoniam vapores quò altius enituntur, tantò plus frigoris ipsos constringentis inveniunt, minusque à ventis premi possunt, propterea ut plurimum, maximè sublimes nubium partes, tantum ex tenuissimis glaciæ capillamentis, longè à se invicem dissitis constant. Deinde paulò inferius glomi hujus glaciæ, admodum exigui & pilosi formantur; & gradatim, adhuc inferius alii paulò majores; & postremò interdum in infimo loco guttæ aquæ colliguntur. Atque aëre quidem omnino placido & tranquillo, vel etiam æqualiter aliquo vento vecto, tam hæ aquæ guttæ quàm particulæ glaciæ satis laxè, & sine ordine dispersæ, ibi morari possunt; ita ut forma nubium, tum nihil à nebula differat.

## IX.

*Nubium superficies à ventis premi, perpoliri & planas reddi. In his planis superficibus globulos glaciæ ex quibus componuntur, ita disponi ut unumquemque sex alii circumstant.*


Sed ut plurimum ventis impelluntur, qui quoniam non tam latè patent, ut omnes earum partes simul cum aëre circumfuso movere possint, supra vel infra feruntur; & illarum superficies radendo, sic premunt ut eas valde planas & læves reddant. Quodque in primis hîc notari debet, omnes exigui nivium glomi, qui in his superficibus inveniuntur, accuratè ita ordinantur, ut singuli eorum sex alios circa se habeant, se mutuo tangentes, vel saltem æqualiter ab invi-



cem distantes. fingamus, exempli gratiâ, supra terram A B ventum spirare ab Occidente D, ordinario aëris cursui reluctantem, aut si maluerimus alteri vento flanti ab Oriente C; Atque hos ventos initio mutuò se stitisse circa spatium F G P, ubi quosdam vapores condensarunt, ex quibus molem confusam effecerunt; dum vires utriusque collatæ & æquales, aërem ibidem tranquillum & placidum reliquerunt. Sæpius enim evenit ut duo venti hac ratione opponantur; quia semper multi diversi eodem tempore circa terram spirant, & singuli eorum rectâ excurrunt, donec alium contrarium sibi obstitentem inveniant.

Sed horum ventorum, quorum unus à C, alius à D, versus P G F spirat, non diu vires paribus momentis ita libratæ ibi manere possunt, eorumque materiâ continuò magis magisque eò affluente; nisi uterque simul cesset (quod rarò fit), fortior tandem vel infra vel supra nubem prorumpit, vel etiam per ejus medium, vel per ambitum, prout via ipsi commodior occurrit; quo ipso nisi alium planè suppressat, ad minimum illum cedere cogit. Ut hîc suppono ventum Occidentalem erumpentem inter G & P, Orientalem coëgisse ut inferiùs transeat ad F, ubi in rorem solvit nebulam, quæ infima pars erat molis P G F: Et consequenter nubem G, quæ

X.  
*Quomodo interdum duo venti diversi, in eodem terra loco simul flantes, unus inferiorem, alius superiorem ejusdem nubis superficiem perpalat.*



fuit pars media ejusdem molis, inter hos duos ventos suspensam, ab his utrinque complanari & lævigari: itemque parvas glaciei pilulas, quæ in ejus superficie tam superiori quàm inferiori reperiuntur, easque etiam quæ in superficie inferiori nubis P, ita ordinari, ut singulæ sex alias circa se habeant æqualiter ab invicem distantes. Nulla enim est ratio quæ illud impedire possit, & naturali-

ter omnia corpora rotunda & æqualia, in eodem plano satis similiter mota, hac ratione disponuntur: ut facile est experimento cognoscere, si margaritas aliquot rotundas ejusdemque magnitudinis filo solutas in vasculi alicujus operculum, quod planum sit confuse projiciamus: hoc enim leniter concusso, vel tantum margaritis flatu impulsis, ut quàm proximè ad invicem accedant, videbimus illas sponte ita disponi.

## XI.


*Circumferentias nubium non idcirco ita perspicui, sed solum esse valde irregulares.*

Sed notemus hîc nos tantum de superficiebus nubium, inferiori & superiori, esse locutos, non verò de lateralibus; quia inæqualis materiæ quantitas, quam singulis momentis venti iis adjicere & auferre possunt, figuram earum ambitus plerumque inæqualem & irregularem facit. Hîc non addo exiguas pilulas glaciæ quæ sunt in interiori nube G, eadem ratione, quâ illæ quæ in superficiebus, ordinari debere; quia non aded manifestè liquet.

## XII.

*Multas interdum glaciæ particulas infranubem aliquam congregari, ibique in variis planis foliorum instar tenuibus ita disponi, ut unaquæque sex aliis æquidistantibus cingatur. Sepe illas quæ in unoquoque sunt plano, separatim ab aliis moveri.*

Sed dignæ consideratione sunt illæ, quæ interdum inferiori ejus superficiæ, postquam jam tota formata est, adhærent. Si enim interea dum illa pendet in spatio G, quidam vapores ascendant è terra, quæ est versus A, qui frigescentes in aëre, paulatim in exiguas glaciæ pilulas concrecant, & per ventum agantur ad L; nullum omnino dubium est, quin hæ pilulæ ita debeant ordina-



*Notandum quoniam etiam integras nubes, ex solis glaciæ particulis sic dispositis componi. Aquæ gut-*

ri, ut singulæ earum sex aliis cingantur, quæ æqualiter illas premant & omnes in eodem plano existant. Atque ita componuntur primò unum folium, sub hujus nubis superficie expansum; deinde aliud sub hoc protensum, & ita alia deinceps, quamdiu nova materia accedit. Præterea quoque notandum, ventum qui inter hanc nubem & terram fertur, fortius in inferius horum foliorum agen-



agentem, quàm in illud quod proximè superiùs illi incumbit; atque adhuc fortiùs in hoc quàm in id quod huic incumbit; & ita porro, illa ducere & singula separatim movere posse, atque hac ratione superficies illorum polire, detritis ab utraque parte capillamentis, quæ exiguis pilulis glaciæ, ex quibus componuntur adhærent. Partem quoque horum foliorum, extra inferius hujus nubis spatium G, propellere & inde transferre potest, velut ad N, ubi nova nubes ex pluribus ejusmodi foliis tota conflatur. & licet hîc tantum pilularum glaciæ fecerimus mentionem, facillimè tamen idem etiam de aquæ guttis intelligi potest; modò ventus non ita sit vehemens, ut collidantur, vel si exhalationes nonnullæ iis circumfusæ, aut, quod frequenter accidit, quidam vapores nondum ad accipiendam aquæ formam dispositi, interjectu suo eas ab invicem separent. Nam alias simul ac concurrunt, plures in unam coeunt, & tam crassæ ac ponderosæ sunt, ut necessariò decendant.

Cæterum quod paulò antè dixi, figuram ambitus cujusvis nubis, maximè plerumque irregularem & inæqualem esse, de iis tantummodò intelligendum quæ minùs spatii in altitudine & latitudine occupant, quàm venti circumlabentes. Aliquando enim tanta vaporum copia in iis plagis, ubi duo aut plures venti occurrunt, hæret, ut illis nec infra nec supra se transitum permittant, sed circa se rotari cogant, & sic nubem valdè magnam forment, quæ ubivis æqualiter per hos ventos pressa, ambitum planè rotundum & lævigatum habet; quæ etiam, cum hi venti sunt paulò calidiores, vel cum à Sole nonnihil ejus superficies incalescit, quâdam veluti crustâ ex plurimis glaciæ particulis compositâ obducitur. Atque hæc crustâ satis crassâ fieri potest, & tamen pondere non obstante, in aëre suspensâ remanere; quoniam à reliqua tota nube sustinetur. Cujus rei memores esse infrâ oportebit, ad ea quæ de parheliis dicentur intelligenda.

XIII.  
*Quarundam maximarum nubium ambitum fieri aliquando circularem, & crustâ glaciæ satis crassâ circumtegi.*

## CAPUT VI.

*De nive, pluvia & grandine.*



Ultra sunt quæ vulgò impediunt, quò minùs statim formatae nubes ex alto delabantur. Nam primò particulae glaciæ, vel aquæ guttæ, quibus constant, valdè exiguæ, & consequenter multum superficiei, pro ratione suæ materiæ habentes, sæpe magis impediuntur

I.  
*Quare nubes solo aëre suffultæ non cadant.*

tur ab aëris resistentia ne descendant, quàm à pondere suo impelluntur. Deinde venti, qui communiter validiores sunt propè terram, ubi materia ex qua constant crassior est, quàm in aëre sublimi, ubi subtilior; quique ideo frequentius ex humili sursum tendunt quàm ex alto deorsum; illas non tantùm suspendere, sed etiam sæpius ultra regionem aëris in qua consistunt, attollere queunt. Idem etiam vapores possunt, qui terrà egressi, aut aliunde venientes, aërem nubibus istis subiectum distendunt, vel etiam solus calor, qui hoc aëre dilatato illas repellit; vel etiam frigus aëris superioris, quod illo compresso nubes sursum attrahit. Et præterea particulæ glaciæ ventis impulsæ, contiguæ quidem evadunt, sed non tamen idcirco omnino uniunter; quinimò corpus adeò rarum, leve atque extensum componunt, ut nisi calor aliquas harum partium liquefaciens superveniat, atque hac ratione illas condenset, ac graviore reddat, vix unquam ad terram descendere possint.

## II.

*Quomodo calor, qui alia multa corpora rarefacit, nubes condenset.*

Sed ut suprà monuimus, aquam congelantem frigore quodammodo dilatari, ita hîc notandum calorem qui alia corpora solet reddere rariora, communiter nubes condensare. Atque hoc in nive experiri licet, quæ planè ejusdem materiæ est ac nubes, nisi quòd jam magis sit condensata. Illa enim in calido loco posita constringitur, & mole valde minuitur, ante etiam quàm ulla aqua ex ea profluat, aut de pondere suo aliquid amittat. Quod accidit quia capillamenta particularum glaciæ ex quibus componitur, cùm sint earundem particularum medio tenuiores, illo faciliùs liquefcunt, & ex parte tantùm liquefcendo, id est, sese hinc & inde inflectendo, ob agitationem circumfusæ materiæ subtilis, amplexatum eunt vicinas glaciæ particulas; non interea relictis iis, quibus ante innectebantur; atque ita efficiunt, ut unæ aliis appropinquent.

## III.

*Quomodo in nubibus particule glaciæ multæ simul in floccos congregentur. Et quomodo isti flocci in nivem, vel pluviam, vel grandinem cadant.*

Sed quia particulæ glaciæ quæ nubes componunt, ut plurimùm longius ab invicem distant, quàm quæ nivem in terra, non ita ad quasdam ex vicinis accedere possunt, quin simul ab aliis quibusdam recedant. Et propterea cùm priùs æqualiter per totum aërem spargerentur, in plurimos deinde exiguos cumulos aut floccos separantur: Suntque hi flocci eò majores, quòd nubes fuit antea densior, & quòd lentius in eam calor egit. Et præterea vento aliquo aut dilatatione totius aëris superioris, supremos horum floccorum priùs quàm inferiores deturbante, his inferioribus quibus descendendo occurrunt adhærent, atque ita majores fiunt, calorque postea illos conden-

densans, & magis magisque graves reddens, facile in terram deducit. Et quum ita non omnino liquefacti descendunt, nivem componunt. Sed si aër per quem transcut sit tam calidus, ut solvantur (qualis hîc apud nos totâ æstate est, & sæpe etiam aliis anni temporibus), convertuntur in pluviam. Interdum etiam accidit, ut ita solutis, aut propemodum solutis, ventus frigidus superveniat, qui eos rursus constringendo in grandinem convertit.

Hæc autem grando varia esse potest. Nam primò si ventus frigidus illam efficiens, guttas aquæ jam formatas deprehendat, globulos glaciei pellucidos & rotundos efficit, nisi quod interdum eâ parte quâ illos impellit aliquantò planiores reddat. Et si floccos nivis ferè solutos deprehendat, sed nondum in aquæ guttas glomeratos, tunc fit illa grando cornuta, cujus figuræ valde diversæ & irregulares esse solent; ejusque grana interdum valde magna sunt, quoniam à vento frigido formantur, qui nivem è sublimi in inferiora præcipitans, plurimos ejus floccos simul compellit, & gelu in unam massam constringit. Atque hîc notandum est hunc ventum dum floccis liquefcentibus appropinquat, pellere in illorum poros calorem, id est, materiam subtilem maximè agitatam & minùs subtilem reliquâ, quæ tunc in aëre circumstante reperitur; quia ipse ventus non tam facilè nec tam citò atque hic calor potest eas pervadere. Eadem ratione, quâ interdum hîc in terra sentimus calorem, qui in domibus est, augeri, cum repentino aliquo vento vel pluvia totus aër exterior subitò refrigeratur.

Calor autem poris horum floccorum ita inclusus, quantum potest ad ipsorum circumferentias, potiùs quàm ad centra accedit; quoniam ibi materia subtilis in cujus agitatione consistit, liberius movetur: & ita eas ibi magis & magis liquefacere pergit, priusquam incipiant rursus in glaciem concrefcere: atque etiam liquidissimæ, id est, maximè agitatæ particularum aquearum, quæ alibi in istis floccis reperiuntur, ad eorum circumferentias accedunt; iis contrà quæ non tam citò possunt liquefcere, circa centra manentibus. Unde fit ut cum exterior superficies cujuslibet grani, ex glacie continua & pellucida constare consueverit, in ejus tamen centro nonnihil nivis sæpe reperiatur, quod hæc grana frangentibus sese offert. Et quia ferè nunquam nisi per æstatem talis grando decedit, ea certos nos reddit, tunc non minùs quàm ipsa hyeme, nubes ex glaciei particulis sive ex nive constare consuevisse. In hyeme autem ejusmodi

gran-

IV.  
*Cur singula grandinis grana interdum sint pellucida & rotunda: Cur aliquando etiam sint una parte depressiora. Quomodo crassiora grandinis grana, quæ irregularis figura esse solent, generantur. Cur interdum solito major assus in ædibus sentiatur.*

V.  
*Cur crassiora grandinis grana in superficie sint pellucida & intus alba. Et cur ferè tantum in æstate decedat talis grando. Quomodo alia grando insit sacchari alia generetur.*

grando rarissimè cadit, vel saltem grana non magna habet, quia tunc tantum caloris, quantum ad illam formandam requireretur, ad nubes usque vix potest pertingere; nisi certè ad nubes, quæ sunt terræ tam vicinæ, ut postquam earum materia liquefacta, aut ferè liquefacta est, cœpitque in pluviam aut nivem delabi, ventus frigidus superveniens, non satis temporis habeat ad illam denuò constringendam, priusquam planè delapsa sit. Si autem nix nondum sit liquefacta, sed tantum aliquantulum emollita, dum ventus illam in grandinem mūtans advenit, minimè sit pellucida, sed alba instar sacchari manet.

## VI.

*Cur ejus  
grana interdum  
sint rotunda. & in  
superficie  
quædam ver-  
sus centrum  
duriora. Cur  
aliquando  
sint oblonga  
& pyrami-  
dis habeant  
figuram.*

Et si flocci hujus nivis exigui sint; nempe pisi instar, aut minores, singuli illorum in granum grandinis satis rotundum mutantur. At si fuerint majores, dissiliunt; atque in plurimagrana, in acutum ut pyramides desinentia, convertuntur. Calor enim eodem momento quo ventus frigidus incurrit, in poros horum floccorum se recipiens condensat omnes illorum partes, easque retrahit à circumferentia versus centrum; quo ipso satis rotundi fiunt: & frigus paulò pòst penetrans & constringens, illos nive multò duriores reddit. Sed quoniam cùm paulò majores sunt, calor inclusus partes illorum interiores adhuc centrum versus agere & condensare pergit; dum exteriora jam indurata & frigore vincta, sequi non possunt; necessariò intrinsecus findi debent secundum plana vel lineas rectas, quæ ad centrum tendunt; & his fissuris magis magisque augescantibus, ut frigus altius penetrat, tandem dissilire ac dividi in plures particulas acuminatas, quæ totidem grandinis grana sunt. Non quidem hîc determinamus, in quot hujusmodi grana singuli flocci dividi possint; ut plurimum tamen videtur in octo ad minimum id fieri debere; forsân etiam interdum accidere posse, ut in duodecim, viginti, vel quatuor & viginti, sed faciliùs adhuc in duo & triginta, & nonnunquam etiam in numerum multò majorem, prout vel majores sunt, vel ex nive subtiliori constant, vel frigus illas in grandinem convertens, vehementius aut velociùs irruit. Et non semel hujusmodi grandinem observavi, cujus grana eandem ferè figuram habebant, quam segmenta globi in octo partes æquales tribus sectionibus, ad angulos rectos se mutuo secantibus, divisi. Deinde alia quoque observavi, quæ longiora & minora, quarta circiter pars illorum videbantur; licèt ob angulos inter condensandum rotundatos & obtusos, figuram propemodum conii sacchari haberent. Item antè,  
vel

vel pòst, vel etiam cum his grandinis granis, vulgò alia rotunda decidebant.

Hæ autem diversæ grandinis figuræ, nihil singulare aut notatu dignum habent, si comparentur cum illa nive, quæ generatur ex parvis globulis seu glomis glaciæ, vi ventorum in formam foliorum, eo modo quo dixi, dispositis. Nam calore exigua capillamenta horum foliorum liquefacere incipiente, primùm, quæ infrà & suprà decutit, ut maximè suæ actioni obvia: pauxillumque illud liquoris, in quod solvuntur, per foliorum superficies diffusum, exiguas inæqualitates ibi occurrentes, omnes replet; atque ita æquè planas & politas illas reddit, ac ex corporum liquidorum sunt, quamvis ibi statim iterum concreseat. Cùm enim tunc calor non vehementior sit, quàm requiritur ut exigua illa capillamenta aëre undique cincta, reliquis integris in aquam solvat; non satis virium habere potest, ad impediendum ne illud pauxillum aquæ, glacialibus his superficiebus illapsum, earum frigore iterum astringatur. Postea hic calor pervadens etiam alia capillamenta, quæ singuli glomi in ambitu, ubi similibus aliis sex cinguntur habent, ea ex iis capillamentis, quæ maximè à sex vicinis globulis sunt remota, indifferenter huc illuc flectit; & hoc ipso iis quæ è regione sex horum globulorum consistunt adjungit. Hæc enim eorundem sex globulorum viciniâ refrigerata, non liquefcunt; sed contrà denuò materiam aliorum sibi junctorum protinus glaciunt. Atque ita sex cuspides aut radii, circa singulos glomos formantur, qui diversas figuras recipere possunt, prout hi glomi magis aut minùs crassi & compressi sunt, capillamenta item densa & longa, calor quo coguntur lentus ac moderatus; prout denique ventus qui hunc calorem comitatur (modò aliquis comitetur) magis aut minùs vehemens est. Et ita frons nubis exterior, qualem videmus ad Z vel M, talis postea evadit, qualem videmus ad O vel Q; & singulæ glaciæ particulæ ex quibus constat, figuram exiguæ rosæ aut stellæ affabrè factam repræsentant.

Ne autem me hæc fingere vel ex levi tantùm conjectura scribere putetis, referam ea quæ proxima hyeme anni 1635, Amstelodami, ubi tunc eram, circa hanc rem observavi. Quarto Februarii, quum dies admodum frigida præcessisset, vesperi paululum pluvix decidit, quæ in glaciem vertebatur simul ac terram contingebat: postea sequuta est grando exigua, cujus grana, quæ ejus magnitudinis erant quam repræsentatam videmus ad H, ejusdem pluvix guttas in aëre

VII.

Quemodo  
nervis parti-  
cula, in stel-  
lulis sex ra-  
diis distin-  
ctas effor-  
mentur.

NB.

Vide fig-  
p-g. seq.

VIII.


Unde etiam  
fiat ut qua-  
dam gran-  
dinis pelli-  
cula grana,  
sex exiguos  
quasi radios,  
ex alioquin

bb

gela-

*nive compos-  
itos circa se  
habeant.*

gelatas arbitrabar. Tamen loco illius figuræ accuratè rotundæ, quam sine dubio hæ guttæ ante habuerant, notabiliter ab una quàm ab altera parte planiores erant; ita ut figuram ferè similem haberent parti oculi nostri, quàm vulgò crystallinum humorem dicimus. Unde ventum, qui tum temporis validissimus & frigidissimus erat, tantùm virium habuisse didici, ut figuram illam guttarum inter glaciandum potuerit immutare. Sed omnium maximè admirabar quædam ex his granis, quæ postrema deciderunt, parvos sex den-



tes circa se habere, similes iis qui in horologiorum rotis, ut videmus ad I. Et hi dentes qui candidissimi, erant sacchari instar, quum contrà grana ex pellucida glacie ferè nigra viderentur, satis testabantur se factos ex nive subtilissimâ, guttis jam formatis aspersâ, quemadmodum plantis pruina adhæret. Atque hac de re certior sum factus ex eo, quòd sub finem nonnulla notavi, quæ circa se habebant innumera exigua capillamenta, composita ex nive pallidiori & subtiliori, quàm illa erat, qua dentes jam memorati constabant. Adeò ut illi comparari posset, eodem modo quo cineres intacti, quibus prunæ flaminâ destitutæ sensim obducuntur, iis qui jam recocti sunt atque in foco cumulati. Ægrè tantummodo poteram conjicere, quidnam in aëre libero, turbantibus ventis, adeò accuratè hos sex dentes formare, & circa singula grana disponere potuisset: donec tandem in mentem venit, facillimè fieri potuisse,

ut

ut ventus nonnulla ex his granis versus aliquam nubem expulserit, eaque infra illam vel ultra suspensa aliquamdiu detinuerit; satis enim ad hoc exigua erant: Atque ibi procul dubio ita disponi debuisse, ut singula sex aliis in eodem plano sitis cingerentur, quia talis est ordo naturæ. Et præterea verisimile esse calorem (quem paulò ante in aëre sublimi fuisse, argumento erat pluvia quam observaram) aliquos ibi vapores excitasse, quos idem ventus compulerat ad hæc grana; ubi in formam tenuissimorum capillamentorum concreti, forsitan etiam aliquid ad eorum librationem contulerant; adeò ut facillimè ibi hæreere potuerint, usque dum alius calor superveniret. Et hoc calore, statim exigua capillamenta unumquodque granum cingentia liquefaciente, exceptis tantùm iis quæ versus centra sex vicinorum granorum respiciebant, quia nempe horum granorum frigus ejus actioni repugnabat; materiam eorum quæ liquecebant, sex acervis aliorum quæ remanserant se miscuisse, iisque hac ratione densioribus redditis & calori minùs perviis, eam ibi rursus congelasse, atque ita hos dentes fuisse formatos. E contrà verò innumera illa capillamenta, quæ notaveram circa aliquot ex iis granis, quæ postremo loco deciderant, isto calore nullo modo contacta fuisse.

Postridie horâ circiter octavâ, aliud præterea genus grandinis, seu potius nivis observavi, de quo nunquam antea audiveram. Parvæ laminæ glaciæ erant, planæ, politæ & pellucidæ, ejus crassitiei cujus esse solet charta cùm paulò densior est, ejusque magnitudinis, quam videmus ad K; sed tam accuratè sexangulares, lateribus tam rectis, & angulis tam æqualibus, ut nihil simile humana industria efficere possit. Statim agnovi has laminas primò exiguos glaciæ globulos fuisse, eo modo dispositos quo antè dixi, & pressos validissimò vento, satis caloris secum rapiente: adeò ut hic calor omnia illorum capillamenta liquefecerit, & humore inde orto omnes eorundem poros ita impleverit, ut eo mox ibi rursus congelato, ex albis quales antea fuerant, omnino pellucidi facti sint. Atque hunc ventum ipsos eodem tempore ita compressisse, ut nullum interjectum spatium remaneret; hoc est, ut nulla in uniuscujusque circuitu esset pars, quæ non aliquem ex sex vicinis attingeret; simulque hunc eundem ventum superficies foliorum, quæ ex his globulis componebantur, super & subter labendo complanasse: Ex quibus omnibus accurata

bb 2


ista-

IX.  
Quare etiam  
interdum  
decidunt la-  
melle glaciæ  
pellucidæ,  
quarum cir-  
cumferentia  
est hexago-  
na.

istarum laminarum figura, non potuit non exsurgere. Supererat tantum nonnulla difficultas in eo quòd hi globuli sic ferè liquefacti & eodem tempore collisi, non cohæsisissent; licèt enim curiosè scrutarer, nunquam tamen duos junctos potui invenire. Mox autem hac etiam in parte mihi satisfeci; advertendo, quâ ratione ventus per aquam labens, assiduè illam agitet, omnesque ejus superficiei partes unam post alteram inflectat, nec illas tamen propterea scabras aut asperas efficiat. Inde enim cognovi ventum, qui procul dubio superficies etiam nubium inflectit, ibique continuò singulas glaciæ particulas paulò aliter quàm vicinas impellit, non permittere illas omnino conglutinari; licèt intèrim illarum ordinem non turbet, & nihilominus exiguas singularum superficies accuratè poliat & complanet: non aliter quàm videmus etiam illum singulas partes undarum, quas in pulvere vel arena interdum format, satis politas efficere.

X.

*Et alie quæ  
squam  
rosæ, vel  
dentatæ ho-  
rologiorum  
rotæ, cir-  
cumferen-  
tiam sex  
crenis, in  
modum se-  
micirculi ro-  
tundatis, in-  
cisam ha-  
bent.*



fas exiguas effundens, omnes sex radiis, instar dimidii circuli rotundatis, insignes, planè quales videmus ad Q; pellucas etiam omnes & planas, ejusdem ferè crassitiei, cujus laminæ illæ superiores, ac suprâ quàm dici potest accuratè dimensas; in medio etiam quarundam punctum album perexiguum animadverti, quasi pede circini quo rotundatæ fuerant, illic impressum. Sed facilè intellexi ab iisdem



dem causis illas fuisse formatas, à quibus laminae glaciei quæ præces-  
serant; hoc tantum excepto, quod vento non tam vehementer pres-  
sa, nec forsan etiam calore tam intenso circumdatae fuerint; ideo-  
que earum cuspides non omnino liquefactæ sint, sed tantum paulò  
breviores evaserint, & in extremitate rotundæ, instar dentium qui  
sunt in horologiorum rotis.

Punctum autem quod in medio quarundam album apparebat, ex  
eo esse mihi facile persuasi; quòd calor is formandis interveniens tam  
moderatus fuisset, ut quamvis ceteras earum partes ex albis omnino  
pellucidis effecisset, non tamen usque ad centra penetrasset, quæ  
ideo alba remanserant. Plures aliæ ejusmodi rotulae postea decide-  
runt, binæ uno axe conjunctæ: vel potius, quoniam isti axes erant  
initio satis crassi, tot exiguas columnas crystallinas dixisses, quarum  
singulae singulis rosis, sex folia habentibus & nonnihil eminentibus  
ultra basin suam, erant exornatae. Sed paulò post minùs crassas alias  
ejusmodi columnas animadverti, rosis itidem aut stellulis, interdum  
æqualibus, interdumque inæqualibus in utraque extremitate exor-  
natas.

Breviores etiam deinde notavi axes, sive columnas; & gradatim  
adhuc breviores, donec tandem stellulae omnino jungerentur, cade-  
rentque duplices, duodecim insignes radiis, satis longis & accuratè  
dimensis, in alijs æqualibus, & in alijs alternatim inæqualibus, ut vi-  
demus ad F & E. Quæ omnia dederunt mihi occasionem existi-  
mandi, particulas glaciei diverforum foliorum, sibi invicem in nu-  
bibus impostorum, faciliùs cohærere, quàm illas plani aut folii ejus-  
dem. Licet enim ventus ut plurimum fortiùs in folia inferiora, quàm  
in superiora agens, paulò celerius, ut jam audivimus, illa moveat: æ-  
qualiter tamen etiam aliquando utrumque folium impellere potest,  
ut ita eodem modo fluctuent: præsertim cum non ultra duo vel tria ita  
sunt una alijs imposita, & tum per oras glomorum ex quibus compo-  
nuntur cribratus, efficit ut ii ex his glomis, qui in duobus aut pluribus  
foliis è regione opponuntur, eundem semper inter se situm servant,  
& velut immoti se mutuo respiciant: licet interim nihilo minùs folia  
undatim agitentur, quoniam eo ipso viam quàm maximè expeditam  
sibi facit. Atque interea calor (viciniâ glomorum, qui in duobus fo-  
liis sunt non minùs impeditus, ne eorum capillamenta directè inter-  
posita liquefaciat, quàm viciniâ eorum qui sunt in eodem) liquefacit  
tantum alia circumcirca: quæ deinde integris juncta, atque cum iis

XI.

*Cur quæ-  
dam ex ipsis  
punctum  
quoddam  
album in  
centro ha-  
beant: &  
binæ inter-  
dum seapo  
exiguæ con-  
junctæ sint,  
etiamque  
alia majo-  
rem esse con-  
tingat.*

XII.

*Cur nonnul-  
lae duodecim  
radiis distin-  
ctæ sint: &  
aliae sed per  
paucos osto  
radios ha-  
beant.*


conglaciata, axes aut columnas illas componunt, quæ hos glomos interea dum in rosas aut stellulas mutantur, conjungunt. Crassitiem autem quam initio in his columnis animadverteram, minimè mirabar; quamvis materiam adhærentium capillamentorum illi producendæ non sufficere satis nossent. Fieri enim potuisse cogitabam, ut quatuor aut quinque foliis super ingestis, calor fortius agens in duo aut tria intermedia (utpote ventis minùs exposita), quàm in superius vel inferius, glomos quibus illa constarent, serè totos liquefecerit; atque ita ex eorum materiâ composuerit has columnas. Neque magis stellas diversæ magnitudinis eodem axe interdum junctas admirabar; quum enim notassem radios majoris semper longiores & acutiores radiis minoris esse, calorem magis intensum circa hanc minorem, quàm circa alteram, magis solvisse & retudisse cuspides radiorum ejus judicabam: atque etiam eandem minorem ex glomo glaci minore potuisse componi. Postremò neque has stellas duplices duodecim radiorum, quæ postea decidebant admirabar; singulas enim earum ex duabus simplicibus sex radiorum compositas judicabam, per calorem, qui fortior intra duo folia, quorum partes erant, quàm extra eadem, exigua capillamenta glaci, quibus necessebantur liquefecerat; atque ita illas conglutinaverat, ut etiam breviores reddidisset columnas, quæ jungebant alias stellas paulò antè mihi visas. In multis autem stellarum millibus, quæ illà die observavi, ne unam quidem, quamvis curiosè inquirerem, potui invenire, quæ plures aut pauciores sex radiis haberet; exceptis paucissimis quæ duodecim, & quatuor aut quinque aliis quæ tantummodo octo habebant. Atque hæ non accuratè rotundæ erant, quemadmodum reliquæ, sed oblongæ; atque omnino tales, quales videmus ad O; unde judicabam illas in conjunctione extremitatum duorum foliorum, vento collisorum formatas, eodem momento quo calor exiguas illorum pilulas in stellas converterat: Nam accuratè figuram habebant, quæ inde naturaliter exsurgit. Atque hæc connexio cùm secundum lineam rectam fiat, non tantum impediri potest fluctuatione, quam venti concitant, quantum illa glorum qui idem folium componunt. Et præterea ipse etiam calor, in oris foliorum dum accedunt ad invicem, major reperitur quàm alibi, adeò ut facilè duos radios cujusque ex stellulis quæ ibi occurrunt, liquefaciat; Et frigus quod huic calori succedit, statim ac duo folia se mutuò contingunt, stellulas istas quatuor tantum radios reliquos habentes unam alteri conglutinat.

Cæte-

Cæterum præter illas stellas pellucidas, de quibus hæcenus loquuti sumus, innumeræ aliæ eadem die omnino albæ instar sacchari deciderunt, quarum quædam eandem ferè figuram, quam pellucidæ habebant, plurimæ autem radios magis tenues & acutos; sæpe etiam divisos, interdum in tres ramos, qui, utroque extremo forinsecus inflexo & medio manente recto, lilium repræsentabant, ut videntur ad R; interdum etiam in plures, plumas, aut folia filicis, aut simile quid

XIII.

*Cur quædam sint pellucidæ, aliæ albæ instar nivis; & quarundam radii sint breviores & in semicirculi formam re-  
tusti, alii longiores & acutiores, ac sæpe in varios ramulos divisi; qui nunc plumulas aut filicis folia, nunc lilii flores repræsentant.*




imitantes. Atque etiam simul cum his stellis multæ aliæ glaciæ particulæ in formam capillamentorum, vel etiam planè informes decidebant; quorum omnium ratio ex dictis manifesta est. Albedo enim stellarum inde erat, quòd calor non penetrasset ad ipsum materiam fundum: ut faciliè agnoscebatur ex eo, quòd omnes quæ valdè tenues erant & exiles, simul etiam essent transparentes. Si verò interdum radii stellarum, quæ albæ erant, non minùs breves atque obtusi essent, quàm earum quæ pellucidæ, non idèò calor eos tantumdem liquefecerat, sed venti vehementiùs compresserant: Et communiter longiores atque acutiores erant, quia defectu caloris minùs soluti. Quando autem hi radii in plures ramos dividebantur, hoc fiebat ex eo, quòd calor exigua capillamenta quibus componebantur, destitueret, cum jam erant in motu ut ad invicem accederent, & priusquam in unum corpus coaluissent. Cumque in tres tantum ramos divisi erant, hoc erat ex eo quòd calor paulò tardiùs excessisset; Et duo

duo exteriores rami extrorsum replicabantur, quia vicinia medii rami frigidiores & magis rigidos, quâ parte illi obvertebantur reddebant; atque ita singuli ex istis radiis, lili figuram assumebant. Reliquæ autem particule glaciæ, quæ non erant sic formatæ in stellas, certum me reddebant, non omnes nubes ex parvis glomis aut pilulis componi, sed multas etiam solis capillamentis confusè junctis constare.

## XIV.

*Quomodo  
istæ nives  
quasi stellu-  
la ex nubi-  
bus delaban-  
tur. Cur ea-  
dentes aëre  
tranquillo,  
majorem ni-  
vis copiam  
præmun-  
ciant; non  
autem ven-  
to flante.*

Causam autem cur hæ stellulæ deciderent, vehementia venti continua totum illum diem perseverans manifestam mihi reddebant: nam judicabam hunc ventum, non posse non lacerare interdum & disturbare folia quæ componebant; statimque illas ab invicem disjunctas, latera in terram inclinare, atque hoc situ faciliè aërem dividentes delabi, quoniam cætera planæ erant, & satis ponderosæ ad descendendum. Si verò interdum aëre tranquillo hujusmodi stellæ deciderent, id accidit vel ob aërem inferiorem, qui condensatus totam nubem ad se trahit, vel ob superiorem qui dilatatus illam deorsum agit, atque eadem opera illas divellit, & propterea major tum nivium copia sequi solet: hoc autem illâ die non contigit. Die verò sequenti flocci nivium delapsi sunt, qui ex innumeris exiguis stellis simul junctis compositi videbantur: verumtamen penitiùs introspectiens, animadverti interiores non tam perfectè formatas esse quàm exteriores, & faciliè ex dissoluta hujusmodi nube, qualem suprà littera G notavimus, ori-



ri potuisse. Postea cessante hac nive, ventus instar tempestatis subito

tò coortus, paululùm albæ grandinis effudit, oblongæ & pertenuis, cujus singula grana sacchari conum exprimebant: & quoniam statim aëris serenitas infecuta est hanc grandinem, in altissima nubium parte generatam judicabam, cujus nives maximè subtiles & capillamentis tenuissimis compositæ erant, quales paulò antè descriptæ sunt. Denique tertiâ inde die nivium parvos globulos aut glaciæ pilulas delabentes videns, magno numero capillamentorum, sine ordine positorum, cinctas, nec quidquam stellis simile habentes, quæcunque priùs de causis harum nivium fueram suspicatus, mihi certa & explorata visa sunt.

Nunc autem, ex iis quæ diximus, facilè intelligitur quâ ratione nubes solis aquæ guttis constantes depluant: nempe vel pondere proprio, cùm guttæ satis crassæ sunt; vel cùm aër inferior recessu, vel superior incurfu illas ad descensum invitat; vel etiam quando plures ex his causis simul concurrunt. Atque inferiori aëre se contrahente, pluvia maximè minuta, & veluti rorans generatur; imò aliquando adedò minuta est, ut sæpissime delabentem non pluviam sed nebulam potius dicamus; magna contrà, seu grandibus guttibus colligitur, quoties nubes solo aëre superiori pressa descendit; sublimis enim illius guttarum primò delapsæ alias in via inveniunt quibus crassescunt.

Imò etiam æstate aliquoties vidi, aëre tranquillo atque æstu vehementi & velut suffocante, hujusmodi pluviam decidisse, antequam ulla nubes appareret. Cujus hæc erat ratio, quòd existente magnâ vaporum copiâ in aëre, qui procul dubio ventis aliunde spirantibus premebantur, ut tranquillitas aëris & densitas ejusdem testabantur, guttæ in quas hi vapores coibant cadendo augescerent, ut formabantur, depluerent.

Nebulæ autem, cùm terra refrigeratur, & aër qui est in ejus poris condensatur, occasionem habent descendendi; tuncque in rorem abeunt, si ex aquæ guttis componantur; & in pruina, si ex vaporibus jam gelatis, seu potius qui gelantur, ut terram contingunt. Atque hoc præsertim noctu aut sub diluculum accidit, quia tunc quàm maximè terra à Sole averfa refrigeratur. Sed ventus etiam sæpissime nebulas solvit; materiamque illarum aliò transferre solet, atque inde rorem aut pruina componere in locis ubi ipsæ non exstiterunt; & tunc videmus hanc pruina plantis non adhærere, nisi câ parte quam ventus tetigit.

XV.

*Quomodo  
pluvia ex  
nubibus ca-  
dat; & quid  
ejus guttas  
seniores  
aut crassio-  
res efficiat.*

XVI.

*Cur inter-  
dum pluvie  
incipiat, an-  
tequam nu-  
bes in calo  
appareant.*

XVII.

*Quomodo  
nebulae in  
rorem vel  
pruinam  
vertantur.*

XVIII.  
*Quæ sit au-  
ra illa ve-  
spertina,  
quæ celo se-  
reno zimiri  
solet.*

Quod ad afflatum illum dies serenos consequentem attinet, qui nunquam nisi vesperi decidit, & solis catarrhis & capitis doloribus agnoscitur, quos in quibusdam regionibus excitat; is constat certis exhalationibus subtilibus & penetrantibus; quæ cum minus volatiles sint quàm vapores, non levantur nisi è regionibus satis calidis, sereno & sudo aëre, & simul ac calore Solis destituuntur, iterum decidunt. Unde fit ut pro regionum diversitate, diversis qualitatibus sit præditus, & multis in locis sit incognitus. Non quidem nego, rorem qui sub vesperam decidere incipit, sæpe isti afflatui comitem esse; sed nego mala de quibus accusatur rori esse adscribenda.

XIX.  
*Unde Man-  
na oriatur.*

Non etiam Manna, nec alii hujusmodi succi, qui noctu ex aëre decidunt, rore vel vaporibus constant, sed exhalationibus solis. Atque hi succi, non modò in diversis regionibus sunt diversi, sed etiam in quibusdam non nisi certis corporibus adherent; quod procul dubio ex eo fit, quòd particulæ quibus constant sint talis figuræ, ut cum iis aliorum corporum necti non possint.

XX.  
*Cur si ros  
mane non  
decidat, plu-  
via sequan-  
tur.*

Cùm ros noctu non decidit, & nebula manè sursum recedens terram omnino siccam relinquit, pluviam brevi sequuturam esse credere licet. Nam hoc vix accidere potest, nisi quum terra noctu non satis refrigerata, vel manè supra modum calefacta, multos vapores expirat; qui nebulam in altum pellentes, efficiunt ut ejus guttæ sibi invicem occurrentes jungantur, atque ita tam crassæ evadant, ut paulò pòst in pluviam decidere cogantur.

XXI.  
*Cur si Sol  
mane luceat,  
cum nubes in  
aëre conspi-  
ciuntur,  
pluviam  
etiam præ-  
nunciet.*

Præfagit etiam venturam pluviam aër nubibus obductus, cum Sol nihilominus in ortu lucidè splendet, hinc enim liquet nullas alias nubes, in vicinia nostri aëris versus Orientem esse, quæ obscent Solis calor, eas quæ supra nos hærent, condenset, vel novos vapores quibus augcantur à terrâ nostrâ attollat. Hæc autem causa cùm matutino tantum tempore locum habeat, si ante Meridiem non pluât, quid in vesperam accidet minimè poterit docere.

XXII.  
*Cur omnia  
pluvia signa  
incerta sint.*

Plura hic addere de multis aliis pluviae signis non libet, quum maximam partem incerta sint. Et si consideremus eundem calorem, qui requiritur ad condensandas nubes, & pluviam inde defundendam, illas etiam dilatare & in vapores mutare posse, qui vel paulatim in aërem evanescent, vel ventos ibi generent; (prout nempe nubium partes magis comprimuntur aut disperguntur, aut calor paulò majorem vel minorem humiditatem adjunctam habet; aut aër circumfusus magis aut minùs dilatatur, vel condensatur;) facillimè judi-

judicabimus omnia illa magis incerta & dubia esse, quàm ut hominum ingenio prænoscí queant; saltem in his regionibus, ubi magna terrarum & marium inæqualitas ventos admodum inconstantes producit: in locis enim ubi certis anni temporibus iidem semper venti recurrunt, haud dubiè pluviz impendentes faciliùs prænoscuntur.

## CAPUT VII.

*De tempestatibus, fulmine, & ignibus aliis  
in aëre accensis.*



Æterum nubes non tantùm ventos generant, cùm in vapores dissolvuntur; sed etiam interdum totæ simul tam subito motu ex alto descendunt, ut omnem subiectum aërem magna vi propellentes, ventum ex eo componant, qui validissimus quidem, sed non diuturnus esse potest: ejusque similem faciliè experiemur, si velo in sublimi aëre ita expanso, ut omnes ejus partes à terra æquidistant, illud totum simul decidere permittamus. Fortes pluviz plerumque hujusmodi ventum antecursores habent, qui manifestè ex alto deorsum agit, & cujus frigus abundè monstrat illum ex nubibus venire, ubi aër communiter frigidior est quàm circa nos.

Atque hic ventus efficit ut hirundines solito humiliùs volantes, pluviz secuturæ præbeant argumentum: certas enim muscas, pabulum illarum, deprimit, quæ abblandiente aëris serenitate, in altum evolare solent. Idem etiam est qui nonnunquam, cùm nubes ad eò parva est, vel tam parum descendit, ut ipse valde debilis vix in aëre libero sentiat, caminis illapsus, cineres & festucas in angulo foci contorquet, ibique parvos quasi turbines excitat, satis mirabiles iis qui eorum causam ignorant, & quos plerumque nonnulla pluvia consequitur.

I.  
*Quomodo nubes suo descensu ventos aliquid quando validissimos efficiant: & cur sæpe maximas & repentinas pluvias præcedat talis ventus.*

II.  
*Cur hirundines solito demissius volantes, pluviam prænunciant: & cur aliquando cineres aut festucas, juxta focum in modum turbine gressant.*

Nube autem descendente, ponderosa admodum & latè diffusa, (qualis faciliùs in vasto mari, quàm alibi colligitur, quum vaporibus æqualiter ibi dispersis, simul ac minima nubes in parte aliqua cogi cœpit, statim etiam se per omnia vicina loca extendit;) necessariò tempestas surgit, tantò gravior quantò nubes major & ponderosior, atque hoc pertinacior quò ex altiori loco descendit. Atque ita vehementes illos turbines generari arbitror, quos *Travados* dicunt,

III.  
*Quomodo fiant ista majores procellæ, quæ voce barbarâ Travados vocant.*

cunt, nautis nostris in longinquis navigationibus maximè formidabiles; præsertim paulò ultra Promontorium Bonæ Spei, ubi vapores magnâ copiâ ex mari Æthiopico surgentes, quoniam est latissimum & Solis radius maximè incalescit, facillimè ventum Occidentalem efficere possunt, qui cursum naturalem (ab Oriente scilicet in Occasum) aliorum, quos mare Indicum emittit sistens, illos in nubem cogit; quæ nubes quoniam oritur ex inæqualitate, quæ est inter hæc duo maria vastissima, & hanc terram quæ etiam est valde lata, multò major evadere debet, quàm illæ quæ in nostris regionibus generantur, ubi tantùm pendent à minoribus istis inæqualitatibus, quæ sunt inter nostras planities, lacus, & montes. Et quia ferè nunquam aliæ nubes in iis locis cernuntur, statim ac nautæ aliquam coire animadvertunt; licèt interdum initio tam parva esse videatur, ut illam Batavi cum bovis oculo compararint, atque indè appellarent; & licèt omnis reliqua aër valde serenus, & desæcatus appareat, nihilominus vela contrahunt & contra magnam tempestatem se muniunt, quæ statim etiam insequitur. Eo quoque majorem illam esse solere existimo, quò minor initio hæc nubes apparuit; cùm enim fieri nequeat satis crassa, ut aërem obscurando sit conspicua, nisi simul etiam fiat satis lata, ita exigua videri non potest, nisi ex eo quòd sit valde remota; & notum est quòd ex altiori loco descendit corpus grave, hòc impetum ejus esse validiorem. Ita hæc nubes sublimis, & subitò magna & ponderosa facta, tota delabitur, magnâ vehementiâ omnem aërem subjectum agens, & tempestatem hoc ipso ciens. Notandum etiam vapores huic aëri immixtos, illâ agitatione dilatari; multos quoque alios Oceanum emittere, ob fluctus suos ita concussos, qui vim venti augentes, & tardantes descensum nubis, diutius tempestatem sævire cogunt.

## IV.

*Quomodo  
ignes Castor  
& Pollux  
vocati gene-  
rentur.*

*Quare ge-  
mini isti  
ignes felices  
augurii olim  
habiti sint,  
num vel  
tres infelices.  
Et cur hoc*

Præterea exhalationes his vaporibus immisceri solent, quæ cùm tam longè ac illi à nube descendente propelli non possint, ob partes minùs solidas, & figurarum magis irregularium, aëris agitatione ab iis separantur: Eodem modo, quo, ut suprà diximus, rusticæ cremorem lactis tundentes, butyrum à sero secernunt. Atque ita hæc exhalationes, hinc & indè in diversos acervos congregatæ, & quàm altissimè possunt, juxta nubem fluctuantes, tandem malis aut funibus navium adhærent; cùm nubes ad finem sui motus accedens, illas eò usque depressit. Et ibi violentâ aëris agitatione accensæ ignes illos componunt, qui Stî Helmi dicuntur, & nautas spe serenitatis brevi futuræ



futurae solantur. Notandum tamen est has tempestates, in fine vehementissimas esse, & interdum plures nubes unas aliis incumbere posse, infra quarum singulas ejusmodi ignes reperiuntur: quod fortè antiquis occasionem dedit, cum unicum viderent, quem Helenam appellabant, illum mali ominis existimandi, quia nempe tunc gravissimum tempestatis impetum adhuc expectabant: Et tum demum illos serenitatem prænunciare credendi, cum duos videbant, quos Castorem & Pollucem vocabant; quippe rarè plures notarunt, nisi fortè cum tempestas ultra solitum vehemens erat; quo tempore interdum tres numerabant, quos ideo etiam mali ominis esse arbitrati sunt. Sed audio, nunc à nautis etiam quatuor aut quinque simul solere observari; forsan quia navigia majora, & plures in iis malos habent, aut quia per loca navigant, ubi exhalationum copia major attollitur. Quid enim in latioribus Oceani partibus accadat, solâ conjecturâ assequi possum, quum numquam in iis navigaverim, nec nisi valde dubias & incertas de ipsis relationes habeam.

*tempore interduum quatuor aut quinque simul in eadem nave conspiciantur.*

Quod autem ad illas tempestates attinet, quæ tonitru, fulgure, turbinibus, & fulmine comitatae esse solent, quarumque nonnulla exempla in terra notare potui; non dubito quin oriantur ex eo quod cum plures nubes, tabulatorum instar, unæ aliis superstratae sunt, interdum contingit, ut

*V. Qua sit causa tonitru.*

superiores magno impetu in inferiores dilabantur: Ut si duabus nubibus A & B è nive rara & maximè expansa compositis, aer calidior circa superiorem A feratur, quàm circa inferiorem B, manifestè liquet calorem hujus aeris illam paulatim condensare & ponderosior



fieri reddere posse: Ad eò ut ex ejus partibus quæ altissimæ sunt, primæ descendentes, alias quæ ipsis in via occurrunt, deturbent & secum rapiant; atque ita omnes simul magno fragore & sonitu, in nubem inferiorem ruant. Eodem modo, quo in Alpibus olim circa mensem Maium me vidisse memini, vi Solis calefactâ nive & ponderosiori redditâ, minimum aeris motum, subito magnas illius moles devol-

visse, quæ in vallibus resonantes, satis bene tonitruum imitabantur.

## VI.

*Cur rarius  
audiat  
hyeme quàm  
æstate. Et  
cur aura ca-  
lida & gra-  
vis vento  
Boreali suc-  
cedens, illud  
prænuunciet.*

Atque hinc liquet quare hyeme rariùs hic apud nos tonet, quàm æstate; tum enim non tam faciliè calor sufficiens nubibus dissolvendis ad superiores usque pertingit. Liquet etiam quare tempore vehementis æstus, quando vento Septentrionali, qui diu non duraverit, calor humens & veluti suffocans denuo succedit, tonitruum postea sequi solet. Hoc enim testatur ventum illum Septentrionalem, ad terram accedendo, calorem inde in illam regionem aeris egisse, in qua nubes sublimiores formantur; ipsumque etiam ventum, postea è vicinia terræ fuisse expulsum, ad illam regionem aeris in qua sunt nubes inferiores; nempe à vaporibus tepidis qui è terra calente egredientes, aerem infimum dilatarunt. Unde fit ut non modò superiores nubes condensari debeant & delabi; sed etiam inferiores adeò raræ atque extensæ remanere, aerisque subiecti dilatatione ita sursum protrudi, ut alias in se cadentes excipiant, ibique sistant, & sæpe etiam ne quid omnino ex iis ad terram usque descendat, impendant.

## VII.

*Cur ejus fra-  
gor tantum  
sit; & unde  
orian-  
tur  
omnes ejus  
differentiæ.*


Notandumque est illum strepitum, qui supra nos ita excitatur, meliùs exaudiri debere, ob aeris circumquaque positi resonantiam, majoremque esse pro copia nivis decidentis, quàm cum ingentes nivium moles è montibus in valles delabuntur. Notandum etiam, ex hoc solo quòd partes nubium superiorum, vel omnes simul decendant, vel una post aliam, vel tardiùs vel celeriùs, vel quòd inferiores majores aut minores, crassiores aut tenuiores sunt, & magis aut minùs obnuntantur, facillimè omnes diversos tonitruum sonos effici posse.

## VIII.

*Quanam  
etiam differe-  
ntia sit inter ful-  
guras, turbinem  
& fulmen; & unde  
fulgure præter  
procedant.  
Curque inter  
terram ful-  
guret cum  
non tonat,  
vel contra.  
Quomodo  
fiunt turbi-  
nes.*

Differentiæ autem quæ sunt inter fulgura, turbines, & fulmina, non dependent nisi à diversa natura exhalationum, quæ in spatio quod duas nubes interjacet reperiuntur, & à modo quo harum nubium superior in inferiorem cadit. Si enim magnus æstus & siccitas præcesserit, atque ita hoc spatium exhalationes copiosas, maximè subtiles & ad concipiendam flammam aptas, contineat, superior nubes ferè tam exigua esse nequit, nec tam lentè descendere, quin impulso aëre inter se & inferiorem medio, fulgur aliquod elidat, id est, flammam levem eodem momento enascentem. Atque ita tum hujusmodi fulgura cernere possumus, nullo omnino tonitruum murmure exaudito, interdum etiam nubibus non ita densis, ut conspici possint. Contrà verò si nullæ in aëre exhalationes inflammationi idoneæ adsint, boatum quon-

quendam tonitrus audire possumus, nullâ coruscatione apparente. Et cum superior nubes, non nisi per partes se mutuò consequentes delabitur, vix quidquam aliud quàm fulgura & tonitrua producit. Sed cum tota simul satis velociter decedit, potest etiam turbines & fulmina generare. Ejus enim extremitates, ut C & D, paulò celerius



quàm ejusdem medium descendunt: quia cum aër illis subjectus minus itineris conficiendum habeat, ut inde egrediatur, quàm ille qui medio subjicitur, facilius is locum cedit; & his ita nubem inferiorem citius contingentibus, multum aëris versus medium includunt, ut hîc videtur in E; statimque postea hic aër magna vi pressus, & expulsus ab eodem nubis superioris medio, quod pergit descendere, viam necessariò sibi facit, vel perrumpendo nubem inferiorem, ut videmus ad F, vel aliquam ex ejus extremitatibus divellendo, ut ad G. Atque ita apertâ hâc nube, magno impetu in terram ruit, unde statim rursus ascendit, se celerrimè circumagendo; quoniam alius aër, aut alia corpora ipsi occurrentia impediunt, ne secundum lineam rectam moveri pergat, æquè velociter ac agitatio ejus requirit; quò fit ut turbinem componat. Et quidem hic turbo sine fulmine & fulgure esse potest, si nullæ sint prorsus in isto aëre exhalationes, ad concipiendam flammam idoneæ.

Sed contrà si satis multæ sint, omnes in unum cumulum coëuntes, & magno impetu simul cum ipso in terram ruentes, incenduntur, & fulmen componunt. Potestque hoc fulmen interdum hominum corpora non lædendo, ipsorum vestimenta comburere, pilosque ad cutem depascere: cum nempe exhalationes quibus constat,

IX.

*Quomodo  
fac fulmen,  
quod interdum  
vestes  
comburit,  
corpore illa-*

*quæ-*


*fo; vel con-  
tra gladium  
liquefaciat,  
vaginâ in-  
sertâ, &c.*

quæque sulphur solent redolere, non aliam quàm oleorum naturam participant; adeò ut levem tantùm flammam nutrant; quæ non nisi corporibus combustioni magis idoneis adhæret. Ut è contrâ, interdum ossa carnibus integris confringere, vel vaginâ illæfâ, gladium liquefacere potest, si hæ exhalationes maximè subtiles & penetrantes, solam falis volatilis, aut aquæ fortis naturam habeant: tum enim sine injuriâ cedentia corpora perlapsum, quidquid resistit comminuit ac diffringit. Ut & aqua fortis, durissima metallorum corpora resolvens, vix quicquam agit in ceram.

## X.

*Quomodo  
etiam lapis  
in fulmine  
generetur:  
& cur sæ-  
pius cadat  
in montes  
vel turres  
quàm in loca  
humiliora.*

Postremò fulmen interdum in lapidem durissimum, omnia obvia rumpentem & disjicientem converti potest, si penetrantibus his exhalationibus, multæ aliæ pingues & sulphureæ immisceantur; præsertim si crassiores etiam adsint, similes ei terræ, quæ in fundis vasorum, in quibus collecta est aqua pluvia, subsidit. Quemadmodum experienciâ discimus, si hujus terræ, nitri, & sulphuris certas partes simul misceamus, misturamque istam incendamus, illam momento temporis in lapidem quandam condescere. Jam verò si nubes à latere dehiscat, ut in G, fulmen obliquo itinere libratum, faciliùs turrium fastigia, vel montium vertex tangit, quàm loca hu-



milia, ut videmus ad H. Nec deest etiam ratio propter quam, cùm nubes infra perrumpitur, sæpius loca edita & eminentia quàm humilia fulmine feriantur. Si enim, exempli gratiâ, nubes B, non magis hic quàm alibi, aliunde disposita sit ad dehiscendum, certum est illam apertum iri in F, ob resistantiam subjæctæ turris.

## XI.

*Cur sæpe*

Nec magis deest ratio, quare singulas vices, quibus tonitru au-  
ditur,

ditur, nonnihil pluvix subito decidentis consequi solet; & quare cum hæc pluvia satis copiose effunditur, postea non multum tonet. Nam si illa vis, quæ superior nubes, in inferiorem decidendo, illam concutit, satis valida sit ad eandem omnino dejicendam, manifestum est, fulmina cessare debere. Et quamvis sæpe sit minor, nihilominus tamen ex ea fere semper aliquos nivis floccos excutit, qui decedentes aëris inferioris calore in pluviam solvuntur.

Denique non sine ratione vulgo creditur, vehementes sonitus, quales campanarum, aut bombardarum, fulminis vim infringere, nam concutiendo nivem, ex quâ nubes inferior constat, illam ad descensum invitat & discutit. Ut ii satis sciunt qui in vallibus ubi moles nivium è montibus cadentium timentur, iter facere sunt assueti. Nam ibi ne quidem loqui aut tussire audent, ne sonus vocis nives commoveat.

Sed ut suprâ notavimus, aliquando sine tonitru fulgurare posse, ita in regionibus aëris, ubi multæ exhalationes detinentur & pauci vapores, nubes ita leves & parum densæ formari queunt, ut aliâ in aliam ex loco satis edito ruente, nullus fulminis sonus audiat, neque tempestas in aëre excitetur, licet plurimas exhalationes convolutas jungant; unde non tantum illæ minores flammæ oriuntur, quæ stellæ cælo cadentes vel trajicientes dici solent, sed interdum etiam globi ignei satis crassi, qui ad terram usque labent, pro quadam specie fulminis alio minus vehementis sumi possunt.

Et præterea quoniam valde varia est & multiplex exhalationum natura, mihi facile persuadeo fieri posse interdum, ut à nubibus compressæ materiam quamdam componant, quæ colore & specie externâ lac, carnem, aut sanguinem, aliquo modo referat; vel quæ subito accensa & combusta fiat talis, ut pro ferro aut lapidibus sumi possit, vel quæ denique corrupta & putrescens, in exigua quædam animalia brevi tempore convertatur. Ut inter prodigia sæpe legimus, ferro, sanguine, locustis aut similibus pluuisse.

Præterea quoque aëre nullis nubibus obducto, exhalationes solo ventorum flatu cogi, atque incendi possunt, præsertim si duo aut plures venti contrarii simul concurrant. Et denique etiam si nulli venti nec nubes adsint, si tantum exhalatio subtilis & penetrans, quæ nempe salis naturam participet, alterius pinguis & sulphureæ poros ingrediatur, hoc ipsum sufficere potest ad tenues quasdam flammæ tam in sublimi, quàm in infimo aëre excitandas.

*singulos sonitus fragores repentina pluvia consequatur; & cum multum pluit non amplius tonet.*

## XII.

*Cur sonitus campanarum, aut bombardarum, vis tempestatis minuat.*

## XIII.

*Quomodo generentur illi ignes qui stella cadentes dicuntur.*

## XIV.

*Quomodo interdum pluit lacte, sanguine, ferro, lapidibus, &c.*

## XV.

*Quomodo fiant stellæ trajicientes; & ignes fatui, atque ignes lamæ.*

das. Nempe quales sunt in sublimi stellæ trajicientes; & hic apud nos, tum ignes illi per aërem volitantes, qui fatui dicuntur, tum alii lambentes dicti, qui puerorum capillis, equorum jubis, hastarum ferro pinguedine aliqua inuncto, vel aliis ejusmodi corporibus adherent. Certum quippe est, non tantum violentam agitationem, sed sæpissime etiam solam diversorum corporum misturam, igni producendo sufficere. Ut videmus in calce aqua conspersa, aut in scæno, si priusquam siccum sit recondatur, & in multis aliis exemplis, quotidie Chymicis occurrentibus.

## XV.

*Cur minima  
sit vis ignis  
contra autem  
fulminis  
maxima.*

Sed omnes isti ignes, si cum fulmine comparentur, valde parum roboris habent; non enim nisi ex mollissimis & maximè glutinosis oleorum partibus componuntur. Et quamvis maximè penetrantes & vividæ salium partes, ad eorum productionem quoque concurrant, tamen hæ aliis permixtæ non manent, sed celerimè in liberum aërem dissiliunt, simul acillas inflammarunt. At è contrà, fulmen præcipuè ex his maximè penetrantibus & vividis constat, quæ violenter pressæ & nubibus illisæ, reliquas secum in terram abripiunt. Atque ii qui norunt, quantâ vi & celeritate polleat ille ignis, qui fit ex nitro & sulphure permixtis; quamque è contrà debilis sit illa flamma, quam pars oleaginea sulphuris à sale aut spiritibus separata potest producere, faciliè illa quæ hic dicta sunt sibi persuaderi permittent.

## XVI.

*Ignes qui  
juxta terram  
generantur  
ali-  
quandiu  
durare possunt;  
qui autem  
in summo  
aere, celerimè  
debere  
extingui.  
Nec ideo  
Cometas, nec  
trabes per  
aliquot dies  
in cælo lu-  
centes, ejus-  
modi ignes  
esse.*

Ignes autem fatui & lambentes diutius durant, aut citiùs evanescent, prout flamma eorum magis aut minùs tenax est, & materia eorum magis aut minùs densa & compacta. Sed illi qui altius in aëre, stellarum instar apparent, non nisi per brevissimam moram durare possunt. Nisi enim materiâ valde rarâ & tenui constarent, proprio pondere in terram deducerentur. Et ideo philosophi optimè illos compararunt ei flammæ, quæ secundum fumum lucernæ recens extinctæ decurrit, cum hæc lucerna ad flammam alterius ab ea nonnihil remotæ rursus accenditur. Sed magnopere miror eosdem postea credidisse cometas, itemque columnas, aut trabes igneas, quæ aliquando in cælo apparent, nihil aliud esse, quàm exhalationes accensas: nam talium phænomenon duratio quæ satis longa esse solet, cum brevissima illa mora, quæ consumendis exhalationibus in aëre pendentibus sufficit, conferri planè non potest.

## XVII.

*Quomodo*

Et quoniam generationem & naturam illorum, in alio tractatu curiose

riose explicare annisum sum; neque illa magis ad Meteora pertinere arbitror, quàm terræ motus & mineralia, quæ plurimi scriptores eò congerunt; iis omissis, non ampliùs hîc loquar nisi de luminibus quibusdam, quæ noctu sereno aëre & tranquillo apparentia, populis otiosis occasionem dant, acies spectrorum in aëre depræliantium fingendi, & victoriam aut cladem partis cui favent, ex eo præfagiendi, prout timor aut spes in animis eorum præpollet. Et quidem quia nulla unquam ejusmodi spectacula ipse nunc vidi, neque me fugit quantum superstitio & ignorantia, relationes quæ de iis fiunt corrumpere soleat & augere; hic satis habeo leviter attingere causas omnes, ex quibus aliquid tale produci posse mihi videtur. Prima est, cum variæ nubes in cælo existunt, tam exiguæ ut totidem milites videri possint, & unæ in alias decidentes, satis multas exhalationes involvunt, ad parva quædam fulgura excitanda, interdumque ignis globulos ejaculandos, & nonnullos sonitus emittendos; quo ipso hi milites configere videntur. Secunda est, cum hujusmodi nubibus in cælo existentibus, non quidem unæ in alias decidunt, sed diversimodè micant, & lumen illud reflectunt, quod coruscationes & ignes alicujus magnæ tempestatis, tam longè inde sævientis, ut ibi ex terra non percipiatur, ad illas usque transmittunt. Tertia denique, cum hæ nubes, aut aliæ quædam magis ad Septentrionem accedentes, à quibus lumen accipiunt, sunt in regione aëris tam excelsa, ut radii Solis jam infra horizontem delitescantis, ad illas possint pervenire. Si enim attendamus ad refractiones & reflexiones, quas duæ aut tres ejusmodi nubes variis in locis sitæ, & lumen unæ ab aliis accipientes efficere possunt, facilè intelligemus non opus esse, ut supra modum excelsæ sint, ad insolitas quasdam luces noctu exhibendas; atque etiam interdum ad efficiendum ut ipse Sol supra nostrum horizontem appareat, eo tempore quo illum infra esse certum est. Sed ista minùs ad hanc priorem hujus tractatus partem videntur pertinere, quàm ad sequentem, in qua de iis omnibus quæ in sublimi aëre, aliter quàm sint apparent, loqui deinceps institui, postquam hætenus omnia, quæ ibidem videntur ut sunt, explicare conatus sum.

*quædam  
præliorum  
simulacra,  
& talia  
quæ inter  
prodigia so-  
lens nume-  
rari, possint  
apparere in  
cælo: & Sol  
etiam noctu  
videri possit.*

## C A P U T V I I I .

*De Iride.*

**I.**  
*Non in va-*  
*poribus, nec*  
*in nubibus,*  
*sed tantum*  
*in aquæ*  
*guttis Iri-*  
*dem fieri.*




Am mira est Iridis natura, & tam curiosè à multis egregiis viris fuit investigata, tamque parum cognita, ut nullam aptiorem materiam eligere possim, ad ostendendum ope Methodi quâ utor, posse perveniri ad nonnullarum rerum scientiam, quam ii quorum scripta ad nos pervenere non habuerunt. Primò, postquam notavi hanc Iridem non tantum in cœlo apparere, sed etiam in aëre nobis vicino, quoties multæ in eo aquæ guttæ à Sole illustratæ existunt; ut in fontibus quibusdam per fistulas aquam ejaculantibus experimur: faciliè mihi fuit judicare, à solo modo quo radii luminis in guttas agunt, atque inde ad oculos nostros tendunt, eam procedere. Deinde quum scirem has guttas rotundas esse, ut suprâ ostensum est, & sive parvæ sive magnæ sint, Iridem semper eodem planè modo in illis repræsentari, statui aliquam valde magnam considerare, ut tantò facilius in ea, quid in singulis contingeret agnoscerem.

**II.**  
*Quomodo*  
*ejus causa*  
*ope globi vi-*  
*srei aquâ*  
*plenius regi*  
*possit.*

Cumque in hunc finem pilam vitream, satis accuratè rotundam & valde pellucidam, aquâ implevissem, deprehendi, Sole, exempli gratiâ, lucente ex parte cæli A F Z, & oculo posito in puncto E, si locarem hanc pilam in regione B C D, partem illius D totam rubram, & multò illustriorem quàm reliquum videri. Et sive propiùs illam adducerem, sive ulteriùs removerem, sive ad dextram sive ad sinistram verterem, vel etiam circa verticem meum rotarem; dummodo linea D E cum altera E M, quæ imaginatione ab oculi centro ad centrum Solis est proferenda, angulum duorum & quadraginta circiter graduum constitueret, pars illa D semper æqualiter rubebat: sed simul ac hunc angulum paulò magis dilatabam, rubor evanescebat, & si contraherem, non ita simul omnis evanescebat, sed antea velut in duas partes, minùs scintillantes dividebatur, in quibus flavus, cæruleus, & alii colores apparebant. Deinde regionem etiam K hujus pilæ respiciens, notavi, factò angulo K E M, duorum & quinquaginta circiter graduum, hanc partem K etiam rubram apparere, sed non tam lucidam ut D: & paulò tantum ampliore eodem angulo factò, alios ibidem colores magis dilutos existere; sed eodem aliquantulum contracto, vel satis multum






tum ampliore facto, illos omnino disparere. Unde manifestè didici, toto aëre ad M hujusmodi pilis, aut earum loco guttis, refero, punctum aliquod admodum rubrum in singulis earum relucere debere; à quibus lineæ educæ ad oculum E, cum lineâ EM angulum duorum & quadraginta circiter graduum constituunt: quales illas suppono quæ litterâ R signatæ sunt; atque hæc puncta simul confiderata, loco in quo consistunt non observato nisi per angulum sub quo videntur, instar circuli continui rubro colore perfusi apparere: & similiter puncta quædam esse debere in iis guttis quæ sunt in S & T, è quibus lineæ ductæ ad E, angulos paulò acutiores cum EM constituunt, à quibus circuli colorum dilutionum

componuntur; atque in hoc primum & principem cœlestem arcum consistere. Deinde eodem modo supponendo angulum MEX, duorum & quinquaginta graduum esse, in guttis X rubrum circum debere apparere, & alios circulos minùs saturo colore imbutos in guttis Y; atque in hoc secundariam Iridem consistere. Et denique in omnibus aliis guttis notatis littera V, nullos ejusmodi colores esse debere.

III.  
*Irideminte-*  
*riorem &*

III. *Irideminte-*  
*riorem &* Postea cū accuratiū examinarem in pila B C D, unde rubeus color in ejus parte D conspicuus oriretur, notavi illum pendere



primariam  
oriri ex ra-  
diis qui ad

primariam à radiis Solis, qui venientes ex A ad B, aquam ingrediendo fran-  
guntur in puncto B, & ibant ad C, unde reflexi ad D, & ibi  
aquam


aquam egrediendo iterum fracti tendebant ad E. Nam simul ac corpus aliquod opacum & obscurum alicui linearum A B, B C, C D, vel D E opponebam, rubicundus color evanescebat; & licet totam pilam, exceptis duobus punctis B & D obnuberem, & corpora obscura ubivis circumponerem, dummodo nihil actionem radiorum A B C D impediret, lucidè tamen ille resurgebat. Postea eodem modo investigata causa rubri illius coloris, qui apparebat in K, inveni illum esse à radiis Solis, qui venientes ab F ad G, ibi refrangebantur versus H, & in H reflexi ad I, rursusque ab I reflexi ad K, tandemque iterum fracti in puncto K, tendebant ad E. Atque ita primaria Iris fit à radiis post duas refractiones & unam reflexionem ad oculum venientibus: secundaria verò à radiis, qui non nisi post duas refractiones & duas reflexiones eodem pertingunt. Ideoque hæc semper alterâ minùs est conspicua.

Sed supererat adhuc præcipua difficultas, in eo quòd etiam si posito alio ejus pilæ situ, radii etiam post duas refractiones & unam aut duas reflexiones, ad oculum possint pervenire; nulli tamen nisi in eo situ, de quo jam locuti sumus, ejusmodi colores exhibeant. Atque ut hanc amolirer, inquisivi an non aliqua alia res inveniri posset, cujus ope colores eodem modo apparerent, ut factâ ejus comparatione cum aquæ guttis, tantò faciliùs de eorum causa judicarem. Et commodum recordatus, per prisma vel triangulum ex Crystallo similes videri, unum consideravi, quale est M N P, cujus duæ superficies M N, & N P sunt omnino planæ, & una in alteram ita inclinata, ut angulum 30 vel 40 circiter graduum contineant; atque ideo si radii Solis A B C, penetrant M N ad angulos rectos, aut scè rectos, ita ut nullam notabilem refractionem vitrum ingrediendo patiantur, satis magnam exeundo per N debeant

oculum perveniunt post duas refractiones & unam reflexionem: exteriori autem sive secundariam ex radiis post duas refractiones & duas reflexiones ad oculum venientibus, quò fiat ut illa sit debiliior.

## IV.

Quomodo etiam ope vitrei prismatis colores iridis videantur.



beant pati. Et testâ alterutrâ ex his superficiebus opaco aliquo corpore, in quo sit angustum foramen, quale est D E, observavi radios per illud foramen transeuntes, atque inde effusos in lineum aut chartam albam F G H, omnes colores Iridis ibi depingere, & quidem semper rubrum in F, & cæruleum seu violaceum in H.

## V.

*Nec figuram corporis pellucidi, nec radiorum reflexionem, nec etiam multiplicem refractionem ad eorum productionem requiri: sed unâ saltem refractione & lumine & umbra opus esse.*

Unde primùm didici, curvaturam superficiæ guttarum, generationi colorum minimè necessariam esse; hæc enim crystal-  
lus superficiem nullam habet, quæ non sit plana; neque anguli magnitudinem sub quo apparent. hic enim permanentibus illis mutari potest: & licet fieri possit ut radii tendentes ad F, jam magis, jam minùs incurventur, quàm euntes ad H, semper tamen qui ad F, rubrum depingent, & cæruleum qui ad H. Neque etiam reflexionem; hic etenim nulla omnino est; Nec denique sæpius iteratas refractiones, quum hic tantummodo unica fiat. Sed judicabam unicam ad minimum requiri, & quidem talem ut ejus effectus aliâ contrariâ non destruat. Nam experientia docet si superficies M N & N P, parallelæ forent, radios tantundem per alteram iterum erectos, quantum per unam frangerentur, nullos colores depicturos. Neque dubitabam, quin & lumen necessarium sit ad horum colorum productionem; sine illo enim nil cernimus. Et præterea observavi umbram quoque aut limitationem luminis requiri: dempto enim corpore opaco quod in N P, colores F G H statim evanescent; atque si satis laxam aperturam D E faciamus, rubrum, croceum & flavum quæ ad F, non latius propterea expanduntur, ut nec viride, cæruleum & violaceum quæ ad H; sed totum spatium intermedium littera G notatum, album remanet.


## VI.

*Unde oriatur colorum diversitas.*

Quibus animadversis intelligere conatus sum, quare hi colores alii sint in H quàm in F: quum tamen refractione, umbra, & lumen, eodem modo in utroque concurrant. Et consideratâ luminis naturâ quemadmodum illam in Dioptrica descripsi, nempe tanquam actionem vel motum materiæ cujusdam valde subtilis, cujus partes tanquam exiguæ sphaerulæ per poros corporum terrestrium devolutæ concipiendæ sunt; agnovi has sphaerulas, pro diversitate causarum, quæ harum motus determinant, diversimodè moveri; & speciatim omnes refractiones, quæ in eandem partem fiunt, illas ita disponere, ut in eandem etiam

etiam partem rotentur : sed quum nullas vicinas ipsis multò celerius aut tardiùs decurrentes habent, motum illarum circulem propemodum motui rectilineo æqualem esse. Quum verò in una parte vicinas habent, quæ ipsis tardiùs decurrunt, & in adversâ alias quæ celerius, vel saltem æquè celeriter, ut in confinio luminis & umbræ contingit; si occurrant


eis quæ tardiùs moventur, eâ parte, secundum quam rotantur, ut accidit iis quæ componunt radium EH, hoc efficere, ut earum motus circularis, motu rectilineo tardior sit : & planè contrarium fieri, si eisdem occurrant parte adversâ, ut accidit iis, quæ componunt radium DF. Quæ ut melius intelligantur, supponamus pilam 1 2 3 4, sic impulsam esse ab V ad X, ut recto tantum motu incedat, & duo illius latera, 1 & 3, æquali celeritate delabantur, usque ad superficiem aquæ



YY, ubi motus lateris 3, quod priusquam aliud istam superficiem contingit, retardatur, non mutato illo lateris 1, unde fit ut tota pila necessariò rotari incipiat, secundum ordinem numerorum 1 2 3. Et præterea imaginemur illam quatuor aliis pilis Q, R, S, T, circumdatam; quarum duæ Q & R, majori vehementiâ quàm illa tendunt versus X, & duæ aliæ S & T minori. Unde liquet, pilam Q urgentem motum lateris 1, & pilam S, remorantem motum lateris 3, rotationem illius augere, neque pilas R & T quidquam obstore; quoniam R ita impulsæ supponitur, ut celerius feratur ad X, quàm illa sequitur, & T, ut minùs celeriter sequatur, quàm illa præcedit. Atque hoc explicat actionem radii DF. Contrà verò, si pilæ Q & R, tardiùs quàm pila 1 2 3 4, ferantur ad X, S autem & T velociùs, R impedit rotationem partis 1, & T illam partis 3; nihil agentibus duabus reliquis Q & S : quo actio radii HE, innotescit. Sed notandum,

cc

quum




quum hæc pila 1 2 3 4 accuratissimè rotunda esse supponatur, facillimè accidere posse, ut quando satis fortiter premitur à duabus R & T, rotationem suam ideo non sistat, sed se vertat in orbem circa axem 2 4, & ita minimo momento mutato situ, deinceps in contrariam partem rotetur secundùm ordinem numerorum 3 2 1. Duæ enim R & T, quæ primæ occasionem se vertendi illi dedere, ut postea perseveret efficiunt; donec hoc motu dimidium circulum impleverit, illæque non ampliùs tardare ejus rotationem, sed contrà augere possint. Cujus rei consideratio difficultatem mihi expedit, quam totius hujus materiæ præcipuam esse existimo.

VII.  
In quo sita  
sit natura  
rubei colo-  
ris. & flavi,  
& viridis,  
& cærulei,  
prout in pri-  
simate vi-  
treo conspi-  
ciuntur: &  
quomodo cæ-  
ruleo rubrum  
miscetur,  
unde fit vio-  
laceus sive  
purpureus.

Et meâ quidem sententiâ, manifestè ex his omnibus liquet, naturam colorum qui pinguntur in F, tantùm in eo consistere, quòd particulæ materiæ subtilis, actionem luminis transmittentes, majori impetu & vi rotari nitantur, quàm secundùm lineam rectam moveri: ita ut qui multò validiùs rotari nituntur, rubicundum colorem efficiant, & qui non nisi paulò validiùs, flavum. Ut contrà natura eorum qui videntur ad H, tantùm in eo consistit, quòd hæ particulæ non tam velociter rotentur, quàm aliàs solent, cùm nulla talis causa earum motui resistit; ita ut viride appareat, ubi non multò tardiùs solito rotantur, & cæruleum, ubi multò tardiùs; & sæpe in extremitatibus hujus cærulei, rutilus

rutilus quidam color ei miscetur, qui fulgorem suum ipsi communicans, in violaceum si-ve purpureum illum mutat. Quod procul dubio ex eo est, quod eadem causa, quæ rotationem particularum materiæ subtilis tardare consuevit, quum tunc satis valida sit ad quasdam invertendas, & earum situm immutandum, earundem rotationem accelerare debeat, dum interim illam aliarum tardat.

Et in his omnibus tam unanimes ratio & experientia conspiciant, ut non putem ullum, ex iis qui ad utramque satis attendent, credere posse naturam colorum aliam esse quàm explicui. Si enim verum est sensum luminis à motu esse, aut ab inclinatione ad motum, cujusdam materiæ oculos nostros tangentis; ut multa passim testantur & manifestum reddunt; certum quoque diversos ejus materiæ motus, alios atque alios sensus in nobis effecturos. Et quemadmodum diversitas alia in his motibus esse nequit, quàm illa jam nobis explicata; ita neque experientia ullam aliam, in eo quem habemus horum motuum sensu, præter illam colorum esse testatur. Et nihil inveniri potest in crystallo MNP, quod colores producere queat, præter modum quo particulas materiæ subtilis, ad linteum, atque inde ad oculos mittit. Unde satis liquere arbitror, nihil etiam præter hoc, in coloribus aliorum corporum quærendum esse: Nam ipsa experientia quotidiana docet, lumen seu album, & umbram seu nigrum, cum coloribus Iridis hîc explicatis, compositioni omnium aliorum sufficere. Neque illam distinctionem Philosophorum probare possum, quâ dicunt, alios colores veros esse, & alios falsos, seu tantummodò apparentes. Quum enim genuina & sola colorum natura sit apparere, contradictio esse videtur, illos apparentes & tamen falsos esse dicere.



VIII.  
*In quo etiam  
aliorum cor-  
porum colo-  
res confi-  
stant; &  
nullos falsos  
esse.*

## IX.

*Quomodo  
in Iride pro-  
ducantur;  
& quomodo  
ibi lumen ab  
umbra ter-  
minetur.  
Cur prima-  
ria Iridis se-  
midiameter  
42 gradibus  
major esse  
nequeat, nec  
secundaria  
semidiamete-  
ter 51 gra-  
dibus minor.  
Curque il-  
lius superfi-  
cies exterior,  
magis deter-  
minata sit  
quàm inte-  
rior; huius  
autem con-  
trà, interior  
magis quàm  
exterior.*

Concedo quidem umbram & refractionem, non perpetuò iis generandis necessarias esse, sed magnitudinem, figuram, situm, corporis colorati vulgò dicti, illorum loco diversimodè cum lumine concurrere posse, ad augendam aut imminuendam rotationem partium materiæ subtilis. Ita ut initio quoque dubitarim, an omnino eadem ratione, quâ in crystallo M N P, colores etiam in Iride generarentur; nullam quippe umbram lumen terminantem ibi notaram, neque dum noram, quare tantum sub certis quibusdam angulis apparerent; donec tandem sumpto calamo, & curiosè singulis radiis, qui in diversa puncta unius guttæ cadunt, ad calculum revocatis; ut discerem sub qualibus angulis, post duas refractiones, & unam aut duas reflexiones, ad oculos nostros venire possint; inveni post unam reflexionem & duas refractiones, multò plures videri posse, sub angulo graduum ab uno & quadraginta ad duo & quadraginta, quàm sub ullo minore, & nullum omnino sub majori apparere. Deinde etiam inveni post duas reflexiones, & refractiones totidem, multò plures ad oculum manare, sub angulo graduum unius & quinquaginta, vel duorum & quinquaginta, quàm sub ullo majori, neque ullum sub minori conspici. Ita ut ab utraque parte umbra lumen terminans adsit; quod lumen infinitas pluvix guttas seò illuminatas permeans, demum ad oculum sub angulo duorum ferè & quadraginta graduum venit; atque ita primariam Iridem generat. Itemque est umbra quæ terminat lumen, sub angulo unius & quinquaginta graduum, aut paulò ampliùs; atque hoc pacto exteriorem arcum producit. Nullos enim luminis radios, aut multò pauciores ab uno objecto quàm ab altero vicino in oculos suos recipere, hoc est, umbram videre. Atque hinc satis perspicuè patet, colores horum arcuum ab iisdem causis esse, à quibus illi qui per crystalum M N P apparent; & semidiameter arcus interioris, duobus & quadraginta gradibus majorem esse non debere; nec illam exterioris uno & quinquaginta minorem. Et denique priorem accuratiùs in exteriori superficie terminatum esse debere, quàm in interiori; & alteram planè contrà; quod accuratè cum experientiâ consentit.

Verùm ut Mathematici videant, an calculus, quo angulos qui hîc à radiis luminis fiunt examinavi, satis sit accuratus, illum hîc placet explicare.

## X.


*Quomodo*

Sit A F D aquæ gutta, cujus semidiameter C D aut A B, in



in tot æquales partes divido, quot radios calculo examinare volo, ut tantundem luminis uni quàm alteri attribuat. Deinde unum horum radiorum speciatim considero, ut ex. gr., EF qui non rectà tendit ad G, sed in F refractus decedit ad K, & inde reflectitur ad N, ubi iterum refractus tendit ad oculum P: vel etiam adhuc semel ab N ad Q reflexus, refringitur in Q versus oculum R. Et ductâ CI ad angulos rectos in FK, ex iis quæ in Dioptrice dicta fuere, cognosco AE, aut HF, & CI illam inter se

*ista Mathematicè demonstratur.*



proportionem habere, per quam aquæ refractione dimetienda est. Adeò ut si HF constet octo millibus partium, qualium AB constat decem millibus, CI constabit 5984 aut circiter; quoniam refractione aquæ paulò major est quàm trium ad quatuor, & quàm accuratissimè illam dimetiendo, invenio esse ut 187 ad 250. Cognitis ita duabus lineis HF & CI, facillimè duos arcus cognosco, FG qui est 73 graduum & 44 minutorum, & FK qui est 106. 30. Deinde subducendo duplum arcus FK, ex aggregato arcus FG, & arcus 180 graduum, hoc est, dimidii circuli, fit 40. 44 pro quantitate anguli ONP; suppono enim ON & EF esse

esse parallelas. Præterea tollendo hos 40. 44 ex FK, fit 65. 46 pro angulo SQR; suppono enim SQ & EF esse etiam parallelas. Atque ita omnes alios radios parallelas ipsi EF, & per omnia puncta quibus divisa est semidiameter CD vel AB transeuntes examinando, tabulam sequentem compono.

Linea HF	linea CI	arcus FG	arcus FK	angulus ONP	angulus SQR
1000	748	168. 30	171. 25	5. 40	165. 45
2000	1496	156. 55	162. 48	11. 19	151. 29
3000	2244	145. 4	154. 4	17. 56	136. 8
4000	2992	132. 50	145. 10	22. 30	122. 4
5000	3740	120.	136. 4	27. 52	108. 12
6000	4488	106. 16	126. 40	32. 56	93. 44
7000	5236	91. 8	116. 51	37. 26	79. 25
8000	5984	73. 44	106. 30	40. 44	65. 46
9000	6732	51. 41	95. 22	40. 57	54. 25
10000	7480	0.	83. 10	13. 40	69. 30

Et facillimè in hac tabula videmus, radios longè plures esse, qui angulum ONP, 40 circiter graduum faciunt, quàm qui minorem; vel SQR 54 circiter, quàm qui majorem. Deinde ut ad huc accuratius horum angulorum quantitatem inveniam, facio tabulam sequentem.

Linea HF	linea CI	arcus FG	arcus FK	angulus ONP	angulus SQR
8000	5984	73. 44	106. 30	40. 44	65. 46
8100	6058	71. 48	105. 25	40. 58	64. 37
8200	6133	69. 50	104. 20	41. 10	63. 10
8300	6208	67. 48	103. 14	41. 20	62. 54
8400	6283	65. 44	102. 9	41. 26	61. 43
8500	6358	63. 34	101. 2	41. 30	60. 32
8600	6432	61. 22	99. 56	41. 30	58. 26
8700	6507	59. 4	98. 48	41. 28	57. 20
8800	6582	56. 42	97. 40	41. 22	56. 18
8900	6657	54. 16	96. 32	41. 12	55. 20
9000	6732	51. 41	95. 22	40. 57	54. 25
9100	6806	49. 0	94. 12	40. 36	53. 36
9200	6881	46. 8	93. 2	40. 4	52. 58
9300	6956	43. 8	91. 51	39. 26	52. 25
9400	7031	39. 54	90. 38	38. 38	52. 0
9500	7106	36. 24	89. 26	37. 32	51. 54
9600	7180	32. 30	88. 12	36. 6	52. 6
9700	7255	28. 8	86. 58	34. 12	52. 46
9800	7330	22. 57	85. 43	31. 31	54. 12

Et

Et hîc videmus maximum angulum  $ONP$  41 graduum & 30 minutorum esse posse, & minimum  $SQR$  51. 54; cui ad-  
dentes aut subducentes 17 circiter minuta pro semidiametro Solis,  
inveniemus 41. 47, pro maxima semidiametro Iridis interioris, &  
51. 37 pro minima exterioris.

## XI.


*Aquæ cali-  
dæ refractionem mino-  
rem esse  
quàm frigi-  
dæ, atque  
idcirco pri-  
mariam Iri-  
dem paulò  
majorem, &  
secunda-  
riam mino-  
rem exhibe-  
re. Et quo-  
modo de-  
monstratur  
refractionem  
ab aquâ  
ad ærem ef-  
fe circiter ut  
187 ad 250.*

Verum quidem est, aquæ calidæ refractionem, refractione frigidæ paulò minorem esse, quod aliquantum hunc calculum mutare potest. Hoc tamen semidiametrum Iridis interioris, non ultra unum aut duos gradus ad summum augere potest; & tum illa exterioris ferè bis tantò minor erit. Quod notatu dignum est; quoniam inde demonstrari potest, refractionem aquæ non multò minorem, neque majorem esse, quàm illam hîc statuimus. Nam si tantillò major foret, radium Iridis interioris minorem 41 gradibus faceret; quum contrà communi errore 45 illi dentur; & si illam satîs exiguam supponamus, ut revera 45 graduum sit, inveniemus illum etiam exterioris non multò majorem 45 gradibus; quum tamen vel ad oculum, interiore multò major videatur. Et Maurolycus, qui (ut puto) primus omnium interiorem 45 graduum se observasse scripsit, alteri 56 circiter attribuit. Unde liquet, quàm parum fidci iis observationibus sit adhibendum, quæ ab ignaris verarum causarum fieri solent.

*Ideoque semidiametrum Iridis 45 graduum esse non posse.*

## XII.

*Cur pars exterior primariæ Iridis, & contrà interior secundariæ sit rubra.*



Cætèrùm facile intellexi, quare rubeus color exterior sit in Iride interiore; & contrà interior in exteriore; Nam eadem causâ, ob quam potius in F, quàm in H conspicitur per crystallinum  $MNP$ , efficit, ut si oculum in lintei locum  $FGH$  transferentes, crystallum respiciamus, rubrum ibi versus partem crassiorem  $MP$  videamus, & cæruleum versus  $N$ . Radius enim rubro colore tinctus, qui tendit versus  $F$ , venit à parte Solis  $C$ , quæ versus  $MP$  crassiorem partem crystalli est sita. Atque ob hanc eandem rationem



Ad hoc tamen etiam requiritur summa aëris tranquillitas, ne vel minimus ventorum flatus, aquæ E superficiem inæqualem reddat; & fortè insuper, ut nubes quædam isti aquæ superincumbat qualis G, quæ impediât ne lumen Solis rectâ ad pluviam tendens, illud quod aqua eò reflectit, supprimat atque extinguat: unde fit ut non nisi rarissimè videatur. Oculus præterea in tali situ respectu Solis & pluviae esse potest, ut videat partem inferiorem circuli, quo integra Iris constat, non videndo superiorem; atque ita ut illum pro Iride inversâ sumamus, etiamsi tunc non versus cælum, sed tantummodo versus terram aut aquam respicientibus appareat.

## XIV.

*Quomodo  
tres Irides  
videri  
queant.*


Quidam etiam mihi narrarunt, tertiam Iridem duas ordinarias cingentem se aliquando vidisse, sed multò pallidiorem, & tantum circiter à secunda remotam, quantum ab illa prima distat. Quod vix accidisse arbitror, nisi forsan quædam grandinis grana, maximè rotunda & pellucida, huic pluviae fuerint immixta: in quibus cum refractio multò quàm in aëre major fiat, arcus cœlestis exterior multò etiam major in illis esse debuit, & ita supra alterum apparere. Interior verò qui ob eandem rationem longè minor debuit fuisse, quàm interior pluviae, fieri potest, ut ob insignem hujus fulgorem ne quidem fuerit notatus, vel ut uterque limbis commissis pro uno fuerit habitus, sed pro uno cujus colores aliter quàm in Iride ordinaria dispositi esse debuerunt.

## XV.

*Quomodo  
aliæ prodigi-  
osæ Irides  
varias figu-  
ras habentes,  
possint  
arte exhiberi.*

Atque hoc in mentem mihi revocat artificium quoddam, ad varia signa in cœlo repræsentanda, quæ valdè mirabilia viderentur iis, qui eorum causas ignorarent. Existimo jam omnes nosse, quo artificio in fonte arcus cœlestis repræsentari possit: nempe, si aqua per exigua foramina A B C, satis altè erumpens, quaquaversum in aëre dispergatur ad R, Sole lucente ex Q; ita ut Q E M jacente in lineâ rectâ, angulus M E R duorum & quadraginta circiter graduum sit, oculus E Iridem planè similem illi, quæ in cœlo apparet videbit. Cui nunc addendum, quædam esse olea, & spiritus sive aquas distillatas, aliosque hujusmodi liquores, in quibus refractio insigniter major aut minor efficitur, quàm in aqua communi; quæ tamen propterea non minùs clara & pellucida sunt, quàm ipsa: Atque ideo plures ordine fistulas disponi posse, quæ aliis atque aliis liquoribus refertæ, magnam cœli partem coloribus Iridis pingerent: Si nempe liquores, quorum refractio esset maxima, spectatoribus proximi ponerentur; & non tam altè in aërem exilirent, ut consp-

ectum



Atum remotiorum impedirent. Ex quibus, quoniam parte foraminum A B C obturatâ, ea pars Iridis R R, quam volumus, evanescit, reliquis omnino inviolatis, facile est intelligere, si eodem modo claudantur & aperiantur appositè, diversa foramina fistularum hos liquores ejaculantium, fieri posse ut ex partes cœli, quæ coloribus Iridis pictæ erunt, figuram habeant nunc crucis, nunc columnæ, nunc cujuspiam alterius rei, quam spectatores admirentur. Ubi tamen fateor nonnullâ industriâ & sumptibus opus esse, ut his fistulis aptissimè dispositis, & liquores admodum altè ejaculantibus, hæ figuræ ex loco valde remoto videri possint, illasque multi homines simul, artificio non detecto conspiciant.

## CAPUT IX.

*De nubium colore & de halonibus, seu coronis, quæ circa sidera interdum apparent.*



Ost illa, quæ de colorum naturâ diximus, non multa credo addenda esse, de iis quos in sublimi videmus. Quantum enim primò ad albedinem, & opacitatem seu nigredinem nubium, ex hoc solo illæ oriuntur, quòd hæ nubes magis aut minùs exponantur astrorum luminis, vel etiam umbræ, tam suæ, quàm aliarum nubium vicinarum. Et duo hîc tantummodo notanda sunt: Quorum primum, superficies corporum pellucidorum, partem radiorum in eas incidentium

I.  
Quam ob  
causam nu-  
bes inser-  
dum migra-  
apparent.  
Et cur nec  
visum con-  
tusion, ne-  
que nix, ne-  
que nubes

*paulo densiores, luminis radios transmittunt. Quam corpora sint alba: & cur spuma, vitrum in pulverem redactum, nix & nubes alba sint.*

reflectere, ut suprà quoque monuimus: unde fit, ut lumen faciliùs ad trium hastarum altitudinem in aquam penetret, quàm per paululum spumæ, quæ tamen nihil præter aquam est, sed aquam plures superficies habentem, quarum prima partem hujus luminis reflectente, secunda aliam, & ita porro, nihil omnino, vel nihil serè, superest, quod ulteriùs pergat: & propterea nec vitrum in pulverem comminutum, nec nix, nec nubes paulò densiores pellucidæ esse possunt. Alterum eorum, quæ hîc observanda, est, etiamsi actio luminosorum corporum in eo tantùm consistat, ut pellant secundùm lineas rectas materiam illam subtilem, quæ oculos nostros attingit, particulas tamen hujus materiæ ut plurimum etiam circulariter moveri, saltem eas, quæ hic sunt in aëre nobis vicino. Eadem ratione, quâ pila se circumvolvit, dum terram tangendo movetur, etiamsi non nisi secundùm lineam rectam fuerit impulsæ. Suntque ea corpora quæ sic efficiunt ut partes materiæ subtilis volvantur æquè celeriter, ac ea quæ secundùm lineam rectam feruntur, quæ alba propriè appellantur: qualia procul dubio sunt illa omnia quæ à sola suarum superficierum multitudine impediuntur, quò minùs sint pellucida: ut spuma, vitrum comminutum, nix, & nubes.

## II.

*Cur cælum appareat cæruleum aere puro, & album aere nubilofo: Et cur mare, ubi ejus aqua altissime ac purissima sunt, cæruleum videatur.*

Unde intelligere possumus, quare cælum serenum & defæcatum, non album sed cæruleum appareat, dummodo sciamus illud ex se ipso nullum planè lumen emittere, maximeque tenebrosum esse appariturum, si nulli omnino vapores, nec exhalationes supra nos essent; Semper autem esse nonnullos, qui radios aliquot ad nos remittunt, hoc est, qui repellunt particulas materiæ subtilis, quas Sol aut alia sidera in illos impulerunt. Et cum hi vapores satis copiosi adsunt, materia subtilis ab unis eorum particulis repulsa, statim aliis occurrit, quæ ejus particulas in gyrum agunt, antequam ad oculos nostros perveniant; quo ipso tunc cælum album appareret. Sed cum è contrà hi vapores valde rari sunt, partiæ materiæ subtilis non satis multis eorum particulis occurrunt, ut æquè celeriter in orbem ac secundùm lineam rectam moveantur: ideoque cælum non nisi cæruleum videri debet, juxta ea quæ de natura colores cærulei paulò antè dicta sunt. Et ob eandem causam aqua marina, ubi admodum alta est & pellucida, cærulea videtur; pauci quippe tantummodo radii ab ejus superficie resiliunt, & nulli eorum, qui illam subeunt, revertuntur.

Hîc



Hic præterea intelligere licet, quare Sole Oriente aut Occidente tota cœli pars in qua est, rubro colore sæpe tingatur: Quod accidit, cum inter illum & nos non tot nubes nec tot nebulæ interjacent, ut radios illius planè excludant, sed tamen adsunt nebulæ nonnullæ quæ impediunt, ne tam facilè isti radii per aërem terræ maximè vicinum transmittantur, quàm per illum, qui paulò ab eà remotior est, & gradatim etiam ne tam facilè per hunc quàm per multò remotiorem. Manifestum enim est, hos radios refractionem in his nebulis passos, partes materiæ subtilis, quam permeant, determinare, ut eodem modo volvantur, quo volveretur pila per terram ex eadem parte labens, ita ut rotatio inferiorum, semper actione superiorum intendatur, quum fortiorem hanc supposuerimus: & novimus hoc sufficere ad rubedinem repræsentandam, quæ postea reflexa à nubibus, quaquaversum per cœlum dispergi potest. Et notandum, hanc rubedinem manè apparentem, ventum prælagire aut pluviam, quoniam hoc testatur paucissimis nubibus ibi in Oriente existentibus, Solem ante Meridiem multos vapores attollere posse, & nebulas, quæ illum exhibent, jam surgere; quum contrà vesperi hæc rubedo serenitatem polliceatur, quia signum est, nullas aut paucissimas nubes in occasu collectas esse; unde fit, ut venti Orientales dominantur, & nebulæ noctu descendant. Non hîc diutius speciali explicationi aliorum colorum, qui in nubibus videntur, immoror: eorum enim causas omnes in iis, quæ jam dicta sunt, satis manifestè contineri existimo.

Sed aliquando circuli quidam sive coronæ circa fidera apparent, de quibus deinceps est agendum. In eo Iridi sunt similes, quod rotundæ sint vel propemodum rotundæ; & semper Solem vel aliquod aliud astrum pro centro habeant: manifesto argumento illas aliqua reflexione aut refractione generari, quarum anguli omnes æquales, vel propemodum æquales sunt. Itemque in eo cum Iride conveniunt, quod interdum sint coloratæ; unde liquet aliquam refractionem & umbram lumen terminantem, ad earum productionem requiri. Sed in eo differunt, quod Iris nunquam appareat nisi pluvie cœlò, ubi videtur, licet sæpius non pluat ubi spectator consistit: hæ autem nunquam conspiciantur ubi pluit. Unde liquet, eas minimè generari per refractionem, quæ fit in aquæ guttis aut grandine, sed per eam quæ in iis stellulis ex glacie pellucidâ compositis, de quibus supra locuti sumus: quippe non aliam causam in nubibus pos-

III.


*Cur sæpe  
Oriente vel  
Occidente  
Sole cælum  
rubeat: &  
ista rubedo  
mane plu-  
viam aut  
ventos, ve-  
speri seren-  
itatem præ-  
nunciet.*

IV.

*Quomodo  
halones vel  
coronæ circa  
Astra pro-  
ducantur:  
& cur va-  
ria sit earum magni-  
tudo. Cur  
cum sunt co-  
loratæ, inter-  
ior circulus  
sit ruber, &  
exterior cæ-  
ruleus. Et  
cur inter-  
dum duæ,  
una intra  
alteram, .*

*apparent,  
& interior  
se maxime  
conspicua.*

sumus invenire, quæ tale quidquam efficiat. Et licet nunquam hujusmodi stellas decidere videamus, nisi frigidiore cælo, ratio tamen nos certos facit, illas quovis anni tempore formari: Quumque etiam calore opus sit, ut ex albis, quales sunt initio, pellucidæ, ut hic effectus requirit, fiant, verisimile est, æstatem iis producendis, hyeme commodiorem esse. Et quamvis hæ stellulæ cum decidunt, planas superficies habere videantur, certum tamen est, illas in medio magis quàm in extremitatibus intumescere: quod etiam in quibusdam oculus deprehendit; & prout tumor ille major aut minor est, hos circulos etiam majores efficit aut minores: diversarum enim procul dubio magnitudinum sunt. Et siquidem, qui sæpius observati fuerunt, diametrum 45 circiter graduum, ut quidam testan-



tur, habuerunt, facile mihi persuadeo convexitatem particularum glacie, quæ illos tantæ magnitudinis efficit, eam esse quam ipsæ frequentissimè habere solent, & fortè etiam quæ est maxima, quam possint acquirere, priusquam omnino liquefiant. Sit ABC ex. gr., Sol, D oculus, EFG plurimæ glacie particularæ, pellucidæ, aliæ juxta alias jacentes; planè quemadmodum esse debent ut in stellulas formentur; & quarum convexitas talis est, ut radius ex. gr.; ex puncto A, ad extremita-

mitatem stellulæ G perveniens, & radius ex puncto C ad extremitatem stellulæ F, refringantur versus D; & ut etiam alii plures radii perveniant ad D, ex iis qui in illas incident, quæ sunt extra circum G G. Manifestum est præter radios A D, C D, & similes, qui rectâ lineâ tendentes, Solem naturali magnitudine repræsentant, alios refractos in E E, aërem comprehensum hoc circulo F F, satis lucidum reddituros, & circumferentiam illius inter circulos F F, & G G, specie coronæ Iridis coloribus variegatæ exhibituros. Ipsum etiam rubrum intrinsecus ad F, & cæruleum extrinsecus ad G visum iri, planè quemadmodum observatur. Et si duo aut plures ordines particularum glaciei congesti sint; dummodò radios solares non ideo planè excludant; illi radiorum qui per duos ordines in stellarum extremitatibus penetrant, bis serè tantundem incurvati, quantum alii qui per unum tantum, alium circum coloratum producent, ambitu quidem priori longè majorem, sed minùs lucidum; ut ita tum duæ coronæ, quarum una alteram cingat, & quarum exterior interiori minùs picta sit, appareant: Ut etiam interdum fuit observatum.

Præterea hîc manifestum est, quare non soleant hæ coronæ apparere circa sidera, dum sunt horizonti valde vicina: nam tunc radii obliquius in glaciei particulas incident, quàm ut illas penetrare possint: Et quare harum colores, coloribus Iridis dilutiores sint; nam per refractiones multò minores efficiuntur; Et quare frequentius illæ circa Lunam appareant, curque etiam interdum circa stellas notentur; nempe cum particulæ glaciei tam parum convexæ sunt, ut illas admodum parvas efficiant. Cùm enim ex reflexionibus & refractionibus tam multis non pendeant, quàm arcus cœlestis, neque etiam lumine egent tam vehementi, ut producantur. Sed sæpe non nisi albæ apparent, non tam ob luminis defectum, quàm quia tunc materia, in qua formantur, non est omnino pellucida.

*etiam circa stellas conspiciuntur. Cur ut plurimum albæ tantùm sint.*

Alias præterea coronas imaginari possemus, quæ ad imitationem arcus cœlestis in aquæ guttis formarentur, primò scilicet per duas refractiones, sine ullâ reflexione: sed nec earum diameter ullâ re determinari potest; nec lumen in iis umbrâ limitatur, quemadmodum postulat colorum productio. Deinde per duas refractiones, & tres aut quatuor reflexiones; sed lumen illarum tum maximè debile, facillimè extinguitur, per illud quod à superficie earundem guttarum resilit;

V.

*Cur non videri soleant circa Astra, cùm oritur vel occidunt. Cur earum colores dilutiores sint quàm Iridis. Et cur sæpius quàm illa, circa Lunam appareant; interdumque*


VI.

*Cur in aquæ guttis, instar Iridis non formantur.*

refilit; unde dubito, an unquam appareant; & calculus docet, diametrum illarum multò majorem esse debere, quàm deprehendatur in iis, quæ vulgò observantur.

VII.  
*Quæ sit  
causa cor-  
narum,  
quas etiam  
interdum  
circa flam-  
mam can-  
dela conspi-  
cimur. Et  
quæ causa  
transverso-  
rum radio-*

Cæterum quantum ad eas attinet, quæ aliquando circa lampades aut candelas apparent, illarum causa non in aëre, sed tantum in oculo quærenda est. Cujus rei æstate proximâ experimentum manifestum vidi. Quum enim noctu navigarem, & totâ illâ vespërâ caput cubito innisus, manu oculum dextrum clausissem, altero interim versus cælum respiciens, candela ubi eram allata est, & tunc aperto utroque oculo, duos circulos, flammam coronantes aspexi, colore tam acri & florido, quàm unquam in arcu cœlesti me vidisse memini. A B est maximus, qui ruber erat in A,




*rum, quos  
aliquando  
ibidem vi-  
demus. Cur  
in his co-  
ronis ex-  
terior am-  
bitus sit ru-  
ber contra  
quam in iis  
quæ appa-  
rent circa  
stellas. Et  
cur refra-  
ctiones, quæ  
in humori-  
bus oculi  
sunt, nobis  
iridicolas*

& cæruleus in B: C D minimus, qui etiam ruber in C, sed albus versus D, ubi ad flammam usque extendebatur. Oculo dextro postea iterum clauso, notavi has coronas evanescere; & contra illo aperto, & sinistro clauso, permanere. Unde certò cognovi illas non aliunde oriri, quàm ex novâ conformatione vel qualitate, quam dexter oculus acquisiverat, dum ipsum ita clausum tenueram, & propter quam non modò maxima pars radiorum, quos ex flammâ admittebat, ipsius imaginem in O, ubi congregabantur, pingebant: sed etiam nonnulli ex iis ita detorquebantur, ut per totum spatium F O spargerentur, ubi pingebant coronam C D, & nonnulli alii per totum spatium F G, ubi coronam A B etiam pingebant. Non determinatè hîc dico; qualis ista conformatio fuerit, plures enim diversæ idem possunt efficere: Ut si tantum una aut duæ perexiguæ rugæ sint in aliqua ex superfi-

ciebus

ciebus tunicarum E M P, quæ ob figuram oculi sint circulares, & *ubique non exhibeant.* centrum habeant in lineâ E O; quemadmodum ibidem etiam sæpe aliæ sunt, secundum rectas lineas extensæ, quæ se mutuò decussant in hac lineâ E O, efficiuntque ut magnos quosdam radios hinc inde sparfos circa faces ardentes videamus: ut etiam si quid opaci occurrat, vel inter E & P, vel alicubi ad latus, modò ibidem circulariter se diffundat. Vel denique si humores aut tunica oculi aliquo modo temperamentum aut figuram mutarint: admodum enim commune est iis, qui oculis laborant tales coronas videre, & non omnibus eodem modo apparent. Superest hîc tantum, ut notemus earum ambitus exteriores, quales hîc sunt A & C, ut plurimum rubros esse, planè contrà quàm in iis, quas circa astra in nubibus pictas videmus. Cujus rei ratio manifesta nobis erit, si consideremus in productione colorum quibus constant, humorem crySTALLINUM P N M, fungi officio ejus prismatis P N M, de quo supra sumus locuti, & retinam F G F, officio lintei albi, radios per hoc prisma



transcentes excipientis. Sed dubitabit fortè quispiam, cùm humor crySTALLINUS hoc possit, cur non eodem modo reliqua omnia objecta quæ cernimus, coloribus Iridis pingat. Quare notandum est, ex singulis objectorum punctis, multos radios ad singula retinæ puncta pervenire; quorum uni cum transeant per partem N humoris crySTALLINI, & alii per partem S, contrario planè modo in illa agunt, & se mutuò destruunt, saltem quantum ad colorum productionem attinet: hic autem eos omnes qui ad partem retinæ F G F perveniunt, non nisi per partem N humoris crySTALLINI transire, ideoque rotationem quam ibi acquirunt posse sentiri. Atque hæc omnia tam

apte cum iis, quæ de natura colorum suprà dixi, conveniunt, ut eorum veritatem non parum mihi videantur confirmare.


## C A P U T X.

## De Parheliis.

I. *Quomodo producantur ea nubes, in quibus Parheliis videntur. Magnum quendam glaciei circulum in ambitu istarum nubium reperiri, cujus superficies æqualis & lævis esse soles. Hunc glaciei circulum crassorem esse solere in parte Soli obversa quam in reliquis. Quid obles, quo minus ista glacies ex nubibus in terram cadas. Et cur aliquando in sublimi appareat magnus circulus albus, nullum fidus in centro suo habens.*



Nterdum & alii in nubibus circuli videntur, differentes ab iis, de quibus diximus, eò quòd tantum albi appareant, neque astrum in centro habeant, sed ipsi ut plurimum Solis aut Lunæ centra permeent, & paralleli aut ferè paralleli horizonti videantur. Sed quia non nisi in magnis & rotundis illis nubibus, de quibus suprà locuti sumus, conspiciuntur, & in iisdem etiam quandoque plures Soles aut Lunæ repræsentantur, conjunctim utrumque hic est expli-




candum. Sit ex. gr., A meridies, ubi Sol consistit, comitatus vento calido tendente ad B; & C Septentrio, unde ventus frigidus etiam ad B nititur. & ibi suppono hos duos ventos, vel invenire, vel cogere nubem, ex glaciei particulis compositam, quæ tam lata est & profunda, ut non possint unus super, alius subter, vel per ejus medium labi, quemadmodum alias solent; sed cursum suum circumcirca tenere cogantur: quâ operâ non tantum illam rotundant; sed etiam qui à Meridie calidus spirat, nivem ejus ambitus paululum liquefacit; quæ statim iterum gelata, tam frigore venti Borealis, quàm

viciniâ nivis interioris nondum liquefactæ, magnum quendam velut annulum, ex glacie continua & pellucida componit; cujus superficies satis polita est, quoniam venti illam rotundantes, admodum uniformes sunt. Præterea etiam hæc glacies crassior est à latere

DEF,

DEF, quod Soli & calidiori vento expositum suppono, quàm à latere GHI, ubi tam facile liquefieri nix haud potuit. Et postremo notandum, hâc aëris constitutione manente, sufficientem calorem circa nubem B vix esse posse, ad glaciem ibi formandam, quin etiam terra subjecta satis calida sit ad multos vapores emittendos, qui totum nubis corpus sursum pellentes, hanc glaciem in aëre suspensam sustineant. Quibus positis facile intelligitur Lumen Solis (quem fatiſ altum versus meridiem esse suppono) undique glaciem DEFGHI illustrans, & inde resiliens in nivem nubis, quam cingit, debere hanc nivem ex terra subjecta spectantibus, instar magni circuli albi exhibere. quinimo etiam ad hoc satis esse, si nubes sit rotunda, & ejus nix paulò densior in ambitu, quàm in medio, licet annulus glaciæ non sit formatus.

Sed quum formatus est, possunt etiam apparere stantibus in terra circa punctum K, usque ad sex Soles, qui circulo albo tanquam annulo totidem adamantes, inserti sint. Primus scilicet in E, ob radios directè fluentes à Sole, quem suppono in A: duo sequentes in D & F, per refractionem radiorum, qui glaciem iis in locis permeant, ubi crassitie illius paulatim decreſcente, introrsum ab utraque parte incurvantur, quemadmodum ii, qui prisma crystallinum, de quo suprà, perlabuntur. Et propterea hi duo Soles in oris rubrum colorem ostentant, eâ parte quâ E respiciunt, ubi glaciæ crassior est: & cæruleum in altera ubi tenuior: quartus in H per reflexionem apparet; duo itidem postremi per reflexionem in G & I: per quæ puncta G & I suppono circulum describi posse, cujus centrum in puncto K, & qui tranſeat per B, nubis centrum; ita ut anguli KGB, & KBG, aut BGA æquales sint; ut & KIB, & KBI, aut BIA. Novimus enim reflexionem semper ad angulos æquales fieri, & hujus glaciæ partes omnes, ex



II.  
Quomodo  
sex Soles di-  
versi in isto  
circulo vi-  
deri possint,  
unus visione  
directâ, duo  
per refra-  
ctionem, &  
tres alii per  
reflexionem.  
Cur itaque  
per refra-  
ctionem vi-  
dentur, in  
una parte  
rubri & cur  
qui per re-  
flexionem,  
albi tantum  
sint & mi-  
nus fulgen-  
tes.

quibus Solis radii possunt versus oculum reflecti, ejus imagini referendæ aptas esse. Sed quoniam recti radii, semper refractis acriores sunt, hi tamen magis adhuc vegeti quàm reflexi, illustrior Sol apparebit in E, quàm vel in D, vel etiam in F; rursusque in D & F illustrior, quàm vel in G, vel in H, vel in I; & hi tres G, H & I nullo colore in oris insignes erunt, ut D & F, sed tantum albidibunt.

## III.


*Cum aliquando tantum quinque, vel quatuor, vel tres conspiciantur. Et cum tres tantum sunt, sæpe non in albo circulo, sed tanquam in alba quadam trabe appareant.*

Jam si spectatores non sint in loco K, sed alicubi viciniore puncto B; ita ut circulus, cujus centrum in illorum oculis statuatur, & qui transeat per B, circumferentiam nubis non secet; duos Soles G & I videre haud poterunt, sed tantum quatuor reliquos. Et si contrà multum recedant ad H, vel paulò ulterius ad C, quinque tantum videbunt, D, E, F, G, & I. Et longè ulterius recedentes, videbunt tantum tres, eosque non amplius albo circulo insertos, sed albâ quâdam veluti trabe trajectos. Itemque manifestum est, si Sol non fatis altus sit supra horizontem, ad illuminandam partem nubis GHI, vel etiam hæc pars nubis GHI, nondum sit planè formata, tres tantum Soles D E F posse apparere.

## IV.

*Quamvis Sol ad conspectum al-*

Caterum hucusque non nisi latitudinem hujus nubis consideravimus; at multa alia in ejus altitudine notanda occurrunt, quæ hîc melius videbuntur, si eam, tanquam si per medium secta esset, exhi-



*tior vel humilior sit isto*

beamus. Primò, licet Sol non sit præcisè in lineâ rectâ, quæ tendit ab




ab E ad oculum K, sed aliquantò altior vel demissior, non ideo minus versus E conspici debet: præsertim si glacies non nimis in altum aut profundum extendatur. Tum enim superficies hujus glaciei tantum curvabitur, ut, ubicunque demum sit, perpetuò serè suos radios reflectere possit ad K. Ut si habeat in sua crassitie figuram comprehensam lineis 1 2 3 & 4 5 6, manifestum est non tantum Sole existente in rectâ A 2, radios illam perlapsos, ire posse ad oculum K; sed etiam si longè inferior sit, velut in linea S 1, vel multò superior, ut in linea T 3; & ita semper illum exhibere, ac si esset in linea rectâ E K. Quum enim annuli glaciei latitudo (quæ secundum nubiis crassitiem sumenda est) non valde magna supponatur, differentia, quæ est inter lineas 4 K, 5 K, & 6 K, non multum in rationem venit.

Notandumque est, hoc efficere posse, ut Sol, postquam jam planè occubuit, rursus appareat; Itemque in horologiis ut umbræ plus iusto accedant, vel recedant, atque ita horam planè aliam, quàm revera est, designent. Veruntamen si Sol multò humilior sit, quàm appareat in E, adeò ut ejus radii etiam per inferiorem glaciei partem ad oculum K ferantur, secundum lineam rectam, qualis est hic S 7 K, quam suppono parallelam lineæ S 1, tunc præter sex Soles jam expositos, septimus infra ipsos apparebit, qui multò magis iis refulgens, umbram quam in horologiis efficere possent, delebit. Eadem ratione, si adeò sublimis sit, ut radios secundum lineam rectam, per superiorem glaciei partem agere possit ad K, ut per lineam T 8 K, parallelam lineæ T 3, & nubes non ita sit opaca, ut illos excludere possit, supra sex alios, septimum Solem videbimus. Si verò glacies 1 2 3, 4 5 6 latius extendatur, usque ad puncta 8 & 7, Sole posito in A, tres, unus supra alterum, ad E poterunt apparere, nempe in punctis S, 5 & 7; & tunc etiam alii tres, unus supra alterum, ad D, & tres ad F poterunt apparere; ita ut usque ad duodecim circulo albo D E F G H I inserti conspiciantur. Item si Sol paulò humilior sit, quàm in S, aut sublimior, quàm in T, tres iterum ad E apparebunt; duo nempe in circulo albo, & infra aut suprâ tertius: Et tum poterunt adhuc duo apparere in D, & duo in F. Nunquam autem memini, tot simul observatos fuisse; neque etiam cum tres, alius supra alium, visi fuerunt, quod sæpius accidit, alios quosdam laterales fuisse conspectos; vel tribus visis qui horizonti æquidistarent, quod etiam satis fre-

*circulo, semper tamen in eo videri.*

V.

*Hæc de causa Solis aliquando conspici possit, cum est infra Horizontem, & umbras Horologiorum retrahere vel promoveri. Quomodo septimus Sol, supra vel infra sex alios videri possit. Quomodo etiam tres diversi, unus supra alium stantes appareant; & quare tunc plures conspici non soleant.*



quens est, alios quosdam suprà vel infrà apparuisse. Cujus ratio sine dubio ex eo pendet, quòd latitudo glaciæ, notata inter puncta 7 & 8; plerumque nullam proportionem habeat, cum magnitudine ambitus totius nubis: adeò ut oculus puncto E admodum propinquus esse debeat, quum hæc latitudo satis magna ipsi apparet, ad tres Soles, alium supra alium, in ea distinguendos: & contrà valde remotus, ut radii fracti in D & F, ubi maximè crassities glaciæ minuitur, ad illum pertingere possint. Et rarissimè accidit, nubem adeò integram esse, ut plures quàm tres simul appareant.

## VI.


*Explicatio  
quarundam  
observationum  
huius  
phenomeni:  
ac præcipue  
illius quæ  
Romæ facta  
est Martii  
20, anno  
1629.*

Fertur tamen Poloniæ Rex anno 1625 usque ad sex vidisse. Et ante tres annos Mathematicus Tubingensis quatuor illos, qui hic literis D, E, F, & H designati sunt, observavit: notavitque inter cætera in scripto quodam, quem eà de re tunc vulgavit, duos D & F rubros fuisse, quâ parte medium, quem verum ille Solem appellat, respiciebant, & cæruleos averâ; quartumque H valde pallidum, & vix conspicuum fuisse. Quod multum confirmat ea, quæ dixi.

Sed observatio pulcherrimâ & maximè omnium memorabilis, quas unquam in hac materiâ vidi, illa est quinque Solium, qui 20 Martii, anni 1629, Romæ apparere, horâ secundâ & tertiâ pomeridianâ. Et ut accuratius percipi possit, an etiam iis, quæ diximus, congruat, iisdem verbis, quibus tum vulgata fuit, illam hic adscribam.

*Ab-*

*A* observator Romanus. *B* vertex loco observatoris incumbens. *C* Sol verus observatus. *AB* planum verticale, in quo & oculus observatoris, & Sol observatus existunt, in quo & vertex loci *B* jacet, ideoque omnia per lineam verticalem *AB* representantur: in hanc enim totum planum verticale procumbit. Circa Solem *C* apparuerunt duae incompletae Irides eidem homocentricae, diversicolores, quarum minor, sive interior



*DEF*, plenior & perfectior fuit, curta tamen sive aperta à *D* ad *F*, & in perpetuo conatu sese claudendi stabat, & quandoque claudebat, sed mox denuo aperiebat. Altera, sed debilis semper, & vix conspicibilis, fuit *GHI*, exterior & secundaria, variegata tamen & ipsa suis coloribus, sed admodum instabilis. Tertia, & unicolor, eaque valde magna Iris, fuit *KLMN*, tota alba, quales saepe visuntur in paraselenis circa lunam. hac fuit arcus excentricus integer ab initio solis per medium incedens, circa finem tamen ab *M* versus *N* debilis & lacer, imo quasi nullus. Caterum in communibus circuli hujus intersectionibus

cum

cum Iride exteriore GHI emerferunt duo parhelia non ufque adeo perfecta, N & K; quorum hoc debilius, illud autem fortius & luculentius fplendefcebat: amborum medius nitor emulabatur folarem, fed latera coloribus Iridis pingebantur; neque rotundi ac præcisi, fed inæquales & lacunofi ipforum ambitus cernebantur. N, inquietum fpectrum, ejaculabatur caudam fpiffam fubigneam NOP, cum jugi reciprocatione. L & M fuere trans Zenith B, prioribus minus vivaces, fed rotundiores & albi, inftar circuli fui cui inhærebant, lac feu argentum purum expri- mentes; quanquam M mediâ tertiâ jam prope difparuerat, nec nifi exigua fui veftigia fubinde præbuit; quippe & circulus ex illa parte defecerat. Sol N defecit ante Solem K, illoque deficiente roborabatur K, qui omnium ultimus difparuit, &c.

CKLM circulus albus erat, in quo Soles quinque apparebant, & imaginandum fpectatorem locatum ad A, circulum hunc interea fupra fe in aëre habuiffe, ita ut punctum B vertici illius incubuerit, ac duos Soles L & M habuerit à tergo, quum alios tres KCN antrorfum objectos videret: quorum duo K & N in oris colorati, nec tam rotundi, neque tam fulgentes erant, quàm qui in C. Unde liquet, illos ex refractione generatos; cum viceverfâ duo L & M, fatis quidem rotundi, fed minùs fulgentes effent, & planè albi, nullo alio colore in extremitatibus permixto. Unde conftat à reflexione illos fuiſſe.


## VII.

Cur quin-  
que tantum  
Soles tunc  
apparue-  
runt. Et cur  
pars circuli  
albi à Sole  
remotior,  
viſa fit ma-  
jor, quàm  
cetera effit.

Et plurimæ cauſæ potuerunt impedire, quò minùs ſextus alius Sol apparuerit in V, quarum omnium tamen maximè veriſimilis eſt, oculum tam propinquum illi fuiſſe; pro ratione altitudinis nubis, ut omnes radii, in glaciem; quæ ibi erat, incidentes, ulterius reſili- rent quàm ad punctum A. Et quàmvis punctum B, non tam propinquum Solibus L & M, quàm centro nubis, hic repræſentetur, hoc tamen non impedit, quin regula, circa locum apparitionis ho- rum Solium, jam à nobis tradita, ibi fuerit obſervata. Cum enim ſpectator vicinior eſſet arcui LVM, quàm aliis circuli partibus, il- lum majorem earum reſpectu, quàm revera erat, debuit judicare. Ac præterea hæ nubes, procul dubio vix unquam accuratè rotundæ exiſtunt, etiamſi tales appareant.

Sed

*Cur unus ex  
istis Solibus  
caudam  
quandam  
subigneam  
habuerit.*



Sed duo adhuc notati digna hinc supersunt, quorum primum est, Solem N, qui versus Occidentem situs erat, figuram mutabilem & incertam habuisse, de seque caudam spissam subigneam ejaculatum esse, quæ mox longior, mox brevior apparebat: Quod procul dubio non aliunde fuit, quàm ex eo quòd imago Solis ita deformata & irregularis erat versus N, ob glaciæ inæqualitatem: Ut eadem sæpe videtur, quum aquæ paululum trementi innatat, aut cùm per vitrum inæqualium superficierum aspicitur. Glaciæ enim verisimiliter aliquantulum in illà parte agitata erat, nec superficies tam regulares habebat, quoniam ibi dissolvi incipiebat: quod circulus albus interruptus, & velut nullus inter M & N, itemque Sol N evanescens ante Solem K, qui roborabatur ut alter deficiebat, satis probant.

Secundum quod hinc notandum occurrit, sunt duæ coronæ, cingentes Solem C, iisdem coloribus quibus arcus cœlestis variegatæ: quarum interior DEF, illustrior & magis conspicua erat, quàm exterior GHI; ita ut minimè dubitem, quin eo modo, quem paulò antè explicui, fuerint generatæ, per refractionem quæ fiebat, non in continua glaciæ, in qua Soles K & N apparebant,

h h

sed

*Cur duæ Co-  
ronæ præci-  
puum Solem  
cingerint;  
& cur non  
semper tales  
coronæ simul*



quò magis obliquè Solis radios transmittunt. Et quoniam cùm formantur in circumferentiâ nubis, vi venti illam circumquaque lambentis, alio situ ibi jacere debent, quàm cùm in plana nubis superficie sive superiori sive inferiori fiunt, accidere potest, ut duæ simul coronæ appareant, una in alterâ, ejusdem ferè magnitudinis, & non accuratè idem centrum habentes.

Præterea quoque accidere potest, ut præter ventos hanc nubem cingentes, alius aliquis infrà vel suprà feratur, qui denuo superficiem aliquam ex glacie ibi formans, alias varietates in hoc phænomeno efficiat. Quod etiam interdum possunt nubes circumjacentes, aut pluvia, si fortè tunc cadat. Nam radii à glacie alicujus harum nubium resiliences, ad pluvix guttas, partes Iridis, diversi admodum situs, ibi repræsentabunt. Et præterea etiam quum spectatores non sunt sub aliqua tali nube locati, verùm à latere inter plures, alios circulos & alios Soles videre possunt. De quibus plura hîc dicere supervacaneum arbitror; spero enim illos, qui omnia satis intelligunt quæ in hoc tractatu continentur, nihil in posterum in nubibus visuros, cujus non facilè causam animadvertant, nec quod pro miraculo sint habituri.

X.  
*Quæ sint  
causæ gene-  
rales alia-  
rum insoli-  
tarum ap-  
parationum,  
quæ inter  
Meteoræ  
censenda  
sunt.*

F I N I S.


*Sequuntur nonnullæ Animadversiones in Dioptricam,*  
*à Clarissimo Viro, D. FRANCISCO*  
*à SCHOOTEN, subornatæ.*

Pag. 105.  
lin. 4.

**Q**Uæ, ut videmus (nempe GI) tantò major est quàm gi, quan-  
 to SL major quàm Sl. Vel ut in Gallico textu, qui hæc cla-  
 rius habet, qui, *comme vous voyez, est plus grand que gi, en*  
*mesme proportion, que la ligne SL surpasse Sl.*] Est enim GI  
 ad SH, ut km ad Sl; & SH, ad gi, ut SL ad KM feu km:  
 quare ex æquo erit in proportionem perturbata \*, ut GI ad gi, sic  
 SL ad Sl.

\* Per 23  
Tertii Elem.  
Euclid.  
Pag. 129.  
lin. 6.

Et in hac re vitrum Ellipticum NOP (quod tam magnum supponimus,  
 ut extremitates illius N & P sint puncta determinantia minimam Ellipsis  
 diametrum) Hyperbolicum QRS superat, licet pro arbitrio magnum sin-  
 gatur.] Etenim cum, per ea, quæ habentur paginis 110 & 117,



O B sit ad CT, sicut GT ad RF, & quadrata ex ND feu  
 DP &



DP & IH seu HK rectangulis OCB seu OTB & GRT  
 seu GFT sint æqualia : erit quoque TD ad NP , ut FH ad  
 IK. Æqualis est igitur angulus NTP angulo IFK, hoc est, an-  
 gulo LHM. Unde cum LH, HM sint Asymptoti Hyperbolæ  
 QRS, & angulus LHM seu QHS \* major sit angulo  
 QTS, hoc est, omni angulo, qui continetur rectis, quæ ex fo-  
 co T ad Hyperbolam QRS duci possunt : erit similiter an-  
 gulus NTP eodem angulo QTS major. Atque adeò plures  
 radii effundentur ex foco T in vitrum Ellipticum NOP, quàm  
 ex foco T in Hyperbolicum QRS, quantumvis id fingatur ma-  
 gnum.

\* Per 21  
 Primi Elem.  
 Euclid.

*Demonstratio eorum, quæ de inveniendâ ratione linearum,  
 vitri refractionem dimetientium, Auctor Pag. 142  
 articulo 2<sup>do</sup> exposuit.*

Cum demonstratio haud inlegans hujus rei à Clarissimo Viro,  
 D<sup>no</sup> Gerardo Gudtschovio, apud Lovanienses Matheseos professore,  
 jam pridem mihi transmissa sit, placuit eam, ipsius vestigiis insisten-  
 do, qualem postea in hunc modum contraxi, Lectori ob oculos  
 ponere.

Ex centro B descripto per punctum P circulo NPTA, du-  
 ctæque recta CBF, secante RP ad angulos rectos in B, demit-  
 tantur in eam perpendiculares AC, TF. quæ, juxta ea, quæ ha-  
 bentur Pag. 61, vitri RPQ refractionem mensurabunt. Tum  
 deductis ex B, P, in EI, BH, perpendicularibus BG, PL,  
 sese secantibus in S : quoniam ex angulis rectis ABG, CBP,  
 ablato communi CBG, relinquuntur æquales ABC, GBP ;  
 sicque triangulorum ABC, GBP latera AB, BP æqualia  
 sint, ut & anguli ACB, ABC, ipsis BGP, GBP : erit quo-  
 que <sup>a</sup> latus AC lateri GP æquale. Porro, quoniam triangula  
 BFT, LBP rectangula sunt ad F & L, & propter parallelas  
 BP, FT angulus BTF <sup>b</sup> æquatur alterno PBT, hoc est, ipsi  
 PBA, sicut & latus BT ipsi BP : erit similiter FT ipsi LB  
 æquale. Jam, eductâ ex O per P rectâ OPV, occurrente ipsi  
 BH productæ in V, cum <sup>d</sup> ex æqualitate triangulorum PBO,  
 PBH, OP æquetur PH, & anguli POI, OPI, ipsis PHV,  
 hh 3 HPV

a Per 26  
 Primi E-  
 lem. Euclid.

b Per 29  
 Primi Elem.  
 Euclid. &  
 constructio-  
 nem.

c Per 26  
 Primi Elem.  
 Eucl.

d Per 4 Pri-  
 mi Elem.  
 Euclid.

fit


e Per 15  
Primi E-  
lem. Eucl.  
f Per 26  
Primi E-  
lem. Eucl.  
g Per 4  
Primi E-  
lem. Eucl.  
h Per Con-  
structionem.  
i Per 32  
Primi E-  
lem. Eucl.

fit communis, erit & itidem, angulus LBP ipsi BVX æqualis. <sup>k Per 32</sup> Erat autem & angulus PSB angulo VHI æqualis. <sup>Primi E-</sup> Quare simili- <sup>lem. Encl.</sup> lia sunt triangula PSB, VHI. Unde erit, ut PS ad SB, ita VH vel OI ad HI. Sed ut PS ad SB, sic est PG ad LB, seu AC ad TF. (quandoquidem similia sunt triangula GSP & LBS: cum sint rectangula, habeantque angulos ad S æquales.) Quocirca erit ut OI ad HI, ita AC ad TF. Quod erat demonstrandum.

*Quod idem non minus concinne Nobilissimus*

D. CHRISTIANUS HUGENIUS sic perfecit.

Triangulo BPI, ut jubet Cartesius, in chartam translato,



ducatur tantum PX ipsi PR perpendicularis, donec occurrat ipsi BI in X: critque PI ad IX ratio seu mensura refractionis quæsitæ.

Ad quod demonstrandum, agatur; ut ante, recta CBF, secans RP ad angulos rectos in B.

Quoniam itaque AB radium refert, qui postquam prismatis superficiem RQ absque refractione penetravit, refringitur in B, tenditque ad I: constat, rationem refractionis, per ea, quæ pag. 61 ostensa sunt, esse eam, quam habet sinus anguli FBX ad sinum anguli ABC. Est autem angulo FBX æqualis angulus BXP;

BXP, & angulo ABC æqualis angulus XPI: quia utrique horum si addatur angulus rectus, constituunt angulos æquales ABP & BPI. Quocirca & sinus anguli BXP ad sinum anguli XPI rationem eam habet, quæ est refractionis. Verùm in triangulo PXI latus PI habet ad latus IX rationem eam, quam sinus anguli PXI sive BXP ad sinum anguli XPI. Patet igitur, PI ad IX esse rationem seu mensuram refractionis quæsitam. Quod erat ostendendum.

F I N I S.



115 3340